



سولدوزون اولدوزلاری

مرند دن جلفایا بیر قطار گئدیر

دوردونجو بؤلوم

باهارين اورتاسى ۱۳۶۳- جو ايل ايدى. بارات ايله نيگار
 اوتوبوسون ايچينده آخشام قارائلىق دوشمه ميشدن تهرانا سارى يولا
 دوشدولر. يولا دوشن كيمى باراتين گۆزلىر آغيرلاشيب، يوخو اونا
 گوج گلهميه باشلادى. بير طرفدن چينلرينده بۇيوك بير آغريلغين
 گۆتورولمه سيني حيس ائديردى، او بيرى طرفدن گلهميه سيني بللى
 اولماديغى اونون فكرينه بير بوشلوق گتيريردى. بئله ليكله، او اؤزونو
 چوخ يونگول دويوردو. هم ده بيليردى كى، اونلار «ائو اوغلو» اوچ
 يولوندان ساغلام كئچمه يينجه اونون بو قضادان ساغلام جانينى
 قورتارماسى بللى دئيلىدير. بير طرفدن ده بارات بيليردى كى، اونون
 نيگارلا بير اولماسى، بو امكانى وئيريدى كى، اونلار ائولى گؤروب،
 اونلاراهنچ شك ائتمه سينلر.

اونلار سولدوزدان «سويوق بولاق» اوچ يولونا يئتيره نه دك
 بارات اؤز دوشونجه لريني طبيعته بوراخميشدى. اونون داها بيره بير
 ذهينده ساخلايب و يئرینه يئتيرمه لى اولدوغو يوزلرله هفته ليك
 تشكىلاتى مسؤلىلر اىندى آرتيق يوخ ايدى. بو بۇيوك مسؤلىلر
 اونون بوينوندان گۆتورولمه سى اونون فيكرين چوخ راحتلاميشدى.
 اونا گؤره فيكرين آزاد بوراخيب، چوخ سربست و يونگول حيس

ئاندىردى. بو آرامش ايچىندە اونلار سولدوزدان ۲۰-۲۵ كىلومىتىر آراسى
اولان «سويوق بولاق» اوچ يولونا يىتىشىدۇ.

بورا بىرىنچى امنىتى مامورلار يىنى تىتىش ائىمە يىرلىرى ايدى.
بارات بىلىردى كى، اورادا تىزە سولدوزدان چىخىب تىرانا گىندن
اوتوبوسلار يىن آختارىشىنى چوخ چىتىن توتموردولار. مامورلار يىن
چوخو سولدوزون كىندلىرىن گىلىشىدۇ. اونلار يالنىز بىر مەخسوس
خىرلىرى اولسايدى، جىدى آختارما آپارادىلار. ايكى پاسدار
اوتوبوسون اىچىنە چىخىب، بىرە بىر ھامىنىن اوزونە باخىب سونرا
گىتىدۇ. بارات بىلىردى، تىكجە گىرك اوزونو ايتىرمەسىن، ھەم دە آرتىق
اوزونە گىجلە دانىشىب گىلسون، يا پاسدارلار يىن لازىم اولسا، دوز
گىزلىرىنە باخاراق، اونلار يىن گىلمەلىرىن نورمال شىكىلدە قارشىلاسىن.

«سويوق بولاق» اوچ يولو قورتولاندىن سونرا بارات چىس ائىدى
كى، اوچ-دۇرد خىرلىرى بىرى اونون قولاغىنىن دىيىندىن كىچىب. اوزونو
بىر آز داھا يونگول چىس ائىدىب ھىچ بىلمەدى كى، نە زامان اونو يوخو
آپارىب و ھاوا قارائلىق اولوب. اوتوبوسون اوزون - اون دۇرد ساعائلىق
بىر يول قارشىسىندا وار ايدى. موسافىرلىرىن دە ھەر بىرى اوز طىبىئىلە
اۆزلىرىنى بو اوزون اوتوبوس يولونا ھاضىرلايدۇلار.

اوتوبوسون اىچىندە كىلىرىن بىر ئىچەسى توخوم چىرتلايدۇلار.
بىر سىراسى ھىجانلا، آنجاق ياواش سەسىلە دانىشىدۇلار، اونلار يىن
چوخو ايسە ساكىت ايلەشىب و اوز روىالارىنا دالىشىدۇلار. بارات آرتىق

بیلیردی کی، آزیندان بیر ساعات اورمیه شهرینه کیمی یول واردیر، او دا اؤزون راحت بوراخمیشدی. بو حالدا هئچ بیلمه‌دی، نه زامان اونو یوخو آپاریب. هئچ بیلمه‌دی نه زامان اوتوبوسون بیردن دایانماسینا ایچه‌ری چیراقلارین ایشیق‌لنماسی و بیر میقدار سه‌سین اوجا اولماسینا یوخودان قالخدی. هئچ بیلمه‌میشدی، نه زامان اونلار اورمیه شهرین کئچمیشلر. اونلار «سالماس» شهرینین یاخینلیغیندا امّیت قوه‌لری دوراقلاریندا ساخلانمیشدی‌لار. اونلاردان سونرا بیر نئچه آیری اوتوبوس دایانمیشدی. بوتون اورمیه‌دن تهران یا تبریز یولوندا گئدن اوتوبوسلار اورادا دایانمالی ایدیلر. اونلارا بیر آراشدیرما آپاریلدیقدان سونرا گئتمه اجازه‌سی وئیلیردی.

بارات گیلین اوتوبوسوندا بیر گنج اوغلانا سربازلیقدان قاچما بهانه‌سیله دولاشیب، اونو ساخلادی‌لار. سربازلیق و خیدمت کاغیدلاری یانیندا اولمایان جاوان اوغلان هر نه قدر اونلارا دئییردی کی، او عسگرلیک قوللوغون بیتیرمیش و هئچ بیر سربازلیق و ساواشدان قاچما سوچو یوخدور، اونا کیمسه اینانمیردی. اونو بیر ساواشدان قاچان شخص کیمی توتوب و بیر داها ساواشا گؤندرمک نیتیه، اوتوبوسدان آشاغی ائندیریردیلر. موسافیرلرین هامیسی اونلارا بیر کسین بیر مارک یاپیشدیرمادیغی اوچون اورکلری راحت ایدی. آما هئچ کس بیر گنج اوغلانین آزادلیقدان محروم اولماسی و بیر داها ساواش جبهه‌سینه گؤندریلمه‌سینه راضی دئییلدی.

همن زامان قاباڤڤکی اوتوبوسلاردان ساخلانمیش و سوروجودن سونرا سوچسوز تاننیمیش بیر نفر اونلارین اوتوبوسلارینا میندیریلدی کی، اونو دا تهرانا آپارسینلار. بو حسابلا بیزیم اوتوبوسدان بیرى ائندیریلدی، بیر آیریمی دا قاباڤڤکی اوتوبوسلاردان میندیریلدی. یتنه ده اوتوبوسون ایچینه گلن «پاسدارلار» باراتا هئچ بیر شک ائتمه ییب و اونلارین اوتوبوسلاری یولا دوام ائتدی. یتنه گلن اوغلان قورخودان قورتولاندان سونرا هیجانلانیب و اوجا سه سهله اؤزونون سوچسوز اولماسی ایله باغلی دانیشیردی. او زامان آرادا مامورلارا یومشاق یامان دئییردی. او حؤکومت باشیندا کیلاری یوخ، بو کفایتسز مامورلاری وضعیتین خراب اولماسیندا مسؤل تانییردی. دؤره ده اوتورانلاردان آرتیق اورکلی اولانلار اونلارا سهس وئریردیله. باشی آغریمایان بارات آنجاق سوساراق باخیردی.

باراتین بوتون قورخوسو «ائو اوغلو» دوراغیندان ایدی. او بیلیردی کی، بو دوراقدان آختاریشی هر یئردن چتین توتوردولار، بیر ده اورادان قورتولاندان سونرا اگر بیر امنیتی دوراق دا اولسایدی، چوخ چتین بیر شئی دئییلدی. «سالماس» شهریندن «ائو اوغلو» دوراغینا کیمی بلکه ایکی ساعات یول اولاردی. باراتین نه اینکی یوخوسو قاچمیشدی، بلکه بیر آز دا باشی بو اولایلاردان آغریماغا باشلامیشدی. او بیلیردی کی، سولدوزدان قاچمانین لاپ بو چتین نقطه سینه یاخینلاشیر. بورادا توتولماق ایشکنجه، اولوم و عایله سینین داغیلماسی

دئمکدیر. او بیرری طرفدن، آزاد کئچمک، آزادلیق یولوندا چالیشماغا یاشایاراق دوام ائتمک دئمکدیر.

زامان آرتیق چوخ یاواش گندیردی. بو ایکی ساعات قورتولماغا گلمیردی. بارات «سالماس» شهریندن «خوی» شهرینه قدر یولون اوزانماسینا اینانا بیلمیردی. نهایت، نه قدر ده یول اوزون اولسایدی، اوزاقدان «ائو اوغلو» دوراغنین ایشیقلاری گؤرونودو. اوتوبوسلار دا بونا بنزر بیر «کاروانسرا»دا ساخلا بیرلار، عادت اولاراق دایانیب و اؤز نوبه لرین گؤزله بیردیله کی، پاسدارلار تفتیش ائدیپ، اونلاری بوراخسینلار. بارات دؤره یه باخدی. اون دنه اوتوبوس اورادا اولاییلردی کی، بعضیلری ایندیجه گلیمشیدی، او بیریلری حاضیرلا شیردیله، یوللارینا داوام ائتسینلر. شوفر شاگیردلی تئز یئره دوشوب، تهیرلری گۆپسه بیردیله. اونلار بوش بوشونا اؤزلرین اوتوبوسون دؤره سینده مشغول ائتمیشدیله. هردن سو گتیریدیله، هردن ناوارین سه سین آزالدیپ، هردن ده چوخالیدیله.

جاده نین کناریندا «پاسدارلارین» یئرلری کامیل و چوخ مجّهز بیر شکلده گؤرونوردو. اونلار بیر طرفدن اوتوبوسلارین چمدان یئرلرینده کی وسایلی آختاریدیله، او بیرری طرفدن ایچه رییه گلیب بیریه بیر موسافیرلردن اونلارین کیم اولدوقلاری و هارا گئتدیکلرینی خبر آلیردیله. کیملیک کارتلاری یانلاریندا اولان باراتگیل اونلاری گؤستریپ و پاسدارلارا نه اوچون تهرانا گئتدیکلرینی آچیقلا دیله.

بارات گيلين سۆزلىرى بو ايدى كى، «تهرانا باجيسى گيله قوناق گئديرلر». باراتا بير طرفدن يالان دانىشماق چوخ چتتين ايدى، اونا گۆره ياريمچىلىق حقيقتى دئمك اونا آرتىقراق اۆزگۈن وئيردى. دوغروسو، اونلار باراتين باجيسىگيله نئچه گۈنۈ قوناق گئديردىلر، اوندان سونرا آلين يازيلاريندان خبرلى يوخ ايدى.

چوخ چكهمدى كى، پاسدارلار اونلاردان كئچىپ و او بيرى موسافىرلرين سوراغينا گئتديلر. اوندا بارات يئنە دە گۆردۈ كى، خطر قولايغىن دىيىدن كئچىپ. آما هله بير اون-اون بئش دقيقه دە دۆزمەلى ايدى كى، پاسدارلارين ايشلىرى قورتولسون. دقيقه لرين هر بيرى بير ساعات چكىردى. «پاسگاهين» ايشىقلارى اونو آرتىق بئزديرمىشىدیر. آرتىق هامى اوياق و دانىشىردى. جاماعتين هئچ بيرىنن بير گىزلمەلى شئى يوخ ايدى. يالنىز بارات بيليردى كى، اونلار سياسى چالیشانلارى هر يئردە آختايرلار، اونا گۆره اۆزونو جىدى شكىلدە گۆزلەمەلى ايدى.

سوندا بو اون-اون بئش دقيقه دە قورتاردى. بارات گيلين اوتوبوسلارى بير داها قارانلىغين ايچيندە صوفيان طره فينه يولا دوشدو. اونلارين يوللارى صوفيان، مرنى، سونرا تبرىزدن كئچىردى. داها تبرىزدن سونرا اونلارين خياللارى دئمك اولار كى، راحت اولايلىرى، چونكى تفتيش يوخ ايدى. خيالى راحت اولان بارات آرتىق ائو اوغلو پاسگاهيندان قورتولوب، فيكرى باخيمدان اۆزونو راحت

حیس اندیردی، آما هله «ائو اوغلو» پاسگاهینین قورخوسو و هیجانی اونون جانیندان چیخمامیشدیر.

باراتین یوخوسو قاقمیشدیر. هله بیر آز دا باشی آغرییردی. او اوتوبوسدا کیلارین چوخو راحت یاتمیشدیلا، آما باراتین هله قورخو هیجانی جانیندان بوتون چیخمامیشدیر. اؤزونو آرام حیس ائتمه سی بلکه بیر یاریم ساعات چکدی. موسافیرلرین چوخونون یاتدیغینی گؤرن بارات اؤزونه اوره ک وئریب، شوفرین یانینا گئدیپ و اونولا دانیشماغا هوس ائتدی. بئله لیکله هم اوزون بیر اؤرتوک جورله ییب و طبیعی صورتده بو یولو خطرسیز باشا چاتدیرا بیلر، هم ده دانیشماقلا اؤز باشی دا قاریشیپ، آز باش آغری چکر.

قاباقجadan دؤرد ایل تهراندا درس اوخیان و ایللر بویو بو یوللاری گلیب - گئدن بارات چوخ گؤرموشدور کی، بعضاً موسافیرلر گئدیپ شوفرین یانیندا اوتورورلار کی، اونو یوخو باسما سین. اونلار دانشیقا گئجه نین قارانیغیندا اوزون یولو قیسال دیر دیلار. باراتین اؤزو نئچه دفعه اونیورسیتهدن ائوه گلنده بو ایشی گؤرموشدور. هله هیجانینا دا غالب گلمک اوچون ده اولسایدی، قالخیب شوفرین یانیندا بوش اولان و دالیدا یوخلامیش او بیر شوفرین یئرینده آیله شیب، شوفر ایله کیف - احوال ائتمه یه باشلادی. بونو البته، اؤزونه بیر ایز ایتیرمه لی یول کیمی اولاراق دا سئچمیشدی.

خیالی آرٹیق یولدا ساخلانیب۔ آختارمادان راحت اولان بارات شوفترله هر یتردن دانیشریدی. داهای بیر ساعات کئچمه میشدیر، بیر داهای صوفیانین یاخینلیغیندا پاسدارلارین یول ساخلامالارینی گؤردو. اونلار بیر داهای یولو کسب و اوتوبوسو آختارماق ایسته ییردیله. بو آختارما دؤردونجو اولوردو. پاسدارلار بوتون موسافیرلری آختارانلار سونرا شوفترین یانیندا اؤزون راحت حیس ائدن باراتدان بیردن سوروشدولار کی، هارادان گلیر و هارایا گئدیر؟

او، آچیقلا ییردی کی، ائولیدیر و دالیدان گلیب شوفترین یانیندا ایله شیب. اوندان ایسته دیله، آشاغیا ائسنین. اوچ اصلی قورخولو خطردن جانینی قورتاران بارات دؤردونجو ساخلامادا مجبوراً آشاغیا ائندیریلدی کی، وضعینی آچیقلا سین. او گرک هئچ بیر ایز بوراخماییدی کی، اونلاردا بئله بیر شوبه یارانسین کی، او سیاسی بیر کس اولاییلر. او بیر داهای کیملیکلرینی گؤسته ریب و هارا گئتدیینی گؤستردی. باراتین جبهه دن قاچما موشکولو یوخ ایدی و کیملیکلری بو مسالهنی گؤستریردی. آما هر حالدا شوفترین یانیندا اوتورماسی، پاسدارلاری شگه سالمیشدیر.

اونونلا دانیشان پاسدارلارین مسئولو آخیردا قانع اولدو کی، بارات تهراندا ائو- ائشیک صاحیبیدیر و ایشنین دالیسنجا گئدیر. بو زاماندا دؤنوب باراتا دئدی کی، «سن کی ائولیسن، گئت خانمینین یانیندا آیلش. یولدا گرک شوفترلر و بعضی موسافیرلردن موغایات

اولاسان». آخیردا گۆستریدی کی، بو پاسدارلار اؤزلرینه گۆره بیر اخلاقی اصولا دا دایاناراق، یولدا گئدن ساده موسافیرلری ده قوروماق ایسته ییردیله. بو مسالهنی ائشیدنده بارات بیلدی کی، اونون یئنه ده خطر قولاغنین دییندن کئچیب. تشکر ائده رک اوتوبوسا دؤنوب و دوز گئدیپ اؤز یئرینده آیلشدی.

اوتوبوس مرنندن تبریزه گئدن یولا چاتارکن باراتین باش آغریسی کسمیشدی، قورخو-هیجانی داها یوخ ایدی. او اؤزونو چوخ آییق و یوخوسو قاچمیش گؤروردو. همیشه اوتوبوسدا اوتوراندا تنز یوخوسو گلن بارات تبریزدن کئچندن سونرا یا قدر هله یوخوسو گلمیردی. بیر ساعات تبریزدن کئچندن سونرا قارانیقلارین ایچینده، اونون گؤزلی باغلانیپ یوخونون ایچینده غرق اولدو.

بیر ساعاتدان آرتیق یاتماسیندان کئچمه میشدیر کی، یئنه اوتوبوسون یاواشلاماسی، ایشیقلارین یانماسی و موسافیرلرین سه سینین چوخالماسینا اویانندی. اویانماق کیمی گؤردو کی، یاتمیش شوئر ده اویانیب، او بیرسینین یانیندا اوتوروبدو و اوتوبوسو شام یئمک اوچون دایاندریبیلار. بارات هر نه قدر دیقت ائتسه ایدی ده، بیلمه دی کی، بو بؤیوک رستوران «بوستان آباد» دیر، یا دا آیری بیر یول قیراغی کاروانسرا «رستورانی» دیر. بو آندا بارات او بیر طرفدن حیس ائدیردی کی، بو «سولدوز- تهران» اوتوبوس موسافیرتی بو تنزلیه قورتولان دئییل. تزه یولون اوچدن ایکسی کئچیر و اوچدن بیر قالیر. اونلارین هامیسی

اوتوبوسدان ائنيب رستوراندا آل-اوزلرینی یویوب، هر کس بیر میزین باشیندا اوتوروب شاملارین سفارش وئردیلر.

بارات گؤروردو کی، شوفرلره «پادشاه» کیمی قوللوق اندیرلر. رستورندا چالیشانلار پروانه کیمی اونلارین باشینا دولانیردیلار. نهایت، بارات گیلین ده «قیمه خوروش» لاری گلیب چاتدی. اونلار دا اوتوروب سونرا بیر کاسا قاتیق، نئچه تیکه کسکک سوغانلاری یئمیه باشلادیلار. بارات یئمیه یین اورتاسیندا ایکی شیشه «کوکاکولا» سفارش وئردی. اونلار یئیب-ایچندن سونرا گؤزلری شوفرین میزینده ایدی کی، گؤرسونلر نه زامان اونلار قالخیب یولا دوشه جکلر.

رستوراندا قولاق سه سی دویموردو. بیر طرفدن تزه ساخلادیغی اوتوبوسلارین موسافیرلری ائنیب ایچه رییه گلیردیلر، او بیرى طرفدن یولا دوشن اوتوبوسلارین موسافیرلری قالخیب ائشییه چیخیردیلار. نامازا چیخانلار قوللاری چیرمالی نامازلارین قورتارانلار سونرا گلیب شاملارین یئمیه باشلایردیلار. تاوانا یاپیشدیریلیمیش مهتابی چیراقلار ایچه رینی گوندوز کیمی ایشیق ائتمیشدیر. بارات بیلیردی نئجه بو ایشیقلیقدان سونرا اونون یوخوسو گله جکدیر. شوفرین میزینده اوتورانلار بعضاً دؤنوب بیر دؤره یه باخیب و اؤز موسافیرلرین نظردن کئچیردیردیلر. نهایت آخیردا شوفرین میزین دوره سینده کیلر آغیر-آغیر آیاغا قالخدیلار. اونلار قالخماقلا بیر نئچه آیری میزین دؤره سینده

اوتورانلار، او سیرادان بارات گیل ده آياغا قالخیب ائشییه ساری یولا دوشدولر.

بارات گیل بیر نئچه دقیقه دؤزدولر کی، شوفر قاپینی آچسین. ائشین قارانلیغیندا بیر سرین یئل گلیردی کی، اونون تمیز هاواسینی بارات دریندن ایچه رییه چکیب بوتون روحو و جیسمنه یئنی بیر حیات وئیریدی. گؤزلری چؤلون اورتاسیندا و گنجه نین قارانلیغیندا گؤیه باخیب، اؤز اولدوزونو اورادا آراییردی. سسلرین چوخ اولماسی بو رؤیانی چوخ قیسالتدی. اوندان سونرا موسافیرلر ایچه رییه گیرنده شوفرشاگرد اونلاری سایماغا باشلادی. بیر اون دقیقه دؤزه ندن - بوتون موسافیرلر گلندن سونرا اوتوبوس آغیر-آغیر یولا دوشدو. بو دفعه او بیرى شوفر اوتوبوسو سوروردو و قاباقکی شوفر یاتماق اوچون دالیا گئتمیشدی.

بئش اون دقیقه اوتوبوسون ایچینده چیراقلار یانیق قالاندان و بیر نئچه دفعه شوفرشاگرد ایچه رییه دولاناندان سونرا بوتون چیراقلار کئچیریلدی، موسیقی سه سی بوتؤو آزالدی و هامیدان ایستندی کی، پرده لری ده چکسینلر. ایچه رینی بوتون قارانلیق باسیب و سکوت بوروموشدور. بارات دا ناچار اولاراق صندلینی اولدوغو قدر دالیا یاتیریب یاتماغا چالیشدی. او اؤز رؤیاسیندا بیلیردی کی، بلکه بئش ساعاتدان سونرا اونلار تهراندا اولالار. اونون یاشامینین بوتونلوکله نامعلوم و قارانلیق اولان بیر یئنی صحیفه سی آچیلماغا باشلاییردی.

بو قارانیلغین ایچینده او گۆروردو کی، ایندییه کیمی باشقا بیر شهرده یاشامایان «نیگار» بیر طرفدن یئنی یاشامین هیجانیندا ایدی، او بیر طرفدن او دا اؤز یاشامینین نه قدر چتین و قارانیق اولماسینی بیلمیردی. بارات بیر طرفدن اؤزو بو چتینلیکلر و قارنلیقلاری چوخ گۆروب و اؤزون اولارلا توتوشدوروب و تطبیق وئره بیلیردی، او بیر طرفدن گۆروردو کی، بو دوروما دؤزمک نیگار اوچون داها چتین اولاجاق. او اؤزونو بیر طرفدن مجبوراً بیر عایله‌نین مسؤللو گۆروب و چؤرک چیخارماق فیکرینده اولمالیدی. او هله اؤزونه زحمت وئریب نئچه هفته سونرانی دوشونموردو. او بیلیردی کی، تهرانا یئتیشن کیمی او «اسفندیار» گیله قوناق گئده جک. سونراسین اورادان پلانلاشدیریپ قباغا آپارمالیدیر.

تهران یاخینلاشدیقجا داها تهرانین دوشونجه‌لری و خیاللاری فکرینه گلیردی. داها یولدا پاسدارلارین ساخلامالاری، اوتوبوسلاری آراشدیرمالاری و موسافیرلری آشاغیا ائندیرمه‌لری باخیمدان خیالی راحت ایدی. بو فیکرلر ایچینده یئنه ده اونو یوخو آلمیشدی. هئچ بیلمه میشدی، نه زامان «زنجان» و «قزوین» شهرلریندن کئچمیشدیلر. او گۆزلرینی آچدیغی زامان «کرج» شهرینه ایکی ساعاتا یاخین قالیردی. ساعات صویح اوچ اولاییلردی. بارات تابلولارا باخاراق گۆردو کی، تهران چوخ یاخینلیقدا. هله اوچ ساعاته قدر یول وار ایدی. چالیشدی،

یئنه گۆز لرین یومسون و یوخویا گئتسین. او بیر داها یاتا بیلدی. داها قالدیغی زامان اونلارین اوتوبوسو کرجی تازا کئچیردی.

بارات گۆزونو آچیب، دیقته ائشیکده ساختمانلار، تابلولار و هاوایا باخیردی. هاوا یاواش-یاواش ایشیقلا نیردی. اون دؤرد ساعات «سولدوز»دان تهرانا اوتوبوس موسافیرتی قورتولماغا یاخینلا شیردی. گون چيخمامیشدی، آنجاق هاوانین قارانیغی یئرینی ایشیقلیغا وئیردی. بارات قارانیغین ایچینده اولدوزلارین گئتمه سینی گؤروردو. بو فیکیرلرین ایچینده ایکن بارات گؤردو کی، بیردن شوفا اوتوبوسون چیراقلارین یاندردی. ایچه رینین چیراقلاری یاناندان سونرا یاواش-یاواش او یان-بویاندان دانیشقلار و او یانمالار باشلاندى. هر کس او زون موسافیرتین سونونا و اوتوبوسدان ائتمه یه حاضیرلانیردی. داها یاریم ساعاتدان چوخ «تهرانین غربی اوتوبوس ترمینالی»نا قالمیردی. بارات گیل ده قالدیب، اؤزلرینی بو «ماراتون» موسافیرتین سونونا حاضیرلا ییردیلار.

ترمینالدا اوتوبوس نئچه دفعه او یان-بویان ائتمکدن سونرا نهایت اؤز یئرینده یئرله شیب ساخلادی و هامییا اوتوبوسدان ائتمه یه ایجازه وئردیلر. بارات گیل ده شوفا لرله «یورولمایاسینیز» و «آلرینیز آغریماسین» دئندن سونرا اؤزلرین تهرانین غرب ترمینالیندا یئرده گؤردولر. بارات گیلین وار - یوخلاری ایکی چمدان ایدی. بیرى «جعبه»نین ایچینده، او بیرسی ده اوتوبوسون دامینین اوستونده

یئرلشمیشدی. اونلار جعبه‌ده کی چمدانی آلیب، اوتوبوسون اوستونده کینی ده ائندیریلمه‌سینی گؤزله‌دیلر.

ساعات بیئش یاریم - آلتی صوبح تزه گونشین چیخماسیندا بارات بلکه یوز متره یاخین بو ایکی آغیر چمدانی ترمینالین ایچیندن جاده‌نین کنارینا کیمی داشیمالیدی کی، اورادا بیر مینیک ماشین تاپیب، چمدانلارین بیرین بیر آئینده، او بیر سینی ده او بیر آئینده گؤتوروب و بیر آغیر تکانلا اونلاری قالدیردی. زحمتیله یول گنده بیلن بارات حیس ائدیردی کی، آز قالا آیقلااری یئرله باتیردی. چوخ چتینلیکله نچه دفعه دایاناندان سونرا بو یوز متری گنبد و اؤزون جاده‌نین کنارینا یئتیردی. اونون اوره‌یی دؤیونمه‌یه باشلامیشدی، سینه‌سینده نفسی کسلیر، باشی گیجه‌لیر و بیردن‌بیره آئینی سرین بیر تر باشمیشدی. اونلار اورایا یئتیرمه‌میش اوراداکی مینیک ماشین شوفاژلری باغیر اراق اؤز مقصدلرین چاغیریردی‌لار. بیر سیراسی سه‌سله‌ییردی‌لر: «انقلاب میدانی»، او بیریلر: «تجریش» و سوندا بیر آز ی دا «راه آهن» چاغیریردی‌لار.

بارات اونلاری مقصدلرینه آپارا بیلن بیر سواری (مینیک) ماشین تاپاندا تزه حیس ائتدی کی، تهرانا یئتیشیب. مینیک ماشینین ایچینده اوتوروب، دالیالیم وئریب، «آزادی میدانی» ندان ایچه‌رییه گیرن زامان یاشامیندا تزه صفحه‌نین آچیلما‌سینی گؤروردو. بو دفعه تهرانا گل‌مه‌نین کئچمیش دفعه‌لرله بؤیوک فرقی وار ایدی. داها اونیورسیتیه‌لرده اونون یولداشلاری یوخ ایدی و بوتون اونیورسیتیه‌لر اونا قریبه بیر محیطه

دۇنموشدو. او تزه ياشامىنى بو بۇيوك، توستولو و سه س-صدالى شهرده «اسفنديار» ين اعتباريله باشلامالى ايدى. جيينده ده بير قوروش پاراسى يوخ، نامعلوم گله جكله تهرانا گلميشدى.

بارات ين ياخين يولداشلاريندان اولان اسفنديار اونلارين گليشيندن خبرى وار ايدى و اونلارين يولونو گۆزله ييردى. يارات گيل اسفنديار گيلي گۆرمكدن چوخ سئوينيرديلر. اونلار سولدوزون و اسفنديار گيل ده تهران ين خبرلرينى بير-بيرلرينه وئرديلر. اسفنديار گيل تهراندا اولمالارى اوچون عمومى سياسى وضعيتدن داها ياخشى خبرلرى وار ايدى. «توده حيزبى» نين رهبرلىرى تكلجه توتولوب و ايشكنجه آلتيندا سينماميشديلار، بوتون ايناملارى و هدفلرينين بوش اولماسينا اعتراف ائتميش، اؤزلىرىن بوتونلوكه سؤيتلر بيرليسيه باغلى بير تشكىلات آدلانديرميشديلار، بلكه حكومت «اكثريت فدايلىرى» تشكىلاتينا دا هوجوم ائديب، آنجاق اونلارين رهبرلرينى توتا بيلمه ميشديلر. حتّا تشكىلاتين اورتا رده لريندن اولان بارات گيل جانلاريني بو هوجومدان قورتارميشديلار.

ماراقلی بودور کی، بارات گیلہ یوخاریدان هئچ بیر یول گؤستریجی بیر فیکر وئریلمه میشدی. اونلار اؤز دوشونجه لرینه دایاناراق، بو پلانی حاضیرلاییب و قرار وئرمیشدیلر. تهرانا گلندن سونرا، اونلار گؤردولر کی، تشکیلاتین رهبرلیی ده همن ایشی گؤرموشدو. بارات گیل کامل سئزیدیلر کی، رهبرلیک خاریجه قاجیب، آما هر بیر شئیدن خبرسیز ایدیلر. اونلار بیلیردیلر کی، ایران عرصه سینده لاپ بؤیوک سیاسی اوپوزیسیون تشکیلاتی حکومت طرفیندن توتولوب و باسقی آلتیندادیر. تشکیلاتین بوتونلویو گیزی بیر دوروما کئچمه لی ایدی. بو ایشی گؤرمه نین بیر بؤیوک بؤلومو بئله اولوردو کی، هر کس اؤز شهرلرین ده ییشسین، او بیرری بؤلومو بئله اولوردو کی، رهبرلیک و اصلی کادرلارین چوخو خارجه چیخمالیدیلار. بو ایش قاباقجادران دا گؤرولوردو.

اسفندیار دا یاخشی بیلیردی کی، بارات گیل اونلارین ائولرینده چوخ اوزون زامان قالا بیلمز. بوتون جاوانلیغینی تامامیله سیاسی چالیشقان کیمی چالیشان بارات دا ایندی بیر طرفدن سیاسی ایلشکیسی کسلیب، او بیرری طرفدن اؤزو ده ائولیدیر و نیگار دا ایکی آیلیق بویلدور. ایکینجی مساله ده بو ایدی کی، اونلار آخشام شام اوستونده اوتوردوقلاری زامان اسفندیار باراتا دئدی کی، اونلارا ایش تاپماقدا و ائو آختارمادا کؤمک انده جکدیر. بو سؤزون او بیرری اوزو و تفسیری بو

ایدی کی، «قوناقلیق قورتولدو، اؤز آياغينيزين اوستونده دورماليسينيز». اسفنديار هر حالدا اؤز جانين و وارليغيني دا قورومالي ايدى. اسفنديار اؤزو اوچون ده خطرى آزالتمالي ايدى. اونلارين هاميسينين بير يئرده اولمالارى خطرلى ايدى. اسفنديار اؤزو اوچون ده بير ياخشى ايش تاپا بيلمه ميشدى، هله موسافير داشيماقلا خرجيني چيخايردى. بارات گيل صاباحدان هم ايش، هم ده ائو داليسينجا دوشومه يه باشلاديلار. اونلار گونون قازئته سينه باخيب، كرج جاده سينده بير نئچه ايشچى آراما خبريني آلديلار. قزئته يازميشدير كى، بو ايشچيليك ايشى «شيميائى ماترياللار قابلاشديرما» اوزره فعاليت كؤسترير.

اسفنديار، باراتين ايش داليسينجا كئتمه سيني، موردادا تاپشير ميشدى. موردادا نئچه ايله ياخين تهراندا گؤزتچيليك ايشى ايله مشغول ايدى. باراتين و اسفنديارين ياخين يولداشلارى ايدى. موردادا ايله بارات ايكيسى سولدوزداكى يولداشلارينين احواليندان دانيشاراق، كرج ايكنجى جاده سينده بير مينيك توتاراق، باراتين چاليشاجى آئبارا سارى يولا دوشدولر.

بارات ايله مورداد- ايكيسى «دامپزشكى» خيابانينا گليب، اورادا آدرسيني گوردويو ائوه كئديب، اورانين كرايه سيني دانيشماغا باشلاديلار. بونلارين كيرايه ائله ديكلى ياشام يئرى، بير اوتاقلى ايدى. آل و قاب- قاشيق يوماق و سو باشينا كئتمك - هاميسى حيطه ايدى.

حامام دا عمومی اولاراق، دامپزشکی خیابانیندا وار ایدی. اونلارین اوتاغینین بیر گیریش قاپیسی و بیر پنجره‌سی وار ایدی کی، اورادان حیط گۆرونوردو و بارات گیل گیریش قاپیسیندا چیخاندان سونرا سول طرفه دؤنوب پیله‌لردن ائندن سونرا حیطه گیریدیلر.

ائو صاحبی بیر «جگر کبابی» ساتان کیچیک ماغازا ائوینین گیریشی یانیندا چیخاریب و اورادا چالیشیدی. بللی ایدی کی، او بو «کباب» دوکانی ایله بیر ائوین خرجینی چیخارا بیلمز. زنجان طرفینین کندلریندن تهرانا گلن بو کیشی تورک ایدی. اؤزو ایله خانیمی تورکجه، اوشاقلارین هئچ بیر تورکجه بیلمیدی و فارسجا دانیشیردی‌لار. چوخ چکمه‌دی کی، بارات گیل باشا دوشدولر کی، بو «اون یئددی» یا «اون سککیز» یاشیندا اولان اوغلانلارینین هامیسی «امنیت کمیته» سینده چالیشیرلار. ائوی آرتیق توتמוש و اورادا یاشایان بارات گیل هئچ چاره‌لری یوخ ایدی، مگر اؤزلرینی چوخ طبیعی اولاراق تزه ائولنمیش و تهرانا چالیشماق اوچون گلن بیر عایله، یعنی بارات دا تزه بیر ایش تاپیب و مشغولدور کیمی گؤسترینلر. ائو صاحبینین انگی بوش اولوب چوخ دانیشان اولدوغوندان بارات گیل استفاده ائدی، هم اؤزلرینی بوش زامانلار اونا یاخینلاشدیریپ، «جگر کبابی» ماغازاسیندا ایله‌شیردیلر و بونا گؤره اؤزلرینی آرتیق طبیعی آپاریب و اونلارا یاخینلاشیردی‌لار. بارات اورایا گیرندن سونرا بیلدی کی، آرتیق اورادا اوزون زامان قالا بیلمز. ائو صاحبی ده کرایه‌نی

آلماق و كرايه يه احتياجى اولدوغو اوچون اونلارا ياخين اولوب و محبّت انديردى.

باراتين ايش يئرینده كى آنبار بلكه ايكي قات بسكتبال ميدانيندان بؤيوك اولاردى. اونون بير بوجاغى دولويدو تريلي له بوشالديلميش پالتار يويوجو پودرو ايله. اونلارى بارات گيل اولچولريله قوطولارا دولدوروب، باشلارين چيريش ايله ياپيشديرمالى ايديلر. بارات گوردو كى، اورادا اونلاردان قاباق بير نئجه نفر چاليشير. او چالیشانلارين ايشلرينده كى مهارتلرينه حيران قالميشدى. اونلار نئجه نظم ايله قوتولارى دوزوب، نه سورعتله اونلارى دولدوروب، دسته-دسته اونلارين باشلاريني نئجه ياپيشديريب، سونرا كارتونلاردا بسته باغلاييريديلار.

بارات ايله ايكي آيرى آدامى ايستيخدام ائيله ين، اونلاردان بير اون ياش بؤيوك اولان شخص بير مهندس بنزه ييردى كى، ساققالينين قيراقلاريني چوخ گؤزل و مودئلى قيرخميشدى. بير شيك پالتار اينينه گئين موهنديس باشينين توكو ده بير ميقدار اوزون و مودئلى دارانميشدى، كؤينك ياخاسينين دا دويمه لرین سينه سينه قدر آچميشدير. انبارا بير باش وورماق و بارات گيلي ايشه آلماق اوچون ده اولماليدى، اورا گلّميشدى. بارات بير ايشچى امك حاققى ايله ايشله مه يه باشلاييردى. او صاباحدان ايشه باشلاييردى. هر گون ده بو اوزون يولو

گلیب، سونرا آخشام قایتمالی ایدی. باراتین نظرینه بو ایش چوخ راحت گلیردی و اونون گلیریه باش دولاندیرا بیلمه سینه گووه نیردی. اورادان و «دامپزشکی» خیابانیندان باراتین ایش یئرینه گتتمک داهایاخین ایدی. مورد دا اونلارا تتر- تتر باش ووروردو. باراتین ایش یئری نظره گلیدی کیمی چالیشماق اوچون راحت بیر یئر دئییلدی. هر گون صاباح تتردن بارات بیر مینیک ماشینلا اؤزون «کرجین قدیم جاده سی»نین اولینه یئتیریردی، سونرا اورادان ایکینجی ماشینلا ایش یئرینه چاتاردی. ایش باشیندا اونلار آلتی و هردن ده یئددی نفر چالیشیردیلار.

بارات اوچون بو ایشی گؤرمک و صاباحدان- آخشاما کیمی «فاب قوتوسو» دولدوروب و باشلارین چیریش ایله یاپیشدیرماق چوخ چتین بیر ایش ایدی. بیر دقیقه واختیندان بوش کئچیرمه مه یه آلیشان و بوتون زامانلاردا یا سیاسی تشکیلاتی ایشلرین دالیسینجا اولسون و بوش واختلارین حتّی او یوخو گوج گلنه کیمی کتاب اوخویان بارات ایندی صاباحدان- آخشاما قدر بوش بوشونا «فاب قوتوسو» دولدورور. بو ایش باراتین بوتون واختینی توتور، هم ده جیسمی باخیمدان دا او قدر اونو یورور کی، کتاب و مقاله اوخویا بیلیمیر، البته اگر اونلاری دا تاپا بیلسه. بو دا روحو باخیمدان باراتا چوخ آغیر گلیردی کی، بوتون باجاریقلاری اولماسینا باخمایاراق، ایندی بوتون زامانی بوش کئچیرده.

باراتین ایش یثرینده کنددن گلیب و تهراندا چالیشان ایکی نفر آذربایجانلی جاوان وار ایدی کی، بیر دفعه خیاللاری بورادا بو قدر ایش اولدوغو اوچون چالیشیب پول-پارا توپلامالاریندان راحت ایدی. اونلاردان سونرا دا بئش نفر ایشچی ده وار ایدی کی، «عراق» دان قاجیب گلمیشدیلر. اونلار دا بئله نظره گلیردی کی، گؤردوکلری بو ایشدن چوخ راضی اولوب، چوخ مهارت و باجاریقلا ایشلرینی گؤروردولر. اونلار هر گون ایچینده ناهارلارینی گتیردیکلری باغلی بوخچالاری ایله ایش باشینا گلیردیلر. ساعات اون ایکی یاریم اولاندا ناهارلارین بیر «والور» اوستونده قیزدیریب، بیر-بیرلرینین یانیندا یئمیه باشلایدیلار. سونوندا همین «والورون» اوستونده بیر آیری-بویرو و آزیلمیش کیتری اوستونده سو قینادیب، اؤزلرینه چای دوزلدیردیلر.

بارات «ساغلاملیق» و «جان ساغلیغی» باخیمیندان عیراقلی چالیشانلارین هم یئمکلریندن چیرگینیردی، هم اونلارین اوز-گؤزلری و آل-قوللارینداکی لکه لر و چیرکلردن چکینیردی. اونلارین ایچینده بیر قارالمیش یاشلی و چوخ دانیشان بیر قیسا بویلو کیشی وار ایدی. اونلارین هامیسی بیربیرلریله «عرب» دیلینده دانیشیردیلار، آما بارات گیله یئتیشنده سینیق-سالخاق فارسجا باشا ریدیلار. بارات هر دن اؤز-اؤزونه فکیلرله شیردی، «دؤرد-بئش مین ایلیک مدنیت اوجاغی اولان بین النهرین منطقه سیندن بئله انسانلار دا وار؟؟؟»

بارات اوچون «ایشچی طبقه» سینین ایچینده چالیشیب و «پرولتاریا» یولونون دوشونجه سینیی بونئجه نفر فکری و مدنی باخیمیدان چوخ دالی اولان و دیل بيلمه یین عیراقلی آپارماسیندا هئچ بیر فایداسی یوخدور. بارات هر نه قدر چالیشیردی، اؤزون بونلارا آرتیق یاخین گؤره و اونلارلا قوووشا بيلمیردی. آما میشکین شهرینین کندلریندن گلیب اورادا چالیشان ایکی نفر ایله آرانلی قیزیشدیریب و هردن ده بیر سؤز اوخوماغا باشلا ییردی. بوتون اونلارا تای کندلردن گلیب چالیشانلار چوخ گؤزل «آشیق هاوالاری» اوخووردولار کی، بارات اونلارا عاشیق ایدی.

بارات اوچون بو ایشله مک تکجه جیسمی باخیمیدان یورولما گتیرمیردی، هم ده روحی باخیمیدان دا بؤیوک ایشکنجه ایدی. او حیس اندیردی کی، ایگیرمی ایله یاخین درس اوخوماسیندان سونرا بو شرایطده ایشله مه سی اونا بؤیوک دوشوجو و سیندیریجی بیر دورومدور. عینی زاماندا زامانین بیر دقیقه سینیی بوشونا کئچیرمه یین بارات ایندی گونلری بیر بیر یسینین دالی سینجا فاب قوتوسو دولدورما قلا کئچیردی. یالنیز هفته باشی آلدیغی پارا اونون اوزونه گولوش گتیریردی کی، اونولا سوفره یه یئمک قویا بیلیردی لر و جیلرینده آیری اضافه بیر شیلر آلقاق اوچون بئش قوروش پارا قالمیردی.

بارات ایش یئرینده آز مودّتن سونرا گوردو کی، «فاب پودرو» کیمیایی تاثیرلری آلتیندا هم آدم پیس اؤسکورمه لر توتور، هم ده اونون

دریسی یانیر و آل-قولوندا کی توکلر تۆکولمه یه باشلاییر. او بو مساله یه چوخ حیران قالمیشدیر کی، بس بو عیراقلی ایشچی لر نئچه ایلدیر بورادا نئجه چالیشیرلار؟ اونا ایدی کی، اونلارین هامیسینین دیشلرینین ده اریب تۆکومهلرینین سببی اونا آشکار اولوردو. بارات بیر بهانه آختاریدی کی، آرتیق اورادان قاچسین. ایش یئری اونا ساغلاملیق باخیمدان دۆزملو دئییلدی. او ایش یئری چوخلو ناخوشلوقلار دا گتیریدی کی، تنفسدن توتמוש، دری خسته لیکلرینه کیمی.

اسفندیار گیلین کۆمه یی آلتیندا «کشاورز» بولواریندا بیر «الکتریک» و «الکترو مغناطیس» تعلیم کلاسلا رینا یازیلدی کی، آخشاملار ایشدن دۇندن سونرا اورادا تعلیم گۆرسون. بو کلاسلا ر نئچه هفته نین ایچینده مقدماتی سویه ده اؤیره دیردی کی، بارات اونا دایاناراق، اؤزونه بیر آیری ایش تاپسین. یئنه کلاس میزینین دالیسیندا اوتوروب، علمی بیر شی اؤیرنمک ایسته ییر کی، اونا دایاناراق صاباحدان بارات بیر ایش تاپیب و بیر تیکه چۆرک چیخارسین. هر گون ایشدن سونرا شوقیله کلاسا گلیب، بیر نئچه ساوادللی اۆته ری یولداش اؤزونه تاپدی. ایش یئریدن اونلارین پارالاری دالییا دوشوردو. بیر-ایکی هفته اولاردی اونلار پارالارین آلمامیشدیلا ر. هله گله جکده ده اونلار امک حاقلا رینی آلا بیللمه مک خطرینی حیس ائدیردیلا ر و بو مساله یه گۆره آردیجیل رئیس لرینه تضییق گتیریردیلا ر کی، اونلارین امک حاققینی وئرسین.

بارات گیلین ایش یئرلرینده بیر نئچه دنه ده رنگلی شیمیایی ماده ایله دولو بؤیوک «شیمیایی مواد» تونگلری وار ایدی کی، داها چوخ شامپویا بنزه بیردی. او نئچه دفعه گؤرموشدو کی، بیر-ایکی نفر گلیب، اونلارین اوستونده چالیشیب آراشدیرما آپاریب، سونرا گتتمیشدیلر. بارات گیل اونلارا دیقت ائتمه دن او شیمیایی ماده نی پلاستیک قابلارا دولدوروب، ائولرینه آپاریب و شامپو یئرینه استفاده ائتمیشدیلر. اونلار ایش یئرینده لالرین ده اونلارلا یویوردولار. اونلار داها دیقت ائله میردیلر کی، بو شیمیایی مایعلر تست اولونوبلار یا یوخ؟ اونلار استاندارد دیرلار؟ یا اونلارین انسانا ضررلری وار یا یوخ؟

آخیردا ائله اولدو کی، بارات گیل مجبور قالیب دالیا دوشن پارالارینی ایسته مه یه چالیشدیغی شرکتین دفترینه گتتسینلر. نئچه ایل اورادا چالیشان عیراقلی چالیشانلار اونلارین دفترلرینی تانییردیلا. بارات گیلین موهندیسه بنزه یین رئیس لری چوخ جیدّی موقاویمت ائله مه دی. او بیر میقدار او یان-بو یان ائندن و ایچه ریده او اوتاق-بو اوتاغا گئندن سونرا بیر نئچه ساعات اونلاری قاپیدا یوباتدی. آخیردا اونلارین پارالارین حساب ائدیپ و بیربه بیر اونلارا وئردی. «الکتریک» و «الکترومغناطیس» کلاس لارین یئی قورتاران بارات اورادان چیخماق اوچون بیر باهانا دالیینجا گزیردی. پاراسین آلاندان سونرا، آرتیق اورا قایتمادی. جیدّی صورته ده «الکتریک» زمینه سینده اؤزونه بیر ایش تاپماغا باشلادی.

بو آرادا دا «نیگار» ایشسیز قالمامیشدی. سولدوزدا «خیاطلیق» دۆره سینی کئچیرن نگار «جمهوری» خیابانیندا اؤزونه بیر تولیدی ده ایش تاپمیشدی. او گلیب و ائوده دئیردی کی، «فکر اندیرم منیم ایش صاحبیم سولچو اولسون». آما ایش صاحبی اونا نه ایش باخیمندان، نه ده وئردییی پارا بابتیندن فرق قویوردو. «نیگار» ایش باشینا گلیب - گئتمه سینده هردن مینیك ماشینلاردا موشکول لرله قارشیلانیردی کی، تهراندا چالیشان هر بیر خانیم اونلارلا قارشیلانما بیلردی. داها تهراندا بو ایشلرین یولون و اونلارلا نئجه یاناشماغین دیلینی اؤیرنمیشدی. اونون گئیردییی پارا دا بؤیوک کؤمک ائدیردی.

اونلارین آردیجیل اولاراق یالنیز ارتباطلاری خارج دونیاسیلا «موراد» طرفیندن ایدی. سوبای اولان موراد کئشیکلیک و گؤزچیلیک ایشینه مشغول ایدی. هفته ده آزیندان بیر دفعه آئینده بیر قارپیزدان- قوونندان گتیریب و اونلارین ائولرینده او گون قوناقلیغا بنزر بیر هیجان وار ایدی. اونلار دئییب - گولوب و کئچمیشلردن دانیشیردی لار. بارات گیلین بؤیوک دیلخوشلوقلاری، مورادین گلمه سی ایدی. اسفندیار گیلین اوزاق اولمالاری و اونلارین چالیشمالاری بو امکانی آز دا اولسا، یارادیردی کی، اونلارلا تئز- تئز باش وورا بیلسنلر.

ایکی آیدان چوخ بارات گیلین سولدوزدان چیخماسیندان کئچمیردی کی، اونلاری تکلیک و قوربت حیسی بورودو. بو تهراندا گلمه یین او بیر دفعه لرله بؤیوک فرقی بوردا ایدی کی، اونلارین

تشکیلاتی ضربه آلتیندا اولدوغو اوچون اونلارین اؤزلری، تانیشلارلا ارتباطلارین امکان اولدوغو قدر آزالتمالی ایدیلر. اونلارین تشکیلاتلاری، شهرلری، قوهوم - تانیشلاریندان اوزاق اولمالاری و چوخ آغیر و سویه سیز ایشلرله چالیشیب و پول قازانمالاری اونلار اوچون بؤیوک ذهنی تضیق، عینی حالدا داریخمالی بیر دوروم یارادیردی. اونلار گیزلی موباریزه ضربه سی آلتینا گکدن و اونلارین سیاسی تشکیلاتلاری دولت طرفیندن تاپدانان زامان پول چیخارماق چوخ چتین اولموشدور. اونلار واختلارینی اونلار یاراشمایان ایشلر اوچون تلف اندیردیلر، یولداشلاریندان خبرسیز اولماق اونلارین اورکلرینی ایشیقلا ندیریردی. بارات گیل ساواش اقتصادی شرایطنده، حتّی امنّیتی مساله لره گؤره «کوپون» آلماقدان دا محروم ایدیلر.

بو زاماندا سیاسی باخیمدان جیدّی موشکولو اولمایان نیگار هم ائولرینه باش وورماق، هم ده بیر آز داریخماسی آزالماق و بیر مقدار ائو وسایلی گتیرمک اوچون سولدوزا دؤنوب و بیر-ایکی هفته اورادا قالدی. بو زاماندا باراتین تک قالماسی اونون داریخماسینا کؤمک ائتمیردی. بارات خبری اولدو کی، اونون کیچیک قارداشی تهرانا گله جکدی. اونا گؤره اونلار توتوشدوردولار کی، اونولا «نیگار» بیرلیکده گلسنلر. اونلارین ایکسی داها راحت ائو وسایلین بیرلیکده گتیره بیلرلر.

قارانلیق و داریخمالی گونلرین ایچینده اونلارین خبری اولدو کی، باراتین اؤزوندن کیچیک قارداشی، سولدوزدان تهرانا گلیر کی، اوردان سربازلیق خدمتینین قالانینی قورتارماق اوچون شیرازا طرف گئتسین. بارات گیل بو باخیمدان چوخ سئوینیردی. بارات حیس ایندیردی، اونلار دؤرد نفر بیر یئرده توپلانا بیله جکلر، بلکه بیر آز بؤیوک جمعه اؤز یولداشلاری، دوغما دیارلاری و اورتاق مسالهلری حاققیندا دانیشسینلار. بونا بنزه ییردی کی، بیر کویرین اورتاسیندا بیر جام سرین سو اینسانا وئریلسین.

باراتین قارداشی و نیگار صاباح تئزدن گلیب تهرانا یئتیشدی. او گون «موراد دا ایشه گئتمه میشدی. بارات گیلین ائولری یئنه ده دانیشیب- گولمکله دولو ایدی. اونلار قرارلاشدیلار کی، آخشامی «آزادلیق» میدانینا گئدیب، اورادا سفره دؤشه ییب و اؤزلرینله یئمک آپاریب، خوش کئچیرسینلر. باراتین بیر بؤیوک آغیر روسی دوربینی وار ایدی کی، نئچه دنه ده عکس سالماق اوچون اونو دا گؤتوردولر. بارات بلکه بیر کیلولوق ده میر دوربینی بونوندان آساراق، آزادلیق میدانیدا اؤزونو بیر توریست کیمی حیس ایندیردی.

باراتین قاراداشینین سربازلیق خدمتیندن آز قالیردی. او ایکی- اوچ آیدان سونرا سربازلیغین بیتیریپ، سویونوب قایتمالی ایدی. بو یئیپ- ایچیب، دئیپ- گولوب دانیشماغین ایچینده اونون گؤزلرینده بیر نیگار انچیلیق گؤرونوردو. بلکه او دا تهراندا کی قاباقکی جمعلرینین

داغيلماسيندان راحتسيز ايدى، بارات گيلين دورومون گوردويوندن نگران ايدى. هر حالدا اونلار هاوانى قارانليغا يئيردiler و بير سيرا عكس ساليب و ائوه دؤندولر. صاباح او سفرينى داوام ائديب و شيرازا سارى حركت ائتدى.

بارات بير طرفدن ائو تاپماغا، او بيرى طرفدن ده ايش آختارماغا باشلادى. بارات ين ائو تاپماسى چوخ چتين دئيلىدى، اونون ايش تاپماسى چوخ چتين ايدى. اونون ايش تاپيب، اؤز خرچينى چيخارماسى چوخ جيدى بير مساله ايدى كى، گر ك نه زحمت ايله اولمالى ايديسه، بو ايشى گؤره ايدى. بارات بير گون قرار وئردى كى، «قزوين» ميدانيندان توتوب «آذرى» اوچ يولو جهتينده حركت ائديب بوتون «الكترىك» و «الكترونىك» تعميرات ماغازالارينا باش ووروب و ايش آختارسين.

تهران ين هاواسى چير كين، اوتوبوسلار، مينى بوسلار و مينىكلر «قزوين» خيابانيندا توستولو و سه س -صدالى حالدا گئت - گلده ايدiler. بارات ين صيفتينده ايستيدن يارانان «تر» ياغلى توستو ايله قاريشيب و

آیننده کی آغ کۆینه یینین رنگینی ده ییشمه یه باشلاییردی. بارات بیریه بیر تعمیرات ماغازالارینا گیریپ، اونلاردا ایش اولماسینی آراییردی، تقریباً هامیسی منفی جواب وئریردیلر. بارات آختارا- آختارا اؤز- اؤزونه فیکرله شیردی کی، «وارلی عایله لردن اولان سولچولار نه قدر کاسیب عایله لردن اولان سولچولاردان خوشبخت ایدیلر». او بیر ی طرفدن بو باخیمدان دا اؤز بدشانسلیغینی بیر داها نظردن کچیردیردی کی، «نه دن او اونورسیتهدا آیری بیر رشته ده قبول اولمامیشدیر کی، اوندا راحت ایش تاپا بیلسین؟»

او صاباح ساعات بلکه دوققوزدان باشلامیشدی و ساعات اون بیر یاریم قدر «آذری» اوچ یولو آلینده بیریه بیر خیابانین ایکی طرفینده کی «تعمیرات یئرلرینه باش وورموشدو. او هله هئچ بیر نتیجه آلا بیللمه میشدی. «آذری اوچ یولو» نا داها چوخ قالمیردی. نهایت، او فرعی بیر خیابانین کناریندا بیر «ژنراتور- ترانسفورماتور، قاینق دستگاهلاری، ها بئله بو کیمی ایشلر اوچون بیر تعمیرات ماغازاسی گۆردو. بارات او بیر ی ماغازالار کیمی ایچه رییه گیردی و دؤره سینه باخیب، کیمین ایش صاحبی اولای بیلجه یینی حدس ووراراق، اونلارین بیرینین قاباغینا گئتدی.

بارات بیر طرفدان ماغازایا باخدی. بؤیوک بؤیوک و آغیر- آغیر «جوش (قاینق) دستگاهلاری»، «ژنراتورلار»، «سو ناسوسلاری»، «ترانسفورماتورلار» و ها بئله اونلارین پارچالاری دؤر- دؤره نی

آلمیشدى. بوتون يئر، ديوارلار و تاوان توستودن قارالمىشدى. بو بۇيوك و آغير دستگاهلارين چوخلارى معلوم ايدى كى، اوزون زاماندير يئرلرندن ترېشمه ييبلر. ايش يئرى بلكه ايگيرمى بئش متر مربع مساحتى اولاردى. گيريش يئرلر كئاريندان بير نازيك پىللە يوخاريا گئيدردى كى، يوخاريدا بير بالكون كيمي يئر وار ايدى. اورا هم انبار ايدى، هم اونلارين ناهار يئمك يئرلىرى، هم ده اورادا بير ميز- صندل وار ايدى كى، اونلارين دفترى سايلىردى.

بارات ايچهريه گيرنده اورادا دۇرد نفر چاليشيردى. او دۇرد نفر جاواندان بيرى اونا ياخين گلدى و خبر آلدى: «نه ايشينيز وار؟». بارات بلكه اوندان دۇرد- بئش ياش بۇيوك اولان بو جاوانين قيافەسینه و دوروشونا باخيب، اونون تائيرينه معروض قالدى. بو تۇر- تۇكونك آما سوپورگه ايله ترميز يئرى سوپورولموش ايش يئرینه اونون قارشيسينداكى جاوانين اوزو ده چوخ تميز گئيينيب و بير بۇيوك اوستو ياريق- ياريق آما چوخ تميز تاхта ميزين داليندا «سارغاج» ايله مشغول ايدى. او اوزونو تميز قيرخيمشدى، پالتارلارى تميز ايدى و چوخ مهارتله اوز ايشين گۇروردو. باشينين و يىغلارينين رنگى خينا رنگينه چاليردى. اونون گۇزلىرىندين آيدىنلىق ياغيردى.

بارات سلام وئريب، دۇرهيه باخيب بو تميز و خوش تىپ جاوانين قاباغيندا دايدانان سونرا اونون گۇزلىرى و شخصيتينين تائيرى آلتيندا قالدى. اونون گۇزلىرى و دانيشيغيندان «محبّت»، «آنلاق»،

«اڭلدارلىق» و «انسانلىق» ياغىردى. بارات يارىمچىق دا اولسا، وضعيتىنى اونا دئمەيە باشلادى. «من سىياسى چالیشمالارىمىن نتيجه سىندە اونورسىتەدن ائىشیه اۋتورولموشم. ائولىم و شەرستاندان گلیمش. بو الكتريک، الكترونيک و سیم دولاما کلاسلارىنىا دا گڭدیب بیر شىلر اۋیرنمیشم، ايندى دە ایش آختاریرام». آسلان» بەی اۋزونو تانيتدیردی و دئدی کی، بو کيچیک ایش یئریندە يالنىز دۇرد بۇش نفرە ایش امکاني وار. او اۋز شریکی ایله گۇروشوب دانیشمالیدیر. اگر اونو قانع ایله یە ییلسە، بارات گلیب ایشلە یە ییلر.

بورادا بارات گۇردو کی، اونون اورک صافیغی و آیدینلیغی سایە سىندە، وئردیی جاوابی مثبتدیر. او، عینی حالدا اشاره ائەدی کی، هر گون صوبح ساعات سککیزدن ایش باشلاير و آخشام آلتیدا قورتاير. بارات بئله قارار گلد کی، اونلارا ناهاردان سونرا تلفن ائتسین و جواب آلسین. بارات ناهارين یئمک اوچون ائولرینه دۇندو. بارات ییلمیردی، بو نئچه ساعاتی نئجه دۇزسون. اوچ- دۇرد ساعاتی دۇزندن سونرا بیر تلفن باجەسى تاپیب، بیر تلفن آچیب، اونلاردان نتيجه نی ییلمک اوچون ائىشیه چيخدی. تلفنی آچاندا آسلان ایله دانیشدی. او، باراتا دئدی کی، اونلار قبول ائدییلر کی، باراتا هفتە دە ۵۰۰ تومن وئرسینلر. او صاباح ساعات سککیزدن ایشه باشلايا ییلر.

هفته نین سونونا اونلار مورادلا بیرلیکده «هاشمی» خیابانی نین اورتالاریندا بیر دار کوچە نین ایچیندە بیر اوتاق و بیر قهوه خانالی ائو

بارات گیلہ کرایہ اوچون گۆردولر. ائوده اونلاردان سونرا بیر یاشلی خانیم یاشایردی. یاشلی خانیم تک‌باشینا اوست طبقه‌ده یاشایردی. آشاغیدا بو بیر اوتاق، بیر قهوه‌خانانی هم کرایہ اوچون دوزلتمیشدیر، هم ده ائوده تک قالما سین. ائوین کرایہ کاغیزینی یازیب امضالا یاندا اونون بیر ایداره‌ده ایشله‌ینه بنزه‌ین اوغلو گل‌میشدی. او دا اؤز باخیشیلا بارات‌گیلی گۆتور - قوی ائندن سونرا بیر اوتاق، بیر قهوه‌خانانی بارات‌گیله کرایہ وئرمه‌یه راضی اولدو. بارات‌گیل بیر کیلیمه بنزر بیر شئی یرته سالمیشدیلا، یرته سالماق اوچون بیر دست یورغان-دۆشه‌ک و بیر نئچه دست قاب-قاشیق ایله ائولرینی دۆشه‌ییب، یاشاماغا باشلا دیلار. بارات‌گیل نیگارین قارداشیننی گۆزله‌ییردی لر کی، اونلارین «کومود و خالچالارین» سولدوزدان گۆندرسین. نه قدر زحمت و اوزون یولو گل‌مکله خالچا ایله کومود گلیب و بارات‌گیلین کرایہ ائدی کله یی ائولرینه چاتدی.

تهرانین هاواسی همیشه کی کیمی یاغلی و توستولو اولراق اؤز چیرکینلییینی آرتیقراق «هاشمی» خیابانی اطرافیندا گۆستریردی. اورالاردا خیابانین کناریندان آخان سولار دا بو قارا و چرکینلیکله دولو ایدی. بونلارا آلیشان بارات هر بیر کوچه‌نین دار و اوزونلوغوندا بیر آخار قارا و چرکین سو دا وار ایدی کی، حتّی میلچکله ده اونا یاخین دوشمه‌یه جرات ائله‌میردی لر. بارات هر دن تعجّب ائدی ردی کی، انسان اؤزونو بو چیرکین محیط ایله نئجه آلیشدیریر، اورادا یاشاماغا داوام

ائڊير، هله اورادا ياشاماقدان لذت ده آپارير. بو هاوانين چير كينلينده
حتي ميلچكلر ده ياشايا بيلميرلر.

صباح يئني بير گون ايدى. بارات نه اينكى علمى و فنى بير
رشته ده ايشله يه جك، بلكه آلديغى پول ايله كرايه سيني وئريب، ائو
خرجى اوچون ده ياخشى بير پول قالا جاقدى. ايش باشيندا حيس
ائيردى كى، احتمالا ساوادللى، سول دوشونجه سينه مثيللى آداملارلا
امكداس اولسون.

او قاباقچادان ايشه گئتمك يولونو عايارلا ميشدير، بئش اون
دقيقه ائودن پيدا گئندن سونرا بير مينيك ماشينا مينيب و اون دقيقه
ايچينده «قروين» خيابانيندان «تيمورى» خيابانين بوجاغيندا ايش يئرینه
يئتيردى. او دوز صباح ساعات سككيزده ايش باشيندا حاضير ايدى. او
چاتاندا گؤردو كى، بير آيرى اوغلان قاپيني آچير.

بارات كئچيب سالام وئردى. باراتدان بير يئددى-سككيز ياش
كيچيك اولان او اوغلان باراتين جاواين وئرندن سونرا اونا بللى
ائله دى كى، «آسلان» اونون اورايا گلمه سيندن دانيشيب و اونلارى
خبردار ائديب. قاپي نين كير كيره لريني يوخاريا چكندن سونرا او باراتا
اشاره ائله دى كى، «قاز پريموسونو» نئجه يانديريب و چاي دمله مك
اوچون سو قايناتسينلار. اوندان سونرا باراتا اشاره ائله دى، بو ماغازانين
اورتاسيندا قويولموش بوتون ژنراتورلار ائشيكده خيابان و پياده يولو
كناريندا قويولما ليدلار.

او «قایناق دستگاهلاری»نین بیرینین دسته سیندن یاپیشیب و دیک قالدیردی و اونو ائشییه ساری آپارماغا باشلادی. بارات اونو باخیب، اوندان تقلید ائتمه لی ایدی. محمد بیر دنه «قایناق دستگاهلاریندان» باراتا گؤستردی کی، اونو ائشیکده خیابان قیراغینا چیخارسین. بارات قالدیرماق ایسته دی، گؤردو کی، اونو قالدیرماق نه قدر چتین و تقریباً غیر مومکن نظره گلیر. سوندا اونو پیس کؤکده قالدیریب، آیاقلاری والای وورا- وورا خیابانا چیخاردی. بارات گؤردو کی، بش-آلتی دنه اونو تایی «قایناق دستگاهی» ائشییه چیخارمالیدیرلار. محمد ایکینجی دستگاهی راحتلیقلا قالدیریب ائشییه چیخاردی. بارات دا ایکینجی دستگاهی اؤله- اؤله ائشییه چیخاردی و اونون آللری، آیاقلاری و چینلری آز قالیردی یئریندن چیخسین. اوره یی دؤیونمکدن آز قالیردی پارتلا سین.

ژنراتورلار و دیناملارین ائشییه چیخارمالارینین فرقلی بیر یولو وار ایدی. اول گرک اونلارین مخصوص پایه لری یئره قویولسون، سونرا ایکی نفر هره سی بیر طرفدن یاپیشیب، اونو پایه لرین اوستونده یئره قویسونلار. بو ایش چوخ آغیر دئییلدی، بلکه بیر قدر اینجه بیر ایش ایدی. سوندا بارات ایله محمد بو ایشی ده گؤروب قورتاردیلار. بئله نظره گلیردی کی، محمد بیر آز بدنینی یومشالدید کی، آل-قولو آچیل سین، بوتون ترسه سینه، بارات نفسدن و جانندان ائله دوشموشدو، سانکی ایشه باشلامیشدان بئله نظره گلیردی کی، جانی قالمایب.

اوندان سونرا باراتا سوپورگه لرین یئرینی گۆسته ریب دئدی کی،
 بوتون ماغازانی سوپورمه یه باشلا سین. یالینز «الکتریک» ایشلری
 گۆرمک اوچون بورایا گلدینی دوشونن بارات باشا دوشدو کی، بیر
 نفرین گۆرمه سی لازیم اولان گۆروله سی چوخلو آیری ایشلر ده
 واردیر. باراتا البته آغیر گلیردی کی، محمد اونا بؤیوکلوک ائدب،
 دستور وئرسین. محمد چوخ تحکم ایله باراتا دانیشیب، اوندان بو
 ایشلری بیر- بیرین دالسینجا گۆرمه سینی ایسته بیردی.

محمد باراتا نفس یئری وئرمه دن اوندان ایسته دی کی، ماغازانی
 سوپورمه یه باشلا سین. بارات سوپورمه یه باشلا ییب، جیددی داوام ائتدی.
 محمد یاخیندا کی ساندویچ دوکانیندن بیر سوسیس ساندویچی آلیب،
 صبحانه سینی یئمه یه گئتمیشدیر. محمد یئمه یئیه گۆزو چایدا ایدی کی،
 چای دا حاضیر اولسون و چای ایچمه یه باشلا سین. بارات دان یاشی چوخ
 کیچیک اولان محمد باراتین سوپورمه سینه بیر نئچه ایراد توتدو و
 بارات دان ایسته دی کی، بعضی یئرلری یشیدن سوپورسون. بو داوارانیش
 باراتین شخصیتی سیندیرماغا دؤنوردو. نهایت بارات هر یئری
 سوپوروب، تمیزله دی. بارات سوپورمک ایشین قورتاراندا آرتیق جانی
 قالمامیشدی. هله ساعات سککیز یاریم اولما میش بو ایشی قورتاردی. بو
 حالدا محمد اونا بیر لطف ائدیپ چای ایچمه سینه ایجازه وئردی.

بو آرادا بیر آیری جاوان اوغلان دا ماغازایا گلدی. اونون آدی
 «رسول» ایدی. او دا محمد یاشدا، آما اوندان هم گوجلو، اوجا بوی، آما

خوش داورانیشلی ایدی. رسول ایش پالتارلارین گئیندن سونرا اؤزونه بیر چای تۆکدو. اونلار چایلارین قورتارمامیشدیلار کی، بارات ایله یاشید اولان بیر آیری اوغلان دا ایش باشینا گلدی. او خوش داورانیشلی بیر اوغلان ایدی، اؤزونو ایش مهارتی باخیمدان او بیرلردن داها اوستون بیلیم بؤیوک ایش میزینین باشینا کئچیب، بؤیوک بیر دینامین سیم دولماسینا باشلادی. اونون دا آدی «قولام» ایدی.

بارات ایندییه کیمی اوچ نفرله ایش یئرینده تانیش اولموشدور کی، اونلارین هامیدان کیچیی هامیدان چوخ باراتی یولا وئرمیردی. هله ایشه باشلامایان بارات بیر گون چالیشان «حامال» قدر یورولموشدور. بو حالدا رسول اوندان ایسته دی کی، بیرلیکده بیر یانمیش قایناق دستگاهینی آچیب-پوزسونلار. بارات بیر طرفدن قایناق دستگاهینین نه جور ایشله مەسینه حیران قالیم، اونو دوشونمەیه چالیشیردی، او بیر طرفدن ده اونون نجه آچماسینین اؤزونه گۆره نه قدر اینجه و دقیق اولماسینی اؤیرنمەیه باشلاییردی. نهایت بیر چالیشمیش قایناق دستگاهینین نه قدر چیرکلی اولماسی و اونون تمیزله مەسینین اؤزونون بؤیوک بیر ایش اولدوغونو تزه باشا دوشوردو.

«رسول» اوندان ایسته دی کی، گئتسین «آچار آلتی»، «آچار سککیز»، «آچار اون ایکی» و بؤیوک چکیج ایله بیر قلم گنیرسین. بارت اونلارین یئرینی، هم ده آچارلارین نؤمره لرینی بیلیمیردی. رسول گلیب، اونا آچارلارین اوستونده یازیلاری اونلارین نؤمره لرینی گؤستردی.

بارات او نۆمره لرین سانتی متر و یا اینچ اساسیندا اولدوقلارینی اؤیرنمه یه باشلا ییردی. او آچارلاردان سونرا «باکس آچارلاری»، «پیچ گوشتی» لر (وینت آچان) و او بیرری مخصوص ابزارلارلا دا تانیش اولدو.

بارات باخا باخا رسولون نه باجاریقلا پاسلانمیش و برکیمیش پیچلری آچماسینا باخیب، سونرا قاینایق دستگاهینین دالی قاپسین چکیج و قلم ایله آچماسین اؤیره نیردی. قاینایق دستگاهینین دالیسی آچیلاندان سونرا اونون ایچینده کی «آرمچیری» گؤرونور کی، «بولبرینگ» لر ایله ایچه رییه باغلانمیشدی. او بیرری طرفدن، قاینایق دستگاهینین گؤوده سینه دولاشا سارغاج نه قدر مهارتله توخونموشدو، باراتی حیران ائدیردی. رسول باراتا آچیقلا ییردی کی، بو سارغاج بیر نقطه دن یانیب یاشیب، اونا گؤره کسيلمه لیدیر. او کسیلندن سونرا سو یولوب، چیخاریلیب، سونرا اونون گؤوده سی یئیندن تمیزلە نیب، یئیندن سیم ساریلمالی دیر. قولام بو سیم ساریما ایشلرین گؤروردو. رسول باراتا آچیقلا ییردی کی، کسيلمیش سیملری چیخارماق اوچون اۇنجه اونلاری قازلا قیزارتماق لازیم دیر، اونلار یوموشاناندان سونرا، تامامیله داغ و ایستی اولاندا اونلاری انبور یا بؤیوک وینت آچان ایله چکیب چیخارمالیدیرلار. بارات همیشه گرک هم آل قولونون یانما ماسیندان، هم ده اؤزونون یارانما ماسیندان موغایات اولاردی.

بارات گؤروردو کی، قاباغیندا اوزون یول واردیر. او، بوایشلری بیربه بیر اؤیرنمکله یاناشی، رسول یا محمد کیمی، باجاریقلا بوایشلری

گۆرمەلیدیر. او هله ابزارلاری تانیماقدا ایدی. بو حیران قالماقلار ایچینده ایدی کی، گۆردو، بیر نفر کول رنگلی «بی. ام. و» ماشینلا دوکانین قباغیندا ساخلایب، ایچه رییه گلیب، سلام وئردی. مغازاداکیلارین هامیسی اونون سلامین قایتاریب، اونو «تیمور بهی» سه‌سه‌لیر دیلر. چوخ چکمه‌دی، بارات اونون «آسلان»ین شریکی - تیمور اولدوغونو بیلدی. تیمور دا تئز یوخاریا گئدیپ، ایش پالتارلارینی گئیپ، آشاغیا گلدی. بارات گۆروردو کی، ساعات اونا یاخین تقریباً هامی ماغازادا چالیشانلارین هامیسی گلیلر. یالنیز هله آسلان‌دان خبر یوخ ایدی. بارات رسولون یانیندا راحت یئر اوستونده اوزانیپ، یا دا اوتوروردو و اونا آچار سالمادا، ابزار آپاریب - گتیرمه‌سینده کۆمکلیک اندیردی. او هم قاینق دستگاهینین قورولوشون اؤیره‌نیردی، هم ده اؤزو اونون آچماسیندا و سیملرین کسمه‌سینده آل آتیب، رسولا کۆمک اندیردی. بارات ساده‌جه رسولا شاگردلیک و کۆمک اندیردی. بیر اوجا بوی، تۆکمە‌بدن بیر اوغلان اولان رسول امکان اولدوغو قدر باراتا ایش اؤیره‌دیپ، اونو ایشه چکیردی. بارات یاواش-یاواش اونون کیشیلیسندن و صاف اورکلیلیسندن خوشو گلمه‌یه باشلاپیردی. رسول هر دن بیر دانیشیق‌لارینین ایچینده محمدین دانقازلیغینا اشاره ائدیپ، اونون اؤزونو رئیس ساندیغینا و او بیرلره بؤیوکلوک ائتمه‌ینه اشاره ائدیردی.

بارات بو ایشلرین و دانیشیق‌لارین اورتاسیندا ساعات اون ایکی یاخینلیغیندا گۆردو، آسلان دا ایش باشینا گلدی. اوره‌یینده آسلانین

کسین بیر سولچو اولدوغونو دوشونن بارات فیکیر ائدیردی کی، او بیر سولچو یولداشلاری کیمی اوندان چوخ ایستی گؤروشوب سلاملاشاجاق. آما آسلان هامی ایله چوخ قیسا سلاملاشیب، ایش پالتارینی گئیپ ایشه باشلاماق اوچون یوخارییا قالخدی. او آئینده ایستیل ناهار قابی و ایچینده ناهار اوچون یئمک ده گتیرمیشدیر.

هر کس بیر بوجاقدان آئینده بیر ایشله مشغول ایدی. اونلار عینی حالدا بیر-بیرلرله مختلف مساله لرین حاققیندا دانیشیردی. آرا-سیرادا محمد باراتی سه سله ییب، اوندان ایسته ییردی، اونون اوچون بیر آچار، چکیچ و یا باشقا بر وسایط گتیرسین. بارات دا اورهینه آلمایارق، اونا هر بیر ایش تاپشیریلاندا، چالیشیردی، اؤزونو فایدالی گؤستریب، او ایشی یئرینه یئتیرسین. ساعات ناهاردان سونرا بیر اولدو. بو وخت آسلان قاز پیریموسون اوستونده اؤز ناهارین گتیریب قیزدیردی.

بارات دا اؤز ناهارینی، او بیرلر ده ناهارلارینی گتیریب، تتر-تتر قیزدیریب و یوخاریدا، بالکون کیمی یئرده سوفره سالیب، اونون اوستونه دوزوب، یئمه یه باشلا دیلار. هر کس تله سیردی کی، تتر آئینی یوسون، سفره باشینا گلکین. اونلار بیر-بیرلرینین ناهارلارینا شریک اولاراق، بیر-بیرلرله پایلاشیردی. بو نئچه نفرین ایچینده، تیمور و قولام ناهار گتیرمه میشدیلر. اونلارین ناهار گتیرمه مه لری هئچ موشکول سایلیمیردی. بارات بو وضعیتدن چوخ خوشو گلیب، اوراداکي

دوستلوق، قارداشلىقدان راضى ايدى. او جمعين ايچينده يالنىز «محمّد» اذيت جيل و خسته ايدى، او بيرلرله فرقلى گورونوردو.

ناهارين اوستونده اونلار قونشو ماغازالار، او بيرى يولداشلارى و بير-بيرلرين قارداشلارى و آتالارى حاققيندا دانىشيريديلار. اونلار بير-بيرلرين عايله لرينه قدر تانييريديلار. بارات بو دانىشيقلاردان چالشيىردى كى، اونلارين بير-بيرلرله قوهوملوق، تانىشلىق رابطه لريني اؤيره نسين. او بيرى طرفدن اونلارين قوهوم- قارداشلاريني تانيسين. قونشو ماغازالارين حاققيندا دا بير قدر تانىش اولسون. اونلار ناهارلارين ييتيرندن سونرا گوردو كى، «تيمور» و آسلان - ايكي سى ده «دست ناماز» آليب، يوخاريدا نامازا چيخديلار. بو آندا بارات بيلدى كى، اونلار سولچو اولاييلمزلر.

بارات گيل بلكه ساعات ايكيدن سونرا بير داها ايشه باشلايديلار. رسول باراتا دئيردى كى، «تلمسه، او قدر ايش واردير كى، قورتولماغا گلمه سين». او باراتدان ايسته ييردى كى، ايشلريني ياواش و داواملى گورسون. بئله ليكله هم ايشين خطرى آز اولار، هم ده ايشله مكدن يورولماز و ايشدن لذت آپارار. رسول بو آرادا بير آيرى قايناق دستگاهينين داليسيني آچماغا باشلامالى ايدى. بارات دا ايسته دى كى، اونا قايناق دستگاهيني آچماقدا كؤمك ائله سين. قاباكي دستگاهي آچماقدا كؤمك ائدن بارات فيكير ائديردى كى، بير شيلر اؤيره نيب، اونا گوره چالشيىردى كى، آرتيق ثمره لى اولسون.

قایناق دستگاهینین دالیسینی آچماقدا اونلار چوخ گوجلوک
 چکیردیلر. رسول چوخ مهارتله قلمی بیر آینه، چکیجی ده او بیرى آینه
 آلب، پیچلرین (وینترلین) قیراقلاریندان ائله ضربه لر وورماغا
 چالیشیردی کی، او پیچلر یئرلریندن چابالایب آچیلسینلار. سونرا دالی
 قاین پاسلانماسی اوچون اونون آچیلماماسی سبب اولوردو کی، قلم -
 چکیج ايله قایناق دستگاهینی اونون دالی قاپاغیندان آیرسینلار. رسول
 بیر آینه دمیر قلمی توتوب، او بیرى آینه آغیر بیر دمیر چکیجله او
 قلمین اوستوندن آخیر گوجوله بیر ضربه چالیردی.

سونرا رسول باراتدان ایسته دی کی، قلمی آینه محکم قایناق
 دستگاهینین گؤوده سی (بدنه سی) و قاینین آراسیندا ساخلا سین. سونرا
 ایکی کیلولوق چکیجی قالدیریپ و برکدن قلمین اوستوندن چالیدی.
 قاب ايله بدنه بیر- بیرلریندن آیریلمامادیگی اوچون او بیر داها باراتدان
 ایسته دی کی، یئنه ده قلمی آینه برک ساخلا سین. بارات حیس
 اندیردی کی، اگر قلمی بیر بالاجا آیری، یا بوش توتسا، یا بیر آن
 رسولون ایکی کیلولوق دمیر چکیجی بو سورعت و گوجله چالاندا
 اونون آلیندن وورمایاجاق اینامینی ایتیرسه ایدی، بیردن چکیج باراتین
 آینه ده یه بیلردی، هم ده بو آغیر ضربه نین آلتیندا باراتین آلی کوفته
 کیمی آزیله بیلردی. بو چکیج ايله بئش آلتی دفعه رسول ضربه ووردو،
 نهایت قایناق دستگاهینین بدنه سی قاینندان آیریلدی.

بارات بو آندا گۆردو كى، هاوانين ايستيسىنى بوتۇو حيس ائلهيىر. بدننده و آلتىندا دا ترى حيس ائديردى. رسول سونرا باراتا آچىلمىش قايناق دستگاهىنى پاسدان، توز- تورپاقدان تمىزلهمەيى اۆيره دىردى. بوتون چىركلىرى تمىزلهمەك، باراتا يىتيرىردى. هله رسولون ضربەلەرىنىن قورخوسو يارىم ساعاتدان چوخ اونون يادىندان چىخمامىش بارات ياواشجا و تەسمەدن بو تمىزلهمەلەرنى ايچىنىدە چالشانىدان سونرا ساعاى دۆردە يىتيردىلر. آرتىق يورغونلوق گوج گلن بارات بو بير گونون بو قدر اوزون اولماسىنا اينانمىردى. باراتا يورغونلوق دا گوج گلدى.

بارات نەھايەت بىلمەدى، نە پىس كۆكدە ساعاى بۆشە يىتيردى. كۆزو آسلان و تىموردا ايدى كى، اونلار نە زامان ائو گىتمەلەرنە ايجازە وئەجكلر. بارات آخىر آنلاردا آنجاق رسولا كۆمەك ائديردى و اۆزون آغىر ايشلەرە وئىرمىردى. آخشامىن حاضىرلاشماسىندان بارات اۆزونو حاضىرلايىردى كى، ائو گىندىب، ايلەك گون ايش باشىندا كى ماجرالارى نىگارا تەرىفلەسەن.

نەھايەت آسلان بىلدىردى كى، وسايلى ايچەرىيە قويون. بارات بو يورغونلوق ايچىنىدە ايندى باشا دوشدو كى، صبح ائشە قويدوقلارى بوتون قايناق دستگاھلارى، ژىراتورلار، ترانسىلار، سوناسوسلارى و آيرى آغىر-آغىر دستگاھلارى ايچەرىيە داشىمالىدىرلار. بارات چوخ سۆينىردى كى، رسول و مەھمۇدە اورادا ايدىلر. اونلار بير- بيرلەرنە

کۆمک ائده بیلیردیلر. بو آندا گۆردو، رسول ایله محمدین آراسیندا بیر اعلان اولونمیش یاریشما باشلادی.

اونلار قاینق دستگاهلارین بیر تاققا دا دیک قالدیریب، چابالادیب، سونرا بیر جیدی تکان ایله اونو ایچه‌ریه آپاریرلار. بارات دا آچارلاری یئرلینه قویدو. او دا آرمیچترلرین بیر ئنچه‌سینی ایکی نفری گۆتوب، ایچریده کی میزین اوستونه قویدولار. آخیردا وسایلین هامیسین ایچه‌ریده یئرلشدیرندن سونرا اولوم قدر یورغون اولان بارات حاضیرلاشیب خیابانین او بیرى آلندن بیر مینیک ماشین توتوب، اولرینه ساری گئتمک ایسته‌ییردی. او ئنچنجی دفعه اولاراق تلسه- تلسه او بیرلردن ساغ اوللاشدی.

بو بیر قیسا لحظه‌نین ایچینده «محمد» اونا ساری گلیب، اوزون بوتون تمیزله‌میش بیر حالدا دئدی کی، محله مسجدینه گئده جکدی. یورغونلوق هله حیس ائتمه‌ین محمد ایله رسول تزه یولداشلاری ایله مسجدیه و یا باشقا ایلنجه یئرینه گئتمه‌یی دوشونوردولر. بارات گیل نهایت ایشین آخیر بؤلومون قورتاردیلار و بارات بو گونون ندن بو قدر اوزون اولماسینی و اوزانماسینی حدث وورا بیلمیردی. هئچ بیلمه‌دی، نه زامان ماغازادا کی مساله‌لرین فکرینه جوماراق گله- گله ائوه یئتیشدی.

بارات بیرینجی گونو ایش باشیندا سونا یئتیرندن سونرا ائوه گلیب، شامین قوخوسون حیس ائتدی. سونرا ماجرالاری بیربه‌بیر نیگارا تعریفله‌مه‌یه باشلادی. بو بیر گون چالیشماق، باراتا بیر آی قدر اوزون

گلدی. او، او قدر یورغون اولموشدور کی، سانکی «توچال» قلّه سینه چیخیب - ائنمیشدی. بیر طرفدن بو ایشی نئجه هر گون دالبادال گۆره بیلجه یینی بیلیمردی، او بیر طرفدن ده نئجه رسول، محمد، قولام و تیمورون بئله بیر ایشی گۆره بیلمه سینه مات قالمیشدی. بو دا باراتا چوخ آغیر گلیردی کی، او بیر طرفدن تحصیلاتینا دایاناراق نه بیر تخصص صاحیبی اولان ایشی وار، او بیر طرفدن ده اونون هئچ بؤیوک تشکیلاتی مسئولیتی اولمایاراق، نه مطالعه ائده بیلیر، ائله آنجاق ایشچیلیک ائدیر. اونو دا بئله بیر شرایطده - اوندان یئددی - سککیز یاش کیچیک، ساوادیز اوغلانلارا شاگیردچیلیک ائدیر.

بارات صاباح یوخودان دوروب ایشه گئندنه، حیس ائتدی کی، بدنی خاملایب، هر یثری آغرییر. اونون آلرینین ایچی هر یثردن چوخ آغرییردی. اونون آلرینده جیزیق یثرلری ده وار ایدی کی، قان یثرلری گۆرونوردو و دونن چالیشمادا اونلاری گۆرمه میشدی. آلینین، دورناقلارینین آلتی - هامیسی قارالمیشدی و اونلارین قارالاری بو راحتلیقدا گئتمیردی. بدنین خاملاماسی او قدر چوخ دئییلدی کی، اونو چوخ راحتسز ائتسین. او دوننکی کیمی یاخینداکی خیابانین باشینا قدر پیاده گئدیب و اورادا مینیک ماشینلارا سه سهله مه یه باشلادی کی، «تیموری» خیابانینا گئدیر. ایکی اوچ ماشیندان سونرا بیر ساخلادی. بارات اون بئش قیران پارا ایله اورایا گئده بیلیردی. یئنه ده ائودن ایش

باشینا یاریم ساعاتدان آزا یتیشدی. بو گون گۆردو کی، رسول هامیدان قابق اورادادیر.

اونلار بئش آلتی دقیقه دؤزمه لی ایدیلر کی، محمد گلیب قاپینی آچسین. بو آرادا رسول باراتا چوخلو شئیلری اؤیرتمه یه باشلادی. او بیر باشندان دئدی کی، محمد چوخ آلقاق بیر آدامدیر. او، او بیریلری اذیت ائتمکدن لذت آپاریر و اؤزون بؤیوک حساب ائدیر. او، تیمورون کیچیک قارداشی اولدوغو اوچون اؤز موقعیتیندن سوء استفاده ائدیر. او یئنه ده باراتا اؤیره دیردی کی، ایشلری چوخ یاواش گؤرسون و اؤزونو یورماسین. ایشلمک بیر گونلوک دئیل. او گرک موغایات اولسون، اؤزونو یارالاماسین.

نهایت محمد گلدی، قاپینی آچدی. رسول باراتا اؤیره دیردی کی، نئجه بیر تاققادا آغیر قایناق دستگاهلارینی دیک قالدیریب، اونلاری انشییه آپارا بیلر. او پایه لری یره قویاندان سونرا باراتا گؤستردی کی، نئجه آرمیچرلری اونلارین اوستونه قویسونلار. رسولون اولماسی و اونلارین اوچو بوتون آرمیچرلری، قایناق و ترانس دستگاهلارینی انشییه دوزه بیلدیلر. بو آندا محمد یئنه ده اوجا بیر سس ایله باراتا دئدی کی، ماغازانی سوپومه یه باشلا. بارات اوچون چوخ اهمیتی یوخ ایدی کی، نه ایش گؤرسون. اوره یینه آلمایاراق بو ایشی گؤرمه یه باشلادی. رسول بیر دینامی آچماق اوچون لازیم اولان آچارلاری، محمد ده قاز پریموسوندا جای باساتین حاضیرلایردی.

اونلار ياواش-ياواش ايشلرين گۆرن زامان بارات تلسه-تلسه هر يثرى سولايب، سوپوردو. سوپورمه قورتولان كيمي محمد باراتدان ايستهدى كى، گتسين و ياخينداكى ساندويچ ساتاندان اونون اوچون ايچينده شور خيارلى و بادىمجانسىز بير سوسيس ساندويچى و يانيندا بير كوكاكولا آليب گتيرسين. باراتا بو ايش آغير گليردى، آما اوره يينه آلمادان بو ايشى گۆردو. اونون بو ايشه چوخ جىدى احتياجى وار ايدى. او محمده نه اوز وئيردى، نه اونونلا چوخ دانىشيردى. او باشلادى ساندويچ ساتانلا سلام عليك يولا ساليب، يولداش اولسون. اوندان سونرا هر صاباح، وسايلى ائشيه قوياندان سونرا باراتين بيرينجى ايشى ماغازانى سوپورمك، ايکينجى ايشى محمده ساندويچ آلماق اولموشدور. اونلاردان سونرا بارات ماغازادا تعميرات ايشلرينه باشلايىردى.

معمولاً آسلان و تيمور ساعات اون دؤره سينده ايش باشينا گليرديلر. اونلار چوخ تميز گئيينيب، اۆزلرينى چوخ آز باتيريديلار. اونلار چوخ پشه كار، جىدى و آنلاقلى داورانريديلار. اونا گۆره بارات هميشه اونلارا احتراملا داورانيردى. بارات ايکينجى گونو ده اۆزون رسولا ياخينلاشديريردى كى، اونونلا چاليشين. رسول ساده ديليله چوخ شئيلرى باراتا اؤيره ديردى. ساده آچارلارى تانيماقدان، اونلارى نئجه توتوب و استفاده ائتمكدن توتوموش، ايشى نئجه كونترل اوتمك، بو دستگاھلارين نه اولدوقلارى و نئجه چاليشمالاريني اؤيرنميه كيمي.

زامان بو گون کڇن گوندن داها راحت کچيردي. بارات آز يورولوب، آز داريخيردي. اونلار ايش باشيندا دانشيب، جوک دئييب گولوردولر. بارات اونلارين شخصيتلريني ده آرتيق تانيمغا باشلايردي. بارات دانشماقدان داها چوخ تانيماق و اؤيرنمه چاليشيردي. بارات گوردو کي، قولام بير پاک اورکلي جيدي چالیشان بير کيشي ایدی کي، چاليشيردي هئچ بير آيري ايش گورمه سين، ياليز سيم ساريماق. اونون هميشه بؤيوک ميزين داليندا بير بؤيوک دينام قاباغيندا وار ایدی کي، اونا سيم دولاييردي. او باشقالارينين ايشينه دخالت ائتميردي، باشقالاري دا اونون ايشينه.

محمد آرا- سيرا باراتدان ايسته ييردي کي، رسولون يانيندان قالخب گنديب اونا بير آچار گتيرسين. بارات بير آچاري بير دفعه ياليز گتيرسه ایدی، محمد اونونلا تحقير حاليندا دانشماغا باشلايردي. بارات آرتيق اونون تحقيرلرينه دؤزمه ييب، اونون جوايني وئريب، چاليشيردي اونو يئرینده اوتورتسون. بير يئرده بارات قيرمیزی خطی چکمک ايسته ييردي. يعني بورادا محمد اوندان آنجاق ايش ايسته يه بيلر، آما اونو تحقير ائده بيلمز. بو ايشي گورسه، بارات اونا جيدي جاواب وئره جکدير. محمد ده اوزدن گئدن دئييلدي، هر زامان لازيم اولاندا باراتدان بير ايش ايسته ييردي، بارات او ايشده ايرادي اولاندا، اونونلا تحقيرلي داورانيردي و بارات دا اونا جاواب وئيريردي کي، بير-ايکي دئيشمه دن سونرا اونلارين بحثی قورتاريردي.

ایش یئری بیر-ایکی قاپیلی، کیر کیره لی قاپیلی تعمیر ماغازاسی ایدی کی، «تیموری خیابانی»، «قزوين خیابانینا» یایشان یئره اون-اون بئش متر قالاندا یئرلشمیشدی. تیموری خیابانی بیر دار خیابان ایدی کی، اوندان ایکی ماشین عینی حالدا زحمتله کئچیردیلر. بو زاماندا خیابانین قیراغیندا بیر بویوک قسمتین بارات گیل قایناق دستگاهلارین دوزمکله توتوموشدولار. اونلار تکجه خیابان دئیل، بلکه پیاده یولونون چوخون دا توتوموشدولار. بارات یاواش-یاواش حیس اندیردی کی، او دا بیر پارا ایشلر گؤرور. دیناملارین یانیق سیملرین کسب چبخارماغی، اونلاری قیزدیریب و تمیزله مەلری، اونلارین ایچینه یانماز کاغیذلاری کسب قویمالاری و ها بئله ایشلردن اورادا چوخ اولوردو کی، اونون بوتون زامانینی توتا بیلسین.

ایکینجی گونو ده سونا گلیردی. بو گون داها بیرینجی گوندن راحت کئچدی و بارات آخشام گلنده یئنه ده او آغیر-آغیر دستگاهلاری ایچهریه قویماقلا قارشیلاراق، رسول و محمدین کؤمه یی ایله اونلاری ایچهریه قویوب نهایت ائوه دؤندو. آغیر-آغیر گونلری بارات باشندان کئچیریدی. اوزون زامان باراتین جبینده بئش یوز تومن بیر یئرده اولمامیشدی. هفته نین سونو یاخینلاشاراق، بارات حیس اندیردی کی، بئش یوز تومان یاخینلاشیر. نهایت هفته نین سونو یاخینلاشیدی. هفته نین سونوندا آسلان باراتا یورولمویاسان دئییب، اونا

بئش یوز تومان وئردی. بارات غرورلا جییلرینده آغیرلیغی حیس
 ائدیردی. بو آغیرلیق دا بئش یوز تومانین آغیرلیغی ایدی.
 هفته‌نین سونو بارات اؤز ائولرینه چاتاندا ایچه‌رییه گیرن کیمی،
 بئش یوز تومانی نینگارین باشینا سپه‌له‌دی. چوخدان ایدی، اونلارین بو
 قدر پارا جییلرینده اولمامیشدی. اونلار یئمک‌لری اوچون یاخشی یئمک‌لر
 آلا بیلردیلر. نینگار دا بویلو اولدوغو اوچون گون به گون آغیرلاشیردی.
 او دا ایشه گئتمه‌یین آزالتماغا باشلایردی. اونلارین جیره کوپونلاری
 اولمادیغی اوچون چوخلو یئمک و ائو وسایلیندن محروم
 اولموشدولار. آغیر بیر شرایط و چتین بیر دوروم ایدی. بئله‌سینه بارات و
 نینگارین گیزلی چالیشیب یاشامالاریندا بیر یئنی صحیفه آچیلماغا
 باشلادی.

بارات ایش باشینا هر گون گئندنه او بیر طرفدن ده نینگار بیر
 پالتار تیکمه «تولیدی» سینده چالیشیردی و اورایا گئدیردی. بو بابتدن
 اونلارین هم زامانلاری دولوردو، هم ده جیسمی نظریندن یورغون
 اولوردولار. بونا گؤره داریخماق و یوخسوللوقا فیکیرلشمه‌یه
 فورصت‌لری اولموردو. آما تهرانین یای هاواسینین ایستیسینده اونلارین
 یخچال «بوز دولابی» اولمالاری چوخ چتین ایدی. اونلار هر بیر شی

چوخ آز آلمالیدیلا، سرین سو و یا سرین قارپیز و باشقا شئیر ایچه و یثیه بیلمیردیلر. بیر دفعه ده خیاللارین راحت ائتمیشدیلر کی، بو گلیر ایله اونلارین یخچال و اونا تای ائو وسایلی آلیب صاحب اولما امکانلاری یوخدور.

هفته به هفته نیگار آغیرلاشیردی و اونون ایش باشینا گئتمه سی چتینلشیردی، آما او نظره آلمادان دالبادال ایش باشینا گئدیب چالیشیردی. او یولداشلاریندان «آنانین قاریندا اولان اوشاقلار» حاقیندا یازیلیمیش بیر جامع و بؤیوک کتاب آلمیشدیر. اونو اونلارین هر ایکسی اوخویوردولار کی، اوشاغین هانسی مرحله ده اولماسینی و اونلا نئجه داوراناجاقلارینی دوشونسونلر. هفته سونلارینی یا اسفندیارگیل، یا دا مورد ایله بیرلیکده گئیدب دولانیردیلا.

بارات عینی زاماندا بیلیردی کی، سیاسی تشکیلاتلارینین رهبرلیی هامیسی ائشیه قاجیب و اونلارین مینرله بارات کیمی کادرلاری دیدرگین دوشهرک شهرله داغیلیلا. بارات تانیدیغی یوللاردان تهراندا قالان تشکیلات ایله ارتباط باغلاماغی دوشونوردو. نهایت «آزادلیق، عدالت، تمدن و سوسیالیسم» یولوندا چالیشما باراتین حیاتینین بوتون معناسینی تشکیل ائدیردی. دقیقاً بو ایدئاللارا گؤره ایدی کی، بارات بو قدر چتینلیکله قارشى دؤزوردو.

آیلاردان سونرا بارات اولوب قالان تشکیلات ایله بیر ایلیشکی قراری قویماغی باجاردی. بیرینجی گؤروشده، او اوجا بوی، تۆکمه بدن

و سوپورگه بیغلی بیر «شیماللی» (مازندرانلی) بیر اوغلان ایله گۆروشدو. بارات اونونلا گۆروشنده گۆردو کی، بو اوغلانلا قاباقجا «پیشگام» حرکتلرینده گۆروشموشدو. او باراتین ایندی آرتیق خبری اولمایان قدیم یولداشی «ذبیح»ین همشهریسی ایدی. بارات ذبیحین حاققیندا دانشمادی. بو قارانلیق شرایطده اونون او بیر یولداشلاری حاققیندا بیلمه‌سی ده دوز دئییلدی.

اونلار خلوت خیابانلاردا قدم ووراوورا دانشماغا باشلادیلار. دانشیققلاری چوخلو سیاسی مساله‌لری آراشدیرماق، اؤز سیاستلرینی تنقید ائتمک و باشلارینا نه اوچون بو بلالرین گلدییی حاققیندا ایدی. دانشیققلار جیدّی، زامان آز و خیاباندا جاماعاتین ایچینده بیر شرایطده ایدی کی، اونلار هر آن دؤنوب، اؤز آرخالارینا باخمالی، هم ده هر گلیب-گندن آدام اولاندا سه‌سلرین آزالتمالی ایدیلر. نهایت قرار وئریلدی کی، بارات بیر آیری اوچ نفرلیک «تشکیلاتی حوزه»نی ایداره ائتسین. بارات گیل ایله ده ارتباط یارادان بیر قیز یولداشلاری اولاجاقدی کی، راحت اونلارین ائولرینه گئت-گل ائده بیلسین.

دانشیققلار قورتولاندان سونرا اونلار بیر-بیرلرینین آللرینی برک سیخیب و ایکی ساواشچی یولداش کیمی آیریلدیلار. بارات اؤز یولونا و یولداشی دا اؤز یولونا گتتدی. بارات هله حؤکومه نسبت «حمایت و تنقید» سیاستندن کامل قیریلامیشدیر، آنجاق اونون اوچون جیدّی سواللار بئیننده یارانیردی. بارات بو حاقدا- «ولایت فقیه» حکومتی

اصلاح اولاييلر، ذهينينده قاريشيق دوشونجهلر دولاشيردى. آرتيق بئله فيكىر ائديردى كى، بونلار اصلاح اولان دئييللر. نئچه ايل اوندان قاباق تهران دا «تاج» خيابانيندا اوتوراندا «قولو» نون سۇزلرى يادين دوشوردو كى، «بونلار سرمايه دارى تجارى- سئتيديرلر، بونلار ايشچى طبقه سينين ايداللارينا ياخينلاشا بيلمزلر. بونلار ايشچى طبقه سينين نماينده لريني گئچ - تزارادان آپارماغى دوشونه جكلر، ييز گر ك اؤزوموزو بئله بير شرايطه حاضيرلاياق». بارات آرتيقراق «قولو» نون او آناليزينه ياخينلاشيردى.

بو فيكىرلر بارات ين ذهيندن كئچه- كئچه، اؤزونو بير شهرين تشكىلاتينين اصلى مسؤللاريندان بيلن بارات ايندى بير اوچ نفرليك حوزه نين مسؤل اولماغيني اؤزونو چوخ كچيديلميش كيمي گؤروردو. آما گئرچكلره ده باخاراق، اونا بوندان آرتيق امكان يوخ ايدى كى، بوندان آرتيق زامان و واخت قويسون. هردن ذهينده بو سوال يارائيردى كى، «نه دن تشكىلاتلارى يوخسول كادرلارينا بير پول وئرمير؟». سونرا تئر اؤزونه گليردى كى، تشكىلات كى دارما- داغين اولوب. بو آندا دؤنوب، اؤز- اؤزونه دئيردى كى، «يئنه ده وارلى عاييله لرده اولموش كومونستلر نه قدر خوشبختديرلر. اونلار مجبور دئييللر، بارات گيل كيمي يوخسوللوق، ايشسيزليك، هم ده ايزلنميه دؤزونلر». بارات ائشيديردى كى، اونون وارلى قديم تانيشلارى بير- بير اؤلكه دن چيخيب آوروپا اؤلكه لرينه گئديرديلر.

بارات تانیشلاری و یولداشلارینین ایران دان چیخیب-گئتمه لرینه و اؤز جانلارینی قورتارمالارینا راحتسیز دئییلدی. او، اؤز اوزهرینه آرتیق مسؤلیت داشییردی و آغیر شرایطده قالیب دایانماق ایسته ییردی. بو باراتا بیر طرفدن بؤیوک بیر سیناق و امتحان سایلیردی کی، دار گونلرده میدانندان قاچان بیر شخص اولمادیغینی گؤسترسین. هم ده اؤزونون یوخسوللوق ایچینده، باسقی آلتیندا قالماسینی، حتّا بیر بوز دولابی آلا بیلمه دیکلرینی گؤرنده بیلیردی کی، هله لیک اونا خاریجه گئده بیلمک اوچون مالی امکان هئچ یوخدور.

بوتون بو فکیلر ذهنینده دولاشراق، هاوا آرتیق قارانلیقلاشمیشدیر کی، بارات گلیب ائوه چاتدی. نیگار شاما یومورتا اومیلتنی دوزلتمیش و اونو گؤزله ییردی. سوفره نی آچیب، تزه لاواش سفره ده، بادمجان-اومیلتنی بیلمه دیلر نه زامان بیتیریپ، تاوانی سییرماغا باشلادیلار. اوستوندن ده بیر تیکه یاوان چۆره ک یئدیله کی، قارینلارینین آجدیغی آرادان گئتسین. اوستوندن ده هره سی ایکی-اوچ چای ایچیب قارانلیقدا گؤزلرینی پنجره نین شوشه لرینه تیکدیله ر. شوشه ده یالنیز اوزلرینی گؤروردولر. داها هاوانین قارانلیغیندا او کیچیک حیط گؤرونموردو کی، اونلارا یولداشلیق ائتسین. یورغونلوق اونلارین گؤزلرینه آغیرلیق گؤچ گلیردی. ائوین بیر بوجاغیندا اونلارین سانکی مئبللری کیمی اولان یورغان-دۆشک باغلالمالاری چوخ چتینلیکله

اوتاغین اورتاسینا گتیریب- آچیب، هئچ بیلمه دیلر، نه زامان یوخویا گتیدیلر.

صباح بارات هر گون کیمی ایش باشینا گنده جکدی، آما او، تشکیلاتی یولداشینین اونونلا ایلشکی یاراداجاغینی گؤزله ییردی. باراتین جانینین آغریماغینی داها آرتیردی. اونون بوتون قوللاری و آیاقلاری صوبح یوخودان دوراندا توتقون حالدا ایدی. اونلارین بیرینجی قراری بارات گیلین ائولرینده اولاجاقدی. بو قرار هفته نین سونوندا جوما گونو ناهاردان سونرا ساعات اوچ دؤره سینده اولاجاقدی. بارات بیلیردی کی، او زامانا قدر چوخ قالیر، اونا گؤره ایش باشیندا آرتیقراق هم عملی باخیمدان، هم ده تئوری نظریندن اؤزونو کامیللشدیرمه یه چالیشیردی. آلرینین آغریماسینین قارشیسینی آلماسینی اونا ایلک دفعه ایش چیمینی اؤیره دن رسولدان اؤیره نیب، سونرا بارات اؤزونه گؤره او قدر اؤز گونوج قازانمیشدیر کی، بیر قایناق دستگاهی، یا دا ترانسفورماتور دستگاهینی آچیب - باغلایا بیلیردی.

ماغازانین اصلی سیم ساریماق ایشلرینی قولام گؤرردی. کیچیک، عمومیتله، اینجه سیم ساریماق ایشلرینی آسلان، یا دا تیمور گؤروردو. ریاضی فورموللاری ایله سیملرین قالینلیغین، یا دا اوزونلوغونو حساب ائده بیلمه یین اونلار بیر طرفدن دستگاهلارین سیم قالینلیقلاری و دؤره سین «اصلی مودئلین کویسی کیمی» دولاییردی. اونلار او قدر اؤزلرینه گؤوه نیردیله کی، هر دن سیملرین قالینلیغینی،

هردن ده دولانديغى دوره سايىنى آرتىريب، يا دا آزالديرديلار كى،
اونلار ايسته دىيى نتيجه نى آلا يىلسينلر.

بارات نه قدر ده باجاريق آلدە اثتسه ايدى، اوندان بلكه يئددى
ياش كيچيك اولاي بيلن محمد هله اوندان ايسته ييردى كى، هر گون
دستگاهلارى اثشيه قوياندان سونرا تكجه ماغازانى سوپورسون، بلكه
گنديب اونا ساندويچ آلسين. بارات بو اسكيلىب-آلچالديلمانى چوخ
اؤزونه آلماياراق دؤزوردو. او، بو آرادا قولاما ياخينلاشيردى. باشى اؤز
ايشينده اولان قولام اؤزونه مخصوص بير بؤيوك فلسفه سى وار ايدى،
او دا بو ايدى كى، «بىز ايرانلىلار مدنيتسيز آداملاريق، مدنيتيميز
اولسايدى، موللالارى اؤزوموزه باشچى سئچمزدىك». بونلارى بير-بير
تانيماق ايسته ين بارات چوخ سياسى-اجتماعى بحثلره قاتيشميردى.

بعضاً رسول دا ماغازانى سوپورمكده گليب باراتا كؤمك
اينديردى. ماغازاين داليسيندا چوخلو وسايلين بير گون ايشه گلديينى
نظره آلاراق انبار ائله ميشديلر. قولام هر فورصت تاپاندا دئيردى كى،
بونلارى گر ك ائشيه توكك كى، بو فضا آچيلسين و اوندان ياخشى
استفاده اولونسون. بارات بؤيوك دمير چكيچلر ايله آلينده ساخلاديغى
قلملرين اوستونه چالمادان، ميسدن اولان سيملرى كسمه يى راحت
گؤروردو. اونون آلرينين تكجه قاراليغى يوخ ايدى، بلكه اونون آلرينده
دايم ياريق، كسيك و قان دؤيمه لى يئرلر وار ايدى. او آنجاق چوخ
چاليشيردى كى، چكيچ ايله آليندن وورماسين.

بیر گون آسلان ماغازایا گلندن سونرا بیر آز سونرا تیمورا دئدی کی، «دئیه سن، تله یه سیچان دوشوب». بارات اونون فیکریمی توتا بیلمه دی. او ایندییه قدر اونلارین ماغازادا سیچان تله سینی قویمالارینی گۆرمه میشدی. تزه، مگر بو قدر یاغ، توستو، چیر کینلین ایچینده سیچان دیری قالا بیلر؟ بو فکرلرین ایچینده ایدی کی، گۆردو، آسلان بیر سیچان تله سینی دالیدان گتیریر، بیر پیشیک بالاسی بویوندا سیچان اونون ایچینده. بارات بیلیردی کی، تهرانین چیرکین هاواسیندا، میلچک دیری قالا بیلیمیر، آما بیلیمیردی کی، بو ایرلیکده دیری «آغچا سیچان» تهران شهرنین ایچینده اولایلر.

بارات فیکره قالمیشدیر کی، بو ایرلیکده سیچانی اونلار نئجه اۆلدوره جکلر. بو بؤیوکلوکده سیچان گۆرمه یین بارات اونلارین نه ایش گۆره جه یینی بیلیمیردی. بو آردا دا آسلان دؤنوب باراتا دئدی کی، «گت بیر آز بنزین گتیر». بارات اؤز-اؤزونه دئدی کی، وای ده ده بو سیچانی بنزین ایله یاندیراجاقلار. او ذهننده آسلانین بو قدر داش اورکلی اولدوغونو تصوّر ائده بیلیمیردی. بارات اؤز ایش محیطینین نه قدر گوبود و آمانسیر اولدوغونو گۆرموشدو.

نهایت بارات بئنزینی گتیردی. آسلان اونون آلیندن بئنزینی آلیب، سیچانین باشینا تۆکمه یه باشلادی. بارات گۆزله ییردی کی، آسلان قاپینی آچیب، حیوانی اودلا یاندیریب-اۆلدورسون، آما ایش او مرحله یه چاتمادی. یازیق سیچان آنجاق بنزین اونون باشینا

تۆكۈلمەسىنىن تائىرى آلتىندا بىر نىچە دىفعە دۆرەسىنە دولاندى، سونرا يىخىلىپ، قىسىن بىر بوجاغىندا اۋلدو. بارات فرىست آلدە ائدىب، سىچانين هىكلينە باخىب، اونلار چالىشىدىغى ماغازادا بو ايرىلىكده سىچانين اولماسىنا تعجب ائىدىردى، هم بوندان سونرا اورادا يىئىپ - اىچمىك و اۋزونو تىمىز ساخلاماق زمىندە آرتىق احتىياط ائىدىردى.

نهایت هفته نىن سونو يىتتىشدى و بارات ين قرار زامانى گلىب چاتدى. بارات گىلىن ائولرىندە اونونلا اىلىشكى ياراداجاق يولداشى بارات ايله، سونرا دا «نىگار» ايله گۆروشو اولاجاقدى. اونون نىگارلا گۆروشو بارات ين بىلدىنە گۆرە نىگار ين روحى احتىاجلارى اوشاغىن گلمەسىندن قاباقكى مسالەلرى ايله باغلى اولاجاقدى. اونلار ين ائولرىندە كى همىشە يوخارىدا اولان و اونلاردان چوخ خبرى اولمايان قوجا آرواد اونلارلا چوخ ارتباط ياراتماغا چالىشمازدى. بو مسالە بارات گىل ين خوشلارىنا گلدى كى، اونلار دا ائو صاحىبىنن اونلار ين حاققىندا فضوللوق ائتمەسىنى اىستەمىردىلر.

بارات ين رابط يولداشى گلدى. او گۆزل و بلكە دە بارات ياشدا بىر قىز اىدى. بىر مانتو شالوار كىنن او قىز بارات گىلىن ائولرىنە گىرنىدن سونرا باش اۋرتويون آچدى. اونلار بىر-بىرلىرلە تانىش اولدولار و نىچە دىققە تانىش اولماغا صرف ائىدىلر. نىگار قاباقچادان حاضىرلادىغى چابى گتىردى و هامىننن قاباغىنا قويدو. سونرا بارات ايله دوستونون

جلسه‌لرینین باشلا یا جاغینی بیلدی یی اوچون حیطه گتدی کی،
قاب-قاجاق، یا دا پالتار یوماقلا مشغول اولسون.

اونلارین اوتوروب - دانیشمالاری ایچه‌رینین سیاسی دورومونو
آراشدیرماق، اونلارین دوشونجه‌لری، گونون سیاسی مساله‌لری ایله
باغلی ایدی. سونرا باراتین اختصاصی اقتصادیات اولدوغوندان
فیکیرداشی اوندان ایسته‌دی کی، آلیق اقتصادی مساله‌لرله باغلی بیر
سیرا تحلیللر یازسین. بارات حیس ائدیردی کی، تشکیلاتین
یوخاریسیندا کیلار دا بارات کیمی بیر طرفدن داها حاکیم دؤلتن او قدر
ده حیمایه ائتمیردیلر، هم ده اونلار دا بارات کیمی اؤز تحلیللرینه
دایانیردیلر کی، یوخاریدان بیر نظرین گلمه‌سینی گؤزله سینلر (اگر بیر
یوخاری آدیندا بیر شئی اولسایدی!).

بارات گیلین دانیشیق‌لارینین سون بؤلومو باراتین تشکیلاتی
مسئولیتینه عاید ایدی. او اوچ آیری فیکیرداشی ایله گلن هفته‌نین
اورتالاریندا چهارشنبه گونو ایشدن چیخاندان سونرا آخشام ساعات
آلتی یاریمدا، قزوین میدانین یاخینلیغیندا بیر بللی یئرده قرارلاری وار
ایدی. اونلارین دا بیر-بیرلرینه نشانه‌لری بو ایدی کی، ساغ اللرینده بیر
کیهان قزئته‌سی، سول آللری جیلرینده اولاجاقدی. بیر-بیرلرینه یئیشنده
ساعاتی خبر آلاجاقدیلار. جواب وئرن دئیجه‌دی کی، «شام واختینا
ایکی ساعات قالیر».

بارات قرار یئرینی و تزه یولداشلارینین حاققیندا آرز، آما عمومی بیلگیلر آلدی. بارات خیردالیقلاری اؤیره نندن سونرا حیس ائتدی کی، اونلارین آرتیق گؤروشلری قورتاریب. بارات فیکیرداشیندان آیریلماغا یاخینلاشاندا گلجهک قرارلارینین زامانین تعین اندی، سونرا خداحافظلشدی. سونرا نیگار ایله «ساناز»ین گؤروشمه لری باشلادی. بو آرادا باراتین اونلارین یانیندا بیر ایشی یوخ ایدی، اونا گؤره او انشییه چیخب، بیر آل وئر باهاناسینا خیابانا گئتدی.

هاوا قارنلیق دوشنه یاخینلاشاندا بارات یئنه ائوه گلدی. او زامان دا ساناز گتمیشدی. نیگار دا ائوده شام بیشیرمک اوچون بیر پارا تداروکلر گؤروردو. اونلارین ایکسی ده بیر آیری فیکیرداش صاحبی اولماقدان سئوینیردی. بارات دا تشکیلاتی ارتباط یاراتماق باخیمدان هم سئوینردی، هم ده ناراحات ایدی. بونا گؤره سئوینردی کی، نهایت ارتباطی وار و سیاسی تشکیلاتی باخیمدان تاثیر قویا بیلر. باراتین ناراحتچیلیغی نچه سببدن ایدی: بیرینجی، او، اؤزونو بوندان چوخ یوخاری بیلردی کی، اونا بیر کیچیک اوچ نفرلیک حوزه تاپشیر سینلار؛ ایکینجی، تشکیلاتین اؤزو حاققیندا دا چوخلو سواللار وار ایدی، هله هاردا قالا، اولان مساله لره جاواب دا وئرسین؛ اوچونجو، حاققیندا هنج کس ده بیر ایش گؤره بیلمه دیی اونون یوخسوللوغو ایدی کی، اونا گؤره مجبور اولاراق، هفته ده بشش گون آزیندان گونده اون ساعات بارات چوخ چتین بیر دورومدا چالیشمالی ایدی.

بارات ایله نیگار بیر قدر سانازین حاققیندا دانشاندان سونرا اونلارین هر ایکسی سانازین شخصیتیندن خوشلاری گلمیشدیر. اونلارین ایکسی ده یونگوللوک حیس اندیردیلر. بو هفته سونو مورد اونلارین ائولرینه گلمه‌دی. بارات گیلین دانشماق اوچون بیر سوژه‌لری وار ایدی، او دا سانازین گلمه‌سی و اونون یاخشی بیر خانیم اولماسی ایدی. بو صحبتلر، دانشیقلا و خیاللار ایچینده اونلارین یئنه یورغونلوقلاری اوستون گلیب، اونلاری یوخویا دالدیردی.

بارات چرشنه گونونو گؤزله‌ییردی کی، آخشام ساعات آلتیدا ایشدن چیخسین و آلتی یاریما اوزون قزوین میدانینا یئتیرسین. آخشام بیر باهانه ایله ساعات بئش یاریمدان دستگاهلاری ایچه‌ریه قویماغا باشلادی. ساعات آلتیدا بوتون دستگاهلار ماغازانین ایچینده ایدی. بو آندا قولام، رسول و یاواش-یواش او بیریلر ده گتتمه‌یه حاضرلاشیردی‌لار. بارات دا اونلارلا بیرلیکده آل-اوزونو یوماغا باشلایب، سونرا پالتارلارین ده‌ییشدی و آلتینی اون دقیقه کئچنده، قزوین میدانینا گتتمک اوچون مینیک ماشین آختاریردی.

بارات آلتی یاریمدا قرار یئرینده حاضر ایدی. او آکینده کیهان گونده‌لیی و او بیرلی آلی جیینده، قرار یئریندن اون بئش متر فاصله ایله اورالاردا قدم ووروردو. او هم قرار یئرین گؤز آلتینا آلمیشدی، هم ده قرار یئرینده ایدی کی، یولداشلارینین بیر یثرده توپلانا بیلمه‌سینه ایمکان یارادیردی. هاوا یاواش- یاواش قارانلیق اولوردو. بارات جیسمی

باخیمدان یورغون اولموشدو. آخشام اونون شام یئمک واختی دا چاتیردی، بدنین ساعاتی آیری بیر سیقنال وئیردی و بو سیقناللار اونو بیر قدر آج و راحتسز اندیردی.

بئش دقیقه گئجیکمکله بارات بیر خوش تیپ جاوان، ایگیری بئش یاشیندا اولابیلن و قرار باشینا گلن بیر اوغلانی گۆردو کی، آئینده کیهان گوندهلیی و او بیر اکی جیینده دوز بیر یئرده دوروب، ساعتینا باخیب و دؤرهیه باخیردی. تامامیله گۆرونوردو کی، قرارلیدیر و بیر یا نچه نفری گۆزله بیر. اونون قرار یئرینده بللی و آشکارجا دایانماسی و بئله داورانماسی باراتی چوخ راحتسز اندیردی. بارات اونون پشه کارجا داورانماسینی گۆروب، ناچار اؤز امنیتینی قوروماق اوچون بیر نچه دقیقه آرتیق دؤزدو کی، اکینجی اوغلان دا همن داورانیشلا قرار یئرینده حاضر اولدو. اونلار نچه کلمه بیر- بیرلریله دانیشدیلار، سونرا اکیسی ده بیر یئرده دوروب، دانیشدانیشا ساعتلارینا باخیب و او بیرلرینی گۆزله بیردیلر.

اکینجی اوغلان دا تقریباً یاشلاری بیر ایدی. بو اکینجی اوغلان بیر آز ساققالی وار ایدی. جیسمی باخیمدان دا چوخ قیوراق نظره گلیردی. بارات بیرینجی جاوانین تحصیل آلمیش آیدین بیر اوغلانا بنزه دینی، او بیرین چوخ آز عمل آدمی، بلکه بیر یئرده چالیشان ایشچی اولدوغونو ساندی. بارات بو فیکیرلرین ایچینده ایکن گۆردو کی، بیر آیری اوغلان دا همن شرایطله یاخینلاشیر. بارات دا فورصدن

استفاده اندید، اونونلا بیر لیکده ایکسی بیر زاماندا قرار یئرینده او بیریلر ایله گۆروشمه یه باشلادی.

اونلارین بیر یئر توپلانمالاری اون بئش دقیقه سوردو. هاوا قارانیق اولموشدو. بارات و یولداشلاری بوتون سولچولارین دبی اولدوغو کیمی چوخ ایستی قانلی و گولش قباقلیق ایله بیر- بیرلرینی قارشیلایب، سونرا برک آل وئردیلر و بیر برک آل وئرمک اونلاردا سانکی اونلار اوزون زاماندا بری بیر- بیرلرینی تانییرلار دئمکدیر. اونلار بیر لیکده یاواش-یاواش خیاباندا چوخ قالابالیق اولمایان یاندا حرکت باشلادیلار.

بارات صؤجبتلرین «امنیتی» مسالهلری طبیعی شکیلده رعایت ائتمک و اؤزلرینی قرار یئرینده ایز ایتیرمک و طبیعی داورانماق مسالهلری ایله باغلی دانیشماغا باشلادی. سونرا اوچ یولداشلا تانیش اولدو. اونلارین بیرینجیسی، آتاسنین ماغازاسیندا ایشله ییردی، درسینی بیتیرمیش و چوخ اؤز ایچینه قاپانان بیر اوغلان ایدی. بیر آز ساققاللی اولان اوغلان بیر خیاطلیقدا چالیشیردی. او دا اورتا مکتب دیپلومو وار ایدی. او بیرنین ده دیپلومو وار ایدی و بیر فابریکادا چالیشیردی.

بو باراتین ایشینی راحتلادیردی کی، اونون یولداشلاری آزیندان دیپلوملاری وار ایدی. بو مساله باراتین ایشینی -دانیشقلارینی درین و آیدینلار سطحینده یوکه سینه کؤمک اودیردی. باراتا یولداشلاری مجال وئرمیردیلر کی، دانیشیغی یؤنلتسین. اونلار خیاباندا

گنده- گنده سیاسی بحثه باشلاييب و داوام ائديرديلر. باراتين يولداشلاري ايكي دسته سوال ايله اونو بومباردومانا باشميشديلار. بارات اوږو اوږ سياسي تشكيلاتي وضعيتين هاوادا اولماسيني گوروردو، او بيرى طرفدن گوروردو كي، او بيرى يولداشلاري اوندان آرتيق سياسي تشكيلاتي باخيمدان نه قدر آوارا قالييلار.

باراتين يولداشلاري سياسي باخيمدان وضعيتي آراشديرماغا و تشكيلاتلارينين قاباقكي تحليللريني آرتيقراق تنقيد ائتمه يه باشلاميشديلار. بونلار سياسي باخيمدان قاباقكي سياستلره نسبت شوبه لئمه يه باشلاميشديلار. آما اونلار تشكيلات طرفندن آلترناتيو بير باخيش گورموردولر. اونلار دا فيكيير ائديرديلر كي، «بارات» تشكيلات طرفندن گليب و تمام سواللارا جاواب وئرمه ليدير. بارات اونلارين كؤنلونه توخونا و تشكيلاتلاريني اونلارين قاباغيندا سينديرا ييلمزدى. او باجاردىقجا اونلارين دوزگون سورونلاري و آناليزلرینه سه س وئرمه لي ايدى. گوره سن، بو حكومت ضد امپرياليستدير؟ بو حكومت ضد سرمايه دارى ديرمى؟ تشكيلات «حزب توده» نين قويروغونا تبديل اولموشدو؟ توده حيزبين رهبرلرينين دئديكلري - اونلار روسيه نين جاسوسويدولار - دوز ايدى؟ سوؤتلىر بيرلىسي، دوغرودان، آزاد و مدينه فاضله كيمي سوسياليستي بير جامعه دير؟ و اونلار بونلار تاي سورولار ايله باراتي دالبال توپا تومتوشدولار.

ایکینجی سیرا سوالار و توپا باغلامالار تشکیلاتین اسلام جمهوریتی حکومتیدن حمایت ائتمه سیاستنه عاید ایدی. نهایت بو توتولمالار و باسقیلاردان سونرا هله بو حکومت «آزادلیق» و «عدالت» حکومتیدیر؟ بارات بو مساله یه جواب وئرمه لی ایدی. بارات اؤز گوجو قدر مسالهنی تئوریک و سیاسی باخیمدان آچماغا چالیشیردی. باراتین آچقلامالاری بیر طرفدن آرتیقراق تشکیلاتلارینین باخیشینی تنقید آتیشنه معروض قویوردو، هم ده مساله لره جاواب وئرمک یئرینه داها دا سوال یارادیردی. بارات اؤزو تزه یئتیشدی دوشونجه سینه - «حکومت غیر مردمی» و بیر «ایشچیلر و زحمتچکنلره قارشی» بیر حکومتدیر، دایانیردی.

اونلار آرتیق یول گئذیب، دانشماقدان یورولموشدولار. بیر نقطه ده بیر صندل تاپیب، اوستونده اوتوراراق، اؤز ایش یئرلرینده نه لر اولدوغوندان خبر وئرمه ک مساله سی و بیر پارا عمومی خبرلر توپلاماقلا اوتوروملارین سونا چاتدیردی لار. یئنه گلن هفته قرارلاری همین نقطه ده و همین زاماندا اولاجاقدی. اونلار بیر-بیرلریندن آیریلیب و هرکس اؤز ائوینه ساری یولا دوشدو.

بارات گئجه ساعات اونا یاخین ائوه یئتیشدی. نیگار اونون جلسه باشیندا اولماسیندان خبری وار ایدی. آما او زامانا قدر ائوده تک باشینا قالمیشدی. بارات بیر طرفدن گئجه نی بو قدر ائوه گنج گلمه سینه نیگارین بو زامانا قدر تک قالماسیندان بیر قدر ناراحت اولوردو، آما

سیاسی تشکیلاتی چالیشماسینا دا قاریشیق بیر حسی وار ایدی. یورغونلوقدان آرتیق دوشونمه‌یه جسمی ده اجازه وئرمیردی. شامین تئز- تئز یئیندن سونرا گۆزلری اؤز- اوزونه باغلانیردی. هئچ بیلمه‌دی نه زامان ییخیلیب یوخویا گئتدی. او قدر یورغون ایدی کی، گئجه‌نی هئچ یوخو دا گۆرمه‌دی، صاباحین گونه‌شینین ایشیغینا یوخودان او یانیب، اوزونو بیر یئنی گون و ایش باشینا گئتمه‌یه حاضیرلایردی.

بارات بو کیچیک بارات اؤزو ایله دؤرد نفر اولان «تشکیلاتی بۆلمه‌یه» فیکرلشمه‌یه باشلایردی. بو بۆلمه‌نین مسؤلیتینی قبول ائتمه‌یی اؤزونه چوخ کیچیلتمه و کیچیدیلمه کیمی نظرده توتوردو. اونون بونلاردان چوخ بؤیوک باجاریقلاری وار ایدی، عینی حالدا بؤیوک مسؤلیتلر بونونا آلا بیلردی. بو کیچیلتمه‌نین کناریندا کاسیب سولچولارین آرتیقراق یازیق، بیر دری-بیر سوموک اولمالارینی حیس ائدیردی. اوچونجوسو، تشکیلاتین تئوریک و سیاسی باخیمدان بیر واحد تحلیل و آنالیزی یوخ ایدی. بونا گۆره هم باراتدان یوخاریدا اولانلار اؤزلریندن تنقید بیر پروسئسینی کئچیریدیلر، بارات اؤزو ده شخصاً بئله بیر پروسئس کئچیریردی، باراتدان آشاغیداکیلار اونندان جاواب ایسته‌ییردیلر. بارات بو شرایطه بیر نازیک ساپلا یوخاری تشکیلاتا باغلانمیشدی.

ایش یئرینده بارات آرتیق ایشینده بیشیردی. اونون بیشکینلییی
دستگاهلاری سؤکوب، تمیزلهیب، کیچیک ایرادلاری آرادن
قالدیریب، یئیندن آچیق دستگاهلاری باغلاماغان عبارت ایدی.

بو ایش چوخ بؤیوک و اوزون سورن بیر ایش اولسا دا، هله
بارات اساس تعمیر ایشی و اینجه سیم سارمالاردا او قدر ده پشه کار
دئییلدی کی، موسیقی اولاراق بیر ایشی آینه آلیب قورتارسین.
باراتین هله او قدر اوستلاشماشیدیر کی، دستگاهلاردا ایرادلاری
آرادان قالدیریب، اؤزو دستگاهلاری تکمیللشدیرمک اوچون
ده بیشیکلیکلر یاراتماقدا باشاریلی اولسون.

بارات گیلین ایش یئرینده بارات آرتیقراق رابطه لرین
خیردالیقلارینی اؤیره نیردی. اونلارین ایش یئرلرینه بیر سیرا آداملار
گلیردی کی، بارات اونلاری تانیمیردی. او یاواش-یاواش بو آداملاری
تانیماغا باشلادی. اونلار آرتیق ماغازایا گلنده بارات ایله ده سلام علیک
ائتمه یه باشلایردیلار. بارات دا اونلارین آدلارینی بیر-بیر اؤیره نمه یه
باشلایردی.

داوود، آسلانین بؤیوک قارداشی ایدی کی، تیر سوروجوسو
ایدی. او آسلان دان بیر آز اوجا بویلو و بدنلی ایدی. او دانشاندا اوندان
آرتیق آرام دانشیر و آرام ترپیشلی بیر کیشی ایدی. او دا ماغازایا گلنده
هردن بونلارلا دانشاندا تیرنین بیر ائلکتتریک یا الکترونیک موشکولو
اولسایدی، گلیب ماغازادا اؤزو بو ایشلری یئره یئر ائدردی. بو،

گۆستریدی کی، او دا قاباقلار بو ماغازا چالیشمیشدی. داوود بیر ده چوخ محبتلی و صاف اورکلی بیر اوغلان نظره گلیردی.

ماغازایا اوندان سونرا گلن آیری قوناقلاردان بیر ده رسولون آتاسی - «حسین» ایدی. جیسمی باخیمدان سینیق، اوجا و آریق بیر کیشی نظره گلن حسین «رسول»ا هئچ جور اوخشامیردی. حسین ین بیر تیری (تیریلیسی) وار ایدی کی، بیر قدر کؤهنه و باش-آغریلی و اوجوز قیمته مال اولموش بیر تیریلی ایدی. حسین ده بیر تهر بونلارین کؤمه یی ایله تیریلی صاحیبی اولوب، سونرا تهران- بندر عباس یولوندا چالیشیردی.

بونلارین هامیسی دا آسلان گیل ایله قوهوم ایدی. تئیمور دا آسلان ین باجیسی آری ایدی. بیر نچه آیری قوناقلاری دا هردن ماغازایا گلیر دیلر کی، اونلار دا تیریلی شوفرلری ایدیلر. اونلار «بندر عباس»دان دؤندن سونرا نچه یئنه یوک حاضیر اولونجا تهراندا قالیر و گلیب ماغازایا باش ووروردولار. اونلارین بیر آیری یولداشلاری دا بیر آز آریق، ساوادللی و قارآیاغیز بیر اوغلان ایدی. بارات اونون دانشیقلا ریندان بو اوغلاندا سولچو دوشونجه سینین اولدوغونو سئچه بیلیردی، آما اؤز دوشونجه سیننی تانیتماغا چوخ چالیشمیردی. بارات حیس اندیردی کی، او دا بارات ین فیکر لر یله تانیشدیر، آما بوغونتولو وضعیت اونلارا آرتیق آیدین دانشیماغا ایمکان وئرمیردی. بارات

بیلمیردی، جعفر هارادا چالیشیر، آمّا بللی اولدو کی، او دا آسلانین او
بیری باجیسی آریدیر.

اونلارین ماغازالارینا بو قوناقلاری گلنده چای و شیرینی باساتی
آچیلاردی و بارات گیل ده ایشله یه-ایشله یه هم خوش صحبتلردن لذّت
آپارار، هم ده داریخمادان زامانی سورور و چای - شیرینی صرف
اِندردیلر. اونلارین قونشولاریندان دا بعضیلری هردن ماغازایا باش
ووراردی. بارات گؤروردو کی، اونلارین ایشلری آسلان گيله نسبت
چوخ آزدير. سونرا بارات حیس ائدیردی کی، آسلان گیل بعضی
ایشلری اونلارا وئرمکله اونلارا کؤمک ائدیردیلر.

بارات گیلین بعضی «قالیب تؤکمه» و یا «دمیریونما» ایشلری ده
اولوردو کی، بیر-ایکی تانیش یاخین ماغازالارا وئیریدیلر. بو ایشلرده
بارات گیل ایشلری آپاریب و ایش حاققیندا آچیقلاما وئریب سونرا
تحویل وئیریدیلر. سونرا دا گئندیب، آلیب گتیریدیلر. بو
دمیریونانلارین بیری ساققاللی و خوش گؤرکملی بیر کیشی ایدی.
بارات دولت آدمی اولایلمه احتیمالینا گؤره اونونلا چوخ دانشمیردی.
بیر ده ایزی ایترمک اوچون آیدان-چایدان دانشیریدی.

بوراجان بارات بو فارس موحیطینه تاماميله آلیشمیشدی.
قباقداجادان دا بئش ایله یاخین تهراندا اولدوغو اوچون فارسجا
دانشماقداموشکولو یوخ ایدی. آمّا بیر گون تئیمور و محمدین آتاسی
ماغازایا گلیمیشدی. نه اوچون اونون تئیمور ایله کرجدن تهرانا گلدیینی

اونوتموشام. اونلارین هامیسینین ائولری کرجده اولاردی. یاشی
یئتمیشدن چوخ اولان قوجا و یاشلی کیشی ماغازادا احتراملا بیر صندلی
اوستونده ایلشدی. سونرا اونون دانیشیغیندان بارات گؤردو کی، بو قوجا
کیشی فارسجا چوخ زحمتله دانشیر و تور کدور. اوندان بو سوال باراتین
ذهنینده یارانندی کی، اولمایا بونلارین هامیسی بیر-ایکی نسل بوندان
قاباق آذربایجان دان تهرانا گلمه دیر؟

بارات قوجا کیشی ایله تورکجه دانیشماغا باشلادی. بو زامان
سانکی یابین ایستیسینده بیر نفره سرین سو وئیرسن کیمی اونون اورهی
آچیلیب، بیر فرحلندی و اوزون زامانلاردان تهرانا ایشچیلیک اوچون
گلدینی آنا دیلینده تعریفله مویه باشلادی. البته تیمورگیل بو
آچیقلامادان اویونموردولر. کئچمیشلرینی و آذربایجان دان اولمالارینی
حتا گیزلتمه یه ده چالیشیردیلا. اونلار آشکار دئییردیله کی، آتا-
آنالاری تور کدور، آما اونلار تورکجه بیلیرلر.

بو آرالاردا بیر گون ماغازایا تبریزدن بیر آیری قوناق گلیمشدی.
آسلان گيله گلن بو قوناق اونلارین یاخین قوهوملاریندان ایدی.
بیرینجی درهجه لی بیر قوهومون تبریزدن آسلان گيله گلمه سی باراتا
ثبوت ائتدی کی، تکجه تیمورگیل دئیل، آسلان گیلین کؤکلی ده
آذربایجانلیدیر. بارات قوناقلا دانیشانلار سونرا آرتیق باشا دوشدو کی،
آسلان، تیمور و اونلار ایله یاخین قوهوم اولان رسولون بوتون عایله سی
- هامیسی آذربایجان تورکلریدیر. رسول دفعه لرجه باراتا دئمیشدیر کی،

اونلار ساوه جاده سینین یاری یولوندا بیر شهرجیکده یاشاییرلار. بارات
بیلیردی کی، او شهرجیکده کیلرین چوخو آذربایجان دان گلن
ایشچیلردیر.

اوچدؤرد آی کئچمه دی بارات باشا دوشدو کی، اورادا
چالیشانلارین هامیسی آذربایجان تورکلریدیر. قولام دان دانشمادیم. او،
ائولرینه تلفون آچاندا، خانیمی ایله دانشاندا قزوین تورک لرینین
لهجه سیله دانشیردی کی، بارات ین قولاغینا تانیش دئییلدی. اونون دیلی
آذربایجان تورکجه سیندن چوخ تورکمن لهجه سینه بنزه ییردی. بارات
اونون دانشیقلا رین بیر آز چتینلیکله باشا دوشوردو، آما اؤزو او لهجه
ایله دانشا بیلمزدی.

بیر گون هر زامانکی کیمی بارات ایش باشینا گلیب، ایشله مه یه
باشلامیشدی. بارات ین اورادا چالیشماسیندان دؤرد آیا یاخین
کئچیردی. بارات ماغازانی تمیزله مکدن قورتولوب، سونرا ایشه
باشلامیشدی. تهران دا پاییز گلیر، هاوالار داها یای ایستیسیندن
سوووشوب، صاباحلار بیر آز سرین اولوردو. بارات دا صوبحون
سرینلیینی سوووب، گؤزله ییردی کی، گون اونون جانینی قیزدیرسین.
گونه شین زولاقلاری اوزون و نازیک «تیموری» خیابانیندان ایکی

دهیشیب، سونرا آشاغیا گلدی. ایش یئرینده تام بیر سوکوت
چؤکموشدو. آسلان گیل هنج بیر سؤز دئمه‌دن، باراتا ایدن وئردیلر کی،
ایش یئریندن چیخیب گئتسین.

بارات هنج بیلمه‌دی نه زامان خیابانین او بیرى طرفیندن بیر
مینیک ماشین تاپیب، ایچینه آتیلیب، سونرا ائو طرفینه گتدی. او
همیشه کی کیمی یاریم ساعات چکمه‌دن ائو یئتیشدی. نیگار اونو ائوده
گؤرمکدن چوخ شاشیردی. ساعات بلکه اون بیر یاریم اولاردی. بارات
چوخ قیسا اولاراق خبری نیگارا وئردی و دئدی کی، قارداشی شیرازدا
حربی مانئورده یارالانیب. بارات خبرین چوخ پیس اولماسی
قورخوسوندان موراددان آرتیق خبر ده آلمادی کی، قارداشی نئجه، نه
قدر و هاراسیندان یارالانیب. یالنیز موراد دئین زامان ساعات اون ایکیده
«اسفندیار»ین ماشینیندا اونلارین قاپسیندا اولمالی ایدی کی، دانشیغی
قورتاریب اؤزونو ائو تئز یئتیرمیشدی.

اون بیر یاریم‌دان اون ایکیه قدر زامان چوخ یاواش گئدیردی.
بارات اؤزونو قارداشینین یارالانماسینا و اونون خسته‌خانادا نه حالدا
اولدوغونا حاضیرلا ییردی. بارات بونلاری دوشونوردو کی، قارداشین
گؤرنده اونا نه لر دئسین. فرقلی سناریولار اونون گؤزونون قاباغیندان
سینما پرده‌سی کیمی کنچیردی.

باراتین ذهنینین قارائلیق بیر بوجاغیندا «بؤیوک بیر فاجعه‌نین
یارانما» احتمالی وار ایدی، آما تئز فکرین ده ییشیردی کی، بو، مومکون

دئیل. بئله پیس خیالارا یول وئرمه مه لیدیر. ائله بو آنلاردا مورداد گلدی. او بیر کلمه آغزیندان چیخدی: «گلین گئدک». آرتیق بیر سورغو ائتمه یه بئله جسارتی اولمایان و قارداشینین یارالی اولماسینا راضی اولان بارات دا سوکوت ایچینده اسفندیارین ماشینینا ساری یولا دوشدولر. بارات ایله مورداد قاباقدا، نیگار دا تک باشینا دالیدا اوتوموشدو. ماشینین ایچینده هئچ کس دانیشماغا جان آتمیردی. هردن نیگار بیر-ایکی کلمه خبر آلیردی. مورداد دا اونلارا یاریمچیق بیر جاواب وئیریدی کی، «بیلیم». بارات بو حالدا فورصت آلدی ائدیب اؤزونو قیناییدی کی، «قارداشی اول اقلیت فدایی لرینین طرفدار ی اولدوغو اوچون عسگرلیک قولوغونا گئتمک ایسته میردی. او بارات ین دانیشیقلا رینین تاثیر ی آلتیندا فیکرینی ده ییشیب عسگر گئتمیشدی. بونا گؤره اؤزونو قیناییدی. او بیر ی طرفدن بارات بیر داها اؤزلرینی قیناییدی کی، نه دن اونون قارداشینین یولداشلارینین بیر سیراسی ایران دان چیخیب، یابانجی اؤلکه لره گئدیبلر، آما بارات گیل ده قارداشلارینی خاریجه یه گؤنדרمک امک انلاری اولمادی.

بارات یئنه بو فیکرلردن آیریلیب، گئرجک عالمه دؤندو. اونلار بیر یاریم ساعاتا یاخین یولدا یدیلار. بارات خبر آلدی کی، قارداشی هانسی خسته خانادادیر. مورداد هر نه دئسه ایدی، بارات یوزه - یوز اونو قبول ائدیردی. قارداشینین یارالی اولدوغونو شوبهه ائتمه دن قبول ائتمه یه چالیشیردی. آما اولای اوندان دا پیس اولما ماق شرطی ایله. مورداد «امام

خمينی» خسته خاناسيندان آد آپاردی. بلکه ياريم ساعاتدان آز اورايا يول وار ایدی، آما موراد خسته خانایولونندان داها یوخاریدان گئیدردی.

موراد ایله باراتین قارداشی دا چوخ یاخین یولداش ایدیلر. اونلارین یولداشلیقلاری، بلکه قارداشلیق قدر یاخین ایدی. کیمدیر کی، باراتین قارداشیلا یولداش اولسون، اونون محبت و سئویملی داورانیشی، هوشلو، دوشونجه لی و مهربان داورانیشینا حیران اولماسین. بارات بیر آز اؤزونه جسارت وئریب، آرتیق بیر سیرا سوال خبر آلیردی. جاده ده ماشینی سورن موراد دا هئچ کیمله دانیشماغا مارق گؤستمیردی. او دا درین بیر رؤیا یا جومموشدور. گؤزلی جاده یه باخدیغیندا بلکه درین بیر ده نیزین ایچینه دالمیشدیر. او ایسته یه - ایسته میه، بو درین جومدوغو رؤیالار ایچینده هردن اؤزونو ساخلایا بیلمه ییب، ناچار اولاراق بارات گیلین سواللارینا بیر-ایکی کلمه ده جواب وئیریدی. اونون بوزوشوک بیر حالدا آغزی یومولو ایدی. اونون نازیک و داغینق بیغلاری دا آغزینین یان-یوره سین توتموشدو.

موراد بیر آن بارات ایله نیگارین سورغولارینین قاباغیندا اؤزونو ساخلایا بیلمه ییب، پارتلاییب، هؤنکوره - هؤنکوره آغلاماغا باشلادی. بارات باشینا گلدییی فاجعه نین بؤیوکلویونو آنلاییب، «وای دده»، «وای دده» دئییه - دئییه باشینا و دیزینه چالماغا باشلادی. بارات بؤیوک بیر شوک ایچینده رنگی آغاریب، دوداقلاری قورویوب، اوره یی دؤیونمه یه باشلادی. او دا هونکوره - هؤنکوره آغلاماغا باشلامیشدی،

آما گۆزلریندن یاش گلیمیردی. او هایقیرماق ایسته ییردی. او گۆردو
 کی، مورد یئنه درین غملی. کدردلی رۇیاسینا جوموب، نینگار دالیدا
 آغلاییر، آما بارات هذیان دئیهرک «بدبخت اولدوم» دئیهر. دئیهر
 قارداشینین آدینی سه سله ییردی. زامانین کئچمه سینی بیلیمیردی.
 اونلارین اوچو ده بیر یاخین عزیزلرینی آلدن وئرمیشدیلر، هر بیر ی اؤز
 شیوه لرله اور کلرینی درد-غم آلتیندا کسیک-کسیک اولوردو.
 بارات بیر زامان گۆردو کی، اونلار خسته خانا یئرینه
 اسفندیار گیلین ائولرینه یئتیشتیلر. داها باشقا بیر سورغو سوروشماغا
 گوجو قالما یان بارات اؤزونو موردادا تاپشیریب، اونون دالیسینجا
 گئدیردی. اونلار ایچه رییه یئتیشتنده بارات اؤز بؤیوک باجیسینی گۆردو
 کی، داها آغلاماغا گوجو قالما یا جاق قدر آغلاییب. بو دورومون
 ایچینده اونلار بیر-بیرلرین گۆروب بیر داها اور کله نیب، بیر-بیرلرینی
 باغریلارینا باسیب، اور کدن آغلاماغا باشلا دیلار. مورد ایلهر اسفندیار،
 بیر نئچه دقیقه ماجال وئردیلر کی، باجی-قارداش بیر-بیرله قوجا قلاشیب،
 آغلا شسینلار. سونرا اونلار دا گلیب، بونلارلا قوجا قلاشیب، اور کلرینی
 بوشالتدیلار. اسفندیار دئدی کی، گرک سولدوزا گئدک. بیر نئچه دفعه
 گیزلی قاقجا سولدوزا گئدن بارات بیر ده سولدوزا گئتمه یی بیر جور
 حکومتین اونا تحمیل ائتدی ی محرومیتی سیندیرماغی اؤزونه اوغور
 بیلیردی، بیر آن شک ائتمه دن حاضیرلاشدی. آما عاغیللی اولوب،
 پلانلی گئدیب-چیخمانی دا دوشونوب، بیر آنین ایچینده «سولدوزا

گیره‌رم، قوی ییلسینلر کی، من سولدوزا گلیب، اورادان دا چیخماقلا
اونلاری حئیران ائده‌رم» دئییه، تنز گیریپ - چیخمانی اؤزونه
پلانلاشدیردی.

قرارلار بیربه‌بیر وئریلیدی، باراتین اونلاردان خبری یوخ
ایدی. او بیر کؤلگه کیمی اونلارین دالیسینجا گئدییدی. او بویوک
فاجعه‌نین شوکونون ضربه‌سیندن اؤزونو ایتیریپ، «وای ده‌ده» و «بدبخت
اؤلدوم» دئییدی. او دیوار- میوارا باخراق، قارداشیندان بیر نشان
آختاریپ، اونون آدین سه‌سه‌لیریدی. اونون یاریم ساعتدان بیر آغیر
آغلاماغی دا بیر قورو سه‌سه‌له هوککولتو شکلینده دوام ائدییدی. او بو
دورومون ایچینده بیر نئچه آن واخت تاپیب، ایش یئرینه تلفون آچیب،
اونلارا دئدی کی، نه باش وئریپ. بارات اونلارا دئدی کی، بیز هامیمیز
شهرستانا گئتدیک. بارات بیر زامان گؤردو کی، اونلار بئش نفر
اسفندیارین ماشینیندا ایله‌شیپلر، اسفندیار دا ماشیننی سورور. اونلار
ناهاردان سونرا تهران‌دان سولدوزا یولا دوشوبلر.

یولدا اسفندیار بیر قدر دانیشماغا باشلادی. «اونون عسگرلیک
مانتور مشقینده بوینونا تیکانلی دمر سیم ایلشیب، دامارین کسمیشدی.
بئله کی، بو اولای پادگانا تانک ایله دؤننده اوز وئرمیشدیر. بو دورومون
ایچینده بارات آرتیق آیری بیر سناریو قارداشینین حاققیندا ائشیتمک
ایسته‌میردی. او، بیر نفردن آرتیق بئله ائشیتمک ایسته‌میردی کی،
قارداشی آیری بیر انسانلا ساواشاندا اؤلدورولموشدور. او بیلییدی کی،

اونون قارداشی، آیری بیر انسانی، هله او دا یازیق و بدبخت بیر عسگری
اؤلدورسون، ایستر عیراق، ایستر سه ده ایران عسگری اولسون. او بیلیدی
کی، اونون قارداشی بئله بیر دوروما راست گلسه، اؤز جانیندان کئچمه یه
اوستونلوک وئیر.

بارات بو سناریویا اینانیب، داها بو حاقدان آیری بیر سورغو بیر
کسدن ائشیتمک ایسته میدی. باراتین قوللاری سوستلاشیب، جانی
ضعیفله ییب. باشی بدینده آغیرلیق ائدیردی. بیر یاریمچیق جان کیمی
هردن زار-زار آغلایردی، هردن ده درین فیکره جوموردو. بئله بیر
حالدا اولارکن گؤردو کی، «اسفندیار» بیر نقطه ده ناهار اوچون
ساخلا دی. ساعات بلکه ایکی یاریم، اوچ اولاردی. هله اونلار ناهار دا
یئمه میشدیلر. ایچهریه گئدیپ اوتورانلار سونرا او بیریلر هر نه سفارش
وئردیلر، بارات دا باشین آیه رک، بیر بلی وئردی کی، اونون دا قاباغینا
بیر یئمک قویدولار. بوتون ضعیفلیی ايله بارات یئمک اوچون بیر
طرفدن هوسی گل میدی، او بیر طرفدن ده قارداشین یادا سالاراق، بیر
ته هر ده «قارداشی او دورومدا ایکن، بو نه جور اوتوروب و بو جمعین
ایچینده ناهار یئمک» ايله اؤزونو راضی سالایلمیددی. زامان کئچیردی
آما بارات زامانین کئچمه سینی بیل میدی. او سانکی زاماندان قیراقدان
آیری دونیادا ایدی. ناهارین اوستونده ائشیتدی کی، اونلار گئجه نی
تبریزده قالمالی، سونرا صاباح تئزدن بیر ده یولا دوشوب، سولدوزا
ساری گئتمه لیدیلر.

بارات دانیشتیقار آراسیندا تیکه- پارچا اولاراق اولایلارین بعضی بؤلوملرین آلیب- آنلایردی. او بیلیردی کی، مورد و اسفندیار جریانی بوتؤولوکله بیلیرلر. او دا بیلیردی کی، اونلار بو فاجعه دن چوخ ناراحت ایدیلر. آما اونلاری گؤرودو کی، بو ناراحتلیق ایچینده، اؤزلرینی یاخشی آپارا بیلیرلر. بارات بیلدی کی، اونون بؤیوک قارداشی شیرازا گندیب قارداشینی تانییارق، تحویل آلیب سولدوزا گتیریرلر. بونو دا بیلیردی کی، اونون قارداشی بیر آمبولانسلا برابر یولدا گتیریلیر. آمبولانس دا اونلاردان نچه ساعات قاباقدا همن یول بویو سولدوزا ساری گئدیر. باشا دوشدو کی، آمبولانس دا سولدوزا صاباحسینا یئتیشه جک.

بارات بیر طرفدن گؤردو کی، سولدوزدا و اورمیّه ده اونون زینداندا اولان باجیسینا تشیع جنازه ده اشتراک ائتمه سی اوچون بیر گونلوک مرخصی آماغا چالیشیرلار. اونلار اجازه آلماق اوچون کیملرین کیمی گؤرمه سی حاققیندا دانیشیردیلار. بئله کی نظره گلیردی، باراتین زندانداکی باجیسی بیر گونلوک زینداندان آزاد اولوب، بیر بؤیوک فاجعه ایله قارشیلاییب، سونرا دا بو بؤیوک فاجعه نین ده دردینی اؤزویله زندانین ایچینه آپاراجاق. اورادا تک باشینا نجه دؤزه جک مساله سینه آرتیق بارات چوخ فیکر وئره بیلیردی.

قارداشلارین بیر آمبولانسی گتیریر، او بیر ده سولدوزدا و اورمیّه ده لازم اولان تداروکلری گؤرور. بارات گیل شهر به شهر یولو

گئیدیردیلر. هاوا بیر یاندان قارانلیقلاشیب، بیر یاندان دا سرینله شیردی. اونلار تبریز شهرینه یاخینلاشیردیلار. بارات هئج بيلمه‌دی، نه واخت بؤیوک قارداشیلار اونلارین ائولرینده قارشى-قارشىا گلدی. بارات، بؤیوک باجیسی و قارداشی بیربیرلریله توپلاشیب، اوره ك دولوسو آغلادیلار. بونلارین ایچینده بؤیوک قارداشی آغلاماغنین قاباغین آلماغا و اؤزونو یاخشی آپارماغا چوخ چالیشیردی. هله بارات ایله باجیسی شدتله آغلاماقدا ایدیلر کی، بؤیوک قارداشی اونلاری باغرىنا باساراق دانیشماغا باشلادی.

«فاجیعه نه قدر آغیر اولسا دا، اونون یارانیب بیتمه‌سینه آرتیق اینانمالیییق. بو فاجعه‌نین قاباغا گلمه‌سینی قبول ائتمک بیرینجی آتدیمدیر کی، ییز بو دؤرانى باشدان کئچیره بیله‌ک. گرک هامیمیز گوجلو و قوتلی اولوب، بو فاجعه‌نین ایچیندن داها گوجلو و باشی اوجالیقلا چیخاق. قارداشینین دانیشیق‌لاری بیر سرین سو کیمی باراتین یانیق قلبینی سرینلندی. بو دانیشیق بارات و باجى-قارداشین تکجه بیربیرلرینه یاخینلامادی، ائله‌جه ده اونلارا داها آرتیق گوج و ته‌پر وئردی.

گئجه اوزانمیشدی و اونلار بیلیردیلر کی، چوخ چتین و یورغون بیر گونو سونا یئتیریلر. هامی یاتماق ایسته‌ییردی، آما بیر کسین یوخوسو گلمیردی. اونلار یورغونلوق‌لاریندان هر کس بیر بوجاقدا ییخیلیب یاتماغا باشلادیلار. بارات صاباحاجان اویاقلیق و یوخو عالمینین

اورتاسیندا گۆزون پنجره یه تیکیب، صاباحین اولاجاغینی گۆزله ییردی. بیر طرفدن بیر سینما پرده سی کیمی قارداشینین باشینا گلن اولای گۆزونون قاباغینا گلیردی، او بیر طرفدن قارداشینین او آندا جیسمینین هارادا اولماسی، نهایت اونون قارداشیلا کئچیرتدییی خاطیره لر فیلم کیمی گلیب، ذهنندن کئچیردی. هردن بارات بو یوخویلا اویاقلیق آراسیندا خاطره لر ده ییشیب، قارداشین سئودییی قیزا یئتیرمک، هردن ده او اونا دئمک ایسته دیی و هئچ زامان دئییه یلمه دیی اورک سؤزلرینی اونا دئمک ایسته ییردی. بارات گئجه نین بو قدر اوزون اولماسینا دؤزه ییلمیردی و گۆزلری یاریمچیق یاتیب- اویانماقدان آغیرلایب آغرییردی. نهایت بیر چوخ زامان سور دو کدن سونرا هاوا ایشیقلاماغا باشلادی. بارات حیس ائدیردی کی، هله هامی یوخودا. بیر طرفدن هاوا ایشیقلا نیردی، آما هله صبح اولمامیشدی. هئچ کس ده قالمامیشدی. بو صاباحین ایشیغنین ایچینده، بارات بیر زامان گۆردو کی، اونی یوخو آپارمیشدی و باجیسی اونی اویاتماغا چالیشیر.

بارات قالخاندا گۆردو کی، صوبحانه حاضر دیر. او دا تنز آل- اوزونو یویوب، پالتارلارین گئیینیب، سوفره باشینا گلدی. او، بیر طرفدن حیس ائدیردی کی، بیر قدر اونون یورغونلوغوندا چیخیب، بیر قدر ده آرتیق گوجله نیب، آما باشی هله بیر قدر آغرییر، گۆزلری ده قیزاریب قیراقلاری شیشیب. بو حالین باراتا یئنیللی یوخ ایدی. بارات گیل گئجه لر «شهر کومیته سی» جلسه لرینده گئجه صوبحه قدر اویاق قالاندا

اونلار بلکه بیر-ایکی ساعات یاتاندان سونرا قالخیب، گونده کی نورمال ایشلرینین دالیسینجا گئدریلر. بارات جیسمی باخیمدان اونا اوخشار دورومدا ایدی.

اونلار صوبحانه لیرین یئیندن سونرا دوننکی گئچرچک اولاین آغیرلیغی یئیندن اؤزونو گؤسته رسه ده، اونلار دؤزمه یه باشلادی. بارات یئنه ده اؤز فیکیرلرینه چوخ جومموشدو. او کی نه شوفترلیک ائده جکدی، نه ده قرار وئرمک لرده رولو وار ایدی. اساس قرارلاری وئرن اونون بؤیوک قارداشی ایدی. اونون بؤیوک قارداشیلا اسفندیار نه قرار وئرسه ایدیلر، اونو قبول ائدی، اوندان خبردار اولاندان سونرا اونا قوشولاجاقدی. بو جریاندا یالنیز اؤز «امیتی» دورومون نظرده توتاراق، پلانی و داورانیشین اونونلا اویغونلاشدیرمالی ایدی.

بارات بیر ایلدیریم شاخماسی سورعتی ایله اؤز پلانی عیارلادی. اونون قراری بئله اولدو کی، بو گون آمبولانسین دالیسینجا گئندنه اونا هئچ خطر اولماز. بو گون تشیع جنازه ده اشتراک ائدر. امیتی مامورلارین خبرلری اولونجا بارات شهره گلیب، خبر ایداری پرینسیپلر ایله اونلارین قولاغینا چاتینجا صاباح اولاجاق. صاباح اونلار باراتین سوراغینا گلکمک ایسته سهرلر ده، عادت بئله دیر کی، گئجه گلرلر. بارات دا گئجه اولما میشدان شهردن چیخار. باراتین پلانی بئله اولدو کی، بو گون سولدوزا گئدر، صاباح آخشامدان قاباق دا شهردن چیخمالیدیر.

بارات گونون اورتاسیندا اۋزونو شهرده گۆسترمکله بیر نۆع اۋزونە حۆکومت طره‌فیندن یارانان محدودیتی سیندیرماق و اۋز ایراده‌سینی اونلارلا تحمیل ائتمک نیتی وار ایدی. او، بو فیکیرلرین ایچینده ایکن بیردن گۆردو کی، اونلار یولا دوشوب و اورمیّه یولوندا گئدیرلر. اونلارین مینیک ماشینلاری ایکسی بیر-بیرینین دالیسینجا گئدرکن، اونلارین اوچ عایله ایکی ماشیندا اولماسی، اونلارین «ائو اوغلو» پاسگاهیندان کئچمه‌لرین راحت ائدیردی. مامورلار اونلارین ماشینلارینین ایچینده کی موسافیرلرین اوزلرینه و اونلارین ماشینلارینین دالیسیندا جعبه‌نین ایچینه ده باخاندان سونرا اونلارلا حرکت ائتمه‌یه ایجازه وئردیلر. بارات گیل خوی- سالماس- اورمیّه یولونو قاباقلارینا قاتیپ گئدیلر.

بارات بیلیردی کی، آمبولانس اونلاردان آن آزی بیر ساعات قباق یولا دوشوبدور، هم ده اونلار اورمویا قدر آمبولانسی توتماغا چالیشیردیلا کی، اوردان نچه ماشین آمبولانسن دالیسینجا بیرلیکده سولدوزا گئتسینلر. اونا گۆره، اونلارین ماشینلاری سورعتله یولدا گئدیردی.

بارات بیلیردی کی، مورد آمبولانسلای بیرلیکده گئدیر. او، قارداشینین نجه یارالانماسینی بیر داها تصوّر ائتمه‌یه و اونون دونیاسینی ده‌یشمه‌سینده نجه احتمالی درد چکمه‌سینی نظردن کئچیرمه‌یه باشلاییردی. او قارداشینین بیر مانئورده جانین آلدن وئرمه‌سینه

شوبه‌لنمه‌یه باشلايیردی. او قارداشینین بونونون کسيلمه‌سین مختلف شکیللرده تصوّر اندیب، اوره‌یی کاباب اولماغا باشلايیردی. حالبوکی اونلارین ماشینلاری دا آمبولانسا آرتیق یاخینلاشیردی.

اونلار ناهارا یاخین اورمو شهرینه یئتیشمیشدیلر. بو زامان اونلار باراتین کیچیک باجیسینین زینداندان مرخصی آلماسیندان خبردار اولوب، بیلدیلر کی، اونون قایین‌آتاسی بیر نئچه نفر عایله‌لری ایله بیرلیکده سولدوزا ساری یولا دوشورلر. بارات گیلین ماشینلاری آمبولانس ایله تقریباً بیر زاماندا یولا دوشدولر. اونلارلا بیر-ایکی آیری ماشین دا یولدا ایدی. اونون باجیسی گیل بیر آز آرالی دالدان گله‌جکدیلر.

بارات آمبولانسی گۆردوکجه، دردی دئشیلیردی. «بیر دها قارداشینى باغرىنا باسیب» دئیّه، اوره‌یی دؤیونوردو. اونلار بوتون ماشینلارین بیر دها امنیتى قووه‌لر طره‌فیندن آختاریلماق اوچون دایانديقلاری «محمدیار» اوچ یولونا یئتیشنده اؤزونو ساخلایا بيلمه‌ییب، ماشیندان ائنیب، آمبولانسا ساری گئدير، بلکه قاپینی آچیب، اونون حاققیندا گئرجه‌یی بیلسین و سون دفعه قارداشینى باغرىنا باسا بیلسین. بو زاماندا مورد و بیر-ایکی نفر تئز ماشینلاردان ائنیب، اونون قاباغین آلدیلار. اونون آخرین ایسته‌ینه ده ماجال وئریلمیردی. بارات اؤزونده بو گوجو ده گۆرموردو کی، آرتیق دایانیشما گؤسترسین. اونلار باراتی باشی بونوندان سالانمیش دورومدا یئرینه قایتاردیلار.

اونلار بارات گیلین قاپیلارینا یتیشنده ائو و خیابان آداملا دولو ایدی. آمبولانس آرادان یوخ اولموشدور. هر شئی قابقجاندان حاضیرلانمیشدی. ائله او گون ناهاردان سونرا اونلار باراتین قارداشینین جیسمینی قیرستانا آپاریب قویلامالی ایدیلر. بارات یولدا قارداشینین عکسینی خیابانلاردا دیوارلاردا گۆرموشدو. بو جاماعاتی گۆررکن، باراتین اورهی داها دا دولدو. او باجی - قارداشلاریلا بیرلیکده ایچه رییه گیردیلر.

بارات ده لیلر کیمی هامینین اوزونه باخیردی. قارداشینین آدین چکیب، جاماعاتین ایچینده اوندان بیر نیشانلار آختاریردی. او ائوین ایچینه گیررکن، دیوارلاردا و ائوین ایچینده قارداشینین آراماغا باشلامیشدی، بو آندا پنجره نین جاملارینین اوستونده قارداشینین چکدیگی گۆزل بیر قیز مینیاتور رسمینه ساری گئتدی. او قارداشیندان بیر جانلی نیشان تاپمیشدی. آما قیزین باشی آچیق اولدغو اوچون بو مراسیمه گۆره رسمین اوستونو کرم رنگلی بیر بویوک صفحه کاغیذلا توتموشدولار. آمبولانسین قاپسینی آچا بیلمه یین بارات کاغیذی چکیب، جیراندان سونرا قارداشینین آدینی چکیب، اورکدن بیر داها آغلاماغا باشلادی.

او بو قاریشیق حالدا ائشیدیردی کی، هامی دئیر: بو گۆزل رسمی دنیادان کۆچن جاوان چکیب و اونا باخیب، حیران قالمیشدی. بارات بویوک اوتاغین اورتاسیندا اوزو اوستده یثره باش قویوب،

آغلاماغا باشلامیشدی. جاماعاتین هامیسی یاسلی اولدوقلاری اوچون بیر کس گلیب اونو قالدیرمادی. بارات نئچه آندان سونرا باشینی قالدیراندا گوزو او گوزل گنج قیزا ساتاشدی و بئله بیر فیکیر اوندایاراندی کی، اونون قارداشیلا بیر-بیرلرینی سئویردیلر. آخی بارات اونونلا قارداشینین بیرلیکده رسیم چکمه لرینی گورموشدو. بونا گوره اورهیی داها دا کاباب اولدو.

بو آنلاردا بیردن بارات دالیدان زینداندا اولان و مرخصی آلان کیچیک باجیسی مارالین سه سینی ائشیتدی. آز شوک حالینا دوشوب، باراتین آدین چکیب و باشینا ووروردو. بارات تئز باشا دوشدو کی، اونا هانسی قارداشینین دونیادان کؤچمه خبرینی دوز وئرمه میشلر. بارات اونا ساری دؤنرکن، او باراتی گورنده فاجعه نین درینلیین ییلدی. او کیچیک قارداشینین آدینی چکیب، آیاقلاری سوستلاشدی. باجیسی بیر-بیر قارداشلاری و آتا-آناسیلا گوروشوب - آغلاشدیلار. بارات بو آندا آناسینی بیر حالدا گوردو کی، سانکی او دا جانین آلدن وئریب. آناسینین اوزونده کی دیرناق یارالارینی گوروب، ییلدی کی، آناسی نئچه گوندور درین ماتم ایچینده دیر.

زامانین کئچمه سینی بارات بیلمیردی. بیر آن گوردو کی، اونلارا قارداش کیمی اولان اسفندیارین بؤیوک باجیسی آری ایچه رییه گلیب دئدی کی، قیبرستانلیغا ساری یولا دوشسونلر. هامی پیدایولا دوشدولر. بارات بو آندا کنددن گلن چوخلو عمی اوغلانلارینی جاماعاتین

ايچىندە گۇروردو. اونلار يىن نىچەسى گىلىب، بارات يىن قولتوغوندىن
توتوب، اونا بو اوزون يولو پىادە گىتمىكدە داياق اولدولار.

بارات يولداشلار يىندان چوخونو دا خىاباندا گۇردو. چوخ
جاماعت خىابانا گىلىشىدىلر. اونلار يىن چوخو اگر بارات گىلىن عايله سىنە
گۇرە گىلسە ايدىلر، بىر چوخو دا يالنىز بارات يىن قارداشىنىن گىلىش
اوركىلى، درىن دوشونجەلى و مەربان شىخىتىنە گۇرە گىلىشىدىلر.
بارات تورپاقلارى قارداشىنىن جىمىنىن اوستونە تۇكنده بىر آن شاھد
اولدو، سونرا اونو چكىب قىراغا آپاردىلار. اونون داھا او بىرى باجى-
قارداشلار يىنن ھارادا اولدوقلار يىندان خىرى يوخ ايدى. ھامى سىرايا
دوزولندە موللا دا قاباقدى بىر سۇزلر دىيىردى، بارات، بىر چوخ يولداش
و تانىشلارى احترام اوچون آياق اوستدە دا يانمىشىدىلار.

گلىندن سونرا بارات قارداشىنىن اورادا قارانلىق يىردە قالماسىنا
دۇزە بىلمىردى. نە جور گىجەنىن قارانلىغىندا، چۇلون اورتاسىندا ايكى
متر يىرىن آلتىندا اونون قارداشى تىك باشىنا گىجەنى صوبىچە
يىتىرەجىك؟ بو آغىر دورومدا ھامى اۇزونو قبرىستانلىق يولونو ائوھ قدر
يىننە دە آياقلا گىلدىلر. او ائوھ يىتىرركن ساعات آرتىق بىش اولموشدو.
بارات گىلىن ائولرى يىننە چوخلو ياخىن تانىشلار و قوھوملارلا دولو
ايدى. اونلار يىن ھامىسى اونلارى تىك قويماق و اونلار باش ساغلىغى
وئرمىك اوچون اورا توپلاشمىشىدىلار.

چوخلاری باراتین قارداشی ایله اولان خاطیره لرден دانیشماغا باشلامیشدیلار. عوموم جاماعات اونون قارداشینین گۆزلیکلرینی گۆروب، تانیب و دهیرلندیرمه لری باراتین اورهینی دینجلدیردی. جاماعاتین ایچینده بارات سیاسی تشکیلاتی یولداشلارین گۆروردو. اونلارین بیر سیراسی روحی شرایطی نظرده توتما دان بارات دان جیدّی سیاسی تشکیلاتی سورغولار سوروشوردولار. «نظیرینی توده حیزبینین باشچیلارینین بئله چیخیب و دانیشماسینا نه دیر؟ بیزلر بؤیوک استراتژی یانلیدیقمی؟ بو گئنیشلیکده تشکیلات عوضولری و سمپاتلاری نه ایش گۆرمه لیدیر؟ بارات اونلارین فیکیر ده ییشمه نظرلرینه چوخلو زمینه لرده قاتیلاراق، اونلاری دایانیشا دعوت ائدیردی.

بارات هئچ بیلمه دی، هاچان بو بویدا جاماعاتا شام حاضیرلانمیشدیر. او بو اولاین ایچینده گۆروردو کی، اونون بؤیوک قارداشلاری اوندان دا آرتیق، تکجه اؤزلرینی یاخشی آپارمیر، هم ده بوتون بو ایشلری یولونا قویماقدا، امکان اولدوغو قدر روللاری وار. بونا گۆره، اؤزونده بو روحی باخیمدان چاتیشمازلیغی اونلارا نسبت، حیس ائدیردی. شامی یئییب، گئجه نین اوزون زمانی اونلارین ائوی قوناقلار دولو ایدی. نهایت یاتماق زمانی چاتدی. بو زامان اسفندیار گلیب اونا دئدی کی، اونون یاتماسی اوچون آیری بیر ائوده یاتما ایمکانی حاضیرلانیب. باراتین اؤز ائولرینده یاتماسی امنیتی باخیمدان دوز

دئیلدی. بارات گئجه‌نی اسفندیارین باجیسی آری گیلە گئتدی، «نیگار»
دا اؤز آناسی ائوینه گئتمیشدی.

گئجه‌نی یئنه ده بارات تەک اولدوغو زامان، قارداشینین نه جور
چؤلون اورتاسیندا ایکی متر تورپاغین آلتیندا یاتماسینی نظردن
کئچیریب اؤزونه چؤزه بیلمیردی. او هله ایسته‌میردی، قارداشینین
دونیادان گئتمه‌سینی قبول ائتسین. آغیر گئچرەک اؤزونو باراتا
یوکلە‌ییردی. بارات درین دردی اوره‌یینده داشییاراق، بو فیکری و
روحي غوغانین ایچینده هاچان یوخویا گئتدییینی هئچ بیلمه‌دی.

صباح یوخودان دورارکن، اونلارین سحر یئمە‌یی حاضیر ایدی.
اؤز ائولرینه گلە‌یه چوخ تله‌سن بارات صوبحانه‌سینی یئیندن سونرا
نیگاری آتاسی گیلە بوراخیب، اؤز ائولرینه یولا دوشدو. او چوخ دا
اوزاق اولمایان بو یولو پیدادا گلە‌دی. بلکه نیگار دا اؤز عایله‌سیله بیر آز
آرتیق زامان کئچیره بیلسین. بارات ائوه یئتیشنده اونلارین ائولرینده
باجیلار، قارداشلار، چوخ یاخین قوهوم و تانیشلار توپلانمیشدی‌لار کی،
بلکه اون بئش، ایگیرمی نفر اولاردیلار. بارات دا گئدیپ، ائوده
ایله‌شیب، اونلارلا دانیشماغا باشلادی. اونلار اؤزلرینی قوناق‌لارین
گلیب، باش ساغلیغی وئرمە‌لرینه حاضیرلامالی ایدیلر.

بارات بو دانیشیق‌لارین ایچینده دوشونوردو کی، بوگون
آخشامدان قاباق او تهرانا یولا دوشمە‌لی ایدی. او بو ایشی
سه‌سسيز-سمیرسيز گۆرمە‌لی ایدی. امکان اولدوغو قدر ائوده ایله‌شیب،

او دا باش ووروب باش ساغلیغی وئرنلردن تشکر ائتمه لی ایدی. بارات بوگون بیر آز اوزونده نورماللیق حیس ائدیردی. هامی اؤزونو یاخشی آپاریدی.

پاییز هاواسی گونه شین بوتون زولاقلارینین هر یئره سپه لنمسیله باشلانمیشدی. گونه شین گوجو او قدر دئییلدی کی، اونلارین جانلارینی قیزدیرسین. بارات گیلین ائولری اؤزگه قوناقلاردان دولو دئییلدی. هامی تقریباً اؤزبه اؤزلری ایدیلر. بارات اون یا دا اون بئش یاشی اولاییلن آن کیچیک و خیرداجا قارداشیلا اؤزلرینی دیوارین قیراغیندا گیریش قابی طرفینده گونشین زولاقلارینا بوراخمیشدیلار. گونه شین ایستیزی اونلارین گؤزلرین قیدیقلاییب، جانلارینی قیزیشدیریدی. پاییزین سویوقلاری گلمه یه باشلامیشدی. باراتین خیرداجا قارداشی بوتون شیرین-شیرین هر قاپیدان دانیشماغا باشلامیشدی. اونلارین دنیادان گئدن قارداشیلا چوخ یاخین اولان او کیچیک قارداش محبت، عشق، گنجلیک، درد و اورک یاراسینی گؤستریدی. بارات ایله قارداشی هر بیر زاماندان آرتیق اؤزلرینی بیربیرلرینه یاخین حیس ائدیردیلر. بارات ایسته ییدی، دیوارین قیراغیندا قارداشین باغرینا باسین. لازم دئییلدی بو ایشی گؤرسون، اونلارین بیربیرلرینه باخیشلاری و گؤزلرینین درینلیسینده کی آلوولاری بیر-بیرلرله قووشوردو. اونلار ایسته میردیلر، بو گؤزل آنلار بیتسین.

ساعات اون بیر یاریم اولاییلردی کی، باراتا خبر گلدی. یاخین سیاسی یولداشلاریندان بیرى اونو گۆرمک ایسته بیر. اونونلا بیر دوکتورون مطبینه قرار قویولموشدو کی، امکان اولدوغو قدر تئز اورادا اولسون. بارات بیر طرفدن ناھاردان سونرا اؤزون چیخماغا حاضیرلامالی ایدی، آما سیاسی تشکیلاتی مسالهلر گلنده، بیرینجی اوستونلوک اولوردو. بارات بلکه یاریم ساعاتین ایچینده دوکتورون (حکیمین) مطبینه حاضیر اولدو. دئییلدی یولداشینى اورادا میز دالیندا گۆردو کی، دوکتورون مطبینه چالیشیر. بارات اوندان همیشه کی کیمی اونونلا گۆروشوب، اوپوشوب و بیر- بیرلرین آلرینی محکم سیخدیلار.

بو آندا یولداشی دؤنوب، اونا دئدی کی، «یولداشلار سنین سولدوزا دؤنوب گلهمینی دوز حرکت سایمیرلار. سونرا یولداشی داوام ائتدی: «هم اؤزونو خطرہ سالیرسان، هم ده سنین باشینا بیر ایش گلسه، اؤزگهلر ده او طریقيله خطرہ دوشه جک. بئله لیکله او بیرى یولداشلارین روحيه سینه پیس تاثیر قویاجاق. سنین سولدوزا گلهمین دوز دئیل، امکان اولدوغو قدر شهردن تئز چیخ».

بارات بیر طرفدن بونا ماراقلانیردی کی، «آلتی-ئددی آی بوندان قاباق بو اونلارین هامیسینا مسئول اولدوغو تشکیلات، ایندی او قدر اؤز آياغینین اوستونده دورا بیلیر کی، بو مؤحکملیکده قرار بارات حاققیندا وئرسین. بارات یولداشینین بو تشکیلات قرارینی اونا اعلان

ائتمه سیندن غرورلانیردی. باراتین دا اؤزونه پلانی و اؤزو اوچون بو ایشه آنالیزی وار ایدی. بارات دا اؤزو و اؤز دوشونجه سینی و امکان اولدوغو قدر اؤز پلانی آچمالی ایدی.

بارات دؤنوب یولداشینا دئدی: «من بو حرکتیمله حکومت آداملارینا بونو ثابت ائتمک ایسته ییرم کی، من اونلارین امنیت سیستمینی سیندیراراق گلیب - گئده بیلیرم. اونلار بو امنیت سیستمیله منه بو محرومیتی تحمیل ائده بیلمزله. منیم بو محدودیتی سیندیرماغیم اونلار اوچون بیر مغلوبیتدیر». بارات سؤزونون داوامیندا دؤنوب دئدی کی، «من بو ایشین خطرلرینی ده گؤزه آلیرام و اونلار بیللمه مه دن گلیب، اونلار اؤزلرینی حاضیرلا ییب، منیم سوراغیما گله نه کیمی من شهردن چیخماغا چالیشیرام». بارات نه زامان چیخماسینی یولداشینا دا دئمه دی. او حیس ائتدی کی، یولداشی اونون سؤزلریندن چوخ قانع اولماییب. آما یولداشینا بو سؤزو یئتیردی کی، اونلارین فیکیرلرین درک ائدیر و نظرده توتور.

بارات ائوه دؤنرکن ناهار چکیلمیشدی. اونلار دا بونو سئزیردیلر کی، بارات یولداشلارینی گؤرمه یه گئدیدیله. ناهار یئیندن سونرا چای حاضیرلانمیشدی. بارات گیلین اونلارلا قونشو اولان عمی اوغلوسو گیل اونلارلا ائو ایشلرینده چوخ کؤمک ائدیردیلر. چایین اوستونده یئنه باراتین بؤیوک قارداشی دانیشماغا باشلادی. او دانیشیقلا ریندا بئله باشلادی کی، «بو دونیادان کؤچن کیچیک قارداشلاری اونلارین

ایچینده هامیسیندان بیر قاریش یوخاریدا ایدی. اونلارین بیر به بیر موقایسه ائندنه بیر سیرا اوستونلوکلی اولسا، بیر سیرا بؤیوک ضعفلی ده وار ایدی، آما کؤچن قارداشلاری هامیسینین یاخشیقلارینا بیر یئرده صاحب ایدی، اونا گؤره هامی اونو بو قدر سئوردی». او، دانیشیقلا رینین داوامیندا یئنه دئییردی کی، اونلار نه قدر تنز بو فاجعه نین اولوب - بیتمه سینی قبول ائتسه لر، او قدر ده تنز مساله نی اؤز لرینه حل ائدی، آز آغری چکیب و بیر- بیر لرینه دایاق اولاییلرلر». او بوتون عایله نی بیر- بیر لرینه آرتیق یاخینلاشماغا دعوت ائدیردی. او هامیدان آرتیق اؤز دوغوسونا غالب گلیب، اونلارا قوت وئیریدی. بارات بؤیوک قارداشینین بو ضایعه ایله نه قدر منطیقلی داورانماسینی گؤررکن، اؤزونون نه قدر عاطیفی اولدوغونو دا گؤروردو. نه معلوم، بلکه بؤیوک قارداشی اؤز اوره ک دردینی باشقا بیر یئرده بوشالیدی.

باراتین چیخما پلانیندان خبری اولان اسفندیار اونا خبر وئردی کی، «تهران قارانیق دوشن زامان ساعات آلتی یاریم قاباقجاندان ایکی بلیط آلینب، او زامانا حاضیرلاشین. بارات ساعات ایکی دؤره سینده نیگارا خبر گؤندردی کی، او دا ساعات آلتی یاریم حاضیرلاشین. اونلار ساعات آلتی حدودوندا، اونلارین قاپیسیندا حاضیر اولمالیدیلار. بارات ائوده گلیب- گئدن، باش ساغلیغی وئرن قوناقلارا مشغول ایدی. هئچ کیم ده بیلمیردی کی، او نئچه ساعات سونرا تهران چاخاجاق.

ساعات بئش دؤره سینده او بیربه بیر باجیلاری، قارداشلارینا دندی کی، اونلار چیخمالی و آخشام تهرانا دؤنمه لیدیر. نیگار دا سککیز آیلیق بویلو اولا بیلردی. او آرتیق چوخ آغیرلاشمیشدی. او دا زامانی یئتیشنده بیربه بیر قارداشلاری، باجیلاری، آتا- آناسیلا اؤپوشوب - گؤروشوب آیریلماغا باشلادی. اورادا اولان بعضی آیری قوهوملار و تانیشلار دا بارات لا ساغ اوللاشدیلار. بارات بیر مینیك ماشیندا هاوانین یئنیجه قارالمیش قارانلیغیندا نیگار گیلین قاپیسیندا دایاندی، تنز ائیب، قاپیدان ایچه رییه گیردی.

باراتین نیگارین عایله سی ایله بیر داها گؤروشوب- آیریلماسی اون دقیقه دن چوخ چکمه دی. بو آرادا نیگارین آناسی و باجیلاری اونا لازیم اولان سفارشیلری وئیردیلر. اونلارین هامیسی بیرلیکده اوجادان دانیشیردی، هرکسین سه سی چوخ اوجا اولسایدی دا، ائشیدیلیردی. بارات گیل گئتمه لی ایدیلر. اونلار گؤروشوب آیریلدیلار. اونلار بیر داها مینیك ماشینین ایچینده اوتوروب، اوتوبوس قاراژینا ساری یولا دوشدولر. اونلار یئتیشرکن گؤردولر کی، بوتون موسافیرلر ایچه رییه آیله شیب، شوفر شاگیرد وسایلی جعبه ده یئرلشدیریر.

بارات گیل اسفندیار ایله موراددان آیریلیب، وسایلی شوفر شاگیرده تاپشیردیلار. اونلار ایچه رییه گیریب آیله شندن سونرا نه قدر اسفندیارلا مورادا دندیلر کی، اونلار گنده بیلر، اونلار هئچ بیر قاراژی ترک ائتمک ایسته میردی. اوتوبوس یولا دوشندن سونرا اونلارین خیالی

راحت اولدو کی، قاراژدا بیر اولای باش وئرمه دی. سونرا هر کس اؤز یولونا گئتدی. بارات ایله نیگار اوتوبوسدا تهرانا ساری یولا دوشدولر. امنیتی تفتیش و آختاریشلار همیشه کی نقطه لرده یئرینده وار ایدی. گئجه نین قارانیغی، هاوانین سویوقلوغو، نیگارین آغیر بویلو اولماسی و باراتین یولون ایلک نئچه ساعاتینی یوخودا اولماسی سبب اولدو کی، «اؤ اوغلو» دان کئچمه لری چوخ اوزون چکمه سین. بیر طرفدن ده باراتین آرتیق یورغون و یوخولو اولدوغو اوچون زامان چوخ سورعتله کئچیردی. بارات «اؤ اوغلو» داکی یاریم ساعاتا یاخین دایانمانی کئچیردندن سونرا خیالی راحت اولدو کی، اونلار ساغلام تهرانا چاتا جاقلار. مامورلار باراتین یانیندا بیر سککیز آیلیق ایکی جانلی خانیمی گؤرنده، اونا شوبه ه لئمیر دیلر. اوندان سونرا اونلارین سفرلری نورمال کئچدی. اونلار یولون چوخونو اوتوبوسون ایچینده یاتمیش دیلار. سوروجو همیشه کی کیمی بیر یئرده شام یئمک و سوروجولرین ده ییشمه سی، ناماز قیلماق، بیر ده چای ایچمک و موسافیرلرین دینجلمه سی و باشقا ایشلری اوچون دایانندی. چؤلون صاف هاواسینا هوسله نن بارات دا هر ایکی دایانمادا آشاغیا ائندی.

ساعات سککیز یاریم صوبح اوتوبوس «تهران غرب» ترمینالیندا دایانندی. تهرانین هاواسی یئنه همیشه کی کیمی توستولو و بیر قدر ده بورکولو ایدی. هله هاوا ایستیلشمه میشدیر، سرین ایدی. بارات گیل ائوه گئتمک اوچون چوخ چتینلیک چکمه دیلر. اونلارین وسایلی چوخ

دئییلدی. نیگارین آناسی اونلارا بیر قدر قورو سبزی و باشقا یئمیشلردن قویموشدور کی، هامیسی بیر چمدان اولمازدی. بارات گیل بیر مینیک ماشیندا اوتوروب، ائو سمتینه یولا دوشدولر. ساعات اون یاریم اولاردی کی، اونلار ائو یئتیشدیلر. اونلار اوزون یول گلندن سونرا دوزگون بیر دینجلمه یه احتیاجلاری وار ایدی.

اونلارین نه تلویزیونلاری، نه ده باشقا بیر ایلنجه وسایللی وار ایدی، یالیز ناهار بیشیرمک ايله زامانلارینی یاخشی دولدورا بیلردیلر. بارات یاریم کیلو آت آلاندان سونرا اونلار سوغان و یئرآلما سویوب، قیرمزی بادیمجانلاری دوغراییب و باشقا لازیم اولان وسایللی حاضیرلاییب، ناهارا «تاس کباب» بیشیرمه یه باشلادیلار. اون بئش دقیقه دن سونرا یئمهمین عطری بوتون ائوی باشینا آلمیشدیر. بارات بؤیوک اوشاغین آنانین قاریندا اولان دؤره یه عاید اولان کیتابی آله آلیب، موخلف قیسمتترین اوخویوب و نیگارلا پایلاشیردیلار.

اونلار ایندییه قدر اوشاغین آدینین نه اولدوغو حاققیندا چوخ دانیشمیشدیلار. یاواش-یاواش بو حاقدا اونلارین قرارلاری کسکینله شیردی. قرارلارین کسکینلشمه سی بودور کی، نیگارین ایسته یی اوستونلوک قازانیردی. اونلار اوغلان اولسا، اوشاغین آدینین «بالاش» اولماسینا قرار وئرمیشدیلر. آما قیز اولسا، بارات اونون آدینین «سارا» اولماسینی ایسته ییردی، نیگار «سونا» آدینی سئچمیشدی. بارات دا سوندا قیز اوشاغینین آدینین «سونا» اولماسینا راضی اولموشدور.

اونلار ناهارلارین یئیندن سونرا شام اوچون ده چوخ یئمکلیری قالمیشدیر. بارات اؤزونو صاباحدان یئنه ده ایش باشینا قاییتماغا حاضیرلا بیردی. بو گون باراتین تعطیل گونو کیمی دینجلمه زامانیدیر. نیگار دا اوشاغا گؤره گونده چوخلو پادا گئتمه یه مجبور ایدی. بونا گؤره اونلار ناهاردان سونرا، یا آخشاما یاخین ائشیه چیخب، ماغزالارا باخاراق دولانماغا مشغول اولدولار. زامان- زامان و هر دن بیر نیگار اوشاق اوچون خیردا- خیردا وسایل آلیردی.

بارات گیلین سولدوزا گئدیپ- گلمه لری دؤرد گون چکدی. بو دؤرد گون باراتین تهرانداکی تشکیلاتی قرارلارین بیر- بیره وورمامیشدی. بارات صاباح آخشام دؤرد نفر حوزه سینی گؤره جک، هفته نین سونوندا دا قیز تشکیلات یولداشی اونلارین ائولرینه گله جکدی. او هم ده نیگارین جیسمی و روحی دورومونا باخاجاقدی. باراتگیل بو گون نچه ساعات ائوده اوزانیب دینجلیلر. اونلار بیر دها فرصت تاپمیشدیلار کی، اوشاق اوچون آسکیک اولان وسایلی آلسینلار.

بارات گنجهنی ده نسبتاً راحت دینجلیب - یاتا بیلدی. او صاباح واختیندا ایش باشینا گئتدی. بارات نچه گون ایدی کی، ساققالینی دا قیرخا بیلمه میشدی. او ساققالین آرتیق قیرخماق ایسته میردی. بو ایشی قارداشینین خاطیره سی اوچون اونون قیرخیناجان داوام ائتمک ایسته میردی. او گون ایش باشیندا باراتین قارداشی حاققیندا چوخ

سوروشمادیلار. اونلار باراتا باش ساغلیغی وئردیلر، سونرا هر گونکو کیمی هامی ایشه باشلادیلار. باراتین یاریمچیق ساققالی اوزونو قاشینماغا سالمیشدی.

باراتین تشکیلاتی حوزه جلسه سینده اونلارین توپلانمالارینین چوخ چتین اولماسی اوچون اونلارین خیابانلاردا دانیشمالارینین موشکل اولماسی و سیاسی- تشکیلاتی و تئوریک بحرانا گؤره ایکی نفر یولداشلاری داها گلیمردی. بارات ایکی نفری گؤروشمک اوچون ایشدن چیخاندان سونرا بو قدر چتینلییه دوشوردو. بارات اونلارین دورومونون حاققیندا یولداشینا آچیقلا بیردی، او دا بو وضعیتن چوخ تعجب ائتمیردی، او باراتدان ایسته میردی کی، چوخ جیددی و تشکیلاتی اولسون. اونلارین هامیسی بیلریدیلر کی، ائو کؤکوندن خاراب اولوب. اونلارین داغیناق جیددی چالیشمالارینین آرتیق چوخ تاثیری اولمایاجاق.

تشکیلات باراتین قارداشینین فاجعه سینی ائشیدن سونرا داها آرتیقراق اونو گؤزله بیردیلر. بارات ایکی نفرلیک حوزه و یوخاریدان گلن یولداش ایله تشکیلاتی ایلشکیسینه داوام ائدیردی. هفته نین سونونا هم اسفندیار، هم ده مورد - ایکسی ده باراتین بؤیوک باجیسیلا بیرلیکده تهرانا دؤندولر. اونلار بیر داها امکان تاپیب، اسفندیارگیلده بیر یثره توپلانمادیلار. بارات اونلارین ائوینده بیر نفر داها تانیشلاردان گوردو

کی، باشقا بیر مونا سییته اونو کوردوستاندا گۆرموشدو. اونلارین بیر
یثره توپلانماسی، بیر قدر بارات گیلین یاشاملارینا نورماللیق قایتاردی.

زامان کئچیردی، بارات ایشینده گونبه گون آرتیق مهارت
تاپیردی. او چوخ مساله لری اؤیرنسه ایدی ده، آما هله اوستاکار اولما
یيلمزدی. چوخلو موضوعلاری اؤیرنمک اوچون زامان لازیم ایدی و
تجربه نی زامانلا قازانماق اولار. بارات ساققالینی اوزاداندان اوزونو قارا
بیر بویاق کیمی کؤلگه آلمیشدی. اونلار دا اوشاغین گلمه سینه
حاضیرلا شیردی لار. بارات ین آناسی هم حالینی بیر ده ییشمک، هم ده
نیگار دان و گله جک اوشاقدان موغایات اولماق اوچون تهرانا اونلارین
یانینا گلمه لی ایدی. نیگارین آناسی اؤز ائولرینده چوخلارینین اوندان
آسیلی اولدوغونا گؤره گلمه سی تقریباً غیر مومکون ایدی.

اوچ هفته بارات گیلین گلمه سیندن کئچمیشدی کی، بارات ین
آناسی تهرانا گلدی. بارات ین باجیسی گیلین ائوینده بیرینجی گونو
اوتوراراق، صاباح اونو اسفندیار بارات گیله گتیردی. اونلار هفته نین
سونونا یاخینلا شیردی لار. بلکه جوما آخشامی اولاردی. بارات گونده کی
کیمی ایش یثرینده ایدی کی، اونا آسلان یاخینلاشدی و اوشاق
اولماسینین یاخینلاشماسینا گؤره ایکی هفته سینین ایش پاراسینی اونا

آرتیقداڭ ھەدیه وئریب دئدی کی، اوشاغین اولماسینا خرج ائده بیلرلر. بارات او بیرى طرفدن ده هفته سونو یاخینلاشدیغی اوچون اؤزو، آناسی و ھامیسینین بیر یئرده اولماسینا فیکیرلە شیردی. بارات آناسینین اوزونده کی یارالارین یترین داھا گؤرموردو.

صباح تئزدن نیگار قارین آغریسیندان شکایت ائله دی. آیلا رلا اونون آغیر اوشاق داشیماسی اوچون چوخلو جیسمی عارضه لرден شکایتینه آلیشان بارات ھئچ بیر شئیە شوبه لئمە دی. باراتین آناسی اوندان «آغری ھاردان گلیر، نئجه دیر» سوروشماغا باشلادی. بیر ایکی دفعه آغری گلندن سونرا نگار «داھا کسیدلی» دئیدن سونرا بارات دا خیالی راحت اولدو کی، قارین آغریسی کسیدلی و نیگارین راحتسیزلیغی قورتولدو.

اونلار گؤردولر کی باراتین آناسی، ھله نیگارین یاخینلیغیندا اونون قارین آغریسینی چوخ جیدّی ایزلە ییر. بیر ساعاتدان سونرا بیر داھا بیر قارین آغریسی نیگارا گلندە باراتین آناسی دئدی کی، اوشاق گلیر، گؤتورون خستە خانایا گئدک. بو ایکی گونون ایچیندە اسفندیارین دا باجیسی گیل اونلارا قوناق گلیمیشدی. بارات ایله نیگار و آناسی بو طرفدن «خمینی» خستە خاناسینا گئتدیلر، او بیرى طرفدن موراد و اسفندیارین باجیسی گیل ده اؤز ائولریندن خستە خانایا یوللاندىلار.

خستە خانایا گیرن کیمی نیگاری آپاریب ایچە ریدە یاتیردیلار. اونون یانینا یالنیز بیر نفره یول وئیردیلر، او بیر نفر ده باراتین آناسی

ایدی. اونلار لازیم اولان کاغیذلاری امضالادیلار. اونلاردان بیر قیران دا پول آلینمادی. بونلار شوشه‌نین دالیسیندان ایچه‌ریده کی «طیب باجی»لاردان نیگارین حالین خبر آلیردیلار. اونلار چتین بیر خبر وئره بیلیردیلر. بلکه صاباح ساعات اون اولاردی. بارات گیل یاریم ساعات اولاردی کی ایچه‌ریده بیر خبر گؤزله‌یه‌رک دایانمیشدیلار. بو آندا باراتین آناسی قاپیا گلیب اونلارا دئدی کی، «اوشاق گلیر، آغریلارین آراسی هله ساعاتدان بیردیر». بارات بو سؤزلردن آنجاق «اوشاق گلیر» سؤزونو باشا دوشدو.

ناهاردان سونرا ساعات بیرده اونلار ائشیکده ساندویچ ساتاندان هره‌سی بیر ساندویچ آلیب یئدیلر. اونلار هر ساعاتدان بیر، باراتین آناسیندان، یا طیب باجیلارینین بیریندن بیر خبر آلیردیلار کی، نیگارین حالی نئجه‌دیر. هر بیر شئی نورمال گئدیردی. بارات یئنه بیر سؤز ائشیدیردی کی، آغریلارین آراسی یاریم ساعتا گلیب، آما بو مساله‌دن بیر شئی باشا دوشموردو. ساعات ایکی اولدو، هله هئچ بیر خبر یوخ ایدی. بارات ساعات اوچ یاریمدا تشکیلاتی قرار یا گئنده جکدی. بارات بو موشکولو نئجه چؤزمه‌سینده قالمیشدی. اگر او زامانا اوشاق گلمه‌سه، او نئجه بو قرار مساله‌سینی حل ائتسین. او هئچ فیکر ائله‌میردی کی، اوشاغین گلمه‌سی بو قدر اوزانسین. ظاهراً اونلارین حیات و یاشاملارینا بیر اوشاق قدم قویور کی، چوخلو قرارلار اوندان آسیلی اولاجاقدی. بیرینجی قرار بودور کی، هله ائشییه چیخماغا قرار وئرمه‌میشدیر.

ساعات اوچده بارات بئله قرار وئردى كى، او اؤز-اؤزونه دئدى: «بئش ساعاتدير بو اوشاق هله دونيايا گلمه ييب. چوخلو احتمال واردير كى، بير ساعات دا آرتيق دايانسين. بير ساعاتا من گنديب تشكىلاتى قراريمدا دوستوما خبر وئهرم كى، نيگار خسته خانادادير و اوشاق گلير. او بيرى قرارى كسينلشديريب، تئز خسته خانايا دؤنهرم». هله آيرى بير ايليشكى ياراتما وسيله سى يوخ ايدى كى، اونلار بير-بيرلرله ايليشكیده اولسونلار. اونلار بير-بيرلرينى يالنيز اوزبه اوز گؤرمه ليديرلر. بارات «تقى» گيله خبر وئرندن سونرا آتيلدى بير ماشينا و سورعتله قرار باشينا طرف يوللاندى.

او بلكه ايگيرمى دقيقه ايچينده قرار يئرینه چاتدى. اورادا يولداشينا مسالهنى آنلاداندان سونرا دوستو اونا دؤنوب دئدى كى، تئز خسته خانايا دؤنسون. او دئدى كى، بو هفته ده اونلارين قرارلارى اجرا اولونماسايدى، او گلن هفته گليب، اونلارى گؤره بيلردى. بارات دا ايسته ميردى اونون فعاليت كئچميشينده ثبت اولونسون كى، بير گون تشكىلاتى قرارينين باشينا گلمه ميش.

بارات تئز آتيلدى آيرى بير ماشينا و «خمينى» خسته خاناسينا سارى يوللاندى. او اوره يينده سئوينيردى كى، تشكىلاتى قرارينا دا گنديب، بلكه بير ساعاتدان دا تئز زاماندا خسته خانايا دؤنه بيله جكدير. او خسته خانادا ايچه رييه گيرنده گؤردو كى، «هوماي» خانيم، «تقى» و بارات ين باجيسى اونا سارى قاچاقراق، دئديلر كى، موشدولوغوموزو

وئر، اوشاق بیر قیزدیر. بارات قاریشیق بیر حالی وار ایدی. اونلارا ایچه‌رییه گیرمک اوچون اجازه وئرمه‌مه‌سه‌لر ده، او صاباحدان ناهاردان سونرا ساعات اوچه قدر بو قیزین گلمه‌سینی گؤزله‌ییردی، خانیم قیز، بارات بو بیر ساعاتی انشیه چیخاندا گلمه‌یه قرار وئرمیشدیر. او بیر طرفدن بارات «کیشی» اولوب بیر قیز صاحیبی اولماسینا اویونوردو.

اونا دئدیله کی، بو خبری گتیرن طبیب باجیسینا گرک بیر «موشدولوق» وئرسین. نهایت بارات اونو تاپیب، موشدولوغونو وئردی. هله بارات گیله ایچه‌رییه گئدیپ نیگارلا اوشاغی گؤرمه‌یه اجازه یوخ ایدی. بیر ساعات داها اورالاردا دیدرگین گزندن سونرا باراتین آناسی انشیه چیخب، اونلارا دئدی کی، «گنجهنی اونلار احتیاط اوچون خسته‌خانادا قالا جاقلار. اونلاری صاباح مرخص ائله‌یه جکله». داها بارات گیل هامیلیقدآ آرخابین اولدولار کی، نیگار ایله اوشاغبین هر بیر شیئی نورمالدیر و حاللاری یاخشیدیر. اوچ هفته باراتین قارداشی حیاتین ده‌ییشندن سونرا بیر داها اونلارین اوزلری اوره کدن گولوردو. بارات چیخب نیگار گیلین عایله‌سی و او بیر یابین عایله عوضولرینه خبر وئرمه‌لی ایدی. بونا گؤره بارات موخابیرات یولونا یوللاندی کی، اورادان دا ائوه گئدیپ و صاباح ایشه گئتمه‌یه حاضر لاشسین. صاباح قرار اولدو کی، یا تقی، یا دا اسفندیار گیل ماشینلاری ایله نیگار گیلی خسته‌خانادان ترلان گیله آپارسینلار.

بارات صاباح هله نىگارى و اوشاغى گۆرمه دن ايشه گئتدى. ايش يئرینده بارات جیبینه باخاندا گۆردو کى، دونن او قاقاقچین ایچینده، آسلان اونا اوشاغین اولماسى اوچون هدیه وئردییى پولون جیبینده قالان یاریسینی ایتیریب. اونون نئجه و هارادا ایتیردیین هئچ بيله بيلمه دی. بارات آخشامى گۆزله ییردی کى، ایشدن تشکیلات قرارینا اؤزونو یئتیرسین، اوندان سونرا اونلارین ائولریندن ده بیر ساعات اوزاق اولان اسفندیار گيله گئتسین.

باراتین یولداشیلا خیابان گۆروشمه سی چوخ چکمه دی. اونلارین خبرلری پایلاشماقدان سونرا بیر قدر سیاسى و تئوریک بحث و دانیشیقلاری اولدو. بارات اونلارلا اوشاغین اولماسینی آرایا قویاندان سونرا گۆروشلرینی داها قیسا آپاریب، بارات سورعتيله اسفندیار گيله یولا دوشدو. بارات یولدا چالیشیردی کى، بیر دسته گول آلماق اوچون بیر یترده گول ساتان تاپا بیلسین. نهایت گئجه ساعات دوققوز یاخین بیر دسته گول ایله اسفندیار گيله یئتیشدی. قاپینی چالیب، ایچه رى کئچدی. اسفندیار گیلین آپارتمانلاریندا ایکی یاتاق اوتاغی، بیر اوتورما یا قوناق اوتاغی وار ایدی. اونلارین بیر کیچیک آشپازخانادان سونرا کیچیک بیر حمام و توالتلری ده وار ایدی. اونلارین اوتورما یا قوناق اوتاغینا آچیلان قاپینی بارات آچاندا هامینی اورادا بیر یترده گۆردو. نىگار دا بیر بوجاقد ا یترده اوزانمیشدی. اونون یانیندا اوشاق دا ساکبت یاتمیشدی.

باراتی گۆررکن هامی سئوینجک بیر سه سیله آیاغا قالخیب، بو
 شنلییی اونونلا پایلاشماق ایسته دیلر. بارات دا سئوینج ایچینده هامینی
 آلقیشلا یارق، دوز نیگار ایله «سونا» طرفه گتتدی. او اؤنجه اوشاغین
 اوزونو آچدی. اوشاغین گۆزلری شیشیک، اوزو توپول، باشی زیل قارا،
 دوداقلاری چوخ نازیک دریلی و نهایت یوخو عالمینده بئله نظره
 گلیردی کی، آغزیندا بیر شئی چئینه ییر. بارات «سونا»نی یوخودا اولاراق
 یاتدیغی یئرده اؤپوپ، سونرا بیر میقدار جمعین ایچینده چکینه رک،
 نیگاری دا آلتیندان اؤپدو. بارات دا اونلارا قاریشیب هر قاپیدان
 دانیشماغا باشلادیلار. بارات بیلیردی کی، اونون یاتماسینا داها بو
 قالابالیق ائوده یئر یوخدور. بونا گۆره ساعات اون بیر دۆره سینده، یئنه
 ده ائیشیه چیخیب، اؤز ائولرینه ساری یولا دوشدو کی، صاباح واختیندا
 ایشه یئیره بیلسین. خیابانلار خلوت اولدوغو اوچون بارات قیرخ دقیقه
 ایچینده اؤز ائولرینه چاتیب، ساعات اون ایکیدن تئز یوخویا گئتمیشدی.
 بارات بیر طرفدن اؤزونو ائوده چوخ تکک حیس ائدیپ
 داریخیردی، او بیرى طرفدن چوخ سئوینجک و شارژ ایدی. بو
 داریخمانین ایچینده یورغونلوغوندان هئچ بیلمدی کی، نه زامان یوخویا
 گئدیپ. بارات بیر-ایکی گوندن سونرا گۆزله ییردی کی، نیگارگیل
 ائوه گل سینلر، او دا بیر اوشاغی ایله یاخیندان محبتله گۆروشه بیلسین.
 بوتون بو یورغونلوعون ایچینده اونون یوخولاری دا قارماقاریشیق

اولاراق، گؤستریردی کی، باراتین قاریشیق باشی داها آرتیق قاریشاجاقدی.

باراتین آناسی نئچه گوندن سونرا نیگارلا اونلارین ائوینه گلدی. بو مودّنده، بارات هر آخشام اسفندیارگیله گئدیردی. اونلارین کیچیک ائولری چوخ شولوغ و قالابالیق اولوردو. قوناقلار و اسفندیارگیل - هامیسی بیر ایل بوندان قاباغا قدر او گؤزل گونلری حسرتله خاطیرلاییردی. هامیسی بیر یترده ایدی، هله هئچ کیم داغیلما میشدی و هامیسی بیرلیکده آزادلیق و عدالت یولوندا چالیشیردی. بو چالیشمانین ایچینده اونلار کیچیک اوشاقلارین دا بؤیومه سینی گوروب و اونلارین بؤیومه سینین خاطیره لرینده ایشتراک ائدیردی.

نیگارگیل گلنده داها او بیر قوناقلار سولدوزا دؤنموشدولر. بارات گیلین ائولری داریخمالی بیر حالدا جانلانمیشدی. بیر طرفدن اونلارین ائولری سه سسیز گونلردن سونرا سه س اوزو گوروب و نیگار، سونا، بارات و باراتین آناسینین گلمه سیله جانلانمیشدی. بیرینجی گونده اسفندیارگیل ده اونلارین ائولرینه گوروشه گلیمشیدیلر. سؤزون دوزو، بو جمعین ایچینده یالنیز اسفندیارین ماشینینی وار ایدی و او هر بیر زمانکی کیمی، قوناقلاری و نیگارگیلی اؤز ماشینیللا لازیم اولان یتره، او سیرادان بو دفعه بارات گیلین ائوینه گتیرمیشدی.

اسفندیار هېچ کیمه ماجال وئرمه‌دن، قاجدی او کیچیک «والورون» باشینا، بیر ناهار بیشیرسین. یثرآلما، سوغان، ها بئله بیر پارا شیلری ییغراق، باراتا ناهارین حاضیرلیغی اوچون سیفاریش وئردی کی، گئتسین و نه‌لر ائشیکدن آلیب، اؤزویله گتیرسین. یاریم ساعاتین ایچینده چرخ اولونموش ات ایله بیر یئمه‌لی ناهار بیشمکده یئدی. ناهارین عطری داها اونلارین ائولرینی جانا گتیرمیشدی. بارات‌گیل بیلیردیلر کی، ناھاردان سونرا مورا و اسفندیارگیل گئندن سونرا «همای» گیل ده قاباقجاندان گئدیكلری کیمی اونلارین ائولری همیشه‌لیک کترچکله قارشیلایاق. هله باراتین آناسی دا چوخ اوزون زامان اونلارین بیر اوتاقلی ائولرینده قالا بیلمزدی.

نیگار قالخیب دولانیردی، او ائوده ایش گؤره بیلیردی، اونلار بارات ایشده اولان زامان اورکلری آچیلسین دئی، ائشیکده و بازاردان دولانماغا چیخیردی‌لار. «سونا» خانیمین دا دوغوم گونوندن آسیلی اولاراق یارانمیش اوزونون و گؤزونون شیشمه‌لری چکیلیمیشدی. او یاخشی یئیپ یاتیردی و اویاق اولاندا هر کسی گؤزونون آلتیندان کئچیریردی. هله بیر کسه افتخار وئرمیردی کی، اونون گولوشون گؤرسون، آما بعضی زامانلار بیلنمز سببلره گؤره «قاراجیلیق» چیخارداراق چیغیر-باغیر سالاردی.

آناسی بیر هفته داها اونلارین یانیندا کئچیرندن، یعنی نیگار عمومیتله ایکی هفته دوغوموندان کئچندن سونرا سولدوزا دؤندو.

بارات گیل قاباکی شرایطلرینه قایتدیلار، البته، بیر بؤیوک فرقله. آخی اونلارین جمعلرینه «سونا» قاریشمیشدی. بارات گیل اونلارین اصلی هویتلری منطقه‌نین مسجیدی و کمیته‌سی طرفیندن تائینماسین دئییه، اؤزلرینه «کوپون» دفترچه‌لری آلمامیشدیلار. اونلار بو یوخسوللوغون ایچینده، هر بیر لازیم اولان شیئی آزاد بازاردان آلمالی ایدیلر. بونا گؤره ساده‌جه چوخ زادلارین اوزونو گؤره بیلمیردیلر. «سونا»نین گلهمه‌سیله بئله داوام ائده بیلمزدی. اونلار آرتیقراق گوجلندیریحی یئمکلردن آلمالی ایدیلر کی، اونلارین بودجه‌لرینده باشقا ائو مصرفینه لازیم اولان لوازیمه میدان وئرمیردی. او جمله‌دن سونا بیر آلیغینا یاخینلاشیردی، اونلار هله اونا اوشاق داشییان کالسه‌ک آلا بیلمه‌میشدیلر.

بو گونلرده «ترلان» بارات گیله خبر وئردی کی، اونلارین ده‌نیز قوه‌لرینده گمی کاپیتانی اولان بؤیوک قارداشلاری تهرانا بیر ایش اوچون نئچه گونلوک گله‌جک. بونلارین ایللر بویو آوروپادا یاشایان بؤیوک قارداشلاری تهرانا گلسه ایدی، هتله‌ده قالب و ایشلرینی گؤرندن سونرا بندر عباسا دؤنه‌جکدی. باراتا بیر کیچیک فرصت ایدی کی، قارداشینى گؤرسون، اونلار دا سئوینیردیلر کی، بارات گیلین بیرینجی اوشاقلارینی گؤرسونلر.

بونلارین قرارلار-مدارلارین ترلان قاباقجادران دانیشمیشدی. بارات، نیگار ایله سونانی گؤتوره‌رک، ویلا خیابانیندا بیر هتله ساری یولا دوشدولر. اونلار آخشام ساعات بئشه یاخین «امبه سه دور»

هوٽلنن قاپسنا چاتميشديلا. ايچهره گيرندن سونرا گۆزله مه اوتاغندا بير نفرى گۆرمه دن، گۆروش ميزينن داليسندا اوتورانا ياخينلاشيب و قارداشينين آدين وئريب دئدى كى، اونلارى گۆرمه يه گلميشلر. او دا تئلفونلا يوخارى ايله دانيشاندان سونرا بارات گيله دئدى كى، اوتوروب گۆزله سينلر.

بارات اوزون زامان ايدى كى، «فيروز» قارداشينى چوخ آز گۆروردو. بلكه ايلده و يا هردن ايكى ايلده بير گۆروشلىرىنه امكان اولوردو. بير طرفدن اونلارين عايله سينده هاميسى مدرن و علمى دوشونجه يه مالىك ايدى، او بيرى طرفدن اونلارين باجى- قارداشلارينين ايچينده يالئيز فيروز چوخ غرب اولكله لر و اونلارين اؤرنه يى اولان ايراندا، يعنى كئچميش شاه رژيمينين طرفدارى ايدى. بو بيرى طرفدن باراتين او بيرى باجى- قارداشلارى هاميسى آز- چوخ سول دوشونجه سى و سويتلر بيرليينه سمپاتى لرى وار ايدى. اونلارين هاميسى هم ده ساوادلى و متخصص اولمالارى اوچون بير- بيرلرينين دوشونجه لرينه ساغى گۆستريديلر. نهايت اونلار چالشيرويلار كى، سياسى دوشونجه لرى، باجى- قارداشلىق محبتينه منفى تاثير بوراخماسين. بو سبيله گۆره، باراتين و اونون قارداشينين ايكيسينين ده بئله بير گۆزلتيلرى وار ايدى كى، اونلارين چوخلو مساله لرده فيكييرلى ياخين، چوخ زمينه لرده فرقى اولاجاق، آما ائله داوراناجاقلار كى،

بىر-بىرلىرى آراسىندا كى مەھبەتە توخونولماسىن. بىر دە آن چوخ بو قىسا
گۆروشدن لۇت آپارماغى دوشونوردولر..

آز چكەمدى كى بارات گۆردو، قارداشى پىلەلردن آشاغى ائىر.
اونلار اۋپوش- گۆروشدن سونرا آشاغىداكى سالوندا بىر نەقەدە بىر-
بىرىنەن دۆرەسىندە اوتوروب و دانىشىغا باشلايدىلار. بلكە ايكى ايلدن
چوخ اولاردى كى، اونلار بىر-بىرلىرىنى گۆرمەمىشىدىلر. اونلارەن
چوخلو مسالەلر حاقتىندا دانىشاجاقدىلار. اونلارەن بىرى دە الەتە،
كىچىك قارداشلارەنەن حياتىنى دەيشمەس ايدى كى، هر ايكىسى
قارداشلارەندەن اولان گۆزل خاطرەلرى يادا سالىب، دردلەن بىر-
بىرلەپە پايلاشيدىلار. بىر ئانىە كىچمەدن سونانىن اولماسى و اونون
حرەكتلىرى، اونلارەن دانىشىقلارەنەن يۇنونو دەيشىردى.

فىروز دۇنوب باراتا دئدى: «روزگار نەجە كىچىر؟». بارات بىر آن
داياناراق جاواب وئردى كى، «روزگار دا بىزلە دوز دئەسە، بىز اونونلا
بىر تەھر كىچىنەرىك». سونرا فىروز دۇنوب دئدى: «روحيەندن خوشوم
گلدى». اونلارەن سەبتلىرى سياستە گلدى. اونلار بىر قدر خەققان،
آزادلىقلارەن پوزولماسى، ارتجاعى اسلام حكومتىنەن غير انسانى
داورانىشلارەندەن دانىشىب، سەبتلر ظارافاتا دۇندو. فىروز دۇنوب
دئدى: «مارگرت تاجرىن» معناسى بو حكومتەن لوغت نامەسىندە نە دىر؟
بارات دئدى بىلىمىرم. او دۇنوب جاواب وئردى كى، «بو حكومتەن
رەبىرلەنەن طرفىندەن «ماى گرىت تىچر» دىر. سونرا اونلار هامىسى

گولمه‌یه باشلا بیر دیلار. او بیر ی شوخلوقلاری بو ایدی کی، «سپاهین»
تویوتا ماشینلارینین دالسیسیندا نه دن (۴ و د) یازیرلار؟ سونرا جوابین
دئیندن سونرا یئنه ده هامیسی گولوردولر.

بو دانیشیقلا رین ایچینده قارداشینین خانیمی قیزلاریلا بیرلیکده
پیلهلردن آشاغی ائنیب و بونلارلا گؤروشدن سونرا بونلارلا قاریشیدیلار.
اونلارین صحبتلری بلکه بیر ساعات یاریم چکدی. سونرا باراتین
قارداشی اونلاری صاباح شاما رستورانا دعوت ائتدی. ایندییه قدر
رستورانا قوناقلیق اوچون گئتمه‌ین، بلکه یالنیز آجیخیب و یئمک اوچون
مجبور اولاندا چوخ آز زامانلار رستورانا گئدن بارات قراری قبول ائتدی
کی، صاباح آخشام تقریباً ساعات آلتیدا یئنه ده هوتله گل سینلر و
بیرلیکده او یاخینلیقدا رستورانا گئت سینلر. باراتین قارداشی و خانیمی
ایکیسی ده دیرندیلر کی، «سونا»نین «کالسه‌سی» اولما دیغی اوچون
اونلار دوغوم کادوسو اولاراق، اونا بیرینجی کادوسون اونلار آلسینلار.
صاباح آخشام بارات و قارداشی گیل رستورانا گئندنه بارات
گؤردو کی، رستوراندا چوخلو خارجی لر ده واردیر. بو رستورانین
یئمک لری ده - هامیسی خارجی ایدی. او یئمک لری تانیما یان بارات گیل
قارداشینین کؤمه‌یی ایله شوربایا بنزر بیر یئمک آلدیلار. اونلار
چالیشیر دیلار، رستوراندا یئمک قایدالارینی او بیریلردن تقلید ائت سینلر.
بارات بیلیردی کی، بو گئجه اونلار اوچون بیر خاطره‌لی گئجه لردندیر
کی، چوخ آز تکرار اولاییلر. دانیشیقلا رین ایچینده، فیروز «اسلام

جمهوری حکومتینه» خدمت ائتمکدن هئچ راضی اولمادیغینی بیان ائدیردی. او عین حالدا یاخینلیقدای بیر ماموریت اوچون خاريجه گئتمه سینی بارات گيله دانیشدی. اونون چوخ خارجه گئتمه سفرلرینه آلیشان بارات گیل اورکلرینده دئیردیلر کی، «ای کاش اونلار دا بیر خارجه گنده بیلردیلر». «سونا» خانیم دا بو گؤروشدن بیرینجی «کالسه» سینه صاحب اولموشدور. بو اونلارین تهران بو کیچیک سفرلینده سون گؤروشلری اولدو و صاباح فیروزگیلین تهران ماموریتلری قورتاریب، بیر داها بندرعباسا دؤندولر.

بارات گیلن یاشامیندا اونلارین سورگون، محدودیت و محرومیت شرایطینده یارانان داریخمالاری کیمی بؤیوک بیر موشکوللری «سونا» نین گلهمه سیله ده ییشیردی. داها اونلار او قدر «سونا» ایله مشغول اولوب، گونبه گون اونون بؤیومه سی، ترپیشلرینین ده ییشیلمه سی، نهایت گولوشلرینه حئیران قالمیشدیلار کی، زامانین کئچمه سینی بیلمیردیلر. اونلارین یاشاملارینا فرقلی بیر داددوز قاتیلیمیشدی. بارات گیلن بوتون عایله، قوهوم، یولداشلار و ایل- اوبالاریندان کسلیب، گیزلی یاشاملاری بیر طرفدن، او بیر طرفدن ده عملاً سیاسی چالیشا بیلمه مه لری اونلارا چوخ آغیرلیق گتیریردی. بارات

هر گون فحلہ لیه گنډرک، اؤز ایشینده کی مو حیطه آلیشب، آما اؤزون همیشه اورادا موّقت بیلهرک، اؤز دوزگون یئرینی آختاریردی.

سیاسی باخیمندان هئچ بیر دهیشیکلیک گؤرونموردو. بارات گیلین تشکیلاتلاریندان و اونون مرکزیتیندن نه بیر اعلامیه، نه «نشریه کار»دان بیر خبر وار ایدی. بارات گیل گؤزله ییردی لر کی، رهبریت ائشییه گنډندن سونرا اونلارین یئرینه داخلی رهبرلیک دولدورسون و قالانلار دوزگون بیر تشکیلاتی ایلشکیلر یاراتسینلار. آما نه تشکیلاتی علاقه لر گوجلو ایدی، نه بو یوخسوللوقدا بو قدر چالیشما زامان وئیریدی کی، بارات حتّی مطالعه یه و اخت تاپسین. بارات ائشیتیمیشدی کی، بیر رادیو پروقرامی هفته ده بیر ساعات اونلارین تشکیلاتی طره فیندن سه سله نیر. بیر طرفدن بارات گیل توتا بیلمیردی لر، بیر ده کی آنجاق شو عار وئریب، حکومتی افشا ائتمه یه چالیشیردی. بارات گیل بیلیردی کی، بو رادیو رسمی تشکیلات طرفیندن اولای بیلزمیش.

گونلر کئچیردی و بارات حیس ائدی ردی کی، بیر دهیشیکلیکلر یارانمالیدیر. نه سیاسی باخیمندان بیر گلیشمه یارانیر، نه ده او، دائمی اولاراق بیر یئرده قالا بیلر، چونکی خطرلیدیر. اونا ایشین ده ییشمه یه ده امکان یوخ ایدی، چونکی پاراسینا جیدّی مو حتاج ایدی. سونانین گلمه سینین شیرینلیسینده اونلارین داریخماسی، گؤزله مه ده قالماقلا زامان کئچیریردی لر. بارات بیر گون ایش باشیندا چالیشیردی بیر دها

تلفوندا اونو سه‌سه‌دیلر. چوخ آزاراق تلفون اولان بارات بیر داها شاشیردی. اونا تلفن اولاندا بیلیردی کی، گرک چوخ موهوم اولسون. او بونو دا بیلیردی کی، حتّا مورد، اسفندیار و یا نیگار یالینز مجبور اولماسالار، اونلارا تلفون آچمازلار.

بارات تلفونو آلیب و «الو» دئندن سونرا او بیر طرفدن تلفون ائندن سه‌سینی تانیدی. «آرسلان» اولدوغو کیمی بارات لا خوش گۆردوک صؤحبتینه تئر-تئر باشلا یاراق دؤنوب دئدی: من داریخمادان پارتلا بیرام. بارات دئدی کی، اونون تلفونون هارادان تاپیب. سونرا آرسلان اشاره ائله‌دی کی، او بیر ایله یاخین سولدوزدان چیخاندان سونرا، اونون دا مورد ایله ارتباطی وار ایمیش. اونلار بیر-بیرلریله دانیشاندا سانکی بیر داها اونلارین یاشامیندا اومید گونشی چیخیب، باشقا آدم اولان یئرده هر نه دانیشا بیلیردیلر. بونا گۆره قرارلاشدیلار کی، هفته سونو مورد ایله آرسلان - ایکسی ده اونلارا قوناق گل سینلر. بارات شادلیغیندان بیلیردی ئیله سین. او تلسیردی کی، بو خبری تئر آخشاما قدر نیگارا دا یئتیر سین. تلسه-تلسه ایشلرینی قورتاریب، آخشام هر گونکو کیمی آغیر-آغیر قاینق دستگاهلاری و آرمچیرلری ایچه‌ریه قویاندان سونرا ائوه گئدیب بو خبری نیگارلا پایلاشماق اوچون بیر مینیک ماشینا آتیلیب میندی.

بارات تهراندا اولان زامانلاردا یالینز یونیورسیته‌ده سیاسی چالیشاندا حیس ائدیردی کی، دوزگون اوز یئرینده یئرله‌شیب و فایدالی

بیر شخصدیر. اوندان سونرا یالنیز سولدوزدا یولداشلارینین ایچینده چالیشاندا یئنه ده حیس اندیردی کی، هم دوزگون یئرینده، هم ده اونلار بیر- بیرلرینی درک ائدن و بیر دیری اورقانیسم کیمی چالیشان ییغما کیمی سیاسی فعالیت گؤستریردیله. تهراندا او اؤزونو ایتیمیش، تانینامیش و سیاسی باخیمدان اؤلومو گؤزله مک شرایطینی ده گؤروردو. آرسلانین اونونلا علاقه یاراتماسی بیر داها او حیات و یاشام ایشیغینی اوندا دیریلدیپ جانلاندیردی.

بارات آخشام بو خوش خبری نیکارا وئرنده او دا بیر یاخین یولداشلاریندان بیرینین اونلارا قوناق گلمه سیندن چوخ سؤیندی. بیر ده اونلار سولدوزداکی خاطیره لر، یولداشلار، کئچمیش مبارزه لر و گله جک اوچون اولان آرزولاری حاققیندا دانیشماغا امکان تاپماقلا او شرایطده اونلاری تدریجی اؤلومدن قوراتاراجاق بیر یاشاماق باجاسینین آچیلماستتا بنزه ییردی. بارات بو آنلاری یاشیاجاقدی. اونلار تکجه یاشاماییب، گله جک اوچون ده دوشونوب، یاشیاییب و یاراداجاقدیلار. اونلار اوچون اؤلکه آنجاق سولدوز اولموشدور. اونلاردا بو امکان وار ایدی کی، سولدوزو سیاسی باخیمدان کونترولانندیپ و یؤنلتسینلر. ائی کاش ایرانین او بیرى شهرلرینده ده بونلارا تاي سولچو سیاسیلر بو قدر کادر و تشکیلاتی باخیمدان گوجلولاوردیلار.

بارات شادلیغیندان یئره - گؤیه سیغمیردی. او هئچ بیلمیردی، زامان نه سرعتله و نئجه کئچیردی. او یالنیز بیر زامان گؤردو کی، هفته

سونو چاتیب و او مورادین اؤزویله آرسلانی اونلارین ائولرینه گتیرمه سین گؤزله ییردی. اونلار یولداش یوخ، بیر عایله و قوهوم کیمی ایدیلر. بارات صوبح تئزدن گئدی، ناهار اوچون لازیم وسایلیری آلمیشدیر. اونلار نیگارلا بیرلیکده قوناقلار اوچون دادلی-دوزلو بیر ناهار حاضرلا ییردی. سونا خانیم دا بلکه حیس اندیردی کی، اونلارین بیر بؤیوک و گؤزل گونلری اولاجاق، بونا گؤره هنج نه دن گیلایه ائتمیردی.

نهایت قاپی چالیندی. ائوده آز تاپیلان قوجا ائو صاحیبی او گون ده ائوده یوخ ایدی. بارات قاپینی آچاندا آرسلانی مورادلا بیرلیکده اؤز قاباغیندا گؤردو. اونلارین اؤبوشوب - گؤروشنده نیگار دا آشپازلیغی بوراخیب اؤزونو قاپیا یتره رک اونلار آرسلانی باغریلارینا باساراق، ایچه رییه گیردیلر. مورادین داها ایچه ریسینده نه سیرلر وار ایدی، باراتین اونلاردان خبری یوخ ایدی. بو سیرلرین بیر آرسلانی اونلارین ائولرینه گتیرمک ایدی کی، اونلارین ائولرینی ایشیقلا ندیرمیشدی.

موراد دا تهراندا تک باشینا یاشایردی، چوخلو زامانلار گئجه لرلی ایش باشیندا یاتیب، کئشیک وئردی. او اؤزو اوچون حوصله سی و زامانی اولمازدی کی، آشپازلیق ائله سین. بو گون بارات گیلین ائولرینده اونلار تازا بیشمیش شوربا ییئه جکدیلر. شوربا، ایستی چؤرک، سوئلوموش سوغان و یئنی دوزلمیش آیران اونلارین

شاھانە يىمىكلىرى ايدى كى، لذتله يىيىردىلر. اونلار گۆزل-گۆزل
خاطيره لردن سونرا بيربه بير يولداشلاريندان آخىر خبرلىرى اونلارين
كيف-احوالى حاققندا خبر آلىردىلار. كىملر ائوله نىب، كىمىن اوشاغى
اؤلوب، كىملر نه ايشده چاليشىرلار، نهايت بو نه اويونو ايدى كى،
اونلارين باشىنا گلدى؟ تشكىلاتلارى بير داھا تشكىلاتلارين يئنه ده
قوراجاق كى، اونلار يئىنيدن قالخىب، آزادلىق يولوندا مبارزه يه دوزگون
شكىله داوام وئرىب و ارتجاع قوه لىرىنى گئرى اوتورتسونلار؟

آرسلان اونلارا دئدى كى، او تهران يىن ياخىنلىغىندا شهر كلرىن
بىرىنده ايدارى بير ايشده چاليشىر. بارات گىل شهرىن آدىنى
سوروشمايدىلار، بىلمه لرى ده ضرردن باشقا رىسكى و خطرى يوخ
ايدى. هئچ خىرى ولا بىلمزدى. آرسلان تىك باشىنا دارىخماسىندان
صۇحبت ائدىب، بوتون بو مدّته مورد ايله ارتباطدا اولماسىندان
دانىشدى. بارات دا مورددا «آى كۆپىك اوغلو» دئىب، اونو چىنىلرىندن
ايتله دى. آرسلان اونلارا سۆز وئردى كى، هر نئچه هفته دن بير گلىب
اونلارا باش وورسون.

اونلارين گول دئىب، گول ائشيتمه نىن ايچىنده بير آن هامى
درىن بير فىكره و رؤيالارا جومدولار. بو فىكره جوممانىن ايچىنده هر
كس اۆز دونياسىندا ياشادىغى و ياراتماق ايسته دىيى آرزولارى
ذهنلرىندن كئچىرىدىلر. بىردن آرسلان آلين جىيىنه اوزاداراق، بير تىكه
كاغىذ چىخارىب و اونو آچا- آچا بارات گىله دؤنوب دئدى: «منىم بو

چتین قاچاراق و تک باشیما یاشادیغیم و داریخمالی زامانیمدا، حؤکومه
خانیم بولوری نین بو شعرى منه گله جه یه اومید، اینام و گوج وئیردی.
سونرا او شعرى بارات گيله اوخوماغا باشلادی.

گله جه یم سیزه قوناق
گله جه یم سیزه قوناق،
قارانقوشلار قاییداندا
منی دینله منی آنجاق،
قارانقوشلار قاییداندا
گؤیده بولود اوچان زامان منی سسله،
یاسمنلر آچان زامان منی سسله.
گونش نورون ساچان زامان منی سسله.
منی دینله منی آنجاق.

گله جه یم گلن باهار،
قارانقوشلار قاییداندا
دومان آلسا او داغلاری،
داریخما گل،
گوجلویئلر تیترتسه لر بوداقلاری،
داریخما گل.

بو شعری ائشیدنده گۆزلری یاشاران بارات آرسلان دان او بیر
تیکه آزیلمیش کاغیدی ایسته دی کی، بو گونلرین سیمولو اولاراق، اونو
یازیب آزرله سین و عۆمرونون سونوناجان او بیر تیکه کاغید اوستونده
یازیلیمیش شعری اوره یینده یئرلشدیرسین. اونلارین ایچینده تام دویغولو
انسان اولان مورد او یانیقلی سه سی و گولوشلریله هامیدان یاختی اؤز
دویغولارینی آله آلاراق داورانیردی.

اونلار ائوده اوچ ساعات اوتورانان سونرا «کشاورز» بولواریندا
بیر سینمایا گئتمه یه قرار وئردیلر. سینمادان سونرا آرسلان ائوینه دؤنوب،
صباح ایشه گئتمه لی ایدی. تهراندا پاییز یئنیجه بیتیمیشدی، آما قار هله
یاغمامیشدی. هاوا ائشیکده سرینله میشدی، آما گونه شین ایستی انسانین
جانین قیزدیریردی. بارات گیل سونانی دا گئیندیریب، کالسه که سینه
قویوب، کشاورز بولوارینا ساری یوللانیدیلار.

اونلار تهران اونیورسیته سینین یاخینلیغیندا کئچیب، کشاورز
بولوارینا گئندنه گۆردولر کی، اونیورسیته نین قاباغیندا کی کتاب
ساتانلار، قباقلکی کتاب ساتانلار بنزه میر، اونلارین یولداشلاریندان هئچ
بیری اورالاردا یوخدور و بو گئرجه یین آجیلیغی یئنه اؤزونو اونلار
یوکلهمه یه چالیشیردی، آما اونلار بو شانلی گونو آیری مساله لرین
پوزماسینا یول وئرمه یه جکدیلر. اونلار کشاورز بولواریندا ائله بیر روحیه
ایله آددیم آتماغا باشلادیلار، سانکی اونلار بیر داها تهرانا حاکیم
اولوبلار.

اونلار سینمادان چیخاندا گۆردولر کی، هاوا قارانلیغا یاخینلاشیر. آرسلان اورادا اونلاردان آیریلمالی ایدی. آما آرسلان اونلارا سؤز وئردی کی، تئز-تئز اونلارین گۆروشه گلسین. بارات گیل بو مسالهنی چوخ قارشیلایردیلار. اونلارین هامیسی بو گۆروشدن تامامیله شارژ اولموشدولار. بارات گیل و مورد - هامیسی «هاشمی» خیابانینا ساری یولا دوشدولر، آرسلان دا «کشاورز» بولواریندا خیاباندا گنده رک، گۆزلردن ایتدی. بارات گیل موردین ائوینی تانیمیردیلار، یالنیز مورد اونلارین ائوین تانییردی، بارات گیلین ائولرینه ایکی دوراق قالاندا ماشیندان ائندی و بارات گیل اوز ائولرینه گتتمک اوچون یولا داوام ائتدیلر.

بارات گیل قیشی داریخما اوزوندن چوخ چتینلیک چکمه دیلر. اونلار آردیجیل آرسلان و موردلا گۆروشه دولر. یالنیز اسفندیار گیل جنوبدا بندرلرین بیرینده یئی بیر ایش تاپمیشدیلار. اونلار بونا گۆره تهران دان تئزلیکله گتتمه لی ایدیلر. بارات دا ایشده هر گون آرتیقراق مهارت آلدده ائدیر، آما هله ایشینده بوتون و تامامیله باجاریق آلدده ائده بیلمه میشدیر. بونا گۆره اؤز ده بیلیردی کی، هله تام بیر اوستا اولماسینا زمان لازیمدیر.

بایرام تعطیللریندن قاباق نیگارین بؤیوک قارداشی یولداشلارینا بیرلیکده اونلارین گۆروشلری اوچون تهرانا گلیمیشدیلر. سونانین اولماسیندان سونرا نیگارین عایله سیندن بیرینجی نفر اونلارا باش وورماق

اوچون تهرانا گلمیشدی. بارات گیل یوخسوللوقدان هر شی و چوخلو اشیلاری کوپون دفترچه لری اولمادیغی اوچون آلا بیلمیردیلر. آلدیغی اشیلاردان دا جیره بندلیک اولاراق بیرینجی دفعه سونا یییه جکدیر، سونرا بلکه نیگار یا بارات دادا بیلسین. بارات نیگارین قارداشینین یولداشینین بیر کامل چۆره یین اوستونه بیر کامل قلیب کره نی یاخاندان بارات بیردن شاشیردی. او آز قالمیشدی اونون آلندن یاپشیب، دئسین: «اوغلان، نه ایش گؤرورسن، بو ییزیم اوچوموزون بیر هفته لیک جیره میزدیر کی، سن اونو بیر دورمکله یئمک ایسته ییرسن. باراتا اقتصادی باخیمدان اونلارین بیر عادی آداملا آرالارینی - فرقلرینی گؤستریدی.

بایرام یاخینلاشیردی و بارات گیله تک قالمغین امکانی یوخ ایدی. اونلارین ایچینه بارات بیر هفته تعطیلی وار ایدی. آما بؤیوک مسؤلیتی سونا خانیمدان موغایات اولان نیگار سولدوزدا چوخ قالا بیلردی. بایرامین شولوغ گئت-گلینده بارات گیل اسفندیارگیل ایله بیرلیکده اؤزلرینی «اورمو» شهرینه یئتیردیلر. اونلار گئجه نی اورمیّه ده قوهوملارینین ائولرینده قالدیلار. او گونون صاباحی، بایراما بیر گون قالان، اؤزلرینی اسفندیارین ماشینیدا سولدوزا یئتیردیلر. یئنه ده او بایرام گونو ائودن ائشیه چیخمادی. بایرام گونونده اونلارین ائولرینه گؤروشه گلنده یولداشلاری باراتی ائوده گؤردولر.

باراتین بیر سیرا یولداشلاری تشکیلاتلارین تنقید ائده رک، ایشلرین نه دن بو گونه دوشمه سیندن دانیشر دیلار. بارات فردی و جمعی کاراکتر گوجونه دایاناراق اونلاردان قهرمانلیق، آچیق و تنقیدچی فیکر صاحیبی اولماغی ایسته ییدی. بو دانیشقلاردا پرویز باراتا یاخینلاشیب دئدی کی، «نیگاران اولماسین، اونون ماغازانی بوراخیب، قاچاندان سونرا قالان بورجلارینین هامیسینی اونلار چالیشاراق توپلایب - وئریلر. بارات بیر باشدان یولداشلارینا اؤیونوب، سونرا دؤنوب اونلاردان تشکر ائله دی. بایرامین صاباحی بارات تکیه سولدوزدان چیخیب تهرانا دؤندو، آما نیگار سولدوزدا قالدی. سونا دونیا یا گلندن اونلار عایله لرین گورمه میشدیلر. بارات ایکی گوندن آرتیق اورادا قالا بیلمزدی.

تهرانا دؤنندن سونرا بارات نئچه گون تهراندا تک باشینا داریخمانین ایچینده قالاراق گونونو کئچیردی کی، ایشی یئیندن باشلانینجا بو داریخمدان چیخسین. نیگار گیل ده ایکی- اوچ هفته سولدوزدا قالدیلار. بو مودتده بارات ایله مورد ایشدن دؤنندن سونرا هر ایکسینه ده امکان اولاندا تک قالماملاری اوچون بارات گیلده قالاردیلار. نهایت تعطیلر ده قورتاردی. نیگار ایله سونا بایرامدان اوچ هفته سونراسی تهرانا دؤندولر.

آرسلان او بیرری گؤروشلرینده بایرامدان بیر- ایکی آی کئچیردی کی، ایکی مساله یه اشاره ائله دی. بیرینجی، او دا اولنمک

فیکرینه دوشوب؛ ایکینجی، «ماحمود» گیلدن ده خبری واردیر. اونلار دا تبریزده دیرلر. آرسلان، سامان آلتیندان سو یثردن کیمی «قاسیم» یولداشلارینین باجیسیلا ائولنمهی دوشونوردو. اونلار ایشلرینی گؤروب، قرارمدارلارین قویوب، ائولنملرین قورتارماق مرحله سینده ایدیلر.

بو بیر طرفدن، اونلارین ماحمود و سیروس یولداشلارینین تبریزده اولمالاری بونلاری جیدی شکیلده دوشوندوردو کی، تبریزه گئتمه یی نظره آلسینلار. بو چتینلیین ایچینده دوزگون شکیلده سیاسی چالیشما اونلارین آن بؤیوک مساله و موشکللری اولان بارات گیل بیر ایشیق یولو گؤردولر کی، بیر داها سولدوزون بوتون شهر کومیته سینین یولداشلاری تبریزده ییغیشما امکانی واردیر.

چوخ آز چکمه دی بو بیر-ایکی آیین ایچینده بیر دفعه آرسلان، ماحمودگیلی ده اونلارین ائولرینه قوناق گتیردی. بو گؤروشمه ده اونلارین هامیسی تبریزده بیر یئرده ییغیشماغا و اورادان سیاسی چالیشمالارینا تشکیلات شکیلده داوام وئرمه یه قرار وئردیلر. بارات بو مساله نی یئنه ده نظریندن جیدی کئچیرمه میشدیر کی، ایشین آلدن وئرسه، یئنه باشقا ایش تاپماق راحت دئیل، او بیر طرفدن هله او اؤز ایشینده بیر کامیل ایش اوستاسی کیمی باجاریقلی دئیل. بارات بیر گؤزو سیاسی مساله لری گؤرنده، او بیر مساله لره باخمایارق، تبریزه گئتمه یه قرار وئردی. بئله لیکله نیگار دا تهراندا تکلک و داریخمادان

چیخا جاقدی و بو فیکیرله تام راضی ایدی. بارات بو فیکری ایش یثرینده آسلان گیل ایله آرایا قویدو. اونلارا بیر جور دئدی کی، اؤز شهرلرینه قایتمالیدیلار.

اونلار ایش یثرینده باراتین گئتمه سینه راضی دئییلدیلر. اونلار باراتین اصلی ماراغیندان خبرلری یوخ ایدی، چونکی بارات اونلاری آجیب تام دئییه بیلمزدی. بارات بیر عایله ایچی مساله یاراداراق، اونلاری باشا سالدی کی، گرک ایشدن چیخسین، چونکی نیگار اوشاقلا تکه باشینا تهراندا قالا بیلیر. نهایت گون او گون اولدو کی، بارات تهراندان تبریزه بوش دؤنه جک بیر کامیونچو ایله گؤروشدن سونرا اونونلا وسایللرینی تبریزه داشیماق اوچون سؤزلرینی صاف-چوروک ائتدی. اوندان قاباق بارات گئدیپ و تله سیک تبریزین باهار خیابانیندا بیر زیر زمین کیمی یثری کیرایه ائله میشدی. نیگار گیل ده قاباقدان گلیب، تبریزده ماحمود گیلین ائولرینده گؤزله بیردیلر کی، اؤز ائولرینی دؤشه سینلر. بئله قرارلار وئرگدیلر کی، آرسلان هله سوبای اولدوغو اوچون اؤز ایشینده و یثریده قالسین، چونکی او هر زامان ایسته سه ایدی، تبریزه تکه باشینا گلیب-قاییدا بیلردی.

بارات تهراندان چیخمادان قاباق تشکیلات یولداشلاریندان آیریلدی. حوزده کی یولداشلارینا آیری بیر رابطه تعین اولوندو. او بیر طرفدن، باراتا تبریزده هئچ بیر رابطه تعین اولونمادی. بلکه بو ایش ایککی یا اوچ سببدن اولاییلردی: بیرینجی، بارات دئمشدیر کی، اؤزو

تشکیلات ایله ایلشکی قوروب، اؤز شهرلرینین تشکیلاتین یولا سالاجاقلار؛ ایکینجی، تبریزده بلکه تشکیلاتین فیزیکی وارلیغی یوخ ایدی؛ اوچونجو، امنیتی سببلره گؤره، باراتین تبریز تشکیلاتینا باغلانماسی مصلحت دئییلدیر.

بارات ائو وسایلین دؤشه‌یندن سونرا بیردن باشا دوشدو کی، اونون ائو صاحبی بیر عادی باققال دوکانچی اولسا دا، اوغلانلاری کومیتهده چالیشیرلار. بو مسالهنی بیلنده آرتیق بو ائوین اونلار اوچون مووقتی بیر ائو اولاجاغینا قرار وئردی. بیر ده بارات بو وضعیتی اؤز اوستونلوک و منفعتینه قوللانمالی ایدی. بارات گیل بیر طرفدن نه قدر ائو صاحیبی گيله یاخین اولسالار، اونلارین موناسیبتلری انسانی و نورمال اولاییلر؛ او بیر طرفدن، اونلار گرک او قدر ده اوزاق اولسونلار کی، ائو ییه‌سی اونلارین حاققیندا هر نه‌یی بیلمه‌سین. نهایت بارات گیل وئرن کیرایه ده بارات گیل اوچون بیر موثبت امتیاز ایدی.

بارات چوخ ایشسیز قالا بیلمزدی. بو هم امنیتی باخیمدان باراتا خطرلی ایدی، هم ده بارات ایشه و اونون پاراسینا چوخ احتیاجی وار ایدی. بارات بئله فیکیرله‌شیردی کی، تهران کیمی راحت ایش تاپا بیله‌جک. ایشلر بو راحتلیقدا اولمایا قادی. تبریز بارات اوچون بؤیوک و ینتی بیر تجربه ایدی. بارات گوندوزلر بیر، گئجه باشقا بیر گئرچکله قارشیلایشیردی.

بارات تبریزده ده تهران کیمی امام خیابانیندا بوتون الکتریک،
 الکترونیک و الکتریک دیناملارلا ایلگیلی تعمیرات و سرویس
 ماغازالارینا باش ووروب، ایش آرادی. آما هئچ بیرینده ایش یوخ ایدی.
 بعضیلری اونا دندیلر کی، سونرا بیر باش وور. بارات نئچه گون دال بادل
 اونا دیل اوجو سؤز وئرلرین سوراغینا گنڊیردی، اونلار دا نئچه گوندن
 سونرا ایشین اولماسیندان خبر وئریردیلر. بارات بیر هفته یه یاخین اؤز
 اختصاصیندا ایش آراییردی، هئچ بیر خبر یوخ ایدی. یاواش-یاواش
 جیلرینده اولان پول دا قورتاریردی. او ائوین کرایه سینی بیر آلیق
 وئر دییندن دیغدیغاسی یوخ ایدی. هر گون ایش یئرلرینده ایش
 آراییب، نتیجه آلا بیلمه یین بارات تبریزده اولان اونیورسیته
 یولداشلاریندان - «ماحمود» گیلدن و قارداشلاری «یوسف» و «رشید» دن
 اونا ایش آختارماقدا کؤمک ایسته مه یه باشلادی. اونلارین او طرف بو
 طرفه وئر دیکلری کیچیک سفاریشلریندن بو تئزلیه باراتا ایش اولمادی.
 بارات بیر گون بو ایش یئرلرینی دولانارکن، دالدا خیابانلارین
 بیرینده رشید قارداشی ایله قارشیلانیدی. بیلیردی کی، بو گؤروش
 بیردن اولموشدو، یا رشید بیر جور باراتین اورالاردا اولدوغونو
 بیلیمیشدیر. اونلارین گؤروشونده رشید اوندان خبر آلدی کی، بورالاردا
 نه ایش گؤرورسن؟ بارات جواب وئردی: ایش آختاریرام. رشید باراتین
 شخصیتینه توخونماسین دئییه، اونا بیر قدر مالی کؤمک ائتمک اوچون
 جیبینه پول قویدو و دئدی کی، اصلاً بو مساله سنه آغیر گلمه سین. هر

كسین آغیر گونو اولاییلر و اونون دا بونا تای آغیر گونلرده كؤمهیه احتیاجی اولموشدور. رشیدین روحیه وئرمه سی اولماسایدی، باراتا بو كؤمك آلماسی چوخ آغیر گله جكدی. هر حالدا بارات بو ایشسیزلیك گونلرینه سون قویماق ایسته ییردی.

باراتین ایشسیزلیی نیگاری دا فیکره سالمیشدی. او اؤزو خیاطلیق ایشی باشایردی، هم اولگو دوزلتمك، بیچیب-كسمك، هم ده تیکمكده کیچیک میقیاسدا آلیندن ایش گلیردی. ایسته ییردی، اؤزونو خیاط بازارینا یاخینلاشدیریپ، اؤزونه بیر ایش تاپسین. آما هله سونا چوخ کیچیک بیر قیزایدی و اونلارین اوشاقدان موعایات اولاجاق بیر آیری آداملاری یوخ ایدی. نیگار بونا گؤره سونانین بیر آز بؤیومه سی اوچون هله دؤزمه لی ایدی.

بو آرادا بارات گیل بیر ایلدن چوخ آیریلیق، تك قالما و داریخمانین عوضینی چیخاریپ و امکان اولدوغو قدر یولداشلاری ایله بیر-بیر گؤروشوب - دانیشیردی. هر هفته سونو آرسلان دا تبریزه گلیردی. اونلار بوتون سولدوزون شهر کومیته سی تشکیلاتینین قدیمکی عوضولری، «صالح»دان سونرا هامیسی تبریزده ایدیلر. اونلار بو شیرین گؤروشلرین ایچینده امنیتی مساله لری جیدّی شکیلده گؤزله مه لی ایدیلر. سولدوزدان و اورمودان چیخاندان سونرا بیرباشا تبریزه گلن ماحمودگیل اورا دا یئرلشمیشدیلر. هم برق موهندیسی، هم

ده اونلارا گۆره مالی باخیمدان پادار اولان ماحمود موسافیر داشییردی. اونون گلیری ثابت و بو بیرلره گۆره یاخشی ایدی.

بونلارین اوزون گئجه لر دانیشیقلاریندا معلوم اولدو کی، تبریزده کی یولداشلاری تبریزین اولوب - قالان تشکیلاتی ایله ارتباط یاراتمیشلار. او بیر طرفدن سولدوزدا بونلار چیخاندان سونرا کیملر قالمیش، اونلارین دا دوروموندان جیددی خبرلری واردیر. بونلارین اؤز سیاسی تشکیلاتی دوروملاری نئجه اولمالی ایدی، بو بؤیوک سوال یارانمیشدیر کی، اونلار اؤزلرینه بونو چؤزمه لی ایدیلر. نهایت اونلار یئیندن سولدوزدا بیر تشکیلات یاراتمالیدیلارمی؟ البته، بو ایش اونلاردان چوخ انرژی آلا بیللمزدی. اونلار تبریزده قالان فدائیلر ایله بیر ایشلر باشلامالیدیلار؟ بو ایش ده اونلارین آللریندن خارایج ایدی. چونکی مخصوصا، بارات گیل دؤزمه لی ایدیلر و تشکیلاتا یاخین اولاردیلار کی، تشکیلات اؤزو اونلارلا ایلیشکی یاراتسین. بارات گیل هله بیلمیردیلر کی، هئچ اولوب - قالان تشکیلات اؤزونو گئنیشلندیرمه آماجی وار یا یوخ! آما بارات بو مساله نی بیلیردی کی، ماحمود گیلین ایلیشکیسی وار، بونا گۆره اونلار دا اوزاق دئییللر.

چوخ زامان چکمه دی کی، بو گیزلی گؤروشلرین ایچینده اونلار گئجه لر عایله لیکله قوناقلیق شکلینده گؤروشوردولر، سیروس خبر وئردی: او حیس ائدیر کی، اونون یئرینی بیلیر و اونو ایزله ییرلر. بونلارین ایچینده بلکه یالنیز ماحمود اونون یئرینی بیلیردی، آما سیروس

بونلارین ائولرین تانییردی. سیروس دا آرسلان کیمی بو قاچاقچین ایچینده ائولنمهیه حاضیرلاشیردی. اونلارین ایکسی ده قدیمکی تشکیلاتین قیز یولداشلاریلا گؤروشوب، دانیشاراق ائولنمهیه قرار وئرمیشدیلر. بو بیر طرفدن ده اونلارین هامیسی گیزلیجه آیری شهرلرده یاشاییردیلا. بونلارین آدقلی یولداشلاریلا مجبوری گؤروشلی و اونلارلا مجبوراً بیر قدر عادی عایله رابطه لری، اونلارین گؤروشوب، ایزلری تانییب و توتولمالارینا آرتیق امکان یارادیردی. سیروس اؤزونون ایزلنمه سیندن سونرا اؤز گؤزو یولدا قالان یولداشینین دا فکرینده ایدی.

باراتین قارداشلاری رشیدگیلین انولری «خانه سازی» محله سینده بیر آپارتماندا ایدی، رشید ايله سولدوزلو اولان خانیمین ایک قیزی وار ایدی کی، هر ایکسی ده سونادان کیچیک اولاردی. یوسف گیلین ده ائولری، ولیعصر محله سینده بیر آپارتماندا اولوردو کی، اونلارین دا ایک کیچیک قیزلاری وار ایدی. اونلار زامان- زامان بیر- بیرلرین ائولرینه باش وورور و اونلارین بؤیوک قیزلاری، سونادان کیچیک ده اولسایدی، هامیسی یولا گئدیب، بیر- بیرلریله یولداش اولاراق اویناییردیلا. یوسفین خانیمی تبریزی ایدی.

نهایت ماحمود بیر یئردن خبردار اولدو کی، آلمانان الکتریک اوزره تحصیلاتی اولان بیر نفر ائوینین زیر زمیسینده بیر ایش یئری یولا سالیب، نچه نفر ایشچی آختاریر. او ائوینده کیچیک الکترونیک

دستگاهلار دوزهلديب، قابلاشدیریب بازارا گوندهریر. بارات چوخ سؤینجیله اورایا گئتدی. اونو ایشه قبول ائتدیلر. آما ایش ساعاتلاری بیر قدر اویغون دئییلدی. بارات ناهاردان سونرا ساعات اوچده ایشه باشلایب و گئجه ساعات اوندا قورتارمالی ایدی. اونلارین ایش یئرلری ده بارات گیلین باهار خیابانیندا اولان ائولریندن چوخ اوزاق ایدی. نه قدر ده اوزاق اولسایدی، ایشین شیفتی بوتون گئجه لر ده اولسایدی دا، بارات چالیشاجاقدی.

تبریزین پاییزینن آخیرلاریندا بارات یئنیجه ایشله مویه باشلامیش، هله ایشین ائودن چوخ اوزاق اولماسینا دا آلیشامامیشدی. بیر گون ماحمود خبر گتیردی کی، «سیروسو توتوبلار» او بو خبری سیروسون قیز یولداشی گیلدن اؤیرنمیشدیر. بارات سیروسون اونون ایش یئریندن خبری اولمادیغیندان آرخاین اولسایدی دا، آما ائولرینی تانیدیغیدان آرتیق تئزلیکله بیر ایش گؤرمه لی ایدی. باراتین ائولرینی ده ییشمه یه بیر نچه باهاناسی دا وار ایدی: بیرینجی، ائو صاحیبی نین اوغلانلاری کومیتهده چالیشیردیلار؛ اکینجی، ائولری ایش یئرینه چوخ اوزاق ایدی؛ اوچونجو، هر شئیدن آرتیق اؤنملی اولان مساله سیروسون توتولماسی ایدی. بئله لیکله، او تبریزین او باشیندان بو باشینا ایش یئرینه یاخین آیری بیر ائو کیرایه ائدیپ داشینمالی ایدی.

ماحمد گیل ده ائولرین تئز ده ییشدیلر. ماحمود دورومون آغیر اولدوغونا اشاره ائدیپ، تبریزدن چیخما احتمالی نی اورتایا قویوردو.

آرسلان دا دورومو بئله گۆرونجه تبریزه گلمه سینی آزالتدی. هله قیشین آغیرلیغی قاباقدایدی و اونلاردان محمود و بارات ایکسی ده تبریزده اولاراق چالیشیب، هر دن ایکى عایله کیمی گۆروشوردولر. محمود گیلین ده سونا یاشدا «آیدا» آدیندا بیر گۆزل قیزلاری وار ایدی کی، اوزو آی کیمی آغ و یومرو ایدی و آغلایاندا گۆزلریندن بولاغین گۆزلری کیمی بئله سو آخاردی. سونا خانیم اؤزونه بیر تای و یولداش تاپمیشدی.

قیشین شاختاسی گوندوزلرین قیسالیغی و گئجه لرین اوزونلوقو تبریزین شاختاسی و کسن سازاق یئلی و باراتین گئجه لر چالیشماغی، بیر پرده کیمی اونلارین اوستونه چکیلیب و امنیتده ساخلامیشدی. اونلار بو اولایلارین ایچینده خبرلری اولدو کی، تبریزه گلمه یین آرسلان دا ائوله نیب و حیات یولداشینى «اراک» شهرینه آپارییدیر. باراتین یئنین قورماق اومیدی ایله گلدییی تشکیلات اونلارین توپلاماسیندان نچجه آی کئچمه میش بیر داها آغیر ضربه یه معروض قالیب، داغیلماغا باشلایردی.

بو گونلرده بارات او بیرى طرفدن ده ائشیتدی کی، «مارال» باجیسی و آری مؤحسن - ایکسی ده زینداندان آزاد اولوبلار. اونلار بارات گیلین هله یاسلی اولدوقلاری اوچون اؤز ائولرینده بیر ائولنمک مراسیمی توتوموشدولار. بارات دا بونا گۆره چوخ سؤیندی، آما معلوم اولان سببلره گۆره بارات او توپا ایسته سه ایدی ده، گئده ییلمز ایدی.

اونلارین آزاد اولمالاری باراتین اوره‌یینین دردینی بیر قدر یونگولتدی. اونلارین ایکسی ده اورمو شهرینده ایشه باشلادیلار. «مارال» خسته‌خانا دا طیب باجیسی اولاراق چالیشیردی، آری ده اؤز ماغازالاریندا چالیشیردی.

نهایت «سونا» نئچه آی دا بؤیوموشدو و نیگار دا ایش باشینا دؤنه ییلردی. اونلار سونا اوچون بیر «اشاق باغچاسی» تاپدیلار کی، اونلارین ائویندن چوخ اوزاق دئییلدی. بارات گیلین یئنی ائولری «شهناز» خیابانین بؤیوک کمربندی جاده‌سین کسیشمه‌سینه یاخین بیر کوچه‌نین ایچینده یئرله‌شیردی. ائو صاحیبی شهربانی ده چالیشان «پاسبان» ایدی کی، اسلام جمهوریتی حکومتیندن هئچ خوشو گلmezدی. او بلکه بارات‌دان بئش یاش بؤیوک اولاردی. ایکی قیزی وار ایدی. ائوی ایکی قاتلی کیچیک بیر ائو و بیر حیطلی اولاردی کی، آشاغی قاتیندا بیر اوتاق و بیر قهوه‌خانا وار ایدی. بارات امنیتی باخیمدان بیر قدر آرتیق خیالی راحت ایدی. هر گون او پاسبان اوزونو قیرخیب، تمیز گئیینیب ایشینه گئدردی. او تۆکمه‌بدن، آز دانیشان بیر کیشی ایدی. حیطلری ده داشلا دؤشنمیش و همیشه تمیز ساخلاناردی.

بارات گیل تبریزده آز دارخیردیلار، چونکی اورادا رشید و یوسف قارداشلاری وار ایدی و ماحمود گیل ایله ده دالبادال گئت-گلده ایدیلر. «افسانا» گؤزل یئمکلر بیشیرردی و قیشین گئجه‌لرینده یاخشی یئمکلر بیشیرنده بارات و نیگارگیلی ده قوناق چاغیراردی. اونون

آناسی اونلارا دوزه‌ل‌دی‌ب گتیردی‌ی «تورشولارلا بیشیردی‌ی یئمکلری بارات‌گیله بهشتین یئمکلریندن داها دادلی و اونلارا جیرگ، گوج و روح وئیردی. بارات ايله نیگارین ایکسی ده چالیشدیقلاری زامان نه بونا تای یئمکلر بیشیرمه‌یه زامانلاری، نه ده اونلار آلدیغی وسایلی و ارزاقی آلا بیلمه امکاتلاریندا وار ایدی.

نیگار شهرین اورتاسیندا اوشاق اوچون پالتار ساتان بیر ماغازا صاحیبین ماغازاسین آرخاسیندا اولان «پالتار اوره تیم ایش یئرینده» چالیشاردی. ایندییه قدر چوخ تک‌به‌تک کسب بیچن نیگار اورادا دئمشیر کی، «تهران‌دان برشکار (بیچیجی) اولاراق گلیب. او برشکار عنوانیندا چالیشماسیندا اؤز ناشیلیق و بیلمه‌دی‌کلرینی گیزله‌دی‌ب، هم ده اونلاری تنز اؤیرنمک مجبوریتینده ایدی. بو ایشی گؤره- گؤره بعضاً ایش یئرینده موشکول ايله قارشیلاییردی. باراتا نیگارین چالیشماسی ايله باغلی بیر شی هر نه‌دن اؤنملی ایدی. باراتی بیر گون توتسالار، اونلار اؤز آياقلاری اوستده دورا بیل‌سینلر. نیگارین ایشه باشلاماسی ایلک گونلرینده داها چوخ اؤیرنمک هدفی گوددویونه گؤره ائله مالی گلیری یوخ ایدی. گئتدی‌کجه آرتیقراق اؤیره‌نیب اونون دا گلیری آرتماغا باشلا‌ییردی.

نیگارین بو اؤیرنمه زامانلاریندا بیر دفعه ایش صاحیبی اونون پولونو کسمیشدی و ائوده بو حاقدا بحث اولدوقدا قرار اولدو کی، بارات اونون ایش یئرینه گئدی‌ب، اونونلا دانیش‌سین و نیگارین بیچدی‌یی

ایشلرین ساینما گۆره اونون پولونو نه دن وئرمیرلر. اللی یاشلی، قارنی شیشیک و شیک گئینمیش بیر کیشی اولان ایش صاحیبی باراتا نیگارین اوشاقلار اوچون کسیدی-یچیدی «جلیققا» لار و اونلار تایی «شالوارلار» ی گتیریب گؤستردی. شالوارلار سایلارینا گۆره جلیققالارا نیسبت چوخ کیچیک ایدیلر. بارات اونلارین بیرینه - شالوارلا جلیققایا باخاندا گولمه یی گلدی. بو حالدا ماغازا صاحیبی دئدی کی، «او مجبور اولاراق سککیز سایلدا جلیققانی اون سایلدا شالوارلا ساتیر. اونون دوغروسو آلتی سایلدا اولان سککیز سایلدا کی شالوارلاری تک باشلارینا ساتیلیر و آلرینده قالیب. دانیشقدان سونرا نیگارین پولونون بیر میقدارینی نیگارا وئرمه یه راضی اولدو.

گونه صوبح تئزدن نیگار ایشه گئندنه بارات ائوده قالیب سونادان ناهاراجان موغایات اولوردو. ناهاردان سونرا بارات ایشه گئتمه یه حاضر اولاندا سونانی نئچه ساعات «اوشاقلار ائوینه» گؤتوروردو کی، آناسی ایشدن دؤندن سونرا اونو اورادان آلسین. او زامان بارات ایش باشینا گئدیر و گئجه ساعات اونا قدر ایشله ییردی. باراتین ایش یئری، بیر بؤیوک ائوین زیرزمینی ایدی کی، بیر تمیز ایش یئرینه چئوریلیمشیدی. اورادا دؤردبئش جاوان کیچیک الکترونیک مدارلاری لیمله بیر- بیرینه یاپیشدیریب، اونلاری تست ائدیب، سونرا دوزلمیش قابلارا قویوردولار. سونرا یوخاریدا بیر کیچیک اوتاق ایش صاحیبین اوفیسی ایدی کی، اورادا بوتون

قوراشدیریلان دستگاھلارین نومونه سی ساخلانیر و توپدان آلماغاکلن موشریلر اوچون وئرلیردی.

ایش یئرینده چالیشانلاردان بیرى بیر گنج و جاوان اوغلان ایدی کی، بیر آز ساققالی چیخیش و اسلام دوشونجه سینه مالیک و حکومت طرفدارى ایدی، آما چوخ افراطی دئییلدی. او دانیشان، گولن، شوخلوق ائدن و قوچو صیفت بیر گنج ایدی کی، اونون شخصیتینین یولداش سئور اولماسی سبب اولدو کی، بارات اوندان چوخ قورخماسین، آما هر حالدا بیر آز احتیاطلی اولسون. او بیرى جاوانلارین دا هامیسی اولکی اوغلان کیمی سوبای ایدیلر. اونلارین هئچ بیرى داها مذهبی دئییلدیلر. بونا گؤره بارات اؤزونو امن بیر ایش یئرینده حیس ائدیردی. اونون ایشی تامامیله دینام صیفیندن چیخب، الکترونیک ساحه سینده اولدوغو اوچون باراتی چوخ راضی ائتمیردی، آما نهایت الکترونیک ساحه سینده ده بیر آز باجاریغی وار ایدی. بارات او بیرلر کیمی مداری باغلاماغی باشاریردی. اورادا تام چالیشا بیلیردی.

گنجه لر اونلارین ایشلری قورتولاندان سونرا بارات گیلی ایش صاحیبی ماشینلا آپاریب ائولرینه یاخین یثره یئتیریردی. بارات، اؤزونو او ایش صاحیبی ایله مقایسه ائندنه گؤروردو کی، او باراتدان بلکه اوچ یاش بؤیوک اولاردی، آما اونون هم ائو-ائیشی، هم فابریکاسی، ماشینى و سرمایه سی وار ایدی. بارات بونو اؤزونه سیغیشدیرا بیلیردی. بارات بونو سرمایه دارلیق نظامینین تقصیری گؤروردو کی، بارات و

باراتا تاي اوغلانلار بوتون عؤمورلريني يا چاليشيب، يا دا درس اوخويوبلار، آما هله ديدر گينديرلر و هئچ نه لري يوخدور، آما باراتين ايش صاحيبنه تاي اوغلانلار نئچه ايل خاريجه- آلمانا دا گنده بيلير، سونرا فابريکا صاحيبي اولاييلرلر. بو بيري طرفدن ده او ايش صاحيبي، دوغروسو، هئچ پيس آدام دئييلدي.

اونلار ايش يئرینده اوچ آی چالیشیردی. اونلارین ایشلرینده هیجان و فیکری چالیشما یوخ ایدی. اونلار بیر سه سسیز موحیطده هر کس بیر بوجاقدا ساعاتلارلا اؤز ایشلرینی گؤرور و زامانلارینی بئله کئچیریردی. اونلار بیر محصولو قورتاردیقدا اونو تست ائندنه بیر قدر هیجان ایش یئرینه گلیردی. اونلار بیر- بیرلره آرام و دیغدیغاسیز یولداش اولموشدولار کی، یولداشلیقلاری یالنیز ایش یئرینده باشلایب، ایش یئرینده ده قورتاریردی.

بیر گون بارات گؤردو، بیر آیری کیشی ایشله مکک اوچون اورایا گلیب. بو تزه ایشه قاتیلان، دوغرودان، بیر فحله ایدی کی، بارات و او بیری ایشچیلر کیمی مکتب ساوادی یوخ ایدی. او تزه گلنه نین آدی «ارشد» ایدی. او بیر آز یازیب- اوخوماغی بیر یتردن اؤیرنمیشدیر، آما مکتب ساوادی و بیر تحصیل آلمیش گنجین مدنیتی اوندایوخ ایدی. بارات گیل اونولا دا حؤرمته کئچینیردی. ساده جه بو تزه گلن جمعین هامیسیلا بیر آز فرقلی اولاراق، چوخ قاباکی کیمی اونا قانلاری قاینامیردی.

بارات سولچو فیکرینه گۆره اورادا چالیشانلاری سیناماغا باشلامیشدیر، بلکه بیر یایکیسی سولچو اولسون. آما باشا دوشموشدور کی، اونلارین هئچ بیر سولچو دئییل. بو تزه گلن اؤزوندن بیر سیرا حرکتلر گؤستریدی کی، سولچو اولما احتیمالینی آرتیریدی. بونا گۆره بارات هم اونا یاخینلاشیر، هم ده اوندان چکینیدی. اونونلا باراتین مدنی، ساواد و داوارانش سویهسی بیر- بیرلرله توتوشموردو. بیر-ایکی هفته کئچندن سونرا اونلار بیر سیرا نشانه لرله بیلدیلر کی، هر ایکیسی ده سولچولوق دوشونجه سینین طرفداریدیلر.

بایراما یاخینلاشیردیلا. اورادا ایشله ینلرین هامیسی ایکی هفته لیک بایراملیق امک حاققلارینی آلماغی گؤزله ییردیلا. آما ایش صاحیبی اونلارا چالیشمامیشدان بایرام تعطیلاتی اوچون امک حاققی وئرمه یه راضی دئییلدی. بو بارات و اونون سولچو یولداشینین آینه بیر بهانه وئرمیشدی کی، سرمایه دارلیق و اونون نماینده سی اونلارین ایش صاحیبینه قارشى تبلیغ ائتسینلر.

بو آرادا بیر آیری مساله دن ده اونلارین آراسیندا دانیشیق و صحبت گئیدیدی. آرشد دانیشیقلا ریندا باراتا دئییدی کی، او ساختمان سیم چکنی دیر. او اورادان- بورادان ایش توتار و ساختمان ایشیق سیم چکمه ایشی گؤرر. ایندی قیش و ایشین آز اولدوغونا گۆره بو ایشه سیغینیب. او باراتدان ایسته ییدی کی، هاوالار قیزیشاندا اونونلا گلکسین

و ساختمان سیم چکمه ایشی ایله مشغول اولسونلار. باراتین دا اؤزونون ایش صاحبی اولماسی آغزینا خوش دادیردی. بارات بو حاقدا آرشدی دئمیشدیر کی، اونون قارداشلاری ساختمان مهندیسی اولدوقلاری و یاخشی تانیشلاری اولدوغو اوچون اونلارا سیم چکمه ایشی تاپا بیلرلر. بو مساله ده آرشدین گؤزون ایشیقلا ندیریپ، عاغلینی باشیندان آلمیشدیر کی، بارات اونلار اوچون ایش حاضیرلایا بیلر.

بو ایکی مساله بایرامدان قاباق بیر-بیرلرینین اوستونه دوشدو. بیر طرفدن ایش صاحبی نین اونلارا بایراملیق وئرمه‌مه‌سی بارات گیلین سولچولوق دامارینا توخوناراق، اونلاری یا اعتصاب، یا دا بیر نوع سرمایه‌دارلیغا قارشى ضربه وورماغا سه‌سه‌له‌ییردی. ایکینجی مساله ده، بارات گیلین اونلارین ساختمان سیم چکمه‌سی ایشینه باخاجاقلار کیمی سؤزون بئینلرینه باتماسی ایدی. بارات بو مساله‌یه یئنه ده فیکیرلشمه‌دی کی، ایشین آلدن وئرسه، یئنی ایش تاپماق، چوخ چتین اولاجاقدیر.

ارشد اونونلا عایله‌لیکله گئت-گل ائتمک ایسته‌ییردی، آما بارات چیخماز بیر شرایطه قالمیشدی. باراتا بیر طرفدن سولچولوق دوشونجه‌سی حکم ائدیردی کی، سولچو و ایشچی یولداشیلا یاخین رابطه یاراتسین، او بیرى طرفدن شخصیتی، تپیی و دوشونجه‌لری بو اوغلان ایله هئچ توتموردو، ایکینجی طرفدن اونون خانیمی دا اؤزونه تایی بیر ساوادسیز، اوز-گؤزونو قاپایان بیر خانیم ایدی. بارات اوزه قالاراق، اونلارا اجازه وئردی کی، اونلارین ائولرینه گؤروشه گلسنلر.

بارات بو او یغونسوزلوق اوچون چالیشدی کی، اونلار گلندن سونرا اونلارین ائولرینه گئتمه مکله ایلشکیلرین محدودلاشدیرسین. گئرجکلیکلر باراتین ذهنندن چوخ فرقلی ایدی. اونون دونیا یا رهبرلیک ائده بیلن گوج سایدیغی «ایشچی» طبقه سینین تکجه مدنی سویه سی گئری دئییلدی، هم ده بارات اونولا عایله لیکجه گئت-گل قورا بیلمزدی. بو مساله اوچون باراتا اؤزونو فیکری، مدنی و شخصیت باخیمدان چوخ سیندیرمالی و آشاغی ائندیرمه لی ایدی. بو دا، اونا شخصی و اجتماعی باخیمدان بؤیوک ایشکنجه دئمک ایدی.

بارات بیر طرفدن قرار وئردی کی، ایش صاحیبی اونلارین بایرام تعطیللرین پولونو وئرمه دیی اوچون تعطیللردن سونرا داها او ایشه گئتمه سین و ایشه گئتمه مه سین ده ایش صاحیبینه دئمه سین و بئله لیکله اونا ضربه ائندیرمک ایسته یردی. چونکی ایش صاحیبی اونون یئرینه بیر نفر تاپینجا هله زامان آپاراردی. بارات بئله قرارا گلدی کی، ارشد ایله بیرلیکده ساختمان سیم چکمه ایشینین دالیسینجا گئتسین.

بایرام نهایت یتیشمه میشدن ماحمودگیل اونلارا خبر وئردیلر کی، ایرانین جنوبوندا بیر معدنده ایشله مه یه گئتدیلر. تشکیلاتی یتیدن قورماق ایسته یین باراتگیل سیروسون توتولماسیندان، قشین گلمه سیندن و آرسالانین داها تبریزه گلمه مه سیندن سونرا ایلشکیلر ضعیفلشدی. ماحمودگیلین تبریزدن گئتمه سی بو هدفین داغیلماسینا آیری بیر علامت ایدی. بایرام گلنده داها ماحمودگیل ده تبریز ده یوخ ایدیلر.

بارات بايرام گونو ائوده تەڭ قالاراق؛ ارشد گيل بير داها اونلارا قوناق گلديلر. اونلار عادى گوروش و دانىشىقدان سونرا باراتين قارداشى يوسف گيل آخشاما ياخين اونلارا قوناق گلديلر. اونلار دا بير ساعات اوتورانندان سونرا گتديلر. اونلار گتندن سونرا ارشد گيلين گوروشلرينى قورتارانندان سونرا گتتمه سيني گوزلهين بارات گيل گوردولر كى، اونلار شامى و گتجهنى ده اونلارين ائولرينده قالماق ايسته ييرديلر. بو دوروم بارات گيلى اوز ائولرينده راحتلىقدان محروم ائله ييردى. نهايت اونلار دا گتجه شامدان بير- ايكى ساعات سونرا گوردولر كى، «مسجيدە ائشەك باغلامالى يئر دئيل»، اوز ائولرينه گتديلر.

بارات ايله يوسفين گوروشمە سندن سونرا يوسف عومرونون بير چوخ گترچەك تجربەلريندن اونا دانىشيب، يولداش سچمەك، ايدئولوژى تاثيرى آلتيندا بۇيوك يالنىشلار ائتمەمەك و بو كيمي رابطەلردن دانىشىدى. اونون سوزونو توتان بارات گوروردو كى، بو ايشچى طبقە سینه عايد و داشيني سینه سینه ووردوغو يولداشى ايله عايله ليكلە گت- گل ائده بيلمز. بلكە بونونلا آيرى بير شەكلدە ايليشكى قورا بيلر، يعنى تعريفى و محدودەسى بللى بير ايليشكى. بارات بو دانىشيقلاردان سونرا بئله قارار گلدى كى، گلن گوروشونده ارشدە فيكرينى بيلديرسين كى، «ائوده اونلارين عايله ليكلە گت- گللرينين تکرار اولاجاغينا» راضى دئيللر.

بارات يئنه ده اؤزونو ايشسيز قويدو. او يئنه بئله فيكرلشدى كى، ايش تاپماسى راحت اولاجاق. بايرام تعطيللىرى قورتاراندا سونرا بارات داها ايش باشينا گئتمهدى. بارات ين ائوينى ده ايش صاحيبى تانيميردى. بونا گؤره بير كس ده اونون داليسينجا گله بيلمزدى. بارات او ايشدن چيخب، يئنى بير ايش باشلاماق ايسته ييردى، آما بو كى هله يئنى ايش تاپماميش، كئچميش ايشيندن كسميشدى، بو يئنه ده تهران دان تبريزه گلنده گؤردويو ايش ايدى. يئنه ده بارات ايش اختارماغا باشلادى. بو دفعه، او ارشد ايله ساختمان سيم چكمه ايشى اختاريرديلار. بوزمينه ده ده ايش تاپماق راحت دئيلىدى.

نيگار هر گون قاباكي ايشينده ايش باشينا گئديب، بازارين ياخينليغيندا بير پالتار اوره تيم مركزينده «پارچا بيچيجيلىك» ايشينده چاليشيردى. او فرقلى اوشاق پالتارلارينا اؤرنك چيخاراراق، اورادا بيچيلن و چيخان ايشلرين سايى اساسيندا فايز شكلينده امك حاققى آليردى. اونون گليرى بارات گيلين ائو كرايه سى و ائو خرچلرينين تك باشينا عؤده سيندن گله بيله جك قدر دئيلىدى. بونا گؤره بارات چاليشيردى كى، تئزليكه بير ايش تاپسين.

ارشد بير طرفدن باراتا دئميشدير كى، بير سيرا تانيدىغي معمارلاردان سيم چكمه ايشلرينى آلا بيلر. بارات دا بئله فيكير ائديردى كى، اونون تيكينتى موهنديسى اولان قارداشلارى بارات گيله ايش وئره بيلرلر. بارات برق و ايشيق ساحه سينده چئشيدلى بؤلوملر اولدوغونو

ييليردى. اونا گۆره ده هر بير بۇلومده چاليشماق اوچون آيريجا باجارىق و تجروبه لازيمدير. بارات تئورى شكيلينده ائو سيم چكهمه سينده ييلىي اولسا دا، بونونلا باغلى گۆردويو ايشلر تجروبي باخيمدان يىتمزدى. بو ايشه آلين باتيريب و لازيم تجروبه نى قازايب، اؤزونه آرخاينلىق قازانماق اوچون ده اولمالى ايديسه، او ارشدله ايشله مه لى ايدى. اونلارين ايش تاپماسى و ايشه باشلاماسى، هر شئيدن اؤنملى پول قازانمالارى اوچون بير-بيرلريله آل-آله وئرمه لرى چوخ ضرورى ايدى.

اونلار گوندوزلر بير-بيرلريله قرارلاشاراق شهرين چشيدلى يئرلرينده كى بير سيرا ايش يئرلرينه باش چكيرديلر. ايشلرين هاميسى خيردا-ميردا ايشلر ايدى كى، هئچ بيرى آغيز دولدوران بير تكه اولمازدى. آخيردا باراتين قارداشى «رشيد» اونا بير طرفدن خبر وئردى كى، تبريزده «يئكه دوكانلار» محله سينده بومبالانان يئرلى اونلار آبادلاشديرماغا باشلاياجاقلار كى، اورانين برق و الكتريك ايشلرينى بارات گيله وئره بيلرلر. بو بيرى طرفدن آرشد ده وليعصر منطقه سينده بير ايگيرمى گۆز آپارتمان ائوينين اجازه سيني آلميشدى.

بارات اؤز قارداشينين اونلارا تداروك گۆردويو ايشدن خبرى وار ايدى، آما ارشددين ايشينين خيردايقلارينى بيلميردى. او يالنيز بونو ييليردى كى، قوللاريني چيرمالامالى و ايشه گيريشمه ليدير. ايشلر قاباغا كئديب، بير مرحله تكميل اولاندان سونرا اونلار آمك حاقلاريني آلا ييله جكلر. باراتين ايشه باشلاييب، ايشى اؤيره نيب و اؤزونه گوونج

قازانماسى ايشىندىن تىز پۇل ئالدىدۇ، ئونۇ ارشادلىق بۇلۇشمەسىندىن داھا چۇخ مۇھۇم ايدى. بارات ئونلار ئىككىسىنى دە سۇلچۇ اولدۇقلارى اوچۇن ئۇزۇن ارشادلىق نىسبەت شۇبھە و اعتمادسىزلىغا ھىچ فىكىر وئىرمىدى.

ئونلار ولىعصر منطقەسىندە ايشە باشلايدىغان سىمان تاونلارى بۇيۇك مەئەلە دەلىب و دىوارلار ئىچىندىن كىچىرىلمەش خورطوم لولەلىرىندە نە زىھىتلىق سىملىرى كىچىرىمكە بارات بونۇ ئۇرەندىكى، ئۇ سىم چىكىمە ايشلىرى نىچە مەھلە دە گۇرۇلور. دىوارلار چىكىلىدە ئونلار لولەلىرى سالىدىلار. دىوارلار قورتاراندە ئونلار سىملىرى كىچىرىپ، كىلىدىلار ئىشلىرىنى ھازىرلايدىلار. دىوارلار گىچ اولاندان سونرا ئونلار سىملىرى و كىلىدىلار باغلامالىدىلار. ئونلار ولىعصر ئاپارتمانلار ئىندە سىملىرى سالىماق مەھلەسىنى كىچىرىپ، ھەربىر شىئى بوراخىدىلار كى، دىوارلار ئاغاردىلاندە چىراقلىرى و كىلىدىلار باغلايىپ، پۇللار ئىنى ئالىسىلار. ھەردىن تىكىتى ايشىندە ماترىيال اولماماق، پۇلون ئاز گىلمەسى و مەن بىر دەردە گۇرە ايشلىرى چۇخ اوزانىردى. بارات بۇ ايشىنى سىياسەتلىرى و نىچە پۇل ئالمالار ئىندەن خەبرى يۇخ ايدى.

«ئىككە دۇكانلار» ايشلىرى باشلايىنچە بارات گىل دە ايشە باشلايدىلار. ارشاد بىر- اىككى گۇن ھەفتە دە قاقچاق گىلىپ، دىوارلارى دەلىب و بىر نىچە لولە سالىپ، دىوارلارى دا امكان اولدۇغۇ قدر قازىپ، لولە سالىپ و او بىرى گۇنلرى ئۇزۇ اوچۇن ئۇرە يىرلەردە اولان ايشى

گئىدىب اونلارى گۆروردو. باراتىن آلتىنجى حسى اونا دئىردى كى،
 بئله ايشله مكله نه وليعصر ايشلرىندن باراتىن آلىنه بير پول گلر، نه ده
 ارشدىن اۆزۈ تىك باشىنا گۆردۈيو ايشلردن. نهايت ارشد هفتەدە ايكي
 گون گىلىب بوتون بينالاردا ھەرەسىنە بير آل چىكىمكلە «يىكە دوكان»
 ايشلرىنىن دە پولونون يارىسىن گرەك اونا وئره ايدىلر.

بير دفعە ارشدىن نىسبەتەن اوزون بير غىيىتىندىن سونرا بارات اونا
 دئدى كى، اونونلا اورتاقلىغى پوزماق اىستەيىر. اونا دئدى كى،
 اوتوروب-دانشىب، حساب-كتاب ائسىنلر. بو شرايطدە ارشدىن آيرى
 بير اوزو گۆرۈندۈ كى، باراتا چۈخ آغىر ايدى. او ھەر گون رشىد گىلىن
 دىفترلىنە گئىدىب، اونو ايش يىرىندە ھەلەيىردى. اۆزۈنە گۆرە بير مقام،
 ھۆرمەت، ھەم دە نفۇزۇ اولان رشىد بارات گىلىن شرىك اولمالارينا گۆرە
 ارشد ايلە چۈخ جىددى داورانا يىلمىردى. ايش اورا چاتدى كى، او بو
 صۇحبەتلىرى آرايا چىكىردى كى، «اونون خانىمىن قوھوملارى كومىتەدە
 و سپاھدا اولورلار و اونلار رشىد گىلە بير چۈخ موشكول يارادا بىلرلر».
 بير طرفدن گىزلىن ياشايان بارات سولچو ايشچىسىندىن بو سۆزلىرى
 ائشىدندىن و رشىد گىلىن دە آياغى بو مسالەيە چىكىلندىن سونرا ارشدى
 حساب-كتاب مسالەسىندە راضى سالىب-يوللاندىردى و باراتدان داھا
 آرتىق بو ساحەدە تىجروپەلرى اولان رشىد ايلە يوسىف قارداشلارى ھەلە
 قاراردادى بارات گىلىن آدلارينا يازمامىشىدىلار. اونلار باراتدان

ایسته‌دیلر کی، اؤزو یوخ، بیر آیری گؤوه‌نه بیلدی یولداشینین آدینا
قراردادی (آنلاشمانی) یازدیر سینلار.

بارات بو مساله‌یه فیکیر وئریب، سولدوزدا موعلیم اولان، آما
میانادا یاشایان یولداشی - «اسد» یادینا دوشدو. اسد باراتین قدیم
یولداشلاریندان بیر ایدی. اونون خانیمی «زؤهره» ده نیگارین یاخین
سیاسی یولداشلاریندان ایدی. اونلار بیر-ایکی دفعه تبریزه اونلاراقوناق
گلمیشدیلر. اونلار دا بیرینجی اوشاقلارینین یولونو گؤزله‌ییردیلر و
غوربتد اولمالاریندان دا داریخیردیلار. اسد هم سیاسی اولاراق یاخشی
اوغلان ایدی، هم ده بیر مدنی فرد کیمی تمیز بیر شخصیته مالیک ایدی.
اونو رشید ده تانییردی. بو مسالهنی بارات گیل اونونلا آرایایا قویاندا او
دا چوخ راضی قالدی. اونا دا بو امکان وار ایدی کی، یایدا مدرسه‌لر
تعطیل ایکن گلیب، چالیشیب و اؤزو اوچون بیر میقدار آرتیق پول
قازانسین. بارات اسدی رشیدین یانینا آپاراندا رشید اونا دئدی کی،
«آنلاشمانی اونلار ساخلامیشدیلار کی، بارات بئله آرخاین و
شخصیتلی بیر آدمی اونلارلا جالاشدیرسین.

بارات هله آلی ائله بیر پول گؤرمه‌میشدی. اوزون زامان ایدی
کی، بو ایشده چالیشیردی. بیرینجی دفعه آلدیقلاری پولون چوخونو دا
ارشد وئرمیشدیلر. نیگارین گتیردی یی پارا دا اونلاری چتینلیکله
گؤروردو. یوسیف ایله رشید بارات گیلین بو وضعینی گؤرنده باشقا -
باشقا باهانالارلا اونلارلا ات، میوه و باشقا شیلر آلیب گتیریردیلر؛ بیر دفعه

بو باهانا ايله - «گئتميشديم قصابا، گوردوم ياخشى اتى واردير، نيسگيل ائديب بير آز دا سيزه آلدیم». اونلار سونانين يئمک مساله سيني چوخ دوشونوردولر. اونلار او اوشاغين بو مساله ده چوخ اسكيكليسي اولماسيني گؤره بيلميرديلر. آسدين كؤمه يي ايله ايشي اونلار بير مرحله يه يئتيرديلر كي، ايکينجي دفعه پارا آلاندا، باراتا او قدر پول قالدی كي، اجاره و آيري خرچلريني يثربه يئر ائله سين.

بو گونلرده ياخشى بير اولای دا ياراندى. تهراندا «گؤز تچيليك» ايشيندن راضى اولمايان موراڢ اسفنديارين طره فيندن اونا بيلدير ميشدير كي، او دا سيم چكمه ايشينده چاليشماغي دوشونور. او كي گؤز تچيليكدن بير صنعت اؤيرنمير، او ايشده ده مجبور لوقدان قاليب؛ هم ده او ائولنمك فيكرى باشينا وورموشدو. بارات بونا گؤره سئونه رك، اؤزونو موراڢين گلمه سينه ده حاضيرلا ييردى. بلي، بو حسابلا موراڢ دا اونلارين يانينا گليب، سيم چكمك ايشينده چاليشماق ايسته يير.

بو گونلرين بيرينده «ماحمود» بير داها تبريزه گلدی. ايرانين جنوبوندا بير معدنده چاليشان ماحمود اؤز ايشيندن راضى اولما يارق، يئنه دؤنمك ايسته ييردى. اورادا ايش شرايطى و دورومونا دؤزه بيلميردى. بو دفعه ماحمود تك گلمه ميشدى. او اؤزويله آرسلا نى و اونون خانمىنى دا قوناق گتيرميشدى كي، اونون خانىمى - «اكرم» اونلارين تشكيلات يولداشلاريندان ايدى، هم ده «زؤهره» نين باجيسى ايدى. بير بؤيوك عايله گؤروشلى اولدو كي، بير داها تبريزده بئله گؤروشون

اولما احتمالی چتین ایدی. خانیمی بویلو اولان آرسلان و عایله سیندن سونرا او بیرلرین هر بیر یسینین بیر اوشاغی وار ایدی. اوشاقلار هر بیر ی او بیریندن بیر نچه آی آرالی، بیر بیرلریله یئنی تانیش اولاراق اوینایردیلار. اونلارین هامی سینین آتا-آنالاری سرگردان اولاراق، بیر داها بیر یئر توپلانمیشدیلار.

هله بارات گیل گیزی یاشامالاری اوچون ارزاق کوپونو آلا بیلمیردیلر. اونلارین گلیرلرینین آز اولماسی اوچون چوخ شیلری آلا بیلمه ییب، خیاللارینی دا بو بابتدن راحت ائتمیشدیلر. بارات بو بویوک و جشن توتمالی قوناقلیغی کوروب، نه آلسین دئی، فیکره جومدو. او کوروردو کی، بیر ایل سوغانین قیمتی یوخاری اولاندا گلن ایل، یئرآلمانین قیمتی یوخاری قالخیر. او ایل یئرآلما یوخ، سوغانین قیمتی یوخاری ایدی. بارات دورد کیلو یئرآلما و اون دنه یومورتا آلیب ائوه دؤندو. اونلار سودا بیشمیش یئرآلما، سوغان و بیشمیش یومورتانی بیر- بیر قاتیب، دؤیندن سونرا اونا بیر قالیب کره ووردو، سونرا قوناقلار هامیسی قارینلارینی یئرآلما و یومورتایلا دولدوروب، قدیم گونلرین خاطره سینا گول دئییب، گول ائشیدیردیلر. آرسلان گیل ایله ماحمود گیل قایداجاقدیلار. بارات آرسلانین ایش بابتیندن ایش یئرینین دولتی بیر ایش اولماسینا کوره همیشه نیگران ایدی. اونو یقین تاپا بیلرلر. او گون آرسلان، ماحمود، بارات و اسدگیلین عایله سی - هامیسی بارات گیلده توپلانمیشدیلار.

بو گوروشلر «نوروزگولو» (قارچیچهیی) کیمی چوخ داوام گتیرمزدی. اونلار بیر گوندن سونرا بیر- بیرلریندن آیریلمالیدیلار. صاباحینا آرسلان گیل بیر داها تهرانا ساری یوللانمالی و نئچه گوندن سونرا ماحمود گیل ده تبریزدن گئتمه لیدیلر. اونلار ایکی- اوچ گون ده اورادا قالاندان سونرا تبریزدن چیخمالیدیلار کی، اوندان بارات گیل تقریباً تک باشینا تبریزده قالا جاقدییلار. اونلار یولداشلارینی بیر یئره توپلاماق اوچون هر هانسی اومیدیه تهران دان تبریزه گلمیشدیلر، اونا گوره اوز آياقلاری اوستونده دورارق، اوزبه اوز گله جکلری هر هانسی گئرچکله قارشیشمالی ایدیلر.

بارات گیل اسد و مورد ايله بیرلیکده «یئکه دوکانلار» منطقه سینین بمبالانان یئرلرینین ایشیق سیمی چکمه سینى باشلا یا جاقدییلار. همن زامان یوسف اونلارا خبر وئرمیشدیر کی، بو تنزلیه باشلاناجاق بیر دولت صنایع شیرکتینین سیم چکمه سینین سؤزو آرادا واردیر. بارات دا قارداشلارینا دئمیشدیر کی، اونلار باشاریر و گوره بیلرلر، چونکی یولداشلارینین بیرى برق موهندسیدیر. بارات بو مسالهنی ده بیلردی کی، اونون بو حاقدا هئچ عملی تجربهبه سی یوخدور، بیرنجی دفعه تیکینتی سیم چکمه ایشینده اولدوغو کیمی. او بو حاقدا ماحمود ایله دانیشدی کی، گوره سن، او فنی نظریندن اونلارا بیر دفعه تبریزه دؤننده کؤمک ائده بیلر یا یوخ. ماحمود دا بلی جاوابی

وئرمیشدیر. ماحمود یئنی ائو ده ییشمک حاققیندا باراتا بیر تزه خبری وار ایدی.

او باراتی بیر مدرسه یولداشلاری ایله تانیش ائتدی کی، تکنیکال کالجینده معلمچیلیک ائدیردی. سعید حافظ خیابانیندا آبرسان کمرندی جاده سینین کسیشمه سینده بیر- ایکی طبقه آپارتمان توتوموشدور کی، بیرینجی طبقه سینده اؤزو اوتورور، او بیرى طبقه سینده یولداش آختاریردی. ایچینده حمامی، بیر ده ایکی اوتاغی اولان بو ائو کرایه اوچون بارات گيله قیمت و شرایطی ایله داها اویغون ایدی. بارات گیل ائو صاحیبی عوضینه سعید گیل ایله قونشو و طرف-حساب اولاجاقدیلار، بیر ده اوزون زاماندا بیر ائوده اوتوراجاقدیلار کی، حمامی وار ایدی. بارات گیل بو باخیمدان قرار وئریب و ائولرین بیر داها ده ییشدیلر.

سعیدین اؤزو بیر برق موهندسی و فنی بیر آدام اولدوغو اوچون هر بیر تبریزی کیمی آلی راحت دورا بیلمزدی. او اؤزون هم بنا، هم لوله چکن، هم برق چکن، نهایت بیر آچار فرانسه بیلیردی. او بارات گیلین کیرا توتاجاغی یوخاری طبقه ده حمامین شیر لوله سینین سو وئرمه سینه گۆره بوتون حمامی قازماق ایسته دیلر کی، اؤزلری لوله نین سو سوزن یئرینی تاپیب، دوزلتسینلر. اوندان سونرا دا اوستونو کاشی ائله سینلر. اونلار چوخلو قازاندان سونرا هم سو آخان یئری تاپا بیلمه دیلر، هم ده بارات گیل حمامدان محروم اولاراق، سعید گیلین حماملاریندان

استفاده ائتمه یه مجبور اولدولار. هر- حالدا بارات گیل حمام صاحیبی اولموشدولار.

گون او گون اولدو کی، مورد دا تبریزه گلدی. بو زامان اونلارین ایکسی ده بارات گیلده قالیردیلا. اونلار هر گون صاباح تئزدن قالخب، اونلارین یاخینلیغیندا بیر سنگک بیشیرن چؤرکچیدن سنگک آلیب، پئیرله شیرین چای یئیب - ایچیر، سونرا یوللائیب و ایشلرینه گئدیردیلر. اونلارین ائولریندن «یئکه دوکانلارا» اوزون یول اولسایدی دا، اونلار اورادا هاوا ایشیق اولانا و آخشام گؤز گؤرهنه کیمی چالیشیردیلا. قاراللیق دوشن زامان اسد، مورد و بارات - اوچو ده اونلارین ائولرینه دؤنوردولر. اسد گیلین ائولری میانادا اولدوغو اوچون آزیندان هفته ده ایکی گون اوز ائولرینه گئدیردی.

ایش یئرینده پروژه نین باش مسئولو «مهندس رشید» بارات گیل کیمی هر گون اورادا ایش باشیندایدی. مهندسین قارداشی بارات دا هر گون آکینده تشه آیاغینین آلتیندا بیر قیریق نردیوان، داشدان محکم دیوارلاری قازیب، اورادا سیم لوله لرینه یئر قازیردی. بارات گیلین الکتریک تشه آلماغا پوللاری یوخ ایدی. بوتون بمبالانان منطقه نین آباق اوستده قالان دیوارلارینی آلرله قازدیلا. اونلارین آلری داش کیمی قات باغلامیشدی. اونلار او ائودن - بو ائوه گئدیب و تیکه - تیکه ایشلری قباغا آپاریردیلا. اونلار کئندن گلیب فحله لیک و بنالیق ائدن ایشچیلرله یاخین و محبتلی ایلشکیلری وار ایدی. بیر ده اورانین

یوخسول عایله لر اولان اهاالیسی ایله یاخیندان تانیش ایدیلر و اونلاری بیر-بیر آدلا تانییردیلار.

اورادا بیر یاشلی، چوخ قیسا بوی و ازیلمیش بیر کیشی وار ایدی کی، آدی «حسین عمی» ایدی. اونون باشینین توکلری بیز-بیز و هامیسی آغارمیشدیر. یاناقلاری ایچه رییه باتیق، گۆزلری ائشییه دیری بیر حالدا چیخیق، اوزونون رنگی کول رنگینده ایدی و اؤسکورنده چوخ ایچه ریدن اؤسکوروردو. اونون دا ائوینه بومبا دوشموشدو. او چوخ آغیر اؤسکوروردو و اونون اؤسکورمه سین بارات گۆرنده فیکر ائدیردی کی، او کسین «سیل» ناخوشلوغو تو توبدور. معلوم اولان بو ایدی کی، اورانین اهاالیسی هر ایش ده گۆرسه ایدیلر، ائولرینده فرش توخویوردولار. حسین عمینین اؤسکورمه سی و جیسمی دورومو بونو گۆستریردی کی، چوخ آغیر بیر دورومدادیر. بارات گیلین سولچو اولدوغونو حیس ائدن بو قوجا هر هانسی بیر باهانه ایله اونلارا چای دوزلدیب، چایا قوناق چاغیریب، اونلارا سیاستدن، قدیملردن و انگلیسین توطئه لری و مولالاری ایش اوستونه گتیرمکدن دانیشاردی. بارات گیل ده اونون سینه سینین خاراب اولماسینین ائوده او شرایطده فرش توخوماقدان آسیلی اولدوغونو سئزه بیلردیلر. اونون چایلاری همیشه تورپاق دادیردی. بارات گیل چکینه دن چایلاری نوش جان ائدیردیلر.

ھردن بعضی بومبالانمامیش ائولرین بیر- ایکی بۇلومونو ائو
 صاحیلری اۆزلری ده ییشمک مقصدی ایله باراتگیلدن دوزلدیلمه سینی
 ایسته ینده باراتگیل ده اونلارین یوخسول اولدوقلاری اوچون او
 ایشلری قبول اندیردیلر، آما اونلاردان پول آلماق مومکون اولمادیغی
 اوچون باراتگیلی بیر ناھارا قوناق چاغیردیلار. باراتگیل بو بیر
 طرفدن ده بیلیردیلر کی، اونلار بو ایشلرین پاراسینی دولتدن آلا
 بیلمه یه جکلر. ناھار اوچون چالیشماقلا ائو اجاره سی وئرمک اولمازدی،
 آما اونلار ائلدارلیقلا اونلارلا کئچنیردیلر.

بنالارین بیرى بیر اوجا بوی، کؤک و بیر آرجا قارنى کؤک
 ساریمتیل بیر کیشی ایدی کی، چوخ یاستی-یاستی دانیشاردی. اونون
 یانیدا چالیشان فحله لردن ده بیرینین آدی حسین ایدی، بیر اورتا بوی و
 دولو بیر جاوان اوغلان ایدی. چوخلاری کیمی هم او محله ده ائولری
 وار ایدی، هم ده نظره گلنی بیر کندلی ایدی. حسین ین چوخ گؤزل
 سه سی وار ایدی، ھردن سه سینی باشینا آتیب، چوخ گؤزل یانیقلی آشیق
 هاوالاری اوخویاردی. ھردن بنا اونا بند ائدیپ دئیردی: اوغلان، سنی
 چوخ شور گؤتوروب، بیر گئت ائوه باش وور، سونرا بیر داھا دؤن. بو
 زامان هامی اونا گولردی. اوندا داھا حسین، حتّا صاباحا قدر
 اوخومازدی.

اورادا بیر آیری بیر کیشی ده وار ایدی کی، او دا نظره گلنی
 اونلارین کندلریندن اولمالی ایدی. او دا ایلان صیفتلی بیر کیشی ایدی

كى، اونون دا ئوى بىر آز بمبالانمادا خسارت آلمىشىدىر. او دا باشىنى سوزە-سوزە آرالاردا دولاناردى، ئولردە تىكىلن فرشلرېن سفارېشىنى وئرىپ، اونلارى آلىب ساتاردى و اۆز دندېيىنە گۆرە بعضىلرېن خارجه يە گۆندە وردى. او آز دانىشىپ، آز اسرارېنى ائشېيە وئردى.

موراد بېرىنجى دفعة ايش باشىندا حاضىر اولاندا بارات اونا «فاز»، «نول» و برقىن ايكى رنگلى سىملرى آراسىندا نه جور دولاماسىنى اۆيىرتدى. او سونرا يئنه ده تئورىده بو الكترىك مدارىنېن آراسىندا «كىلىد» و «برق چىراقلارى» نېن نئجه يئرلشمەسىنى اۆيىرەدىپ، اوندان اىستەدى، بىر كىچىك ئوين ايشىنى اۆز و گۆرسون. بارات اونا اۆز و لولەلرېن چكىلمەسى، ديوارلارېن قازىلماسى، سىملرېن سالىنماسى و نهايت بۆلگۈ جەلرېنېن باغلاماسىنى اونا وئرمىشىدى، آما اونا اوزاقدان گۆز آلتىنا آلىب آرا- سىرا اونا باش چكىپ، بىر- ايكى نقتەنى يادىنا سالىردى.

موراد بىر ئوين قازما، لولە سالما و سىم كئچىرمە ايشلرېنېن چوخونو اۆز و بىر گونون اىچىندە گۆرندە چوخ اۆز و نە گووەنى آرتىپ، غورولانىردى. صاباح، بۆلگۈ قوتولارېندا سىملرى باغلامالى ايدى كى، بارات مورادى نردىوانىن اوستونە چىخاراراق، اوندان بۆلگۈ قوتولارېنېن سىملرېنېن باشلارېنى اۆز و باغلاماسىنى اىستەدى. بلكە يارىم گونه قدر بارات آشاغىدا، موراد دا نردىوانىن يوخارىسىندا صبر و حوصلە ايلە عملى بىر شكىلدە امكان وئردى كى، او سىملرېن باشىنى باغلاسىن.

اونلارین هامیسی سونرا بارات دان اؤیره‌نیب، هر بیرى بیر اوستا اولموشدور.

بیر مودّت کئچندن سونرا بارات چیننده آغیر بیر درد حیس اندیردی کی، آرادا گلیر و قولونو قورودور. بارات آیلا رلا داش کیمی قورو دیوارلاری تشه ایله ایشیق سیملى یئرله‌شن لوله‌لرین سالینماسی اوچون قازما ایشینده قوللاریندان ایش چکیردی. او، مورا دگیلدن اونون چینینی اوکالا ییب یومشالتماسینی ایسته‌ییردی کی، او دا ایشه باشلایا بیلین. بو مساله بو راحتلیقدا بارات دان آل چکمیردی و قول آغریسی اونو هم چوخ اینجیدیردی، هم ده ایشله‌مکدن قویوردو. درد ی هر گون چوخالیب، بارات ین ساغ قولونو قورودوب کئیلدیردی، اونا گؤره هئچ بیر ایش گؤره بیلمیردی. بارات ین روحیه‌سینین گوجلو اولدوغونا گؤره هئچ بیر فکرینه ده چاتمیردی کی، او ایش باشیندا بیر حادثه ایله قارشىلاشسا، نیگارگیله نه اولار. او هر شئیدن بونا چوخ فیکرله‌شیردی کی، اگر اونو توتسالار، نیگارگیل نئجه باش ساخلایارلار؟

بارات آرتیق بوندان آرخاین اولموشدور کی، نیگار اؤز ایشینده یئرینجه باجاریقلى اولوب و یاخشی بیر ایش تاپا بیلسه، داها بارات ین باشینا بیر اویون گلسه، اؤز آياغی اوستده دوروب و باشلارینی ساخلایا بیلسینلر. بو حاقدا دا نیگار یاواش-یاواش، آما محکم قاباغا گئدیردی. هله بو زمینه ده نیگار هر دن حددن آرتیق محکم آتدیم دا آتیردی.

ایران ایله عیراق ساواشی هله بیتمک بیلمیردی. بو ساواش
اؤلکه‌نین جنوب و جنوب شرق طرفینده اولسایدی دا، هاوا هوجوملاری
تهران‌دان توتموش تبریز و باشقا شهرلره کیمی بومبالامایا معروض
قالیردی. تبریز ده بیر طرفدن بومبالانیردی. یاشماق اوچون امنیت یوخ
ایدی. آما بونلارین هامیسیندا چتین ساواشین داوامینین اقتصادی
تاثیرلری ایدی کی، بارات گیل یاشام سیراسیندا اونلارا دؤزمه‌یه مجبور
ایدیلر. باهالیق، بیر طرفدن، یتمک ملزوماتینین تاپیلماماسی، ایش
امنیتسزلییی و سیاسی جریانلارین ضربه آلتیندا اولمالاری و نهایت
کوپون پایلاما شبکه‌لریندن سیاسی فعاللاری توتماغا ایستیفاده
اولونماسی هر گون اونلارین دوروملارینی چتینلشدیریردی.

هر گون بازارین قاباغیندا بیر منطقه‌ده ایشسیز بیر سیرا آدم
کوپون آلوی ایله مشغول ایدیلر. او قسمتین آدینی «اوپک»
قویموشدولار. سببی ده بو ایدی کی، اورادا بنزین و نفت کوپونلاری
آلیم-ساتیم اولوردو. بو نفت آلیم-ساتیمینا گؤره ده اورا کاسییلارین
«اوپک» بازارلاری ایدی. بارات گیلین نه آرتیق کوپونلاری وار ایدی،
ساتالار، نه ده آرتیق پوللاری وار ایدی، «اوپک» دن کوپون آلالار.

بیر طرفدن عیراقین طیاره‌لری گلیب ووراندا ایشلر تعطیل
اولسایدی دا، بارات گیلین کیرا و آیری مخاریجلری آرادان گتمیردی.
جبهه‌لردن ساواشین خبرلری گلیردی. بیر سیرا بؤلوملری آلدن
وئريلمه‌سی، یئئیدن بیر آیری بؤلوملری عیراق‌دان آلینماسی و بو آرادا

جاوانلارین یوزلر و مینلرله داغیلیمیش جیسیملری شهرلره گلیب، اؤلوم و گنجلرین هلاک اولماسیندان خبر وئیریدی. دئوریم دؤورو نسلین بیر بؤلومو زیندانلاردا، او بیرری بؤلومو جبهه لرده آرادان گئیدیدی، نهایت انقلاب نسلی بوتؤو یوخ اولسون. او زامان حکومت پرگاری پوزولموش بیر ملته حکومت ائتسینلر. او بیرری طرفدن اونلار انقلابدان سونرا دونیا یا گلن نسلین اوستونده ایشله مه یه باشلا سینلار.

سعید کالجده تحصیل آلیب هر گون محصللرین اوغورلاری و اورادان باش وئرن اولایلار حاققیندا گلیب دانیشیردی. او هوشلو و اوغورلو اویرنجیلرله چوخ ماراقلانیردی. ائله بیر زامان گلیب- چاتدی کی، بو گنجلری تشویق ائدیردی لر کی، «الله» و «دین» آدینا جبهه لره گئدیب و یا مینلرین اوستوندن کئچه لر و یا ساواشدا جانلارین آلدن وئره لر. اگر ده سولچولوق سایقه لری وار ایدیه، حکومت آدملا ری طرفیندن آرخادان گول له لئه ردیلر کی، بو جاوانلارین جنازه لری شهرلره گلیردی. اونلارین آنالاری، آتالاری، باجیلاری و قارداشلاری نه درد لر چکیب و اورکلری پارچا- پارچا اولوردو، اؤز یئرینده، اونلارین معصوم عکسلرینه خیابانلاردا باخیلاندا هله اوزلرینین توکلری چیخمامیش وضعیتلری هر یولدان کئچه نین اوره یی کاباب اولوردو.

سعید ده بو بلادان کنار دئییلدی. او، اونلارین ایللر بویو بسله نیب، بؤیومه سینه شاهید اولدوغو، اونلارلا باغلی نه قدر خاطره لری اولان چیچکلرین سیمالارینی گؤزلرینین قاباغیندا مجسم ائیدیدی، جبهه ده

جانلارین آلدن وئریب و جیسیملرین آلدن داشیاندان سونرا قارا توپراغین آلتینا قویلانیردیلار. سونرا اونلارین عکسلی کالج ایچینده هر گون سعیدین گؤزونون قاباغیندا اونون اوزونه گولوردولر. سعید بو دوروم و وضعیتی گؤروب، بیر غیر سیاسی آیدین اولاراق روحیه سی دارماداغین اولوردو. سعید داها بیر روحی بؤحران شرایطینده گلیب و گؤزلی باشیندا پارتلایب ائشییه چیخا- چیخا دئیوردی: «نچه نفر ده عمودی گئدیب، افقی قایتدیلار».

باراتین چالیشماسینین دا ضماتتی و داواملیلیغی یوخ ایدی. بارات بیلردی کی، قشین چتینلیسینده سیم چکمه ایشی آرتیق اولمایاجاق. بارات گیلین «یئکه دوکانلار» منطقه سینده کی ایشلری یاواش-یاواش آخیرا یئتیشیردی، او بیر طرفدن «مرند» ده کی «ساللاق خانا»ین ایشی دالیا قالمیشدیر، هم ده ماحموددان هئچ بیر خبر یوخ ایدی کی، بونلارا تئوری و تجربوی باخیمدان بیر شیئر اؤیرتسین. بارات گیل باسقی آلتیندا مرندین ایشلرین باشلامالیدیلا.

نیگار گیلین ائولرینده بیر یئنی موشکول بو چتینلیکلره آرتیریلیمیشدی. نیگارین سککیز یاشیندا اولان و ایکینجی صیفه گئدن لاپ کیچیک قارداشی بونوندا بیر کیچیک وزی (غده) چیخمیشدی.

اونلار اونو دوکتورا آپارمیشدیلار، دوکتور اونلار دئیمشدر کی، تهراندا کشاورز خیابانیندا «ساسان خسته خاناسی» نا آپار سینلار کی، اورادا بیر اوندان «بایوپسی» تستی آلسینلار. احتمال وار کی، سرطان (کانسر) غدّه سی اولسون. نیگارین بؤیوک قارداشی «کریم» اونو تهراندا آپارمیشدی. اورادا غدّه دن نمونه گؤتورندن سونرا دئیمشدر کی، غدّه دوغرودان سرطان غدّه سیدیر و معلوم دئیل کی، اونون جانیندا یاییلب یا یوخ. او خسته خانادا دئیمشدر، اونلار ایسته سه لر، بوینوندا کی غدّه نی چیخاریب سونرا شیمی درمانی» یه باشلایا بیلر لر. اونلار عایله جه دانیشب، بو نتیجه یه گلمیشدر کی، بوینوندا کی غدّه نی چیخاریب و سعید شیمی درمانیه باشلا سین. بو آغیر گونلرده چتینلیکله اونلار تئلفونلا بیر بیر لریندن خبرلری اولوب و هامیسی نیگار انچیلیقلا یاشاییر دیلار.

بارات ایشلری بو شرایط اولدوقدا بیر نئچه گون ائوده نیگار گیلین یانیندا قالمایا مجبور اولدو. سونرا بئله قارار گلدی کی، بیر نئچه صنایع ایش یئرلرینه باش ووروب و اورالاردا سیم چکمه لره گؤز گذدیر سین. بو باخیشلاردا سیم لوله لرینین نئجه چکیلمه لری، مدارلارین نئجه تنظیم اولونمالاری و کونترول اوتاغینین رولونو گؤزدن کئچیریب، بیلدی کی، او ایشلری یوزده یئتمیش- سکسان قدر گوره بیلر لر، آما یوزده ایگیرمی فایزی گرک گؤزله سین کی، بیر گون ماحمود گلنده اوندان سوروشسونلار. بو اؤزونه آرخلانمانی قازاناندان سونرا گئتدی

كى، اسكىك اولان ايش ابزارىنى آلسىن و اونلار مرنىد ايشىنى باشلاسىنلار.

بارات گىل ايشى باشلاركن خبر گلىدى كى، آرسلان ايشى يثرىنده توتولوبىدو. بارات گىل بىر داها شوكا قاپاندىلار. بارات آرسلان اونلارىن ائولرىنى تانىمادىغى اوچون خىالى راحت اىدى. اونا گۆره بارات بو تئزلىكده ائو ده يىشمه يه مجبور دئىلىدى، آما مصلحت اىدى كى، بو مساله نىن - ائولرىنى ده يىشمك فىكرىنده اولسونلار. هله ماحمود دا جنوبدا اىدى و اوندان خبر يوخ اىدى. بو باسقىنن آلتىندا «موراد» عاشىق اولموش و ائولنمك اىسته يىردى. سولدوزا گئتمه سىنده هئچ موشكولو اولمايان موراد گئدىب - گلمه لرىنده سئودى قىزى تاپىب، اونا گولوش وئرىب و كوچه دن كئچنده گولوش جاواب آلمىشدى.

موراد تماماً بارات نىن ترسىنه، قىزبازلىقدا ياخشى مهارتى وار اىدى. اون بئش ياشىندان «گونبز قاباغىندا، اوروج عربلونون باخچاسىنىن دىوارى اوستونده اوتوروب، اوزاقدان چادرالى قىزلارىن گئت-گلىن نظر آلتىنا آلان موراد او باغلى جامعە نىن اىچىنده اؤزونه قىز يولداشى تاپا بىلمىشدىر، ايشىنى نئجه گۆرمه يى باشارىردى. اونون عشقى چوخ جىدى اىدى. موراد نىن بلكه اىگىرمى سككىز ياشى اولاردى.

موراد تبرىزده چالىشاركن نئچه دفعه سولدوزا گئدنده بىر دفعه سىنده گلىدى و دئدى كى، «اؤزو تك باشىنا «گل چۆهره» گىلىن ائولرىنه گئدىب و آناسىندان قىزلارىنى ائلچىلىك ائتمىشدىر. آتاسى

اولمايان گول چۆهرەنن اناسى اونلارن ائولرىندە سون سۆزۈ دئىيردى. موراڧ تەك باشىنا قىزى ائلچىلىك ائتمەسى ايشىن گۆرمۈشۈ و اونلاردان بلى جاوابى آلا بىلمىشىڧى. موراڧ اونلارا دئىيردى كى، نئجە و نە زامان قىزىن اۋزۈيلە گۆرۈشۈب. اونلارن آراسىندا ھارادا، نە گۆرۈشلر و دانىشىقلار كئچىب. باراى بىلىردى كى، موراڧ سامان آلتىندا سو يئرىندىر. او ايشىن كامىل گۆرۈب و قاباقدان قىزىن تامامىلە اورەين آله كئچىرمىشىڧى. موراڧ بو دفعە تىرىزە گلندە آداقلى اولاراق گل مىشىڧى.

«ئىكە دوكانلار» ايشى موراڧدىن آدىنا ايدى. ھر دفعە اونلار ايشلىرىنى بىر مەرحلەيە يئتىرنە بىر «چەك» موراڧدىن آدىنا آلىردىلار. سونرا گئدىب او پولو اۋز آرالارىندا حساب-كتاب ائدىب، بۆلۈردۈلر. بو دفعە موراڧ چەكى آلاندىن سونرا يۈخ اولوب، آرادان چىخىمىشىڧى. او «اون مەن تومانى» اۋز آرالارىندا بۆلمەيى گۆزلەين باراى گىل بىر زامان گۆردۈلر كى، موراڧ ھامىسىن گۆتۈرۈب، آرادان چىخىب. اونلار بىلدىلر كى، بو عاشىق اوغلان او پولو آپارىب كى، اۋز ائولنمەسىنە خىرلەسىن. آسدا ايلە باراى بىر-بىرلىلە گۈلەرك دئدىلر: «اولسون، گلن دفعە موراڧدىن سەمى آز اولاجاق، چونكى بو دفعە او سەمىندىن آرتىق گۆتۈرۈب.

نئجە گۈن موراڧ ائولەندىن سونرا تاپىلدى. اونلار يئنە ايشە باشلاڧىلار و بىر داھا پول آلمانۈبەلرىنىن چاتماسىنى گۆزلەمەلى ايدىلر. اونلارا داھا بىر سۆزە يارانمىشىڧى. اونلار موراڧ ايلە باش باشا وئرىب،

اونا دولاشيردىلار. مورد قيزين آناسينا تاثير كؤستردىي اوچون اونلار ين ائولرينده بير قدر سيم چكمه ايشى كؤروب و نئچه يئره ايشى چكميشدى. بلكه ده «گول چؤهره» نين آناسى اؤز- اؤزونه دئميشدير كى، بو اوغلان آن آزى سيم چكمه اوستاسى، هم ده بير ساغلام جاوان و ياخشى عايله دندير، داها قيزينا نه ايسته ير. بلكه ده بارات سيم چكمه يولو ايله «گول چؤهره» نين اوره يين آله كئچيرميشدير.

بو آرادا نىگار دا اؤز «پارچا بىچمك» يا «برشكارلىق» ايشينده داها باجاريقسزليغىنى توكوب و اؤزونه كؤره بير اوستا اولوردو. او ساغ- سولدا ايندىكى ايشيندن بير داها ياخشىسىنى آختاراراق، سوندا وليعصر منطقه سينين بازاريندا بير پالتار اوره تيم مركزينده اؤزونه «بىچمچىلىك» ايشى تاپدى. او، اؤز ايشينده باجاريقلى اولسايدى دا، يئنه ده ايش يئرینده موشكوللرى اولوردو. بىچدى ايشلر اساسيندا فايز آلان نىگار ايش باشيندا سؤزلرى ترس گليب، چوخ زامانلار كؤردويو ايشدن آز پول آليردى. «پارچا بىچمك و خياطلىق ايشى» عموميتله، كيشيلرين آلينده اولوب، قادينلار برابر حوقوقا شامل اولاييلميردىلر.

سعيد نىگار ين ايش يئرینده ايشلەين ايكى خانيمين آرلرين تانييردى. سعيد دئيردى كى، اونلار تبريز ين تانيشمش عايله لریندن اولوب، هر ايكيسى ده موهنديس ايدیلر. اونلار ين خانيملارى بو مغازه نى اداره ائديردى. بارات بو مساله ايله باغلى مجبور اولدو، موشكوللرى ياخيندان كؤرمك اوچون ايش يئرینه كئتسين. بارات اورا

گئدیب وگوروشندن سونرا باشا دوشدو کی، نیکار ایش صاحبیلرینین توصیه سی اساسیندا یوخ، بلکه اؤزو سلیقه سی اساسیندا پارچالاری اؤلچوب بیچیردی. بو مساله سبب اولوردو کی، ایش صاحبینین دئیل، بلکه نیکارین ایسته دیی اساسیندا پالتار تیکیلین. بونا گؤره اونلار بازاردا ضررله قارشیلایردیلار. بونا گؤره نیکارا ایسته دیی پارانی وئرمیدیلر. بارات گوروشدن سونرا نیکارا دئدی کی، اؤزگه نین سرمایه سین خطرله سالماق و اونلارین وئردیی قراری پوزماق دوز ایش دئیل. او ایش صاحبینه ایشله ییر و اونلار ایسته یین پالتارلاری بیچیب - تیکمه لیدیر. قالان ایشلر، ضررزیانلار اونلارین اؤز بوینونادیر و نیکاردان آسلیی دئیل.

نهایت آرسلانین توتولماسیندان بیر مودّت سونرا بارات ائوینی ده ییشمه یه زمانی او یغون گوردو. بارات چالیشیردی، آلتی آیدان چوخ بیر یئرده قالماسین. بلکه ده اولایلار اونو هر آلتی آیدان بیر ائوینی ده ییشمه یه مجبور ائدیردی. بارات آختاراراق، باشا دوشدو کی، قارداشی - «یوسف» ین ایش یئرینده چالیشانلارین بیرینین ائوینین آشاغی قاتی اجاره یه وئریلیر. بارات اورایا بیر دفعه باخیب گوردو کی، تمیز و یئنئ دوزلمیش بیر ائو، هر بیر شئ نورمال و کرایه سی ده او یغوندور و قاباقکی ائودن چوخ دئیل، قبول ائدیب و یئنه ایلدیریم سورعتله ائوی ده ییشیب، اونلارین ائولری تبریزده زعفرانیه منطقه سینه گلدی.

بارات گيلين يئنى داشينديغى ائوين ييه سى يوخارى قاتدا
 اوتوروردو و اونلارين سونا ايله ياشيد بير قيزلارى وار ايدى. ائو
 صاحىي بلکه بارات دان بير-ايكى ياش بۇيوک اولاردى. اونلار اردبيل
 شهريندن ايديلر. ائوين کيشيسى يوسف گيلين ايداره سينده دفترى بير
 بۇلومده چاليشىردى. بو، يوسف اوچون ده بير باش آشاغىلىق اولاردى
 کى، بارات گيلين ائولرينده کئچىنمه اوزوندن چتىنلىک اولسون. بو
 گونلرده ده داها آرتىق بارات گيله ياخين اولان يوسف گيل اونلارين
 ائولرينه باش ووراندا، خصوصاً، سونا اوچون آت آليب گتيردىلر.
 بارات گيل ائولرينده تىک باشلارينا بير گئجه يارىسى
 اوتورموشدولار. بيردن گوردولر، اونلارين قاپلارى چالينير. بارات
 قاپنى آچدقدا گوردو کى، اونون تيريزلى اونيورسيته يولداشلارى -
 سولئيمان و مجيد اونلارا باش وورماغا گليلر. دؤرد ايل اونيورسيته ده
 اونيورسيته اؤيره نجيلرى چالیشمالاريندا بيرليکده چالیشان بارات گيل
 اوتوروب، يئمک يئىندن سونرا قديم خاطيره لرى بير بير سايىب، خوش
 واخت کئچىرديلر. مجيد ايله بيرليکده اونيورسيته نى بيتيرن يولداشلارى
 سولئيمان ايشىندن چىخاريلمشيدى. او يئىدن ايشينه دؤنمه يه هئچ
 چالیشمادى و بازاردا چالیشماقلا داها آرتىق پول چىخاراجاغينا
 اينانيردى. بارات ايله سولئيمان کيمى ايشينين سه سى اولمايان مجيد بير
 بانکدا چاليشىردى. او هله ايشينده ايدى.

بارات گیل مرنده چالیشماغا باشلامیشدیلار. اونلار بو ایشی باشلاماقدا مجبور ایشی قاباغا سالمالیدیلار. بو ایشی گۆرنده یئکه دوکانلارین ایشلری گئری قالیردی. یئکه دوکانلاردا اونلار چوخ یئرلرده دیوارلارین آغارتماسینی گۆزله بیردیله کی، اونلار قایدیب، کلیدلری یا دا چیراقلاری باغلا سینلار و نهایت بؤلگو قوتولارین باغلا سینلار. اونلار وسایلرین تکمیل ائتمیش، بیر-بیر مرنده گئتمه یه حاضر ایدیلر. آسد ده اونلار قوشولماق اوچون میانادان گلدی، اوچ قورشاق باغلایلر کیمی مینی بوسا مینیب، مرنده ساری یولا دوشسونلر. بارات، مورا و آسد - اوچو ائزارلاری آلرینده مینی بوسا مینیب، مرنده ساری یولا دوشدولر. تبریزدن مرنده چاتمالاری بلکه بیر ساعات چکدی. اونلار مینی بوسا راحت و یومشاق صندلره دایاناراق، یولدا بیربیرلرله ظرافات ائدیردیله. اونلارین یئرلری دار ایدی، آما یئکه دوکانداکی نردیوانلاردان داها یاخشی و راحت ایدی. اونلار بؤیوک بیر راحتلیق ایچینده اؤزلرینی حیس ائدیردیله. مینی بوس سوندا مرنده مرکزینده بیر یئره ساخلادی. «ساللاق خانا» ایش یئرینده آن آزیندان ایکی-اوچ گون قالماغی دوشونن بارات گیل اؤزلری اوچون شهردن بیر قدر یئمک آلمالی ایدیلر. اونلار چؤرک، سوغان، یاغ، یومورتا و یئر آما، ها بئله باشقا ملزومات آلدیلار. اونلار یالنیز لاواش چؤرک، قند و چایلارینین آسکیک اولماسیندان آرخایین اولماق ایسته بیردیله. اونلارین ایش یئرلری شهردن قیراقدا جولفا جاده سیندن بئش کیلومتر

آرالدا يئرلشirdى. چۇلون اورتاسىندا اونلار يىن ياخىنلىغىندا ھىچ بىر آيرى آبادلىق يوخ ايدى و اونلار او دۇرەدە اۇزلىرىن تاماماً ياپ يالنىز گۇروردولر. نھايت بىر آيرى مېنىك ماشىن تاپىب يوكلىرى ووروب اۇزلىرىن ايش يىرىنە يىتىردىلر.

اونلارى گىتىر مېنىك ماشىن جولفا يولوندا «يىنى ساللاقخانا» نىن قاباغىندا داياندى. بارات، آسد و موراد - اوچو دە چانتالارى بىللىرىندە ماشىندان ائىندىن سونرا چۇلون اورتاسىندا بىر زىندان كىمى «ساللاقخانا» نى اۇز باغرىنا باسان اوجا ديوارلارا حىران قالاندىن سونرا دروازايا سارى گىتىدىلر. اونلار دۇرەيە باخىب گۇروردولر كى، دۇرەدە كى زمىلدە اكىلمىش بوغدا يا آرپالارىن ھامىسى بېچىلىب، يىردە يالنىز كىسىلمىش سارى ساپلاقلار قالمىشىدىر. زمىلرىن حاشىلەرىندە اوجا سارالمىش آلاق اوتلار سىنىرلارى گۇستىرىدى. آساس جادە دە بىر يوز ايلە ايكى يوز متر كىناردا و اونونلا پارالل قاتار يولو دا جولفايا سارى چكىلمىشىدى.

بارات گىل قاپىيا يىتىررك بۇيوك بىر دىمىرقاپىنى گۇروردولر كى، آغىر لولولالار اوستونىدە چۇلون اورتاسىندا زار چكىر و سوسوز بىر اينىك كىمى آغلايىر. بارات دۇرەيە باخاراق بىر يوموروق يىكەلىكدە داش تاپدى، قاپىنى دۇيمەيە باشلادى. بو بىرى طرفدىن ھامىدان آز حوصلەسى اولان موراد سەسىنى باشىنا آتدى: «گلىن قاپىنى آچىن». اوزاقدان بىر قوجا كىشىنىن سەسى گىلدى كى، نە دىدىيى معلوم دىدىلدى، آما نھايت

معلوم اولوردو کی، اونلارین سه سین بیر نفر ائشیدی، قاپینی آچماغا گلیر. بیر نئچه دقیقه دن سونرا کیشینین آیاقلارینین سه سی و سونرا زنجیره باغلانان قیفیلا کلید سالماسینین سه سی گلدی. نهایت، بؤیوک داروازا آچیلدی و اونون دالیندا بیر آتمیشا یاخین عرقچین بۇرکو باشیندا بویو قاپیا نسبت چوخ کیچیک گؤرونن بیر کیشی قاپینین آرخاسیندا دایانمیشدی. بیر آللی متر اوندان آرالی ساللاخ خانا» یئرلشمیشدی.

«مشدعلی» اونلارا گوجلہ بیر گولوش گؤستریب، اونلارین سلامینین جوائینی قایتاردی. او گولنده معلوم اولدو کی، قابق دیشلرینین ایکسی دوشوب. مشدعلی بونلاردان خبر آلدی: «سیزلر سیم چکنلر سینیز؟»

بارات گیل «بلی» دئدی. اونلار تیکیتییه ساری گئدرکن مشدعلی اونلارا بیلگی وئیردی:

«بورانین هلہ برقی (ایشیغی) چکیلمه ییب، سویو دا هلہ لیک قویو سویودور کی، تمیزدیر و ایچیلہ بیلر.

اونلار گئجه لر اودون، آیین و اولدوزلارین ایشیغیندا اورادا قالارلار. اونلار بارات گیلی ایچه رییه آپارانندان سونرا بیر تیکیتینین ایچینه سای سالیب، هر بیر شئی گؤزدن کئچیردیلر.

بارات گیل بیر طرفدن غورولانیردیلار کی، بونلارین اوچو بو بؤیوک تیکیتییه ایشیق چکه جکلر، او بیر طرفدن ده بیلیردیلر کی، بو

بۇيوكلوكدە «صنايع» بىر ايشده عملى تجروبه لرى يوخدور. اونلار بو ايشى باجارا بيله جكلرينه هئچ شوبهه ائتميرديلر. اصلى سالونا كئچيب، اورانى گؤزدن كئچيرديلر. اورادا «سيما چكن» اوستا، هله دؤشه مه ايشينين سيمانين قورتارماميش، اوستونون صاف و نازيك سيمانين (سيمنتين) چكirdى. اونلار بارات گيل ايله بىر ياشدا اولان اوستا سيمانچى ايله سالاملاشيب، دؤره يه آرتيق نظر سالماقدان قاباق بىر يئر آختاريرديلار كى، وسايللرين قويسونلار. بارات گيل گيريش قاپينين ياخينليغيندا ايدارى بؤلوملى اوچون دؤشه مه سى سيمانلانميش بىر تمىز و كيچيك اوتاغى اؤزلرينه سئچيب، گتيرديكلرى وسايللرى اورا قويدولار.

بارات گيل ايچه ريده يئنه ده دولانديلار. سول طرفده گيريش طرفيندن لاپ بوجاقدا «الكترىك كونترول اوتاغى» يئرلشميشدى. اورادان چيخاندا سونرا بىر اوزون ايكنىجى سالون قيراقدا وار ايدى كى، بارات گيل فرقلى اؤلچولو ايشى چكمك اوچون لازيم اولان دمىر لوله لرين اورادا يئرلشهر ك بىر بيرينين اوستونه دسته دسته قالانماسىنى گؤردولر. اونلارين كنارلاريندا فرقلى اؤلچولرده و رنگلرده برق سىملرى ده توپ- توپ كناردا قويولموشدو. سونرا اونلار گليب و بۇيوك سالونون قيراغيندا دولاناراق، باشلارين قالديريپ، تاوانا (سقفه) باخيرديلار. موراد بىر ايچه ريدن قورخو ايله بىر ليكده گوله- گوله دئدى: «بو اوجاليقدا بۇيوك په سهره بىز نئجه چيخب، اورادا لوله چكيب،

دميرلری ده لیب، اونلاری باغلايیب و ايچيندن سيم كئچيرده جه ييک. بوتون بو بۇيوكلوکده تاوانين هر يئرینه گرک مهتابی چيراق چکيله ردی.

بارات گیل يئترینجه باخديلار. هله بو باخديقلارینی اۇنجه سنديرمه لی ايدیلر کی، سونرا آرتیق شئیلری بير به بير گۇروب و اونلارا آرتيرسينلار. اونلارين هامیسی حیس ائتمیشدیلر کی، «داها بسدير، گئدک و ناهاری حاضر لایاق». مورد تنز چرخ اولونموش ات، یاغ، سوغان، بير ده قيرمیزی بادیمجانين سوراغينا گئتدی. اونلارين هله اؤزلرينه والورلاری یوخ ایدی. مشدعلی اؤز چای دمله مه والورون بو دفعه ليک ناهالارینی بيشيرمک اوچون اونلارا وئردی. بارات گیل بير آیری طرفدن اسکیک وسايللرين لیستینی یازیردیلار کی، نئچه گوندن سونرا تبریزه قايیداندا اؤزلریله اونلاری آلیب گتيرسينلر. اونلارين هامیسی تمیز پالتار و تمیز آلریله تیکیلينين (ساختمانين) قاباغيندا ناهار و چای حاضر لاماقد ايدیلر. اونلار بير ده ايچه ريده کی ایشلری نئجه قاباغا آپاراجاقلارینی دوشونوردولر.

اونلار ناهاردان سونراين هامیسی ایچه ريده لوله لری دیوارلارا نئجه ووراجاقلاری، لوله لری دیواردا نه قدر اوجاليقدا وورولاجاغی، لوله لرين كونترول اوتاغينا نئجه گئده جه یی، كونترول اوتاغيندان گلن لوله لرين نئجه تاوانا گئديب، اونلاردان سيملر آيریلیب، مهتابی چراقلارا قوشولاجاغی، مهتابی چيراقلارين آلتی ایله دوققوز متر اوجاليقلی تاوانا

دمیر دیر کلره ده لیب، پیچ مهره ایله نئجه باغلانا جاعی، لوله لرین ایچیندن نئجه سیم و نه قالینلیقدا کئچیریله جه یی ایله باغلی پلان حاضیرلاماغا صرف ائتدیلر.

بو سواللار بیر به بیر یاواش-یاواش آیدینلاشیب بیر میقدار جاوابلار یئتیشیردی. اونلار آخیردا بئله قرارا گلدیلر کی، تاوانا گئندن شبکه دمیر دیر کلرینین هر بیرینه بیر آیری لوله کونترول اوتاغیندان آپارسینلار؛ دیواردا گئندن اوچ متر هوندورلوکلو سو لوله لرینین اوستونده بیر یاریم متر آرا ایله، لوله لری آپارسینلار. فرمان اوتاغینا لاپ یاخین اولان تاوانا گئندن ده میر دیره یینه گئندن لوله، لاپ یوخاریدان گئنده جکدیر. بو اساسدا لاپ اوزاق اولان تاواندا گئندن دمیر دیره یینه گئندن سیم آپاران دمیر لوله لاپ آشاغیدان چکیلمله لی ایدی. بو اساسدا اونلارین پلانلاری بیر قدر آیدینلاشیردی. آخشاما یاخین اونلار نئجه شاخه لوله لردن آلرینه آلیب بؤیوک سالونا گتیردیلر. بارات لوله دوغرایان و لوله لرین باشینی بورغو کیمی یونتایان دستگاهلارین قوشوب، سینماق ایسته ییردی.

بارات گیل دستگاهلاری قوشوب، بیر نئجه لوله نین باشینی بورغولاییب، یونتایاندان سونرا حیس ائتدیلر کی، فیکرلری ذهنی دئیل، بلکه عملی ده اولاییلر. اونلار بو زامان گؤردولر کی، هاوا قارانلیقلاشیر. هئچ بیلمه دیلر، نه زامان آخشام اولوب. اونلار چوخ قورخونج شکیلده قارانلیقدا چؤلون اورتاسیندا اوجا- اوجا دیوارلاری گؤرنده بیلدیلر کی،

گئجه لر بورادا باشقا بیر دوروم حاکیم اولور. هاوا قارانلیق اولاندان چئشیدلی حیوانلارین سه سلری جیو- جیو، هاوهاو و یا تاپ-تاپ شکلینده هر یتردن گلهمیه باشلاییردی. مشدعلی گیریش یترینین یاخینلیغیندا بیر فانیس یاندیریب، کیچیک بیر گؤزتچیلیک اوتاغیندا سیغار چکیب قاپی - پنجره نی باغلایارق، ایچهریه گیریب، ایچهریده اؤز دونیاسینا جوموب - دالدی.

بارات گیل بیر آن گؤردولر کی، گئجه قارانلیغی چؤلون اورتاسیندا بیر آغیر قارا چادیر کیمی هر بیر شیئی آلتینا آلیب، بوتون بو گؤرونمه یین حیوانلارین سه سی یان-یوره دن گلیر و اونلار بو قارانلیغین ایشینده اون متر اؤزونون قاباغی گؤرموردولر. اوتاقدان کیچیک کپسولو اولان قاز چیراغینی یاندیران بارات گیل آچیق شوشه سیز پنجره لرینه ایچینده یئرله شن اوتاقدان هر بیرری بیر کوما پالتارا دایاناراق، یتره سالینان بیر کیلیمین اوستونده اوزانمیشدیلار و هر بیر شئیدن دانیشیردیلار.

اونلار ناهاردان آرتیق قالان یئمه یی یئمیش و اونون اوستوندن چایلارین دا ایچمیشدیلر. هردن صاباحکی ایشلری حاققیندا دانیشیردیلار، هردن ده اؤز خاطیره لریندن، یولداشلاریندان و سوندا هردن قارانلیغین خوفونون اونلارا گوج گلهمه سی اوزوندن اونلار اورادا بیر آزجا ایشیق یاراتماقلا باغلی دانیشماغا مجبور اولدولار. توالت حیطین بیر بوجاغیندا، بلکه آلیی متر گیریشدن آزالی و قاپیدان ائشییه چیخاندا سول طرفده یئرله شیردی. اونا گئدیش یول اوت - علفلی حیطین

ایچینه بیر آیاق یئری یولو ایدی کی، طبعی شکیلده یول گتمک نتیجه سینه یارانمیشدی.

گوندوز آدام ایچینه گتمکدن چکیندی توالین گیریشینه قاپی یئرینه بیر آغیر پارچا اوستدن ساللانمیشدیر کی، اونا انسان آلین وورماغا چکینردی. گنجه اونلارین نجه توالته گنده جکلری اونلاری برک فیکره سالمیشدیر. بارات قاز فانسی ائشیه چیخاریب، یولون یاریسینا قدر گتیریب، مورد توالته گندیب، کیچیک ایشینی گورمه یه ایشیق یاراتدی. اوندان سونرا اونلار قرارا گلدیلر کی، کیچیک ایشلرینی گنجه لر حیطین اورتاسیندا بیر یئرده گورسونلر، یالیز بؤیوک ایشلری اوچون گوندوزلر توالته گتسینلر.

اونلارین فانسلارینین ایشیغینا چئشیدلی بؤجوکلر قاناد چالیب اونلارین ائولرینه هوجوم اندیردیلر. بارات گیل آز مودتده بو هوجومون قاباغینی نجه آلماقدا عاجیز قالدیلار. بعضی بؤجوکلر ایشیقدان سونرا اونلارین اوستونه هوجوم گتیریردیلر. بارات گیل آخیردا مجبور اولوب، فانسی ائشیکده قویدولار کی، ایشیغی دولایی یول ایله ایچه ریہ گلکسین و بؤجوکلر اونلارا هوجوم ائتمه سین. بلکه بئله لیکله اونلار یاریمچیلیق ایشیغین ایچینه بیر قدر آرتیق راحت اولایا بیلرلر.

بونلار آغیر بیر دورومدا نچه ساعات بو جور کئچیردندن سونرا یاتماغا قرار وئردیلر. یاریمچیلیق اوستلرینه اؤرتن ملافلرلی اوستلرینه چکیب، باشلارینین آلتیندا بیر یومشاق کوما پالتار قویاراق یورغونلوقلا

ياتماغا چالیشیردیلار. اونلار بیر طرفدن یورغون ایدی و یوخولاری گلیردی، او بیر طرفدن یئرلری ده ییشلمه سینه، بیر ده یئرلری راحتسز اولماسینا گوره، نهایت اؤزلرین بو قدر بۇر- بۇجوک ایچینه راحت حیس ائتمه دیکلری اوچون یاتا بیلمیردیلر. بونا گۆره اونلار یاتا- یاتا دا دانیشیردیلار. بونلارین ایچینه مورد نچه دقیقه دن بیر یئر آلتیندا بیر شیء یادینا دوشوب، یورغان آلتیندا ییقیلدا ماغا یاشلا ییب گولوردو. سونرا آسدا یا بارات دئییردی: «یئنه نه خبر اولوب؟» او دا باشلا ییب، اونلار یادینا دوشدو یو مسالهنی تعریف ائدیردی. سونرا اونلار هامیسی بیر سوژه تاپیب بیر نچه دقیقه دانیشیردیلار. آخیردا سوژه لر قورتاردیقدا هامیسی یوخویا گئتدیلر.

بارات هئچ بیلمه دی، نه زامان بوینونون آغریسیندا یوخودان او یاندی و گۆردو کی، اونون بوینو باشین آلتینا قویدوغو شالوار بوکه له مه سیندن یئره دوشوب، بوینو شوش قورو یوب. او بیر طرفدن اونون اونباسی قورو یئر اوستونده ائله آغرییر کی، سانکی یکی داش آراسینا قویوب، او یوبسان. او چؤنوب او بیر طرفده یاتماق ایسته دی، هله اونون آغریسی آزالمیردی. هر شئدن بو پیس دیر کی، باراتین یوخوسو قاچدی. بلکه صوبح ساعات اوچ دؤره سینده اولاردی. بارات داها نه جور ائدیردی، یاتا بیلمیردی. ائشیکدن بۇر- بۇجوک سه سلری ده هئی گلیردی. بارات گۆردو کی، مورد اگیل او طرف - بو طرف اولوب، ایکسی ده یاتیلار. بارات هاوانین دا سویوماغین حیس

اندیردی. دونن آخشام هاوا گۆزل ایستی ایدی. ایندی نئجه بو قدر سویوق اولوب، بارات اؤزونه حلّ ائده بیلمیردی. بارات یالنیز بونو بیلیردی کی، چوخ اوشویور و گرک بیر ایش گۆرسون. او آخیردا مجبور اولدو تکجه شالوارین یوخ، بلکه جورابلارین دا گئیسین و اوستونه اؤز ژاکتین ده چکسین کی، بیر آز قیزیشسین. بلکه ساعات دؤرده یاخین یوخویا گئتدی.

ساعات آلتی دؤره سینده او یئنه یوخودان اویاناندا موراد ایله اسدی ده اویاق کیمی گۆردو، آما هاوانین سویوقلوغونا گۆره هئچ بیر یورغاندان قالخماق ایسته میردیلر. اونلار دانیشماغا داها جان آتمیردیلار کی، بیردن یوخولاری قاچسین. بیر ساعاتا قدر بو جور یورغان آلتیندا واخت سوردوردولر کی، یئددیه یاخین بیریر قالخیب و یئرلرین ییغیشدیرماغا باشلادیلار. بارات گۆردو تک او یوخ، بلکه اونلارین هر بیر یونون کیمی گئجه نین فرقلی زامانلاریندا آغیر تجربونه کی کئچیرمیشدیلر. اونلارین حیطین اوزاق بو جاغیندا سویوق یئردن چیخان سودا اوزلرین یوماق، ائله او قویو سویوندان اؤزلرینه چای دوزلدیب- حاضیرلاشماقلارینین دالیسینجا آن واجیب ایش ایدی.

بیریر اونلار حیطده توالته گئدیب، قیریق آفتافانی گتیریب قویو سویولا دولدورب، گئدیب ایشلرین گۆرندن سونرا سو باشیندا آلکیرین و اوزلرین صابون ایله یویاندان سونرا ایچهریه گلیردیلر. سویوق سو ایله اوزلرین یویاندان سونرا اوستوندن سویوق یئل ده ووروب، اونلارین

دوداقلارین قورودوب چاتلادیردی. اونلار ائله آیلیردیلار کی، هئچ یوخودان اثر قالمیر، اونلارین یوخوسونو قاقیرماق اوچون هئچ چایا دا احتیاج اولموردو. بیر زامان گوردولر کی، اونلارین هامیسی یونگول، تر- تمیز سوفره باشیندا اوتوروب، اؤزلرین پنیر- چؤرک و شیرین چای صوبحانه سینه حاضیرلایرلار.

اونلار صوبحانه لرین یئنیجه قورتاران کیمی گوردولر، مشدعلی کیچیک قاپی آغزیداکی اوتاغین قاپیسین آچیب ائشیه چیخدی. پنجره لری ده پارچه ایله خاپایان مشدعلی قاپیدان چیخاندان سونرا نئچه لحظه قاپی قاباغیندا دایاندی کی، گؤزلری ایشیغا آلیشسین. سونرا او دا توالتین اوزون یولونو قاتدی قاباغینا. موفته صابونو سویون باشیندا گؤرموش قوجا کشی آللرین صابونلا یویوب، سونرا اؤز اوتاغینا ساری دؤندو.

بو یاریمچیلیق گئجه- گوندوز بارات، اسد و مورادا گؤستردی کی، اونلارین هله بؤیوک ماجرالی بیر نئچه آیلاری بورادا کئچه جک. اونلار بو تجروبه نی هئچ زامان اونوتمایب، اؤز اوولادلارینا دا تعریف ائده جکلر. گونش یئنیجه هر یئره ایشیق سالیر و اونلارین جانلاری دا قیزیشماغا باشلایردی. اونلارین هله ده جانیندا چیخمامیش گئجه نین سویوغو یاواش-یاواش اونلارین جانیندا چیخیردی. اونلارین باشلاری، آیاقلاری و بدنلری قیزیشاندا سونرا حاضیرلاشدیلار کی، بؤیوک سالونا گئدیب، ایشه باشلا سینلار.

بارات گیل سککیز قوشا دمیر لوله‌نی تاوانا گئدن دمیر دیرکلر
 یئوننده سو لوله‌لری ایله پارائل اوچ ایله دؤرد متر اوجالیغیندا دیواردا
 چکمه‌یه باشلادیلار. بو ایشی کونترول اوتاغینین یاخینلیغیندان
 باشلادیلار. اونلار بو ایش اوچون سالونون ایچینده اولان بؤیوک
 نردیوانی اوچو بیرلیکده سوروتله‌یه-سوروتله‌یه چکیب، اورا دایادیلار.
 سونرا رابط برق سیمینی چکیب، اونونلا دیوار ده‌لن دریلی
 چالیشدیرماغا باشلادیلار. اونلار دیواری ده‌لیب و لوله‌لری قوشا شکیلده
 بیربیرین یانیندا سککیز سیرادا چکمه‌یه باشلادیلار. اونلار لوله‌لرین
 باشینا رزبه ووراراق، بیر رابط باشی ایله او بیرى لوله‌یه یاپیشدیریب،
 سونرا یئنی یاپیشان لوله‌نی دریل، رولپلاک و داها سونرا پیچ (وینت)
 ایله دیوارا قوشوردولار. اونلار ناھاراجان بلکه دؤرد سیرادا دؤرد لوله‌نی
 بیربیریلە قوشا اولاراق دیوارا وصله ایله یاپیشدیریدیلار. اونلار دالیا
 چکیلیب، بیر طرفدن اؤز ایشلرینه اؤیونور، او بیرى طرفدن ده بو ایشلرین
 بو آز سورعتله ایره‌لی گئتمه‌سی ایله اونلار بیر ایله بورانی قورتارا
 بیلمزديلر. اونلار اؤزلرین بو ایشه آلیشدیراراق ایشین قیلغین آلرینه
 آلماغا چالیشیردیلار.

ساعات اون ایکیده مورد یئنه ناھار بیشیرمه‌یه گئتدی. او اؤز
 آسپازلیغینا هامیدان چوخ ماراقلانیردی. ایشی باشلایب، یولا سالماغا
 چالیشان بارات دا نردیوانین اوستونه چیخمیشدی و آشاغیدان اسد اونا
 هردن لوله، هردن دریلی و هردن ده رولر پلاک یا پیچ-مه‌ره وئیردی.

او دا هردن دیواری چتینلیکله دهلیب، اونا رولر پلاک سالیب، پیچلری باغلاییردی. چوخ زامان پیچلر ایسته دیکلری کیمی دیواردا داوام ائتمیردی. اونلار متهلری ده ییشیب، ایشلرینه داوام اندیردیلر.

ساعات بیرده موراد اونلارا خبر وئردی کی، ناهار حاضریدیر. اونلار اوتاغا ساری گئدیپ یئمه یین عطری اونلاری داها سرعتله سفره طرفینه چکیردی. تر-تله سیک حیطه قاجیب آل-اوزلرین صابونلاییب، یئره سالینمیش قزئت صفحه لرینین اوستونده قویولموش چؤرک و یئمه یه هوجوم ائتدیلر. بو دفعه موراد اونلارا قیرمیزی بادیمجان اوملئتی ییشیرمیشدی. اونلار اوملئتی داغ-داغ آغیزلارینا قویوب، چینه مه دن اودوردولار. اونلار قابلارین دا لاواش چؤرکلری ایله سییریپ، چؤرکلری یئیپ، قارینلارین دویوزدوردولار. دینجه لیب چایا حاضر اولارکن اؤز-اؤز لرینه دانیشیردیلا: «حیطه بیر ایشیق چکمه لیک و اؤز اوتاغیمزا دا بیر آیری ایشیق چکمک واجیدیر. بو ایشه هم اؤز رابیط سیملری، هم ده انباردا اولان سیملردن ایستفاده ائده بیلرلر.

خیاللاری بیر قدر بو موضوعدان راحت اولاراق، بیر داها ایش باشینا دؤندولر. بارات چوخ چالیشیردی کی، بوگون هر نه اولورسا اولسون، سککیز سیرا لوله لرین آن آزی هر بیریندن بیرینی دیواردا قوراشدیرسینلار. بو ایشین اونلار طره فیندن گئرچکلهشمه سی آرتیق اوچ ساعات زامان آپاردی. بو زاماندا بارات بیر-بیر موراددان و آسددن ایسته دی کی، اونلار دا نردیوانا دیرماشیب، لوله لرین داوامیندا

چالیشسینلار، هرهسی بلکه بیر لوله قوراشدیرسین. قالان ایکی ساعاتین ایچینده مورد ایله آسد هر بیر لوله دیوارا قوراشدیرماغی باجارمیشدیر.

آخشام هله چوخ گنج اولمادان بارات گیل ایشلرین تعطیل ائتدیلر کی، بلکه اؤز اوتاقلارینا ایشیق چکسینلر، سونرا واخت دا اولسا، حیطه ده چکه ییلسینلر. بارات گیل سینادیقدان سونرا گوردولر کی، رابط سیملر کونترول اوتاغیندان اونلارین اوتاغیناجان گلیر. اونلارین ایکینجی موشکوللری بو ایدی کی، سیمی لامپین باشینا نئجه باغلا سینلار. چوخ چتینلیکله، بیر قدر ریسکلی اولاراق، بارات زولاق یاپیشقانی ایله یاپیشدیریپ، بیر لامپی رابط سیم ایله ایشیقلا ندیرا ییلسین. بو زامان بیر آز خیالی راحت اولاندان سونرا اونلار پنجره لری باغلاماغا باشلادیلار. اونلار آرتیق زامان آلدده ائتمه دیلر کی، حیطه ایشیق سالسینلار. بارات گیل او ایشی ده صاباحا، یا آیری بیر گونه بوراخ دیلار. ایکینجی گنجه بارات گیل بیر آز آرتیق حاضریقلاری وار ایدی، آما قارانلیغین خوفوندان، بؤربؤجیون ایشیغا ییغیشماسی و اونلارین سه سلریندن آماندا قالا بیلمیردی لر. اونلار چالیش دیلار آرتیق اؤزلرین اوتاقلارینین ایچینده ساخلا ییب، دانیشی قلا یورغونلوقلارینی دا آلسینلار. اونلارین هله اورایا گلمه لری ایکی گون اولما میش تئز بو اوچ گونو قورتاریب تبریزه دؤنمه یه تله سیردی لر. اونلار گتیردیکلری ارزاقین

دا اصلی بۇلوملىرى آزالماغا باشلايىب، يىرآلما، سوغان و چۆرك
قالىردى. بىر آز دا پىنر- چۆرك...

ايكىنجى گىجە ياتماق اوچون اونلار يىرلرىنىن داش كىمى و
راحتسىز اولدوغونو و گىجە يارىسى هاوانىن سووياجاغىنى بىلدىكلرى
اوچون اۆزلىرىن بو دفعە حاضىرلايمىشديلار. آما بو حاضىرلىق كفايت
ائتمەيىب، اونلار اوچو دە گىجەنى او يان- بو يانا دۇنوردولر و
راحتسىزلىق سەسلرى گليردى. خصوصاً صاباها ياخين هله هاوانىن
قارانلىغىندا اونلار بىر- بىر يوخودان اويانىب، سويوقدان و بدنلرىنىن
آغرىسىندان ياتا بىلميردىلر. نە قدر قارانلىقدا و سويوقدا هاوانىن
ايشىقلارنىن گۆزلەيىردىلر، هاوا ايشىقلانميردى. اونلار هىچ بىلميردىلر،
گىجەلر بو قدر اوزون اولار، بو گىجە هىچ قورتولمالغا گليردى.

اوچونجو گونو دە اونلار باشلاديلار ايكىنجى گونون ايشلرىن
داوام اتتىنىلر. لولهلىرى ديواردا سىككىز سىرادا تاوانا گىندن دمىر
دىركلىرىنە سارى قوراشدىرىدىلار. بو ايش چوخ ياواش گىندىردى.
اونلار ديوارى دەلىب، لولهلىرى پىچ ايله باغلاماقدا چىتىلىكلە قاباغا گىندە
بىلىردىلر. نە قدر دە ياواش اولسايدى، اونلارنىن اوچو دە ايشلرى
ياواش-ياواش قاباغا آپارىب، ايشىن چىتىلىسىنى باشا دوشوردولر. اونلار
اولوب قالان يىرآلما، سوغان و يومورتانى ناھار بىشىرىب، آخشامى
گۆزلەيىردىلر كى، تىرىزە دۇنسونلر.

اونلار بير كۆلگه كيمي آرادا دولانان و هر دن ده اؤز قارا پيشي كيمي گؤرولمز- بيلنمز بير كولگه تڪ بيردن تاپيلان مشد علي ايله دانيشيغين باشين آچميشديلار كي، اؤزلىنه بير دوموك تاپيب، دارىخمادان چيخسينلار. گنجهلر اونلار نه قدر ده آز ائشيكده اولسايديلار، مشدعلي نين پيشيينين ايشيغا ييغيشان بۇربۇجوكلره سارى يومولوب، اونلارى گۆيده قاپماسين گؤرموشدولر كي، قارانليقدا اونلارين اوزونه بير آز گولوش گتيريدى. بو دفعه بارات گيل بيليرديلر كي، هم گنجهلر اؤزلىنه آرتيق ياتماق اوچون پتى و باليش، هم ده اؤزلى اوچون آرتيق پالتار گتيرمه ليديرلر. بيرايكي باشقا لامپ و لامپ باشى آليب، يئمك اوچون ده بلكه قيزارديلميش ات و گئج خاراب اولاجاق بير آز ماتريال گتيرسهلر، داحا ياخشيدير. بلكه پنجره لرى توتماق اوچون ده نئچه متر نايلون و پونيز آلسينلار. اونلارين حاضيرلىق ايشلىرى اورادا بير آز آرتيق راحت اولمالارى اوچون چوخاليردى. بو فيكىرلرين ايچينده اولاركن، آخشام يئتيردى و اونلار حاضير اولدولار كي، تبريزه سارى گئتسينلر.

بو اوچ نفر اورا ايلك دفعه بو روحيه ايله گلמידيلر كي، بير بۇيوك قالانى فتح ائله سينلر، اوچ گوندن سونرا بئله ائشيه چيخريديلار كي، سانكى اوچو ده زينداندان آزاد اولورلار. اونلار يوكلرينين تقريبا هاميسيني اوتاقدان بوراخيب، يونگول آياق دروازه دن ائشيه چيخيديلار. مشدعلي اونلارين داليسينجا تئز داروازانين داليسينا زنجيرى ساليب،

قیفلی باغلادی. اونلار جاده‌نین کناریندا گلن هر بیر ماشینا آل قووزاماغا باشلادیلار. نهایت، دالیسی بوش بیر وانت ساخلادی. اوزو کولک و گونون قاباغیندا ایشله‌مکدن چات-چات اولموش و دوداغیندا سیغار اولان وانتین شوفرینه هامیدان قاباق اونا ساری قاچان مورد دئدی کی، ییز مرندده گئدیریک. سوروجو ده قبول ائتدی. اونلار وانتین دالینا آتلانیب میندیلر. اونلارین اوچو ده سوروجودن تشکور ائدی، وانتین دالیندا هره‌سی بیر بوچاقدا یئرله‌شیپ، آلرله بیر یئر محکم یایشیب، تارازلیقلارین ساخلایارق اوجادان بیر-بیرلرله دانیشماغا باشلامیشدیلار. اونلار زنداندان چیخان اوچ آدام کیمی اؤز ائولرینه ساری بیرنجی آتددیمی آتیپ، یوللانمیشدیلار.

مرندده اونلار پشه‌سی یوک داشیماق اولان وانت شوفرینه پول تعاریف ائله‌دیلر. او هئچ نه قبول ائتمه‌دی. بارات گیل بیر داها تشکور ائده‌رک تبریز مینی بوسلارینین دوراغینا ساری یولا دوشدولر. اونلار دوراغا یئیرمه‌میش خیاباندا موسافیر چاغیران مینی بوسو گؤروب، آلرین اوجالیدی، اشاره ایله تبریزه گئتدیکلرینی بیلدیردیلر. اونلار مینی‌بوسا مینندن سونرا حیس ائتدیلر کی، اونون صندلیری سلطنتی موبللاردان دا آرتیق راحتدیر. اونلارین قورو یئرده اوتوروب -یاتماخدان آغرییان یانلاری ایندی قوشلار توکو ایچینده ساخلانمیش کیمی نظره گلیردی. اونلارین هئچ بیر اؤز سئوینجینی گیزله‌ده

یلمیردی. اونلار یاریم ساعات دانیشاندا سونرا هئچ بیلمه دیلر نه زمان مینی بوسون ایچینده اونلاری یوخو باسمیشدی.

بیر زمان مینی بوسون دال بادل سیگنال چالما سینا یوخودان آیینیب و گۆردولر کی، داها تبریزین ایچینده دیرلر. اونلارین اوچو ده گۆزلرین اوو کالاییب، بیر آز گرنشیدیلر. سونرا «آبرسان» دؤرد یولوندا اونلاری مینی بوس یثره سالاراق اونلار مینیک ماشینلارلا چنه وورماغا باشلادیلار. هاوادا بیر یئل وار ایدی کی، اونلارین یوخولارین داها آرتیق قاجیریدی. سوندا بیر ماشین اونلاری زعفرانیه یه آپارماغا حاضر اولدو. مینیک ماشین ایچینده اونلاردان سونرا ایکی آیری موسافیر و شوفرله آلتی نفر ساندویچ کیمی اونلارین ائولرینه ساری یوللاندیلار. یئنه ده مینیک ماشین ایچینده اونلاری یوخو باسیردی، آما یولدا سیگنال چالمالار و ویراژ وئرمه لر اونلاری او یاق ساخلادی. نهایت زعفرانیه ده اصلی خیاباندا اونلارین ائولرینه یاخین یثرده ائنیب و ائوه ساری یوللاندیلار.

بارات گیل بیر آیری عایله موشکولو ایله قارشیلانمیشدی. سعیدین شیمی درمانی مساله سی یاخشی آلمیردی و اونون جانیندا سرطان وزیسی داغیلمیشدی. هئچ کس او گۆزل گولش قباق اوغلانین

باشينا بئله بىر اولايىن گىلمەسىنى ھىچ منطىقلە قبول ائدە بىلمىردى. اونو ائولرىندە ھامى و آتاسى دا اوشاقلارنىن ايچىندە اونو ھامىدان چوخ ايستەيىردى. بو كىچىك چىچەين سولماسىنى ھىچ قبول ائدە و سئندىرە بىلمىردىلر. اونون بدنىندە قانى آردىجىل دەيىشلىمەلى ايدى. بونا گۆرە اونلار مجبور ايدىلر، اۆزلىرى قان وئرىب، سونرا وئرىلن قانلارى اونون قان قروپو اولان قانىلا دەيىشمەلى ايدىلر. بو خبر تبرىزە گلندە باراتىن قارداشى يوسفىن ادارهسىندە چالیشان مھندىسلر و بارات گىلىن اۆزلىرىندە نىچە نفر قان وئرمەيە حاضىر اولوب و قان وئردىلر. بوتون بو چالیشمالاردان بىر نىتىجە آلدە اولمايلاق، او كىچىك چىچىك گونو-گوندىن آرتىق سولوردو. نىگار مجبور اولاراق، ھردن سولدوزا باش ووروب، سەيدى گۆروب، تبرىزە دۆنوردو.

بارات گىل تبرىزە دۆندىن سونرا آسدى تبرىزە قالمادى. او گىنجەنى ميانا شەرىنە گىتدى كى، زۆھرە و دونيانىن يانىندا اولسون. موراد ايله بارات يىكە دوكانلارا گىندە جىكدىلر كى، اورانىن ايشلىرىنى باشىنى دۆيۈنلەسىنلر. اونلار بىرىبىر آغاردىلان ائولرىن چىراقلىرىن، كىلىدلىرىن و بۇلگوقوتولارىنى باغلاسىنلار. اونلار ايشلىرى بىرەبىر اورادا قورتارماغا چالیشىردىلار. بو بىرى طرفدن «مىرند»ىن ايشلىرى چوخ دالىيا دوشموشدو، ھم دە اونلارنىن ايشلىرىنىن سورعتى حددن آرتىق ياواش قاباغا گىندىردى. بو سورعتلە قاباغا گىتسە، اونلار ايشىن سونوندا

ایسته‌دیکلری کیمی قازانج ائده بیلمه‌یه جکدیلر. بو مساله ایله یاناشی،
فَنّی باخیمدان دا هله جیدّی موشکوللری وار ایدی.

هفته سونونو مرندده کئچیرندن سونرا بیر داها آسَد تبریزه گلدی.
اونلار اوچو ده قرار وئردیلر کی، مرندّه گنّدی، ایشلری قاباغا
سالسینلار. بو دفعه آسَد میانادان گلنده اؤزویله بیر آیری آغیر خبر
گتیرمیشدیر. بو خبر «صلاح» حاققیندا ایدی کی، بارات گیل ایله
سولدوزون شهر کمیته‌سینده اولان و بارات ایله بیرلیکده چیخیب و
قاچان یولداشلاری توتولوب، زیندانا سالینمیشدی. بو بیر ایل یاریمین
ایچینده اونلارین ایچیندن سیروس، آرسلان و صلاح - اوچو
توتولموشدو. اونلاردان بیر ماحمود، بیر ده بارات توتولمایب، گیزیلی
یاشاییردی‌لار. بارات ماحمودون هارادا اولماسینی بیلمیردی، آمّا ماحمود
اونون هارادا اولماسینی بیلیردی. بارات بیر داها دورومون آغیر
اولماسینی حیس ائدی، نظریندن کئچیردی کی، همیشه کی کیمی اؤز
پرنسپینه داها گوجلۇ باغلی قالسین. او دا، امنیتی مساله‌لره گلدیکده
همیشه دوشمنیندن بیر آتدیم قاباق اولسون.

سیروس قاباقجادران بارات یئنی تبریزه گلنده اونلارلا گئجه‌لری
ماحمودگیلده آرسلان ایله بیر یئرده اولاندا نئچه دفعه دئمیشدیر کی،
«علی» - تهران‌دان یا هارادان گلدییی بیلنمه‌ین و غربی آذربایجان
تشکیلاتینین اصلی مسؤلاریندان اولان او جاوان فارس اوغلان
توتولاندان سونرا بوتون غربی آذربایجان تشکیلاتینین کروکیسین امنیتی

مامورلار چكيب، وئرميشدى. بارات بو نظردن اۋز اورەين سرينلەيدى كى، يولداشلارى ايشكنجە آلتيندا چوخ آجيلق چكەيەجكلر. او، بو بيرى طرفدن يولداشلارين بير قهرمانلار كيمي تصور ائيدى كى، ايشكنجە آلتيندا اۋلومە قدر داياناراق، اۋز آماللاريندان دفاع ائەجكلر. بارات هم دە گون بە گون ايشكنجە آلتيندا سينيپ و داغیلانلارين خبرلرين ائشيدىدى. شاه زامانيدا ایللرلە داوام گتيرن آداملارين بو رژيم باشينا نه اويونلار گتيريرميش كى، سينيپ داغیلیب سونرا اۋلكەدن ائشيە چيخردیلار. بارات گیل ايشكنجەلرين عاغلا سيغماز درەجەدە وحشيە سينە اولماسيني دال بادال ائشيدىدىلر.

اونلار مرنده گلندە بارات چۇلون اورتاسيندا هم اۋزونو چوخ آچيق خطر آلتيندا گۇروردو، هم دە چوخ امنيتلى. بارات اۋزونون يئرینی چۇلون اورتاسيندا كيمسە بو راحتليقلا بیلە بيلمەيەجەيى باخيمدان خيالى راحت ايدى، آما اونون يئرینی تخمين ائە بيلمەسي احتمالي و اونون هئچ قاقاق يئرینين اولماسيني اۋزو اوچون نقصان سايىردى. عموميتلە بارات يئرین چوخ امن گۇروردو. بارات، صلاح ایلە آرسلانين زينداندا نه دورومدا اولمالارینی فيكريندن چيخارا بيلمىردى. ايشلرينين گئرى قالماسينين باسقيسى دا باراتا آیری بير تضيق گۇستىردى. بارات گیل بو دفعە مرنده گلديكلريندە اۋزلريلە چوخلو پالتار، پتى، باليش و يئر-يئمەلى و ايشيقلق اوچون لامپ و بير دنە دە قوّه چراغی گتيرميشديلر.

بارات گیل ایشلری قاباغا سالماق اوچون گونده اوچ شیف
 ایشله‌مه‌یه قرار وئردیلر. صوبح تئزدن ناهارا، ناهاردان آخشاما قدر و
 نهایت شامدان سونرا ساعات سککیزدن ساعات اون ایکیه قدر. بو
 آغیرلیقدا - اونلارین ایشلری هم فیزیکی باخیمدان آغیر، هم ده فنی و
 تکنیکی باخیمدان چتین، خطرلی و مسئولیتی شرايطده و نهایت هم ده
 اونلار سقفین دمیر دیرکلرینی ده‌لیب و مهتابی چیراقلاری گویون
 اوجالیغیندا باغلاماسی دا چوخ خطرلی بیر ایشدیر. بو ایشی اونلار هنج
 بیر ایمنی ایمکانلار اولمادان گویون سککیز-دوققوز متر اوجالیغیندا
 گؤروردولر. بارات گیلی بو باسقینین آلتیندا او قارانیلق گئجه‌لرده فیکری
 باخیمدان دینجلدن بیر سیرا اوخودوقلاری خاطره‌لی ماهنیلار ایدی. بو
 ماهنیلارین چوخو رشید بهبودوفون اوخودوغو و هر بیر ایله اونلارین
 خاطیره‌لری اولان ماهنیلار، بعضیلری ده فارس ماهنیلاری ایدی. بو
 ماهنیلارین بیر ده «مرضیه»نین اوخودوغو فارسجا ماهنی ایدی کی،
 بو بیت ایچینده وار ایدی: «نیمه شبان تنها در میان صحرا گمشده خود
 را میجویم» و یا پروینین اوخودوغو «امشب در سر شوری دارم»
 ماهنسی ایدی کی، اونلاری هم قارانیقلارین ایچینده درین رؤیالارا
 آپاریب، هم ده اونلارا روحی گوج وئیردی کی، ایشلرینی دها
 گوجلو گۆره بیلسنلر.

بارات گیل سککیز یا دوققوز متر اوجالیقدا گویون قاتیندا تاواندا
 دمیر دیرکلرین هنج بیر امنیتی و ایمنی بیر امکاناتین اولمادیغی بیر

شرایطده ایشلرینی گۆروردولر. اونلار دمیر دیرکلری «بورغو» ایله دلنده دمیردن قالخان چیرتلاقلار اونلارین قوللارینا، اوزلری و باشلارینا تۆکولوب و دوققوز متر اوجالیقدا ائله یاندیریدی کی، کاباب قوخوسو وئیریدی. اونلار او اوجالیقدا او یانیقلارا دؤزوب، سیرا ایله بیربیر یوخاریا گئدیب، مهتابی چیراقلاری دمیر دیرکلرینه باغلایب، اونلارین چیراقلارین سالیب، قاپاقلارین باغلایردیلار. ساعات اون ایکیده ایشدن دؤندن سونرا داش کیمی ییخیلیب، سحره قدر یاتیردیلار. سحرلرده سویوق اونلاری بو یورغونلوغون ایچینده یوخودان اویادیردی. اونلار چتینلیکله داوام گتیره ییلیردیلر.

بو گون مورد اؤزو ایسته دی کی، گئدیب ناهار بیشیرسین. بارات گیلین آتلری یوخ ایدی. اونلارین یئرآلما، سوغان، ماکارونی یومورتا و ها بئله بیر قدر آیری شیلری وار ایدی. مورد تئز گئدیب، آز بیر زاماندان سونرا اونلارا دندی کی، ناهاری قویوب بیشسین. اونلار موردان سوروشدولار: نه بیشیریسن؟

- ماکارونی ایله یومورتا.

بارات ایله آسد دریندن گولوب، نئجه ماکارونی ایله یومورتانی بیشیرمک اولار؟ دئدیلر. آما اونلار نئجه ساعات چالیشانان سونرا قاپاقلارینا داش دا قویولسلایدی، ییئه جکدیلر. ناهار واختی یئتیشنده سوفره نی آچدیلار و مورد قابلامانی گتیردی، بارات گیل گۆردولر کی، او ماکارونینی که ته کیمی بیشیریب، اونو یومورتا، یاغ و دوزلا

قاریشیدیریدیر. اونلارین ناهارلاری داش کیمی برک اولموشدور. اونلارا قاشیق یئرینه بیچاق لازیم ایدی کی، ناهاری کسینلر. آج اولدوقلاری اوچون ناچار قالاراق «کرمه» کیمی اونو کسب، ناهارا یئمیه باشلادیلار. اونلارین بو وضعیتلرینه باشی سامانلی دا گولردی.

شاما داها بیر یونگول یئمک دوزلتمیشدیلر. مشدعلی نین ایکی نفر اؤزوندن یاشلی قوناغی وار ایدی کی، بعضاً اونون تک قالماماسی اوچون گنجهلری گلیب اورادا قالیردیلار. اونلار حیطین اورتاسیندا پیلهلرین یاخینلیغیندا اود یاندیریب، اونون باشیندا اوتوروب شاملارین یئیردیلر. مشدعلی نین ده پیشیی آلووون ایشیغنین قاباغیندا بیر شیطانی موجود کیمی گویه آتیلیب، آلوووا گوره ییغشان بؤجوکلری توماق ایسته ییردی. او بو آتیلمالارین ایچینده گؤزلری هردن شعله چکیب آلوودان دا آرتیق پاریلدا ییردی. ایشیق یالنیز اون بئش متره قدر گئدیردی. اوندان سونراسی قارانلیق، اوت-elf و کیچیک حیوانلارین جولانگاهی ایدی. اونلارین آلووون باشینا ییغیشمالاری بیر-بیرلرینه گوج وئریب، اونلاری قویموردو کی، حاواسلاری قارانلیقدا گورونمه یین درینلیکلره گتسین.

بو آلوولارین سه سی و یوخاریا چکیلمه سینین ایچینده مشدعلی نین پیشیی شیطانی بیر بایراملیق ائدیردی. او هردن بیر بؤجوو توتوب، ایکی خیرچ-خیرچدان سونرا اونو ایچه رییه سالیردی. بو حرکت باراتا چیمچیمه لی اولوب اونو راحتسز ائدیردی. بو آتیلیب

دوشمه‌لرین ایچینده بیر دفعه پیشیک بیر بؤیوک بوجویو باراتین یاخینلیغیندا توتوب، اونو یئمیه باشلادی. اونون خیرج-خیرج سه‌سی گلنده بارات بیردن-بیره بيلمه‌دن گوردو کی، اونون آغزی تورشاییر. بو تورشامانین ایچینده بیردن حیس ائتدی کی، اونون اوره‌یی بو ایشه بولانمایا باشلاییب. اؤزونو ساخلایا بيلمه‌یب قاجدی سو طره‌فینه. او شاما نه یئمیشدی، اونو قایتاردی و بیر آز باش آغریلا بیرلیکده آلولارین و پیشین اویناماغینین قوناقلیغینا قایتدی.

بیر گون بو یورغونلوغون ایچینده، مورد تاواندا بیر باغلی قاپی یئری گوروب، اونا حساس اولوب نردیوانی گتیردی و چیخیب اورانی گوجلہ آچدی. اورادا بیر نچہ فرقلی اؤلچولرده نردیوانلار وار ایدی. مورد نردیوانلا چیخیب قاپیدان اوستده قالخاندان سونرا دئدی کی، بورادان تاوانین اوستونه چیخیلیر. بارات گیل ده حساس اولوب اونون دالسینجا دیرماشدی‌لار. او زامان دامین اوستدو گنجہ‌نین یاریسیندا نه گؤزل آچیق و ایشیق ایدی. دامین اوستونده نه بؤر-بؤجو کلردن بیر ایز وار ایدی، نه اوت-علفدن. اوزانیم گویه باخاندا دا قارانیق په‌سهرین (تاوانین) یئرینه، گؤیده بوتون اولدوزلاری گوردولر. اوندان سونرا او اولدو، بو اولدو اونلار هر گنجہ دامین اوستونده یاتماغا گئدیردیلر.

ایشلر یاواش-یاواش قاباغا گئدیردی. بارات گیل هامیسی اؤزلرین بیر غرور ایچینده حیس ائدیردیلر. اونلار گنجہ اولدوزلارا باخاراق گوندوز گونون ایشیغی آسفالتینی ایستی ائتدی دامین اوستونده

اوزانېب گۆيلره باخېب، اولدوزلاري آرايرديلار. بارات اونورسيته ده داغلارا گئتديي هفته ليك داغچيلىق گونلرني يادينا سالاراق بيربه بير اولدوزلاري آراياراق اونلاين اوزوندن جهتلري گؤستريردي: شمال اولدوزلاري، بؤيوك آي و كيچيك آي مجموعه لري، پروين سالخيمي (اولكر)، و نهايت سحر چاغى دان اولدوزو. اونلار گنجهلر اولدوزلارا باخاركن اولدوزلارين دالبدال گؤز وورمالاري بؤجو كلرين سه سلى ده اولدوزلارين گؤز وورمالارينين سه سلى نه بنزه بيردي. بارات گيل كايناتين بؤيوكلويونه حيران قاليب، اؤزلرين يثلى مصيترلرندن آييريب، طبيعته بوراخيرديلار.

طبيعتن گؤزல்லينين آرخسيندا اونون آغيرليغينين دا گوچو چوخ آغير اولوردو. هر گون صوبحه ياخين اونلارين ياتيغى يثرين ايستيسى آرتيق گئندنه هاوا ائله سويوق اولوردو كي، هئچ يورغان - دؤشك ده اونلارين جانين قيزديرميردي. اونلار باشلارينا شالواردان- زاتدان بير شئ چكيرديلر كي، او دا باشلارين قيزديرميردي. هر نه ايش گؤروردولر، سويغون قاباغين آلا بيلميرديلر. مورد چوخ زامانلار يامان دئييب، قالخب آشاغيا گئديب و اوتاقد ياتيردي. آما بارات بيلميردي، آدينى دليليك قويسون، يا عشق و رمانتيك بير دوشونجه، دؤزولمز سويغو اولدوزلارين آلتيندا ايچه رينين ايستيسيندن اوستون توتوردو.

هر گنجه ساعات اون ايكي گنجه ياريدا بير قاطار گليب، ساللاق خانانين قاباغيندا، بلكه ايكي يوز متر قاباقدا جاده نين قوشاليغيندان

كئچن ده مير يولوندان جولفايا و اورادان سويتلر بيرليينه گئديردي. قاتارين اوزاقدان گلن «دوزنلى گلن «تاك- توك سهسى بير موزيك كيمي اونلارا هم موسيقى كيمي سهسلنيردي، هم ده گئجه ياريسيندان خبر وئيردي. اينديه كيمي آياقلارين اؤلكه دن ائشيه قويمايب و ائشيك اؤلكه لردن بير خبري اولمايان بارات گيل سويتلر بيرلييني (شوروى نى)، آزادلىق، عدالت و تمدن يئري بيليرديلر. اونلار سينيرلارين و جولفانين او طره فينى آرزولار اؤلكه سى و «مدينه فاضله» يليب، اورانى سوسيالىستى بير اؤلكه كيمي تانييرديلار. اونلار بو قاتارى آرزولار ائونه گئدن قطار بيليرديلر. بارات هر گئجه ساعات اون ايكيده گؤزون بو قاتارين گلمه سينه دوزه رك، اونون كوپه لرينه باخيردي. بوتون كوپه لر يوك آپايرديلار، آما بير نئچه سى ده موسافر داشييردي. بارات اوزاقدان قاتارين ايشيغندا كوپه لرين ايچينده اوتوران آلينده كيتاب، ياقزته اولان موسافيرلرى گؤروردو. دامين اوستو اونو هر باخيمدان آرزولار دونياسينا، يا دا يئردن اوزوب و اولدوزلار آراسينا آپايريردي. بو بؤيوك نعمت اوچون سحرين سويوغون جانينا آليردي.

هفته نين سونوندا نظارتچى موهندس ايشه باش وورماق اوچون گلميشدى. او سالونا باخاندا بوتون مهتابى چيراقلارين باغلانيب و لوله لرين چكيلمه سيندن راضى اولدو. اونلارين دا اوركلرى سويندى، بلكه اونلار بير راپورت يازيب و ايشين قاباغا گئتمه سى اوچون بير مقدار

پول آلسینلار. هم ده اونلار يئنه ده يئكه دوكانلارين ايشلرين تاماملاسينلار و اورادان دا بير ميقدار پول آلا بيلسينلر. اونلار ايشين قاباغا گئتمه سيله ايكي - هم يكه دوكانلار ايشينه مورادين آدينا پول ايسته ميشديلر، هم ده آسدين آدينا آنلاشما يازيلان مرندين ايشينه و سالونون ايشينين تقريباً چوخون گؤرولمه سي اوچون. بو پولدان مورادا آز چاتا جاقدي، چونكي او اؤز پايينين چوخونو قاباچادان ائولنمك اوچون آليب آپارميشدير. اونلار پولو آلانلار سونرا اؤز آرالاريندا بؤلدولر، بو بؤلوشدن سونرا آسد ايله موراد بيرى ميانا و او بيرى سولدوزا اؤز ائولرينه سارى دؤندولر. بارات يئنه ده تبريزده تك باشينا قالدى. او دا تك باشينا يئكه دوكانلارين آخيرا قالان ايشلريني گؤروردو كي، بلكه قورتارسين و بوتونلو كده آخيري نجي دفعه ليك تحويل وئره بيلسين. بو آرادا تبريزده نيگار ايله زؤهره نين جاسيم آدلى بير اوغلان ايله ائولنميش قديم يولداشلاريندان گئت. گل ائديرديلر. قاباچادان تبريز اونيورسيته سينده اوخويان اونلارين «پرى» دوستلارى پيشگامين جىدى اؤيرنجيلردن ساييليردى. «جاسيم» دا چاليشقان و تانينميش فدايى سولچولاردان ايدى. او دا تبريزين ماشين قايرما فابريكاسيندا چاليشيردى. «پرى» ده ائوده اونلارين كيچيك اوغلانلاريندان موغايات اولودو. بير-ايكى دفعه بارات گيل اونلارين ائولرينه گئندنه بارات حيس ائتميشدير كي، اونلارين يولداشلارينين هاميسى سولچو فدايلردندير. نه دن بونلارين تشكيلاتلارى يوخدور؟ اگر وارديرسا، بلكه امنيتى

سبيلره گۆره اونلار بارات گيلدن دعوت ائتميرديلر كي، تشكىلاتا قاتيلسينلار. بارات هميشه قاپيلاري آچيق قويوب، اوزونو اولاييلن تشكىلاتين ياخينليغيندا گوروردو. آنجاق تشكىلاتين اولوب - اولماماسيني بيله بيلميردي. بلكه تشكىلات باراتي بير تانينميش طعمه كيمي گوروردو كي، گنج - تنز توتولما احتمالي وار. بونا گۆره اونو تشكىلاتا داخيل اتمه يي او بيريلرين ده خطر سالا بيلمه سينه سبب اولاييله جه ييندن چكينيدي..

اونلار يايين آخير آينا گيرميشديلر. نيگار بير قدر ناراحاتليغي وار ايدى. آخيردا باش آغرى، باش گيجلمه و بولانماسيندان سونرا حكيمة گئتدى. او سونرا خبردار اولدو كي، بويو اولوب بلكه اوشاق دا آي ياريم-فلان اولسون. اونلار چتين بير شرايطله قارشىلاشميشديلار. يئنيجه آرسلان ايله صلاح، هله بير ايل بوندان قاباق، سيروس دا توتولوب. باراتين ايش دورومو معلوم دئييلدير. باراتين اوزونون هر گون توتولوب زيندانا دوشمه احتمالي وار ايدى. نيگارين اوزو نئچه آي بوردا، نئچه آي اورادا چاليشيردي. اوشاق حاققيندا تنزليكله بير قرار وئرمه لي ايديلر.

بارات بو قراري وئرمكده اساس وظيفه ني نيگارا بوراخدى، هم ده اونا دئدى كي، «پري» ايله مصلحتلشسين. بارات اوز فيكريني اونا بيلديردى كي، اونلار هئچ باخيمدان بير آيري نفرين اوز عاييله لرينه آرتيريلماسي شرايطينده دئييلر. اونلاين هله «كوپن» دفترچه لري ده يوخ

ایدی. بارات نیگارین باخیشیندان و دانیشیغیندان حیس ائدیردی کی، او بو اوشاغی ساخلاماق ایسته ییر. آما نیگار دا بیلیردی کی، اونلار هر آن باراتین توتولما قورخوسونو یاشاییرلار. اونلارین هئچ بیر مالی و واری یوخ ایدی کی، اونا دایانسینلار. آغیر بیر شرایطه نیگار پری ایله بیرلیکده ائوینده «کورتاژ» ائدن بیر پرستارین یانینا گئتدیلر. بارات اونلارین بیرلیکده گئدیپ، نئچه ساعات سونرا بیرلیکده گلمه لرینی گؤردو. نیگار بو دفعه دؤننده سانکی جانیندان بیر بؤلوم قوپاریلمیشدی. اونون اوره یی ده دولو ایدی. آخشام چوخلو آغلادی. بارات اونون وئردیی قرارین داها منطیقلی اولدوغونو آچیقلاماغا چالیشیردی.

نیگار بیر قدر آز قانع اولدوغو اوچون باراتی و اونون بو اقتصادی یوخسوللوق، سیاسی دوروم و امنیتی خطرلریندن آسیلی اولان بو شرایطه گؤره بو مساله ده مسئول بیلیردی. بارات نیگارین اخلاقینین بیر آز ده ییشمه سینی گؤروب، اونا نسبت نگران اولموشدور. هله یاخشدیر کی، نیگار بوتون واختینی ایش یئرینده چالیشماغا صرف ائتمیردی. بو مساله عمومیتله، نیگارا آغیر بیر روحی ضربه اولوب، باراتا نسبت اونون اوره یینده قارا بیر نقطه ده یاراتدی. بو آغیر ناراحتلیغی نیگار اؤزویله داشییردی.

بارات «پری» و «جاسیم» ایله ایلیشکیلرینی آرتیرماقدا تکجه نیگارین روحی ناراحتلیغینین قاباغینی آلماسینی دوشونموردو، بلکه تبریزین تشکیلاتی ایله ارتباط باغلاماغا دا چالیشیردی. بارات بو مساله نی

ده تجروبه ائتمیشدیر کی، جیدّی سیاسی تشکیلاتدا دا رابطه، ضابطه دن (قایدایا - قانوندان) داها آرتیق، حتّا سولچو تشکیلاتلاریندا دا ایشله ییر. اونلار بیلیردیلر کی، تبریزده اولوب قالان بیر تشکیلات اولسا بئله، هئچ بیرى اونلاری تانیمر. بونا گؤره اونلارین اؤزو اؤزلرینی آرایا سوخوب و تانیتماق ایسته ییردیلر.

بو آغیر گونلرده «سونا» هردن گئیدردی و یوخاریدا ائو صاحیبینین اونونلا یاشید اولان قیزیلا اوینایردی. دوغروسو، ائو صاحیبینین خانیمی گلیر و سونانی یوخاریدا اونون قیزیلا اویناماق اوچون آپاریردی کی، او دا داریخماسین. او زامانلار ائوده اولان نیگار هردن آشاغیدا ائوین ایشلرینه مشغول اولوردو. بیر گون سونا یوخاریا گئندنه بارات ایله نیگار گؤردولر کی، ائو صاحیبینین خانیمی پئله لردن آشاغیا گلیر و سونانین آلدنن یاپیشیب، آشاغیا گتیریر. سونانین رنگی آغ آپاق آغاریب و شیدّله توتقونوب، آما هئچ سه سی چیخمیر. اونون او بیرى آلنین اوستونه آغ بیر کیرثم یاخیلیدیر.

آشاغیا دوشندن سونرا بارات گيله دئدی کی، اونون آلی چای دمله دیکلری بؤیوک والورا یاپیشیب. ائو صاحیبینین خانیمی سونانی بوراخیب، اؤزو یوخاریا گئتدی. بارات ایله نیگار سونانین آینه باخاندا گؤردولر کی، آلنین بوتون دالسی یانیقدا بؤیوک قاپار چالیب و ایچی سو ایله دولو ایدی. یازیق اوشاغین باشینا نه ایش گتیرمیشدیر کی، اوشاق قورخودان داها آغلامیردی. اونو قوجاقلارینا آلیب، باغریلارینا

باساندان سونرا دوداقلارین بوزوب، رنگی نورمال اولوب و شیدتله آغلاماغا باشلادی. بارات گیلده او آرواد ایله باغلی غیر عادی بیر حیس یارانیدیگی اوچون او ائودن چیخماغا قرار وئردیلر. بلکه ده بو اولایلارین یارانماسیندان سونرا اونلارا لازیم ایدی کی، بیر داها ائولرینی ده ییشینلر. اونلار آختاراراق بیر داها «زعفرانی» منطقه سینده بیر آیری ائو تاپدیلار کی، او دا زیرزمی ایدی، آما اولکیندن داها گئیش ایدی. ائو صاحیبلری ده اورتایاشلی، محبتلی و ایستی قانلی آغا و خانیم ایدیلر. اونلارین یالینز عیلمی بو ایدی کی، کیشیلری چوخ دانیشیردی. بارت دا یالینز چالیشمالی ایدی کی، اونا توتوق وئرمه سین.

موراد گیل گلمیشدی کی، مدرسه لر باشلامیشدان هم مرندین، هم ده یتکه دوکانلارین ایشینی قورتاریب تحویل وئرسینلر. آما بو ایش اوزانیب، پاییزا چکه جکدی. اونلار بلکه ایکی آیا قدر مرندین ایشلرینده چالیشسا ایدیلر، اورانین بوتون سیملرین چکیب، کونترول اوتاغینا قدر آپارمیشدیلار. بوتون هر بیر یئرین چیراقلاری باغلانمیشدی. بارات ایشدن آرخاین اولماق اوچون ناچار «جاسیم دان ایسته دی کی، او دا گلیب، بارات گیلین ایشلرینه بیر باخسین. جاسیم این اختصاصی الکتریک اولدوغو اوچون هر حالدا بارات گیلدن داها یاخشی بیلیردی. بیر گون بارات ایله جاسیم - ایکسی یاریم گونون عرضینده مرنده ساللاق خانایا گلدیلر و جاسیم اونلارین ایشلرینه باخاندان سونرا تصدیق ائتدی، اونون فیکرینجه، ایشلرینده چاتیشمازلیق گؤرونموردو.

بوندان بیر مودّت سونرا بارات گیل بوتون سیملری چکیب و کونترول اوتاغینا گتیریرکن گوردولر کی، لولهلردن کئچن سیملر گئت-گئده چوخالیر و لولهلرده یئرلشمیرلر. اونلار یاغلاماق و باشقا یوللارلا چالیشماقلا سیملری چتینلیکله لولهلرین ایچیندن کئچیریپ و گتیردیلر. باراتین ذهنیندن کئچیردی کی، بیر یتردن سیملر اتصال ائتسه، بو دورومدا نئجه بیر حادثه یارانا بیلر. بو گونلرین بیرینده پاییزا یاخین ماحمود گیل نئچه گونلوک تبریزه گلدیلر. بارات گیل فورستی غنیمت بیلپ، ماحمودو ایش یئرینه - مرندده آپاردیلار.

آسد، مورد، بارات و ماحمد - هامیسی مرندین چؤلونه گئدیپ و ایشلرینه باشلادیلار. اونلارین قوناقلاری اولدوغو اوچون یاخشی بیر شوربا دا بیشیرمیشدیلر. ماحمود سیملرین وضعیتین گؤرنده اونلارین قیزیشیب و بیر- بیرینه یاپیشاراق بیرلشمه احتمالینین یارانماسیندان دانیشدی و اونلارا دئدی کی، بیر سیرا سیملردن آزالدیپ، نئچه سیرایا بیر جوت سیملردن ایشیق آپاریلمالیدیر. او سیملری آزالتماغا باشلادی. بو ایش هم بارات گیلین اعتمادلارین ایشلرینه چوخالتدی، هم ده بیلدیردی کی، ایشلرینین داها خطری یوخدور.

گئجهنی ماحمود اورادا اونلارین اوچونه قوناق ایدی. شامی ییندن سونرا اونلار دامین اوستونه چیخیپ، یورغان-دؤشکلری سالیپ، یاتماغا باشلادیلار. بارات قولاغی سه سده ایدی کی، جولفایا گئدن قاتارین سه سی بیر لایلا کیمی گلیب، اونو آرزولار و اومیدلر

رؤیاسیندا کی ائوینہ آپارسین. او بو رؤیالار ایچینده سه سین یاریمچیلیق
اوجالیدی، رشید بهبوداون «آیریلیق» ماهنیشینی اوخووردو.

بارات سونرا گوردو کی، محمود دام اوستونده قورو یترده هئچ
یاتا بیلیمیر. اونلار گئجه نین درینلیکلرینه جن دانیشیب، گولوردولر، آما
دوغرودان یاتماق ایسته ینده ده محمود یاتا بیلیمیردی. نهایت
اولدوزلارین آلتیندا گویلرین درینلیکلرینه باخابا، بیر به بیر آسد،
بارات و موراد یوخویا گتتدیلر. گئجه نین یاریسیندا بارات اویاناندا
گوردو کی، محمود هم یترده یاتا بیلیمیر، هم ده سویوقدان تیتره مه یه
دوشوب. اونلار بو هاوایا آلیشمیشدی لار و یاریمچیلیق دا اولسایدی بئله،
گئجه لری یاتا بیلیردیلر. گوردولر کی، اوزون گئجه ده محمود یاریم
ساعات دا یاتا بیلمه ییب هئچ، بلکه صوبحه قدر سویوق و یوخوسوزلوق
و بؤر-بؤجوک سه سیندن ایشکنجه چکیب اویاق قالب. یاخشی کی او
محمودون بیرینجی و سونونجو گئجه سی ایدی اورادا.

بارات بو ایشلرین ایچینده بیر شئی حاققیندا دوشونوب
گورمه میش و ذهنینه گلمه میشدی و اونولا باغلی هئچ بیر فیکری
اولمادان چوخ ساده و غیره پشه کار بیر یول ایله داورانمشدیر. بارات
بیلیمیردی کی، کونترول اوتاغنین «کابل چکیلمه سی» و اونون
«ترمینالاری» نئجه باغلانا جاق. او صنایع بیر ایشده کونترول اوتاغنین
ترمینالارینی باغلاما ایشینی گورمه میشدیر. او سیملرین باشینی آیری
کابللره باغلا یارق، یترده اوزادیب، کونترول اوتاغیندا ترمینالارین

قاباغينا گتيرميشدى. بير گون بو ايشلرين اورتاسيندا ناظير موهنديس ايشلره باش چككمك اوچون اورايا گلنده كونترول اوتاغينا باش چكيب، گليب و باراتا تكجه بير كلمه سؤز دئدى كى، باراتى آرديد - قيزارتدى. او دئدى كى، «بو تومان باغيلار نه دير كى، كونترول اوتاغينا آپاريسينيز؟». او آرتيق بيلميشدير كى، كونترول اوتاغى بارات گيلين ايشى دئيل، اونا دؤنوب دئدى: «داها كونترول اوتاغىلا سيزين ايشيز اولماسين». بارات گيل بير طرفدن بير قدر يونگوللشديلر و او بيرى طرفدن اوتانيب اسكيلديلر. اونلارين ايشلى آزالاندان سونرا قورتارماغا ياخينلاشيردى. بارات چؤلون اورتاسيندا رومانتيك اولدوزلار آلتيندا رۇيالارا گنديب، يازماغى دوشونوردو. هردن ده اونون ذهنيندن كئچنلرى نئچه صفحه يازيب بير يئرده باسديريدي كى، سونرا گليب تاييب توپلاسين. سونرا وسيله لرنيين ايچينده آختاراندا اونلارين بعضيلرين تاييب، بعضيلرينى ده ايتيريدى.

يئكه دوكانلارين ايشلى سوندا تحويل وئريلدى. اونلار آخير راپورتلارين يازيب و بوتون ايشلرين ده راپورتونو تحويل وئرندن سونرا گؤردولر كى، چوخ دا قازانمايبلار. اونلارين اوچونه ده بير ايشچى قدر پارا قالميشدير. اونلار عؤمورلرينده سيم چكمه ايشين گؤرمه دن بو ايشى باشلاييب قورتارميشديلار. اونلار مرندين ايشلرين قورتارماغا باشلامالى ايديلر. بو ايشلر اوچون ده بارات ايله مورد داها گنتمه لى ايديلر، چونكى مدرسه لر باشلاميشدير و آسد موعلم اولدوغو اوچون آرتيق مدرسه يه

گئتمه لی ایدی. آسد بوتون یایی چالیشماقدان بیر بوز دولابینین پولونو توپلایا بیلیمیشدیر. بیر طرفدن مدرسه لر باشلامیشدی، او بیرى طرفدن هاوالار آرتیق سوویووردو. گونلر قیسا اولدوغو اوچون بارات ایله مورداد ایشی تنز قورتارمالی ایدیلر. اونلار داها گئجه لرى سویوقدان هئچ دامین استونده یاتا بیلمیردیله. اونلار اؤز کیچیک اوتاقلارینا سیغینیردیله.

بو دفعه بارات گیل مرنده گئندنه اونلاردان بلکه ایکی-اوچ یاش کیچیک اولان ایکی جاوان کونترول اوتاغینین کابئللرینی چکمه یه باشلامیشدیله. بارات گوردو کی، بو ایش نه قدر خط چکمه و دیوارین اوستونده کابئللری دوزنلی شکیلده اؤزل و مخصوص کابئل دوزمه شکیلده وسیله لر ایله قوشا اولاراق اؤردکلرین سویا گئتمه لرى کیمی نظاملی و بیر-بیری ایله قوشا گئدیردیله. بوتون کابئللرین باشلاری سیمله مخصوص کیچیک ترمیناللار ایله باغلانیردی. آخیردا دا بوتون کابئلر کونترول ترمینالینا گئدیردی. کونترول ترمینالیندا فرقلی بؤلومله آیریجا کونترول سیستمی وار ایدی. فرمان ترمینالینین هر بؤلومونون مخصوص و اؤزل فیوزلاری وار ایدی. اونلار ایشلرین موهندیسلیک دیقتی ایله گؤروردوله. بارات بو زمان «تومان باغی» ایله دوزگون کونترول اوتاغینا کابئل چکمه نین فرقینی گؤروردو.

بارات گیل مرنده گئندنه داها آز قالیردیله. اونلار ایشلرین آخیرلارین گؤرنده بیر گون یئنه سیمان چکن کیشینی گوردوله کی، بیر داها بیر قدر یاریمچیلیق ایشلری گؤرمک اوچون گلیمیشدی.

بارات گیل یئنه ده تبریزه دؤنمه لیدیرلر. اونلار تبریزدن دؤننده بیر داهه گؤردولر کی، «کابئل چکنلر» یوخدور. بیر ده اونلارین بیر سیرا اېزارلاریندان دا یوخدور. بو مسالهنین اولماسی اونلاری اوخلاییب و اینانا بیلیمیردیلر کی، او بیر سیم چکنلر اونلارین وسایلین آپارسینلار. هر حالدا بیر آیری بیر شئی ده وار ایدی و او دا بو ایدی کی، اونلار کوتترول اوتاغنین ترمیناللارینی قورتارمیشدیلار. بو مرحله نین سونونا چاتماقدان بللی اولوردو کی، بارات گیل ده ایشلرینین سونونا آز قالیرلار.

بارات گیلین باشلاری بیر آز خلوت اولاندا آرتیق یادلارینا دوشوردو کی، آرسلان، سیروس و صلاح توتولوب، زیندانلاردا دیرلار. زیندانلاردان ایشکنجه لر حاققیندا دهشتلی خبرلر ائشییه چیخیردی. سولدوزون «توده پارتیاسی» تشکیلاتیندان توتولانلار ایشکنجه آلتیندا سیناندان سونرا چوخ پیس بی آیر چیلیقلار توره تمیشدیلر. توده چیلر بیر طرفدن حاکیم رژیمین اورتا قرنلره عاید وحشیجه سینه غیر بشری شیوه لرله انسانلاری سیندیرما عمللری، او بیر طرفدن اؤز شخصیت چاتیشمازلیغی و سونوندا تئوریک دوشونجه لرینین تاثیر آلتیندا دایانا بیلمه ییب سینمیشدیلار. اونلار بورادا دایانماییب، زیندانلاردا چوخ اورک بولانمالی عملر گؤرموشدولر.

بارات ائشیکده بونلاری گؤروب، اؤزونو دوزگون قالماق، دایانیشما گؤسترگه سی اولماق و فیکرین آیدینلاشدیرماق مسوئلتی

گۆروردو. بىر دە يولداشلار يىن دوستاقلاردا ايشكنجه آلتىندا عذاب گۆرمەلەرنى تەجسّم ائدىب، اونلار يىن سىنماسىنى دا سئزە بىلەردى. اونلار، «تەرانلى على» ھەر بىر شىئى و تشكىلاتىن بوتون كروكىسىنى آچىقلايدان سونرا بىر شىئى قالمىردى كى، قورويوب، دانسىنلار. بارات اۋزونو دوزگون قوروماغىن و موغايات اولماغىن فەكرىندە ايدى.

بارات يىن ايشلرى آزالمىشدى. او يالنىز يئكە دوكانلار يىن و مەندىن ايشلرىن تەحويل وئرمەك مەرحلەسىندە ايدى. اوندان سونرا ھاوا سويويوب و قىشا سارى گئدىردى. آيلار سىم چەمە ايشىندىن خەبر اولمايلاقىدى. او بىرى طرفدن دە بارات اۋزونه آيرى بىر ايش آراماق مەجبورىتەندە اولمالى ايدى. نىگار ھە چالشيىردى و بارات يىن بىر آز دا اولسايدى، قاباقكى ايشلرىندىن آرتىرىم پولو و پاراسى وار ايدى. اسد، مورا و بارات ايشلرى تەحويل وئرىپ اۋز آرالارىندا حساب - كەتاب ائندىن سونرا، ھەرسى اۋز شەھلرىنە دۇنمەلى ايدىلر. داھا آيلار اونلار يىن ايش زەمىنەسىندە ايش بىرلىكلرى اولما بىلمەردى. اونلار يىن گۆرۈشلرى زامان-زامان داوام ائدە بىلەردى.

بارات گىلىن بىر داھا قوناقلارى گەلدى. دوغروسو، ماحمود گىل بىر داھا اورمىە يولوندا بارات گىلە قوناق گەلمىشدىلر. بو قوناق گەلمەدە بارات گىل گۆردۈلر كى، ماحمود گىلىن بىرىنچى و ايلكىن دىفعە تەبرىزە گەلدىكلرىندىن، تەبرىزىن چالشقان تشكىلاتى سولچولارى ايلە ايلىشكىلرى واردىر. اونلار بىر داھا گۆردۈلر كى، تەبرىزىن چالشقان

سولچو تشکیلات یولداشلاری هم ده آذربایجان کولتورو، مدیتی، ادبیاتی، موسیقیسی و نهایت اوپون هاوالاری ساحه سینده و اونلاری یوکسولتمکده چوخ ماراقلا چالیشیرلار. بو ساحه ده ماحمودگیل ده دورمامیشدیلار. اونلار ایکی-اوج گون تبریزده اولاندا باراتگیله «اوج بادام، بیر قوز» هاواسیلا بلکه اونا یاخین اوپون حرکتی اؤیرتدیلر. بارات گیلین آینه سوژه دوشوب، اوینماقدان دویموردولار.

بو آغیر شرایطده نه ماحمودگیل بارات گیلی تبریزده کی یولداشلار یلا تانیس ائیدردی، نه بارات گیل اونو ایسته ییب و اونلارا دئیردیلر. بئله لیکله موارد دا بیلگی آلیب-وئریمک، «لازیم اولدوغو قدر» اصلینده اورتایا گلیردی. ماحمود بیرینجی دفعه اولراق، قاجاق اولراق سویتلر بیرلیسی (شوروی) سینیرلاریندن ایران دان چیخب و او بیر طرفه گئتمک سؤزونو اورتایا آتدی. اونلار دئدیلر کی، چوخلو یولداشلار بو یولدان گئدیب و اونلار دا بو فیکری سینایرلار. بارات ایکی ایل تبریزده اولارکن تشکیلات ایلیشکیسی اولمامیشدی، ماحمودون اولسایدی دا، اونو اونلارا جالاشدیرمامیشدیر. اونلار تشکیلات تانیشلیغی طریقیله بو ایشی گؤره بیلمزدیلر. هله بارات قالب و کیشیلیکله دایانماغی اؤزونه بیر وظیفه بیلیردی کی، تشکیلات دؤنوب اونلاری یئیندن تشکیلاتلاندیرسین. او اؤزو تک باشینا چیخسا، قالان یولداشلارینین اوزونه نئجه باخیب، اونلارا نه جاواب وئر بیلر.

بارات بوندان دا خبری وار ایدی کی، تکجه جاوانلار
عسگرلیکدن قاچاراق، ایران دان چیخیب خاریجه گئتمیرلر، اولوب -
قالان تانیمیش یولداشلاریندان بیر سیراسی خصوصاً «پیکار»، «اقلیت
فدائیلری» و «خلق موجاهید» لریندن اولانلارین چوخو ایرانی ترک
ائدیب شرقی آلمان طریقیله غربی آلمانا کئچیرلر. بارات بو مساله لره
فیکر ائدیب و دوشونده اؤزونو قیناماغا باشلایردی کی، نهدن اونون
قارداشلاری کیچیک قارداشینا ایران دان چیخماق اوچون کؤمک
ائتمه دیلر کی، او جانینی بیر- ایکی آی عسگرلیکدن قالاندا آلدن
وئردیلر. او قارداشینین خاطیره سینی هر ایل آبان آیینین ایگیرمیسینده بیر
ساعات اؤزویله خلوت ائدیب، اونو آناراق خاطیره لريله یاشایردی.

اونلار گئندن سونرا نیگارین قارداشی سعیدین حالی داها دا
خارابلاشیردی. اونون جانیندا سرطان سلولاری یاییلاق اونون جانین
یئیردیلر. اونون جانینا هر گون یئنی قان وورمالی ایدیلر کی، او حیاتی
یاریمچیلیق داوام ائده بیلسن. بیر- ایکی آیدان سونرا اونلار نهایت بو
نتیجه یه گلیمشدیلر کی، داها اونون آیلا یوخ، بلکه گونلر عؤمرو
قالیب. نیگارا خبر گلیمشدیر کی، گلیب سون دفعه ده اولمالیدیر، سعید
ایله گؤروشسون. بارات گیل بیر داها سولدوزا گئتمه لی ایدیلر.

بارات تبریزه گلندن بیرینجی دفعه اولاراق، سولدوزا گئتمه یی
دوشونوردو. اونلار یئنه ده عایله کیمی اوچو اوتوبوسون ایچینده
سولدوزا گئتمه یی دوشونوردولر. اورایا یئتیشندن سونرا بارات اورادا بیر

گوندن آرتیق قالماياچاق، آما نىگار ايله سونا بير نئچه گون آرتىق قالاچاقدىلار. بارات هميشه كى كىمى سولدوزا يئتىرنده ائشيكده دولانمىردى. او ماشىنلا نىگار گىلىن قاپسىندا ائنىب، تئز ايچه ريه گىردى. اونلار ايچه ريه گىرنده سه س-صدادان بللى اولدو كى، اونلار ين ائولرینه قوناق گلدی، آما هميشه كى كىمى شادلىقلا قارشىلاماقدان خبر يوخ ایدی. اونلار ين ائولرینه اونلارى چوخ نورمال قارشىلادىلار. سانكى اونلار آيرى بير شهردن گلمه ييلر. پيله لردن اوسته چىخاندان سونرا اونلار ساغا دؤنوب و عومومى اوتاغا گىردىلر كى، هامى اورادا ایدی. بارات گىل هامىلا گؤروشدولر. نىگار ين آناسىندا آرتىق روح قالمايشدىر. اونون باجىلارى و او بيرى قارداشلارى آرتىق اؤزلىنه اجازه وئىردىلر كى، اوزلىنه گولوش گلسىن. سعیدى چوخ-چوخ ايسته ين آتاسى دا بير آز گولومسه ييب بونلارا خوش گلدين دئدى. اونلار سعیدين اوتاغىنى خبر آلدىلار. سعید او بيرى اوتاقتا ياتمىشدىر. اونلار پيله لر ين ساغ طرفىنده كى اولان سعیدين اوتاغىنا كئچدىلر. اونلار سعیدى يئرده اوزانىقلى گؤردولر. اونلار ايچه ريه گىرىب، سعیدى سه سله ييب، حالىنى خبر آلدىلار. اونلار سعیدى هميشه كى كىمى آلقىشلا يىردىلار. سعید ده اؤزونه گوج وئرىب، يئریندن قالخىب، بونلارلا آل وئرىب سلاملاشدى. اونلار سعیدين قورخونج دره جه ده آرىقلاماسىنى گؤردولر. ائله نظره گلىردى كى، سعیدين دريسى سوموكلرىنه ياپىشىب و بدنینه آت قالمايىب. بو آندا

سعيدىن معدەسىندە نە اولايىلار يارانىردىسا، قوخوسو آغرىندان گليردى. اونون گۆزلىرىنىن باشىنا نىسبەت چوخ بۆيوك و ايشىقسىز اولماسى دا اونلارى قورخويا سالىردى. بو آندا سعيد يامان دئە-دئە آناسىنا دۇنوب دئدى كى، اونا نىيە سو گتىرمىرلر. حركتىندن معلوم اولدوغو كىمى قاباقچادان اوغلونون بو دونيادان گىتمەسى ايله راضىلاشمىش آناسىنىن اونا ياخىنلاشيب، بير طيب باجىسى كىمى ياواش دانىشاراق سرىن سو وئردى. سونرا سعيد بير داها اوزاندى. نىگار ايله سونا بير نئچە دقيقە آرتىق اورادا داياندىلار، بارات بير بهانە ايله اوتاقدان ائشيبە چىخدى. بارات نئچە ساعات قاين آتاسى گىلدە دايانمالى ايدى. ياشامى و داورانىشى جىددى و سياسى بير ياشام اولان بارات اونلارنىن ائولرىندە عادى داورانىشكان راحاتلىق حىس ائتمىردى. اونلار نھايت هر نئجە دە اولماليدىر، نئچە ساعات اوچون هر قايدان دانىشا يىلدىلر. نھايت هاوا قارانلىقلاشدى. سونرا هاوانىن قارانلىغىنا قدر اونلارنىن ائويندن ائشيبە چىخمادى كى، هاوانىن قارانلىغىندا اؤز ائولرىنە گىتتىن. قارانلىقدا او قرار وئردى كى، سولدوزون هاواسىنى آلماق اوچون دە اولماليدىرسا، اؤز ائولرىنە پىادا گىتتىن. دالدا يوللارى تانىيان بارات باشىن آشاغىيا سالاراق تانىماز بير قىافە و دورومدا ائولرىنە گىتتى كى، هئچ كسلە قارشىلاشماسىن و هر كسكن اوزاق اولوب اؤز ائولرىنە ساغلام گىتتىن. قارانلىقدا بارات اؤز ائولرىنە چاتدى.

بارات اۋز ائولرینده آتاسی، آناسی و آن کیچیک قارداشلا بیرلیکده هر قاپیدان دانیشماغا باشلادی. او ایلک اولاراق، سعیدین سرطان خسته لیسینی و اونون نئچه خسته خانایا گندیب و اوزه رینده نئچه عملیاتین آپاریلماسی و سوندا یئنه ده سرطانین اونا غالب گلمه سی ایله باغلی، سونرا تبریزده بونلارین یاشاملاری و باراتین او بیر قارداشلاری و اونلارین عایله لریندن دانیشیردی. بارات دا باجیلاریندان و آناسی گیلین سولدوزداکی یاشاملاریندان دانیشیردی. آناسی گیزلتمیردی و دئییردی: لاپ گۈزل گونلری او زامانلار ایدی کی، اونلارین ائولرینه هر گون گئت-گل اولوردو و هر گون اورادا جلسه لر کئچیریلردی. اونلارین یولداشلاری نه قدر بیر-بیرلرینه محبتلی و آياق ایدیلر. اونلارین آرمانلاری نه قدر تمیز، آزاد و عدالت سئور بیر آرمانلار ایدی.

باراتین اۋز ائولریندن گۈروشو صاباح قورتاراجاقدی. صاباح ساعات اون بیر دۈره سینده نیگارگیل اونلارین ائولرینه گلدی. اونلار باراتین آناسی و قارداشینی گۈرمک اوچون گلیمشیدیلر. باراتین آتاسی صوبح تئزدن اۋز دوکانینا گئتمیشدیر. بارات گیلین ائولری چوخ ساکیت اولموشدور. داها اونون باجیلاری و قارداشلارینین او طرف-بو طرفه گئتمه لری و اونلارین یولداشلارینین گئت-گلریندن خبر یوخ ایدی. بارات ائولرینده اونلارین سه سلرین حیس اندیب اونلارین هامیسینین یئرینی بوش گۈروردو. او بو شرایطین روحی آغیرلیغینین

اونون آناسينا نه قدر منفى تاثيرلى اولاجاغىنى دوشونوردو. باراتين آناسى بونلارى گۆرمكدن سۈيىنچك اولسايدى دا، سىياسى شرايطين آغير اولماسى اونا دا ضربه سىنى انديرمىشىدیر.

بارات گيل سونا و نىگارلا اونلارين ائولرينده ناھارلارين يئىندن سونرا بارات تبريزه دۈنمەيه حاضىرلاشىردى. سونا بو يئنى موحيطه گليب و اونا محبت گۈسترن ياخين قوھوملاريني گۆرنده چوخ سۈيىنچك ايدى. بارات بىلىردى كى، اورادا آرتىق قالا بىلمز، آما نىگارگيل قالا بىلردىلر. ناھاردان سونرا بير تاكسىيە مېنىب نىگارگيلين قاپسينا گئىدىب، سونرا نىگارگيلين ائولرينه قاچدى. اونلارلا بير ياريم ساعات عرضينده گۈرۈشۈپ آيرىلدى و گىتمەيه حاضىرلاشدى. او سىعدين ده اوتاغينا گىتتى. اونلارين ايكىسى ده بىلىردىلر كى، سون گۈرۈشلرى ايدى. بارات ھىمىشە كى كىمى قولونو سىعدين بوينونا سالاندا سىعيد ده بير قولون قالدىردى كى، باراتين بوينونا سالىين. بارات سىعدين بوينونا قولونو سالدىغىندا ائىلە سىعدين چىنىندان ياپىشىپ، بير درى- بير سوموك اولدوغونو و سىعدين قىزدىرما اىچىندە بوغولماسىنى اۈزو حىس ائتتى. بونلارا باخماراق، سىعيد چوخ، عادى، ساكىت و بير دوداغىنين بوجاغىندان بير ياريمچىلىق گولوش اىلە باراتدان ساغ اوللاشدى. بارات دا اونون گولوشونو اورەينە ھوپدوراراق اورەيى آچىلىپ و سۈيىنچلە دولدو. اونلار اۋپوشوب آيرىلدىلار. اونلارين ايكىسى ده بىلىردىلر كى، بو اونلارين سون

گۆروشلریدی، آما ائله نظره گلیردی کی، اونلار ائله داورانیرلار کی، سانکی بیر داها دا گۆروشه جکلر.

بارات بیر داها تاکسیه مینیب تبریز قاراژینا گتدی. اورادا هر بیر یاریم ساعات یا بیر ساعاتدان بیر او ساعاتلاردا تبریزه ماشین وار ایدی. بارات بیرینه مینیب، قوشاچای یولوندان تبریزه ساری یوللاندی. بو یولدا آختارما چوخ آز ایدی، خصوصاً گوندوزلر سویوق بولاق و قوشاچای یولوندان چوخ راحت و آز زاماندا تبریزه چاتماق اولوردو. باراتی همیشه کی کیمی خصوصاً ناهاردان سونرا ماشینن ایچینه یوخو باسیردی. قوشاچایی کئچندن سونرا بارات درین بیر یوخویا گتدی و اونون او بیرری اولایلاردان بیرباشا خبری اولمایارق بیر زامان او یاندی کی، تبریزه یاخینلاشیرلار.

تخمیناً بیر هفته نیگارگیل سولدوزدا قالدیلار. سونرا اونلار دا دؤنوب تبریزه قایتدیلار. سونا بؤیوک - بیر اوچ یاش یاریم یا دؤرد یاشیندا قیز اولموشدو. او شیرین، گولش قاباق، مهربان، عمیسی و خالاسی اوشاقلارایلا او نیایان بیر قیز اولموشدو. گلندن سونرا نیگار ایشینه دؤندو. آما بارات اؤزونه یئنی بیر ایش دوشونمه لی ایدی. او دا بو هاوالارین سویوق شرایطینه. گونلر بیربه بیر گلیب - گئیدردی. بیر نئچه گوندن سونرا نیگارگیله سولدوزدان تئلفنن آچیلیمیش و بیردن سعیدین حیاتی ده ییشمه سی خبرینی وئردیلر.

دوغروسو، اونلار چوخدان گۆزلىرىنى ياشىنى بونا گۆره
تۆكموشدولر و اۆزلىرىنى بو حادىثه يه حاضىرلايمشديلار. اونلارين
گۆزلىرىنده يئنه ده نئچه دامجى سعيده تۆكمك اوچون قالمىشدى. بو
دفعه بير داها دا نىگارگيل سولدوزا دؤنمه لى ايدى. سونا بير داها
باراتين آناسى گيلده داوارلا تويوق جوجه لرى گؤرمك اوچون
سؤينيردى. بارات تبريزده قالب وضعيتىنى ده ييشمه يه فيكرلشمه لى
ايدى.

بير داها سعيدىن واسيطه سيله بارات اوچون تبريزىن اون بئش
كيلومتريلىينده يئرلشميش بير يئنى و اتوماتيك كرپىچ كوره خاناسيندا بير
ايش تاپيلدى. بارات بو ايشه اؤزون حاضىرلادى. بارات صاباح يوخودان
دوراندان سونا ايكي ساعاتا ياخين ايش يئرینه يئتمه سى، آخشام دا
ايكي ساعات دؤنمه سى چكىردى. اونون ايشى ده ساده جه بير ساده
ايشچى كيمي سيملىرىن باشىنى باغلاماق ايدى. بلكه او كوره ده ايشى
يولا سالماق ايشينده يوز نفر دن چوخ چاليشيردىلار كى، بارات اونلارين
هئچ بيرىنى تانيميردى. بارات اؤزون چوخ غريبه حيس ائديردى.
آخشاما ياخين كوره خانانين صاحيبى ايشه باش وورماق اوچون گلنده
بارات گؤردو كى، بير بازارچى حاجيدىر كى، باشىنا بير عاراقچين
قويوب و ياريمچىلىق ساققالى وار. بلكه آلتيمش ياشيندا اولاردى.
اؤزونه هضم ائده بيلميردى، نه دن بارات گيل گر كى بو قدر قاچاقچى،
باسقى و يوخسوللوق آلتيندا اولالار، بير نفر بازارچى بو بؤيوكلو كده

پروژہ نین سرمایہ صاحبی اولوب و یوزلرله ایشچی ایشہ گؤتورہ لر. آخشام ایش قورتارما کاغاذین دولدورماقدا بارات مجبور اولاراق پروژہ نین مسئلو - موهندیس ییر گؤرمه لی ایدی. اونون دفترینده اونا دئینده کی، اونو سعید تانیتدیریب موهندیس باراتین ایشچی اولماسیندان شاشیردی، آما ییر سؤز دئمه دی. سعید گیلین عایله لری تبریزده تانینمیش ییر عایله لردن ایدیلر. نئجه اولا بیلر کی، سعید گیلین عایله سی تانیتدیریغی ییر کس، ساده ییر ایشچی اولسون.

بارات ایکینجی گونونو ده اورادا داوام ائتدی، سونرا اؤزونه دئدی کی، بیرینجی، اونون باجاریقلاری ساده ایشچیلیکدن دها چوخدور؛ ایکینجیسی، بو ایش و اونون گئت-گللی چوخ آغیر و زامان آپاراندیر کی، باراتی چوخ یورغون ائدیر، هم ده هئچ ییر آیری شئیہ انرژییی قالمیر؛ او چونجو، اورادا تک باشینا اولماسیندان دا داریخیردی. ایککی گوندن سونرا ایشی بوراخدی و قاباقکی «مرند» و «یئکه دوکانلار» ایشلریندن توپلادیغی پارالارا دایانیب، قیشین سویوغونو کئچیرمه یه باشلادیلار.

باراتین پولو اونلاری چوخ گؤره بیلمز ایدی، اونلار چتینلیک ایله نیگارین گئیردییی پول ایله کئچینه بیلریدیلر. بارات گیل بایراما دوغرو گئیدیلر. تبریزین قاری، ساختاسی و سویوق یئلی بیچاق کیمی که سیردی. بو گونلرده نیگارین یئنیجه ائولنمیش بؤیوک قارداشی تبریزه گلیب و چالیشماق ایسته ییردی. او اورمیّه کالجینده الکترونیک

قور تارمیشدی و ئولرینین قاباغیندا تلویزیون، رادیو و باشقا الکترونیک وسیلەلر تعمیر ائیدیردی، اورادان چیخیب، اۆز عایله سینین حیاتیندا بۇیوک آتدیملار گۆتورمک ایسته ییردی. اوباراتین بۇیوک قارداشی - تبریزین موهندیس لر جامعە سینده بۇیوک تانیشی اولان یوسفه موراجعت ائتدی. یوسف بیر آز مودتدن سونرا اونا خبر وئردی کی، تبریزین «توانیر» انشائاتیندا و موسسه لرینده اونون اوچون بیر اویغون ایش واردیر. بو طریقە نیگارین قارداشی «کریم» توانیرده تبریزدن سویوق بولاغا قدر اوزانان بیر کابئل چکمه پروژه سینده چالیشماغا باشلادی. اونا مینمک و ایشلرینی گۆرمک اوچون ده بیر ماشین وئرمیشدیلر. اونون ایشینین چوخو قوشاچای منطقە سینده اولدوغو اوچون هله عایله سی سولدوزدا اولور و اورا گئت-گل ائیدیردی.

بایرام یئنیجه بیتیشکن، «کریم» باراتا خبر وئردی کی، اونلار چالیشان پروژه ده بیر «انباردار» ایشینین یئری بوشالیب. اگر ایسته سه، اورادا ایشه باشلایا بیلر. اونون پروژه مسئولو ایله یاخین یولداشلیغی وار ایدی کی، اونا یوخ دئمزدی. بیر داها باراتین تحصیلاتیندا بیر کس یقیناً چوخ راحت بیر آنباردارلیق ایشینین عهده سیندن گله بیلر. تزه گئت-گل باخیمدان دا اونلاری بؤلوشدوروب، شرکت ماشینلاریلا ئولرینین یاخینلیغینا قدر گتیریرلر. ایشی آغیر دئیل، پولو دا ایشچیلیک پولوندان یاخشیدیر. بارات بو ایش ایله باغلی بیر گون کریم ایله ایش یئرینه گئتدی.

«توانیر»ین بو پروژه سی پترول یاندىرىب، ایشیق استحصال ائتمک و او الکترىسته نی بۇيوک کابىل دکلرله آیری شهرله اؤتورمک ایدی. بارات گیلین ایشلری یالنیز کابىل دکلرینی قوراشدىرماق ایله باغلی ایدی. بارات ین دا ایشی بو دکلرین قطعه لرینین انباردارلیغی ایدی. اونلارین بۇلوملرین ایشلرین چوخونو ائشیکدن گلن کونتور ائچیلارلا آنلاشما باغلا یارق، کونترات وئرمیشدیلر. اونلار ایشلرین چوخ آز بۇلومونو اۆزلری گۆروردو. اونلار اساساً گۆرولن ایشلرین دفترلیک و ایداری ایشلرینی گۆروردولر. اونلار نظارت و مدیریّت ائدیردیلر. بو بۇلمه ده بارات ین ایشی تعریف اولونموش چوخ بللی بیر ایش ایدی.

بو آرادا «آلیش مامورلاری» آدلارینا «کارپرداز» دئییردیلر. اونلارن چوخ بۇيوک روللاری وار ایدی. اونلارین جیلرین پول ایله دولدورور و گۆندیریدیلر گندیب تامام کونترات ایشلری اوچون «سیمان»، «قوم» و ها بئله بوتون ملزوماتی آل سینلار. اونلار حتّا چالیشانلارین دا چالیشما پولون هفته باشی گتیریپ وئیریدیلر. بو ایش اوچون هئچ بیر تخصّص لازیم دئییلدی، آما چوخ موهُوم بیر ایش ایدی، چون همیشه پول او یان- بو یان ائدیردیلر. اونلارین بۇلمه لرینده بلکه اون نفره یاخین رسمی چالیشان وار ایدی. کونتراتچی ایشچیلر اۆز ایش صاحبیلرینه چالیشیردیلار.

بارات گيلين تيکيليلرى دکل قطعه لرینين اورتاسیندا یئرلشمیش بیر کیچیک ایکی اوتاقلیق بؤلومدن عیبارت ایدی. او ایکی اوتاقلیقین بیرینده اونلارین رئیسلی یئر آلیردی. او بیر اوتاقدان بارات ایله بیرلیکده اوچ نفر چالیشیردی. اونلار موختلف ایداری ایشلر گؤروردولر. بارات رئیس ایله گؤروشدن گؤردو کی، او بارات ایله بیر یاشدا اولاییلریدی. او دا ایکی ایلیک «فوق دیلم» کالج تحصیلاتینا مالیک. اونون گئییمی، جسمی باخیمدان بسلنمیش اولماسی و ماشین گؤستریدی کی، هم دولت، هم کونتراتچیلار اونا یاخشی باخیردی. اونون اوزونه تمیز تیغه وورماسی و اوزونون قیزارماسی گؤستریدی کی، سولچو دا اولماسا، دینچلیکله آراسی یوخ، بلکه بیر آزاد اینسان ایدی. بونا گؤره کریم قاباقچادان باراتین تحصیلاتی و کئچمیشی حاقیندا اونا بیلگی وئردیی اوچون اونلارین «جاوان» آدی ایله سه سلنه رئیسلی باراتی حؤرمته قارشیلادی. بو سیفاریش و احترام باراتین یئرینی برکیدیب، اونا اوره ک وئردی.

نهایت بارات اورادا ایشه باشلادی. بارات گیل ائوه دؤننده اونلارین ائولری طرفده یاشایان «توپوقرافیا» اکیمی ایله بیرلیکده ائولرینه گلیردی. اونلار صاباح تئزدن باشلایب، آخشاملاری دا تئز گلیردی. بئله لیکله، باراتین ائو و باشقا ایشلره یئتیشمه یه یاخشی واختی اولوردو. توپوقرافیا اکیینین هامیسی تحصیل آلمیش و دوشونجه لی آدمالار ایدی. بونلارین هئچ بیرسی ده ارتجاعی دوشونجه لی دئییلدی. یالنیز

بارات گیلین اوتاقلاریندا چالیشانلاردان دولو، ساققاللی بیر جاوان اوغلان ایدی کی، آشکارجاسینا حکومت و خمینی نی دفاع ائدیپ دئییردی کی، محله مسجدینده اولور. بارات گیل اونون یانیندا دانیشیقلا ریندان موغایات اولوردولار، آما اونو دا اؤزلری کیمی بیر ایشچی و چالیشان گؤروردولر. چوخ زامان دا اونون بوم بوش سؤزلرینی بیر قولاقدان آلیب، او بیریندن ائشییه بوراخیردیلار.

بیر آیریمی دا وار ایدی کی، آریق، اوجا بوی و چوخ آزاراق مود اوچون ده اولمالی ایدی ساققالی اولان جاوان اوغلان ایدی کی، ایلان کیمی فریلداقچی نظره گلیردی. او دا یثری گلدیکه خمینیچی، سونرا یثری دوشنده «آروادباز»، چوخ زامانلار دا یالانچی و «گوپچو» بیر اوغلان ایدی. اونو دا هئچ کس سایمازدی. اونو یالنیز هر کس ایشدن یورولاندا بیر دانیشدیراردی کی، بلکه اونون سؤزلریندن ایشین یورغونلوغو جانلاریندان چیخسین. اونلارین اوچ نفر اوتاغیندا دا «کارپرداز» یا آلیش مسئوللاری اوچون بیر بوش یئر وار ایدی.

دکلر (پلاتفورمالار) فورملارینا گؤره بلکه بئش دسته یه بؤلونوردولر. اونلارین هر بیرینین بیر آدی وار ایدی «آبیر»، «آایکی»، «آاوج»، «آدورد» و ها بئله «آبئش». او دکلرین فورملارینا گؤره فرقلی قطعه لر دن دوزلمیشدیر. بعضی دکلر بلکه دؤرد یوزه یاخین قطعه دن دوزلمیشدیر؛ بعضیلری بلکه بئش یوز قطعه نی کئچیردی. بو فرقلی قطعه لر هر بیر آچیق بیر یئرده ایکی طرفلی تاختالار اوستونده بیر

جوت دایاغین اوستونده حیطده یئرلشمیشدیلر. بارات بونلاری دکل باغلایانلارا تحویل وئریب، اونلاردان قبض آلیردی کی، نه لر تحویل وئرلیب. بارات نظریندن کئچیردیردی کی، بو ایش ساده جه قطعه لری تحویل وئرپ، قبض آلماقدان عبارت اولایلمز.

دکلرین قطعه لرین آپارمادان قاباق بیر نفر دکل قوشانلاردان لیستی آئینده، هر آپارمالی دکه عاید اولان قطعه لری بیر نئچه قالین تاختانین اوستونه توپلایاراق حاضیرلاییردی کی، سونرا اونلار گلیب و «لیفت تراک»لا اونلاری قالدیرپ، کامیون اوستونده یئرلشدیرپ قوشوب باغلایمالی یئر - چؤلون اورتاسینا آپارسینلار. البته دکل باغلایمیشدان قاباق، اونون «فونداسیون» و کؤکو گرک توپوقرافلار واسطه سیله عیارلایب و سیمان تۆکن کونتراتیچیلار واسطه سیله سیمان تۆکولسون. بیر نئچه گون کئچندن و سیمانلار برکیندن سونرا دکل قوشانلار ایشلرینین باشینا گئدیردیلر. باراتین ایشی بیرباشا دکل قوشانلارلا باغلی ایدی.

ایلک گونلرده بارات ایچهریده آیلشیردی، کئچمیش کیمی، دکل قوشانلار هر زامان بیر دکل آپارماق ایسته سه ایدیلر، او گئدیپ و قبضلرینی امضالاییردی کی، فلان نؤمره ده بیر دکلین بوتون قطعه لری آپاریلدی. بارات بو ایشی چوخ یورو جو گوروب و قطعه لرین ساینی چیخارماغا باشلادی. او، ایکی- اوچ هفته نین ایچینده گئرجه یه یاخین

اولاراق بیر آمار چیخارتدی کی، نه قدر موختلف قطعه‌لردن انباردا وار ایدی. سونرا باشلادی قاباقدا لازیم اولان دکل پروژه‌لرینی معلوم ائلدندن سونرا آیری بیر آمار چیخارتسین کی، هانسی قطعه‌لر داها لازیم‌دیر و اسکیک گۆرونور. بو وسیله ایله او بیرى اسکیک اولان قطعه‌لرین آمارین چیخاردی. او هم ده چالیشیردی، اورایا تحویل وئریلمیش و انبارا گلیمیش قطعه‌لر ایله قوشولموش دکل قطعه‌لرین ده ساینی چیخارتسین کی، اوندا آرادا هدر اولموش و احتمالا اوغورلانمیش قطعه‌لر آرایا چیخا بیلردی. بو ایشلر باراتین بوش زامانین، بیر ده‌یرلی زامانا چئویردی.

«دکلری قوشان کونتراتچیلار» بیر ایگیرمی نفرلیک اکپ اولاردیلار کی، هامیسی بیر کئندن گلمه و هامیسی بیر عشیره‌دن ایدیلر. اونلارین هئچ بیرى لازیم اولان ساوادلاری یوخ ایدی، آما اونلار بو بئش-آلتی جور دکلرین قطعه‌لرین بیر-بیر ائله تانیردیلار، اوز باجی-قارداشلاری کیمی. اونلارین بیر اختصاصلاری بو ایدی کی، هر جور دکلین بیره‌بیر قطعه‌لرینین یئرینی بیلیر و اونلاری هارادا، نئجه قوشا‌جاق‌لار، اؤز آدلاری کیمی بیلیردیلر. ایکینجی مساله، اونلارین ایچینه بو ایدی کی، اونلارین کونترات باشی اولان رئیس‌لری بارات‌دان دؤرد-بئش یاش بؤیوک بیر کیشی ایدی کی، «عشیره‌نین باشچیسى» کیمی اونلارا رئیس‌لیک ائدیردی. او ساوادیز کیشینین آياغینین آلتیندا بیر صیفر کیلومتر «ب. ام. و» ماشینى وار ایدی کی، بارات اؤزونه بونو

هضم ائده بيلميردى، آخى بو نئجه اولايلىر؟ بير گون بير نفر اؤز جاوان ايشچيلريندن حيطين اورتاسيندا دكللرين قطعه لرئين آراسيندا باراتين گؤزو قاباغيندا بير مؤحك سئلله ووردو كى، اؤز قارداشى اوغلو اولان او جاوان قىزاريب، سينيپ و آريدى، آما بير سؤز دئمه دى. او گونون صاباچيندان باراتين يانيندا داها چوخ اوتانيردى. بارات دا اونونلا دانيشاراق، بو «طبقاتى» (صنيف) ساواشلاريندا دانيشاردى.

بارات ميزنين باشيندا اؤز ايشلرينه مشغول اولدوغو زامان آز او ساققاللى اوغلان ايله دانيشماغا مجبور اولوب، آز تانينا بيلردى. او هر گون آخشام گؤزله بيردى كى. «توپوقرافلار»، «سيمانچيلار» و بعضاً ده «كارپردازلار» و هابئله «كونتراتچيلار» گليب و بير قيسا دانيشاندا سونرا ائولرينه گئديرديلر. بارات دا توپوقرافلارلا اؤز ائولرينه سارى گئديردى. توپوقرافلار دا هئچ دانيشيق اوچون چوخ دا يانميرديلار. اونلار دا ايشلرينى قورتاراندا سونرا تئز بير ساغ اوللاشيب، آل-اوزلرين يويوب، باراتى سه سله ييب، يولا دوشوردولر.

اونلارين ايش باشيندا ائوه گلمه لرى بلكه ياريم ساعات ايله قيرخ بئش دقيقه اولاردى. بو آرادا اونلار هر قايدان دانيشيرديلار. اونلارين ماشينلاريندا ايكي نفر توپوقراف، بير نفر اونلارين كؤمكلرى و بير ده بارات وار ايدى. او توپوقرافلارين صوبعدن آخشاما بيرليكه اولمالارى اوچون بيربيلرله چوخ آچيق دانيشيرديلار. بير نفرلىرى

کیرمانشاهلی ایدی، او بیرسی کورد، او چونجوسو ده اونلارا کۆمک
ائدن بیر جاوان تورک اوغلان ایدی.

اؤلری بارات گیلدن نئچه کوچه او طرفده اولان کیرمانشاهلی
قارا یاغیز و کیچیک بوی و تئز- تئز دانیشان و دیلی شیرین بیر اوغلان
ایدی. او، بیغلاری قالین، بویلوبوخونلو و خورمایی توکلو بیر اوغلان
ایدی. اونلارین کۆمهیی ده تخمینا بیر اون سککیز یاشلی بیر کندلی
اوغلان ایدی. چوخ آز چکمه‌دی، بارات حیس ائتدی، اونلار تکجه
سولچو دئییل، هم ده ساوادللی و معلوماتلی سولچولارا بنزه بیرلر. اونلارلا
ایشله‌ین جاوان اونلارین سمپاتلاری اولان بیر اوغلان ایدی.

بارات حیس ائدیردی کی، نئچه ایلین عرضینده بیرینجی دفعه
اولاراق ایشی هله اونون شخصیتینه گۆره آشای سویه‌لی بیر ایش اولسا
دا، ائله بیر یئرده چالیشیردی کی، ایشی فیزیکی باخیمدان آغیر دئییل،
اورادا اونا تایی دوشونجه‌لی آداملار دا واردیر و او آرتیق آچیلیشا بیلر.
بارات دا یاواش-یاواش اونلارلا ائوه گلنده اۆز فیکیرلرینی آچیق
شکیلده دئمه‌یه باشلادی. بونا گۆره اونلار آز چکمه‌دی کی، عملاً
حیس ائدیردیلر کی، بیر تشکیلات حوزه‌سی کیمی ایش یئرینده
چالیشیرلار. هر کس اۆز یئرینده و ایلشکیلرینده، دۆره‌سینده کیلره تاثیر
گۆستریردی، آخشاملاری دا ائوه گئندنه اونلار ماشیندا انقلابی سولچو
ماهنیلاریندان اوخوماغا باشلاییردی‌لار.

بارات اؤزونه و يولداشلارينا گوج وئرمك اوچون «كامسامول» سورودونو سه سين باشينا آتاراق اوخوياردی. کيرمانشاهلی يولداشی فارسجا «صبح سفید» يا «آچيق سحر» ماهنيسینی اوخوياردی. کورد يولداشی دا تورکو ماهنيلاردان اوخوماغا چالیشلاردی. بارات ایش يئرینده چالیشیردی، بير ساوادیز کندلی بير اوغلان اولان «لیفت تراک» سورهنی، بير ده دککلرین قطعه لرین توپلاماغا گلن «دکل قوشان» کندلیله یاخینلاشیب و اونلارا تاثیر گؤسترین. کریم ده بلکه هفته ده بير اونلارین ایش يئرلرینه گلیب، اؤزونو گؤستریدی.

بارات آزاراق دا بير يولداشلارینین عایله سی حاققیندا نه ایسه اؤیرندی. بير- بيرلرله گئت-گللی اولان يولداشی ایش حاققیندا قباقدادان بير-بيرلرینی تانیردیلار. کورد يولداشلارینین خانیمی تورک بير خانم ایدی. کيرمانشاهلی يولداشلارینین عایله سی اونلارلا یاشاییردی، او جومله دن اونون باجیسی دا اونلارا قالیردی کی، بير ایداره ده چالیشیردی. کيرمانشاهلی يولداشلاری سوبای بير اوغلان ایدی.

نیگار بو شرایطه ایشین ده ییشیب و یئنی بير ایش «آبرسان» جاده سینده آلدی ائتمیشدیر کی، پولو داها یاخشی ایدی. نیگار بير طرفدن بير صنعتده چالیشیردی کی، «کیشیلر» اونو قوروق ائتمیشدی و خانیملار اؤزلرینی گؤستره بیلمک اوچون چوخ چتینلیکلرله قارشیلاییردی. بو باسقینین آغیرلیغی نیگارین چیینلرینده همیشه حیس اولونوردو کی،

کیشیلر موحیطینده باش چیخارما و اونلارین کولتورو ایله قارشى دورماق نه قدر چتین ایدی. بو بیرى طرفدن نیگار هله او اوشاغى سالماق اوچون ده هردن روحى و پسیخی ناراحتلیق چکیب و اؤزونو او ایشى گؤردویو اوچون قینایردی. اونلار ایکیسى ده بیلیردیله کی، اونلارین دوروموندا یئنی اوشاق گتیرمک، او اوشاغین اؤزو اوچون ده بؤیوک بیر ریسک ایدی. هر حالدا بو نیگارین او باخیمدان روحى ناراحتلیق یاشاماسینین قارشیسینی آلا بیلمزدی. او چوخ زامانلار تکرار ائدیردی کی، «او بیلیردی کی، او اوشاق اوغلان اولاجاقدی».

باراتین آرتیق زامانی اولدوغو اوچون او بیرى اونیورسیتیه یولداشلارینا دا باش وورماغا واختی اولوردو. یولداشلاری هر ایکیسى ده بارات ایله یاخین موناسیبتلری داوام ائدیردی. بیر ایدارهده ایشه گؤتورولموش سلیمان توده پارتیاسینا سمپاتلیغی اولدوغو اوچون ایشیندن قیراغا قویولموشدور. او دا اونلارین جاوابیدا اؤزونه دئییردی کی، «اونلار منی ایشدن چیخارارلار، من ائشیکده ایچه ریدن چوخ پول چیخارارام». سلیمان گئدیپ اؤزونه زرگرلیک دوکانی آچمیشدیر. بارات اونون دوکانینا گئندنه بیلدی کی، سلیمان قاباقچادان قیزیلچیلیق دوکانیندا چالیشمیش و ایشین جم-خمین بیلیر.

چوخ احتیاطلی اولان مجید ایشینده هله ایشله بیردی، البته، بو مفهومدا دئییلدی کی، یولداشلارینی ایشینه قوربان ائتسین. اونلارین یاخین یولداشلیقلاری داوام ائدیردی. اونلار بیر-ایکی دفعه بارات گیلی

ائولرینه قوناق چاغیرمیشدی‌لار. ایندی «اوردیهشت آیینین اون بیر» یاخینلاشیردی. سولیمان بارات گیلہ خبر وئردی کی، «اونون باجیسی گیلده بیر قوناقلیق «مایین بیر» گونو موناسیبتینه تداروک گؤرولوب. او باراتگیلدن ده دعوت ائتدی. بارات اؤزون سولچولار جمعینین ایچینه گؤروردو. بلکه اونلار امنیتی مسالهلر اوچون باراتی تشکیلات ایچینه آپارمیردی‌لار، بلکه اصلاً تبریزده تشکیلات یوخ ایدی. بارات دؤزوملو اولمالی و بو جمعدن تاثیرلنمه‌لی و تاثیر گؤسترمه‌لی ایدی.

بارات گیل اؤزلرین «مایین بیر» گنجه‌سی قوناقلیق و مراسمنه حاضرلاییردی‌لار. هله تبریزین هاواسی سرین و گنجهلری اونا نیسبت آرتیق و داها سرین ایدی. بارات گیل هامیسی اوز-گؤزلرین تمیزلہیب، عطر ووروب و تازا پالتارلارین گئییب قوناقلیغا گتدیلر. سولیمانین باجیسی گیلین ده ائولری بارات گیلہ یاخین ایدی. بارات گیل اورایا یئترنده باشا دوشدو کی، بیر اوتوز نفره یاخین اورادا واردیر. بارات گیل سلام علیک ائندن سونرا اؤز کورد یولداشینى دا اورادا گؤردو. بارات سولیمانین باجیسی گیل ایله تانیش اولاندان سونرا باشا دوشدو کی، سولیمانین باجیسی آری بیر جیدّی سولچولاردان اولمالیدیر.

چوخلاری بیر-بیرلرین تانیان بو دوستلار آدیلا خبردارلیق ائدیردی‌لر کی، فلانکس ده گله‌جک؟ اونلارین ایکیسی آرتیق تکرار اولاراق، باراتین ذهنینده قالیردی. بیرى آذربایجان شاعیری، شاعیر

«شهرک» و او بیری موسیقی استادی «اوستاد فرشباف» ایدیلر کی، اورادا آدلارینی ائشیتدی. اونلار گئجه‌نی یئیب، دانیشیب و شعر ماهنی- اوخویوب، اوینییب و اوستادلارا ماجال چاتیب، اوستاد فرشباف کامانچا ایفا ائدی، سونرا شعر استادی شاعر شهرک طنز شعرلریندن بیرینی اوخوماغا باشلادی. شاعرین شعر طرز و ساتیریک اولدوغو قدر کسرلی، قورخماز و شیدتله ارتجاعی دوشونجه‌له توخونان بیر شعر ایدی کی، یوزده یوز ائشیدنلرین دیلرینده قالب و بیر نجه بؤلومو طنز صورتینده دیلدرده ازبر اولاجاقدی.

سونانین یوخوسو گلدی اوجون بارات گیل بلکه گئجه ساعات بیرده ائولرینه دؤندولر. بلکه او زاماندا هله اون بئش نفردن چوخ اورادا قوناق وار ایدی. بو گئجه‌نین پروقرامی باراتین روحیه‌سینی داها گوجلندیرمیشدی. بارات اؤزونو داها گوجلو چالیشمالارینین داوامینا حاضیرلا بیردی. بارات گیل اوندان سونرا بیر نجه دفعه ده واخت آلدی. ائدهرک جاسیم گیل گئدیب و نیگارین یولداشی ایله گؤروشموشدولر. بو گؤروشمه «ماشین قایرما» فابریکاسیندا چالیشان او بیری یولداشلاری ایله ده تانیش اولموشدولار.

زامان بئله گئدیردی کی، بیر گون ایش یئرینده هامیا خبر وئردیلر کی، «اطلاعات توانیر» طرفیندن هر کس ایله بیر قیسا دانیشیق ترتیب وئریلیب. بوتون چالیشانلار بیربه‌بیر گئدیب و موصاحیه ائتمه‌لیدیر. هر کس گئدیب - گلیردی، دئیردی کی، بیر شئی دئیل.

بارات دا خیالی راحت اولوب، موصاحیه یه گتدی. بلکه بارات ایله یاشید اولان بیر جاوان اوغلان اورادا ایلشمیشدی. او هر قاپیدان ساده سؤزلر سوروشوردو. بارات دا ساده جه جاواب وئریردی. او اوغلان ساده بیر غیر رسمی پالتار گئیمیشدی و بیر بؤیوک اوتاغی بوتون وسایل ایله اونا اختصاص وئرمیشدیلر. باشینن توکلری قیسا اولاراق، قاباغا ساللامیشدی و ساریمتیل سئیره ک ساققالی وار ایدی.

- آدین نه دیر؟ نه زاماندان بو ایشده چالیشیرسان؟. «ئولیسن یا

سوبای؟...

بو سورغولار داوام ائدیردی کی، بارات دان سوروشدو، «هانسی

شهردنسن؟

- سولدوزلویام.

بو لحظه ده او دؤنوب دئدی کی، «هه، منیم ده بیر سولدوزلو

دوستوم وار». منیم دوستومون آدی «موهندیس محمودی» دیر کی،

شریف اونیورسیته سینی بیتیریب. بارات داها حساینی بیلدی. بارات

جاوایندا دئدی: بلی، تانییرام، چوخ یاخشی بیر عایله دندیر.

دوغروسو، بارات اونلاری تانییردی و اونلار دا باراتی یاخشی

تانییردیلار. «موهندیس محمودی» بیر حزب اللهی اؤیرنجیلردن ایدی

کی، «شریف اونیورسیته سی» نده اوخویاردی. ایندی درسین قورتاریب،

هئچ کس بیلمیردی، هارادا چالیشیر. بارات اؤز گلجه یینی بیلدی. بو

اطلاعات مامورو، یولداشی «موهندیس محمودی» یه بیر تئلفون آچسا،

باراتین هر بیر شیئی ائشییه تۆکولر. بارات اؤزونه دئییردی: «شانسا باخ، هامینین موصاحییه سی یاخشی گئندنه، بیزیمکی داشا دهیر». بارات فیکره جوماراق، اورهینده آغیر قرار وئرمیشدیر. او ایناندیغی بیرینجی اوصولا - «امنیتی مساله لرده بیر آتدیم دوشمندن قاباق اولاسان» اساسلائیب، قرارینی اورهینده دولاشدیریردی.

ماشینین ایچینده ائوه گلرکن، شور و شوقون او بیرى گونلره گؤره آز ایدی. آما بارات یولداشلارینین وضعیتینی خطرسیز، اؤزونو ایسه خطرده گؤروب، اؤز حاققیندا وئردییی قرارى اؤزو یئرینه یئتمه لی ایدی. باراتین قرارى بو ایدی کی، داها ایشه گئتمه سین. تکجه ایشینی ترک ائتمه سین، بلکه ائوینی ده ده ییشسین. بو سورعتله بیر داها باراتین یاشامینین دوزهنی و اینتیظامی بیر- بیرنه ده یدی. اونون ثابت گلیرلی پولو و پاراسی دا کسلیردی. بیر داها صیفر نؤقطه سینه قایدیردی.

بارات صاباح ایش باشینا گئتمه دی و ائو آلقى-ساتقیلاریندان ائو آختارماغا باشلادی. بارات خیابانلاردان چوخلو خبر آلاندان سونرا ائوه گلدی. ناهاردان سونرا چوخ گنج اولمامیشکن نیگارین قارداشی ایش تعطیل اولاندان سونرا سولدوز یئرینه تبریزه گلیمشدى کی، بارات گيله باش وورسون. او، باراتین او گون ایش باشیندا اولمادیغی اوچون اونا باش وورماغا گلیمشدى. آخشاما یاخین شاما ایکی ساعات قالیردی کی، کریم اونلارین ائولرینه یئتیردی.

بارات بيلمك ايسته ييردى كى، اطلاعات طره فيندن گليب ايش
يئرینده اونون حاققیندا نه ايسه بير شيلر سوروشوبلارمى؟ يا دا اونو
توتماق اوچون اورايا گلیمشديلرمى؟ کریم بو سورغولارا منفی جواب
وئردى. کریم بير ده آیری بير ضربه لی خبر ده وئردى. او دئدى: «او
کیرمانشاهلی موهندیسى گليب، ايش يئرینده توتدولار». بو خبر آغیر
بير داش کیمی باراتین باشینا دوشدو. او سئزیردى كى، او دا ايش
يئرینه گئسه ایدی، مومکون ایدی كى، اونو دا توتسونلار.

بارات اوره یینده او کیرمانشاهلی اوغلانین توتولماسینی
ایسته میردی. بئله فیکر ائدیردی كى، اونو آخشاما قدر بوراخاجاقلار.
هاوا هله آچیق ایدی كى، اونلارین هامیسی او کیرمانشاهلی
اوغلان گیلین ائولرینه گئتمه یه قرار وئردیلر. اونلار قاپینی چالدیلار،
اوغلانین باجیسی قاپیا چیخدی. بیرینجی، کریم ايش باشیندا اونون
قارداشینین توتولما خبرینی وئریب دئدى: مومکوندور كى، آخشاما
بوراخلالار. بارات باجیسینا دئدی كى، اولایلسین، قارداشی بو تنزلیکده
گلمه سین، اونا گؤره ائوی تمیزلهمه یه باشلا سینلار كى، امنیت
مامورلاری بو گئجه نی اونلارا گله بیلرلر.

باجیسی چوخ آرام و قانی سویوقلوقلا سؤزلره قولاق آسیب،
سونرا تشکر ائدیپ ائوین ایچینه قاییتدی. بارات او قیزین تکجه
تجربه لی یوخ، هم ده جسارتمی بیر قیز اولدوغونو گؤردو. قیز سؤزلری
ائشیدن سونرا تئز ایچهریه قاییتدی. بارات بیلیردی كى، او ائوی

تمیزله مک اوچون ایچه‌ریه قایتدی. بارات دالسینجا ائشیتدی کی، «جاسیم و نئچه آیری نفری ده توتوبلار. تبریزدن عومومیتله بئش-اون نفر توتولوبدور. بارات بیلدی کی، تبریزده بیر تشکیلاتین یارانما نیتی اولسایدی دا، او تشکیلات یارانمادان قابق، بوتون اعضاسی اطلاعات طره‌فیندن توتولموشدو. سورعتیله بارات ائوین ده ییشمه‌لی ایدی.

بارات تله‌سیک بیر ائو تاپدی کی، هئچ باخیمدان اونلار اوچون او یغون دئییلدی، آما او ائودن چیخماق اوچون، اورایا گئتمک مجبوریتینده ایدیلر کی، بیر آیری ائو تاپسینلار. بو ائوده بیر قوجا خانیم بیر اؤز جاوان اوغلویلا یاشاییردی. اونلارین اوتوردوقلاری یثرین قاباغیندا بیر تک بؤیوک اوتاقلاری دا وار ایدی کی، اورانی کیرایه وئیردیلر. او قوجا خانیمین اوغلو دا بیر رستوراندا آشپازلیق ائدیردی. بارات گیلین قباقلکی ائو صاحیلری اینانا بیلیمردی کی، نه اوچون بارات گیل ائولرینی بوشالديرلار. اونلارین اورکلری ده بو بابتدن سینمیشدی.

باراتین بؤیوک قارداشی تانیشلار واسطه‌سیله باراتگیله «ارزاق کوپونو» آلا بیلدی. بو مساله بارات گیلین بویونلاریندان بؤیوک بیر یوکو گؤتورموشدور. اونلارین هم لازیم اولان کاغیذلارین، هم ده یوخاریا سفارش وئرمکله بارات گیلین کوپون دفترچه‌لری نهایت اوزون زامانلار سونرا تحویل وئریلدی.

بو ائولرى ده بير دار كوچه نين اوزونلوغوندا «شهناز» خيابانينين اطرافيندا دالداردا ايدى. اونلار بيرينجى دفعه اورايا گئندندن بيلير ديلر كى، ترته سىك اورا گئديلر، هم ده اورادا راحت حيسلرى يوخ ايدى. اونا گؤره اويغون بير ائو تاپسا ايديلر، اورادان چيخما فيكىرلى وار ايدى. بارات يئنه ده ايشسيز قالاراق، ائولر ينى ده ييشمك مجبوريتينده قالدى. يولداشلارى توتولوب، ياشام پرگارلارى پوزولوب. يئنه ده اقتصادى بۇحران بارات گيله باسقى گؤسترمه يه باشلايىردى. بو شرايطده قارداشى يوسف يىن حاضيرلايدىغى «كوبون» دفترچه لرى اونلار يىن كؤمه يينه چوخ چاتدى.

ايران ايله عيراق آراسينداكى ساواش شيدتلىنميشدير و عيراق يىن اوچاقلارى ايران يىن شهرلرينه هجوم ائديب، بومبالا ييردى. تبريز ده بو مسئله دن كناردا قالمادى. عيراق يىن اوچاقلارى حتّا تهرانا كيمي گئديب، او شهرى ده بومبالا ميشدير. تبريزده نئچه يئره بومبا سالميشديلار كى، هامى اونلار يىن يئر يىن گؤرمك اوچون او منطقه يه سارى قاچيرديلار. ائوده ايشسيز اوتوران بارات قاچدى كى، بو ائولر يىن بير يىن ياخيندان گؤرسون. بارات ائشيه چيخيب، ديدر گين و او طرف - بو طرفه قاچان جمعيت يىن قورخونچ هيچانينا قار يىشدى. هر كس بير يئره قاچاراق، اوجا-اوجا دان يىش يردى. هام يىن گؤزلرينده قورخو گورونوردو. خيابانلاردا آداملار آز نظره گل يردى. قوم تليسلرى و خيابانلاردا سيغ يىنما و بومبالاردان گيزلنمه يئرلى، شهره بير جنگى آتمسفر وئرميشدير.

بارات نهایت لاپ یاخین یثره سالیندیغی بومبائین یثرینه یئتیشدی. بیر ائو تکجه ویرانه یه دؤنمه میشدیر، بلکه اولوب-قالانی دا بوتون توز-تورپاق آلتیندا قالیب و آغ بیر توزلو پرده اونلارین اوستونه چکیلمیشدی. بیر نچه دیوار آغ توزلو پرده آلتیندا ساغلام قالمیشدی. هله یثرده یانیقلاردان توسو چیخیردی. بومبا دوشموش یثرده بؤیوک و درین بیر قویو قازیلیمیشدیر کی، دیینده سو گؤرونوردو.

بارات جاماعاتین هر طرفدن تۆکولوب - باخماسی دوروموندا گؤزو بیر نفره چارپدی کی، قاه-قاه چکیب گولوردو. بو شخص جیریق پالتارلا بوتؤلوکله توز-تورپاغا بورونموش بیر نفر ایدی کی، بومبالامادا او ائودن ساغلام چیخمیشدی. اونون بدننین نچه یثرینده قان اثرلری گؤرونوردو و اوز-گؤزو بوتون آغ تورپاغا بورونه رک شوبهه لی گولوشلری چوخ بیر قورخونج قیافه اونا وئیریدی. بارماقلارینی قولقلارینا سوخوب، ایچینده توز-تورپاغی تمیزله ییردی. او، او یان - بو یانا قاچاراق دئییردی: «من دیریم، من دیریم».

بارات دا جاماعاتی اطرافا ایتله ییب، اؤزونه یئر آچیب، او طرف - بو طرفدن بومبا یثرینه باخاندان، بلکه یاریم ساعتدان سونرا اورادان اوزاقلاشدی. تلویزیوندا دال بادل آغ، ساری و قیرمزی آژیئر حاققیندا آچیقلاما وئریلیر و جاماعاتا عیراق اوچاقلاری گلنده، نجه قاجیب و اؤزلرینه امن بیر یئر تاپماغی اؤیره دیردیله. آرادا هر دن یثنه ده عیراقین

اوچاقلاری گلیب و اؤز لرین گؤستر دیلر. بارات گیلە دە یوخسوللوق، بومبالا مالار و هابئله باهالیق تضیق گؤستریردی.

یننه ده یوسیف - بارات ین قارداشی اونون کؤمه یینه گلدی. او دندی کی، اونون تانیشلاریندان بیر یی دولتین بیر سیرا «توپوقرافیا» ایشلرین کوتورات توتور. بارات اونونلا بو ایشلرده کؤمکلشه بیلر. بیر چیراق یولو آچیلان بارات اؤزونو موهندیس ایله گؤروشمه یه حاضیرلادی. بیرینجی دفعه دبیرستانی قورتاریب، کالئجه گئدیپ «اینشاءات» اختیصاصیندا اوخویان بارات هر ایشه قولپ قویماسیلا، بو ایشده ده سابقه سی وارایدی. هر بیر یئردن پول گلیرسه گلکین، بو ایش ده کونترات ایشی اولاجاقدی کی، او، کونترات ایشینی ساده ایشچیلیکدن اوستون ساییردی. بو آرادا هردن اورمیه شهرینه باجیسی مارالی گورمک اوچون گئدن بارات ائشیتدی کی، ماحمود، افسانا و قیزلاری «دوینا» ایران دان چیخیلار. بارات بیر طرفدن سئویندی، بیر طرفدن آرتیقراق بوشلوق حیسینه قاپاندی کی، آرتیق اونلارین قدیم شهر کومیته سیندن یالیز بارات تبریزده دیدرگین او ایشدن - بو ایشه، او ائودن - بو ائوه قاچیر و هئچ بللی تشکیلاتی بیر ایشدن خبری یوخدور.

بارات نهایت موهندیس «حسن» ایله اوستاندارلیق ایداره سینده تانیش اولدو. او چوخ محترم، خوش صحبت، بارات ایله تقریباً یاشید، بیر بویدا، آریق، باشینین توکلری صاف و بیر میقدار تۆکولموش، قاباغا دارانمیش و بارات کیمی یاواش دانیشان بیر اوغلان ایدی. بیر قولتوغوندا

بیر گۆن کیف داشییان موهندیسین گۆزلیرنده ده همیشه گۆزلوگ،
اوزونده ده احتیراملی گولوش وار ایدی. بارات اونون یانیندا اوزونو
چوخ راحت حیس اندیب، اونولا دانیشماغا باشلادی.

حسن گیل ایکینجی گۆروشلرینده بارات گیلی ائولرینه قوناق
چاغیردی. بارات گیل ائولریندن چیخماق ایسته ییردی. بارات گیل بیر
دفعه حسن گیلین ائولرینه گئتمکدن سونرا بارات ایله او بیر سیرا
«توپوقرافیا» ایشلرینی اوسکو، آذرشهر منطقه سینده گۆرمه یه باشلادی. بو
آرادا بارات ایله نیگار گیل ده اونلارین تاکیدیه اونلارین ائولرینده
قالیردی. بو حسن ایله باراتین توپوقرافیا ایشلرین راحت اندیردی.
حسنین خانیمی طیب باجیسی ایدی. اونلارین ایکی اوشاقلاری وار
ایدی. قیزی بلکه دۆرد یاشیندا اولاردی و اوغلو ایکی یاشیندا. نیگار ایله
سونا دا اونلار توپوقرافیا ایشینه گئندنه اونلارین ائولرینده قالیردی. بو
بیر-ایکی هفته قالاندان سونرا بارات گیل گۆردولر کی، نهایت اؤز
ائولری راحت دئییل، گرک اؤزلی اوچون یئنی بیر یئر توتالار. او
بیری طرفدن ده اونلار آرتیق اورادا قالماقلا حسن گیلی راحتسیر
اندیردی.

بارات گیل حسن گیه گئندیکلری آرادا اؤز ائولرینی تحویل
وئرمیشدی. بونا گۆره بارات گیل داها یئنی بیر ائو آختارا بیلیمک
اوچون آزاد ایدی. او بیری طرفدن ده بارات ایله حسن گونده ماشین
ایله اوسکو، آذرشهر و اطرافا گئندی، توپوقرافیا ایشینه داوام اندیردی.

نهایت آختارا- آختارا بارات گیل بو دفعه تبریزین «خانه سازی» منطقه سینده بیر ایکی اوتاقلی بیر آپارتمان تاپدیلار. بیر اوتاغینا ارتشی اولان گنج ائو صاحیبی اؤز وسایلین قویموشدو. بونا گۆره او، ائوین بیر میقدار اوجوز وئریردی. بو باخیمدان اورانین کیراسی بارات گیله داها اویغون ایدی.

حسنین بیر آغ ژیان ماشینی وار ایدی. بارات داها مجبور دئییلدیر کی، گونده چوخلو زامانین پیادا یا اوتوبوس ایله گئتمهیه صرف ائتسین. توپوقرافیادا باراتین ایشی کروکی چکیب، تیری ساخلاماق و حسن ده فاصیله لری اوخویوب یازماق ایدی. اونلار آخشام گلندن سونرا اونلاری خریطه اوستونده مسافه لر و زاویه لر اساسیندا یازیب، سونرا لازیم اولان موحاسیباتی اوستونده اعمال ائدیردیلر. باراتین یاخشی هندسی بیلیمی اولدوغو اوچون بو ایشین عهدده سیندن یاخشی گله بیلیردی. اونون اوچون علمی باخیمدان هئچ بیر چتینلییی یوخ ایدی. بو ایشین بیر چتینلییی وار ایدیه، اونون یورغونلوغو ایدی. بارات صوبحدن آخشاما قدر گرک خالقین دام - دیواریندان دیرماشیب، تیری ساخلاسین کی، حسن نقطه لری اوخویوب - یازسین. بارات ایله حسنین «اوسکو» و «آذرشهر» ایشلرینین قورتارماسی بیر آیدان آز چکدی. اونلار بو ایشلری چۆلده قورتارانندان سونرا بیر هفته نین ایچینده ائوده کاغیز اوستونه گتیردیلر. ایشلر قورتولاندان سونرا

اونو استانداریلق دایره‌سینه وئردیلر. چوخ زامان چکمه‌دی، بارات دا بیر
مقدار کتچینمک قدر پول اوزو گؤردو.

بارات ایله حسن گؤزله بیردیلر کی، پولو بیر آز داها چوخ اولان
بیر آیری پروژّه ده اونلارا وئرسینلر. بارات گیل بو ایشه گؤره بیر آز
دؤزمه‌لی ایدیلر. بو مساله بارات ایله نیگارین اؤز یئنی ائولرینه
آلیشلاری ایله بیر زاماندا ایدی. نیگار هفته ده بلکه اوچ گون آبرسان
خیابانیندا «بیچیمچیلیک» ایشینه گئدیردی. او، یاشلی «توده‌چی»
کیشین ایشچیلر و سولچولار مرامیندان مودافیعه ائتمه‌سیندن و ایش
موحیطینده متانتلی بیر یئر یاراتماسیندان دانیشیردی. نیگارین روحیه‌سی
چالیشماقدان چوخ راضی دئییلدی، آما باراتین ایشسیزلیک گونلرینده
بو آخیرلاردا نیگارین دا ایش پولونا اونلار جیدّی باغلی اولموشدولار.
بوتون بونا ائولریندن عیبارت اولان «خانه‌سازی» منطقه‌سینده هم
باراتین قارداشی «رشید» گیل ایله شیردیلر، هم «جاسیم» گیل اورادا
اولوردولار و نهایت بو یاخینلاردا هم باراتین باجیسی ارینین
کوردوستان‌دان گلن قوهوملاری ایله شیردیلر. اورادا بیر-ایکی دنه ده
اوزاق تانیشلاردان وار ایدی. بارات گیلین ایندی تبریزده اونورسیته‌ده
اوخویان قدیم تانیشلاریندان هردن گلیب اونلارا باش ووروردولار.
اورادا چوخلو جمعیت یاشادیغی اوچون همیشه‌های-کوی اولور و
همیشه جانلی بیر موحیط ایدی.

باراتین کیچیک باجیسی «مارال»ین خانه سازی ده آیهلشن قوهوملاری کوردوستان دا معلیم ایدیلر. اونلارین دؤرد اوغو وار ایدی کی، هامیسیندان بؤیویو، بلکه اون دؤرد یاشیندا اولاردی. بارات هر دن اونلاری قاپیدا، یا خیاباندا گؤرنده همیشه سیاستدن دانیشاردیلار. ایرانین وضعیتینین نئجه اولاجاغیندان؟ نه زامان بو رژیم گنده جک؟ و سیاسی تشکیلاتلار نه ایشلر گؤرورلر؟ و بونلارا بنزر سورغولار و دانیشقار.

او دؤرد اوغلان همیشه گولردیلر. بارات اونلاری چوخ مارال گیلده گؤرموشدو. تبریزی هله جنگین و ساواشین بومبالاما آذیرلری هئچ آزاد بوراخمیردی. اوچاقلار دا آردیجیل نئچه گوندن بیر گلیب - گئدردیلر. بارات گیل بیر نظر دن ده سئوینیردیلر کی، آذیر سسی گلنده اونلار بینانین یئر آلتیندا کی طبقه سینه قاچا بیلیردیلر. هله تبریزی عیراقین اوچاقلاری یاخیندا وورما میشدی. بارات گیل حیس اندیردیلر کی، گنج - تنز بو ساواشدا بیر سیرا بومبالا مالار احتمالاً اولاجاق.

بومبالاما، ایشسیزلیک، یوخسوللوق، یولداشلارین بیر داها توتولوب - یاخالانماسی، سیاسی سولچو تشکیلاتلارین رهبرلیی طره فیندن هئچ بیر ایشیغین گلمه مه سی، باهالیق و... باراتی فیکره سالیردی کی، او دا ایران دان چیخسین. اونون بو متودلا دایانماغی بو معنادا ایدی کی، اونو گلیب - توتماسینی گؤزله سین. بو گؤزله مک ده او شرایطده ایدی کی، هئچ سیاسی تشکیلات رهبرلیسیندن نشان یوخ

ایدی. دسته-دسته یولداشلاری مرحله-مرحله ده توتولوردولار. بو وضعیت اونلارین ائولرینده اؤز روحی تاثیرینی ده بوراخیردی.

بارات اوچ فرقلی یولدان چیخماغی دوشونوردو: بیرینجی، آستارا-اردیل آراسیندان آرازین او تایننا کئچمک؛ ایکینجی، «سرو» سینیری اطرافیندان تورکیه یه کئچمک؛ اوچونجو، تبریزده تانیشلار و یاخینلارین واسیطه سیله «پاسپورت» آلماقا چالیشیب، مرزدن کئچمک. او بو نتیجه یه گلیمیشدیر کی، دولت سیاسی فعاللارین قاجماسینا اونلارین ایچه ریده زینداندان ساخلاماسیندان داها راضیدیر. بیر ده او تشکیلاتین رهبرلیسینده دئیل کی، او قدر ده موهوم و آپاریجی عوضو اولسون. نهایت، هر اوچ یولون بیر آز ریسکی وار. پاسپورت ایله مرزدن کئچمک نین ریسکی او بیر یوللاردان آرتیق و چوخ دئیل.

بارات تانیدیغی آداملارلا دانیشماغا و لازیم اولان مدرکلری حاضیرلاماقا، تاپشیریلمالی آداملارا سفارشلری یئتیرمه یه باشلادی. آخیردا اونون مدرکلری حاضیر اولوب، پاسپورت آلماق اوچون تحویل وئریلمیشدی. بارات پاسپورت اوچون عکسلری سولدوز شهرینده اؤز یولداشلارینین عگاسی ماغازاسیندا چکدیریب و همیشه کی کیمی بو ایشی اوچون اونلارین بئله تنقیدینه معروض قالیمیشدیر کی، «نه دن سولدوزا گلیر؟!». بیر داها سولدوزا گلیب و اؤز توتولما احتمالین آرتیرماقلا او بیریلری ده خطرله سالماسین. بارات اؤزو ایسه آیری جور دوشونوردو. او بونا اینانیردی کی، بو ایشی ایله یولداشلارینا روحی

گوج وئریر. بیر داها اونا ضّد بشری حؤکومت طره‌فیندن تحمیل
اولونموش قاداغانی سیندیرمیشدیر.

بارات بئله‌لیکله، پاسپورت آلماسینین اؤز نورمال مرحله‌سینی
کئچمه‌سینی گؤزله‌ییردی. اونون «مرند» چؤلونون روماتیک گئجه‌لری
دام اوستونده اولدوزلارا باخماسی و هر گئجه ساعات اون ایکیده
آرزولار قاتارینین جولفا شهریندن آرازین او بیرى طره‌فینه گئتمه‌سی،
ماحمود گیلین آرازین او تایننا کئچمه‌لری و نهایت یولداشلارینین بیر
داها توتولمالاری بارات‌دا آرتیق اؤزونه اینانماغا گوج یارادیب، قلمی
آلینه آلیب و همت ائدیپ، اؤز دورومو و دوشونجه‌لری ایله باغلی بیر
شعریازسین.

مرنددن جولفا یا بیر قطار گئدیر،
مرندن جلفایا بیر قطار گئدیر
اوخلانیب اوره‌ییم، آخار قان گئدیر.
ساروان آهسته سور بو کاروانی
طاقیم قالمایب بیر مارال گئدیر.

آراز شاقیلدا ییب آخیر آرادا
بیچاق کیمی سویوق کسیر هاوادا
یاریم اوتایدادیر، ییلمم هارادا
روحوم پروازلانیر، دولانیر گئدیر.

ساعات اون ايكي دى گئجه ده يارى
هر يئر دومقارانلىق، انصافدير بارى
مرندين چؤلونده ايشلر ده يارى
من بو تايدا قاليم، كاروانيم گئدير.

دام اوستونده ياتيپ سويوق ايچينده
گئجه نين ياريسى قورد- قوش ايچينده
گؤزلىم آرايىر گؤيلر ايچينده
اولدوزوم هاردادير، گلير، يا گئدير؟

آزادلىق آختاران پاك انسانلارى
توسداغا سالديلار باسيب اونلارى
عدالت ايسته ين جوشان قانلارى
سوردولار قانىنى، كاروانيم گئدير.

سولوققانلار سورور قانىمى هر گون
بايقوشلار دا كسير سؤزومو هر گون
دوستلاريم زينداندا دؤيولور هر گون
من هاراي چكىرم، كاروانيم گئدير.

ييز ايسته ديك عدل ائوين آباد ائدك،

تر تۆكنى مالىك دوران ائدك،
قان سورانين تاختينى برباد ائدك
حيله و تزوير و يالان حؤكم ائدير.

بیز دئديك هر كس دئيه بيلسين سؤزون
توپلاشيب حقين، آلا بيلسين اؤزون
جمع قوروب موٲتيق ائتسين اؤزون
جاوانلارين قانلارى يترده گئدير.

«مير كاظميا» بش ايل زيندان وئرديلر
«مهرينى» بير يول قارا بخت ائتديلر
كؤرپه اوشاقلا ظلومات سوردولر
مينلرى بر باد ائله ييب گئدير.

ظولوم واركن انسان اوغلو قالحاجاق
آزادلىق اولماسا، زنجير قيراجاق
ديرناق ايله حق ظاليمدن آلاچاق،
تاريخين صبرى چوخ زمانه گئدير.

اولدوزوم هاردادير، گؤيلر ايچينده
قارائلىق گئجه ده ظلومت ايچينده

قاپار اوزاقلاشیر بوستان ایچینده
سه سین دای دویمورام، خیالیم گندير.

«دنیز» ده سؤزلرین آنا دیلینده
خیالیم دولانیر «سولدوز» ائللینده
کورد، اثرمنی، جوهور، بیر کند ایچینده
سوردو ک شاختا قیشی، زمستان گندير.

بارات بیر تیکه کاغیذا اولان یازیسینی هارادا ساخلایاجاغینی
بیلمیردی. نهایت، مولانا جلالالدین رومی نین بیر شعر کتابینین آراسیندا
قویدو، بلکه زامان-زامان اونا موراجیعت ائدیپ و بو گونلری یادا سالا
بیلسین. بارات اؤز عاطیفی، رومانتيك دوشونجه لر و دویغولارینا دا
زامان آيیراراق، اونلاری بیر داها رشید بهودوون اوخودوغو ماهنیلاردا،
او جومله دن «آیریلیق»، یا دا شجریان نین یثیجه اوخودوغو «باران را چه
شد» ماهنیلاریندا گؤروردو. بو آنلار یثنه ده چوخ داوام ائتمه ییب، بیر
داها کتر چکله اونا هوجوم کتیریردی.

بارات بیر گون باجیسی مارال ایله دانیشاندا بیر بؤیوک «شوک»
خبر آلدی. کوردستان دان تبریزه گلن قوهوملاری تهران دان تبریزه
اوتوبوسلا گلنده ماشینلاری تصادوف ائدیپ، ایکسی ده جانلارینی
آلدن وئرمیشدیلر. اونلارین دؤرد اوشاغی آتا-آناسیز قالیلار کی، آن

بۇيويو اون دۇرد ياشيندا ايدى. بارات بو بۇيوك شو ك خبرى ائشيدندن سونرا قوللارى سوستاليب يانينا دوشدو. آلریندن طبعی اولاراق هنج بیر ایش گلمیردی. او آنلار اونلار مارالین ائلچیلیینه گلنده کوردجه «کات پائیزی بیانی»، یا «پایزین صاباحلاری» ماهنيسین اوخومالاری یادینا دوشوردو. هردن ده اونونلا ائولرینین یاخینلیغیندا قدم آتا - آتا جیدى سیاسی بحث ائتمه لری یادینا دوشوردو.

گونلر کئچدی، نهایت مارالین قاین آتاسی و اوشاقلارین تبریزده اولان کیچیک عمیسی خانه سازی ده اونلارین ائولرینده بیر مراسیم قویدولار. بارات بو مراسیمده اوزونو اوشاقلارا آرتیقراق یاخینلاشدیریپ، یاخین قونشو و تانیش کیمی تانیتدیردی. بارات بئله باشا دوشدو کی، اوشاقلار تبریزده قالا جاقلار، عملیری اونلارا باش ووروب، موغایات اولاجاق. باراتین اوشاقلارلا سلام- علیک و گۇروشو آرتیردی. بیر گون خیاباندا بارات ایکی بۇيوك قارداشا راست گلدی کی، یئنه گوله- گوله تئز- تئز گئدیردیله. بارات اونلاردان خبر آلدی کی، هارا گئدیرسینیز؟ بۇيوك قارداش جاواب وئردی: آتامیز یایدا بیر میقدار یئر آلمانا آلیب - ساخلامیشدیر کی، قیمتله باهالاشاندا ساتسین. ایندی بیز اونلارا موشتیری آختاریریق، چونکی یئر آلمالار قوخوماغا باشلایب.

بارات پاسپورت آلمانا و خاریجه گئتمه یی دوشونمه سینی بیرینجی دفعه مارال گیل ایله آرایا قویدو. مؤحسن، مارالین آری تبریزه

مال آلیب ماغازالارینا آپارماق اوچون چوخ گلیردی. بو گلمه لرده هم او دؤرد قارداشا باش ووروردو، هم ده بارات گیل ایله گؤروشوردو. مؤحسون باراتا دئدی کی، او بیر یول یالنیز گؤروش اوچون ده اولمالیدیر، تورکیه یه گئتمه یی دوشونور. او گئدیب، گلندن سونرا اؤز تجروبه لرین و گؤردو کلرین بارات گیل ایله پایلاشار.

بومبالامالارین خبرلری جیدّیله شیردی. عراقین اوچاقلاری هر گون بیر نجه شهرى بومبالایردی. بارات دا بیلیردی کی، تبریزین ده نوبتی چاتا جاقدیر. بیر طرفدن ده بومبالامالار باشلایاندا ایش ده آزالیر و تعطیل اولوردو. بو، بارات گیلی آرتیق ایقتصادی تضیق آلتیندا قویوب اونلارین حتّی کرا وئرمه لرینی غیر مومکن ائدیردی. سونا خانیم دا دؤرد یاشینا یئتیشمیشدی. آرتیق یان - یؤزره سینده نه لر کئچدیینی آنلایان سونا بو آژیرلر و بومبالامالاردان تکجه جسمی یوخ، روحی خطرلره ده معروض قالا بیلردی. هر دفعه آژیر سه سی گلنده اورادا بوتون یاشایانلار آپارتمانین لاپ آشاعیداکی زیر زمیسینه گئدیردیلر.

بیر عومومی قیر کیمی قارانلیق بیر سیرا یولقلاردان عبارت اولان بو زیرزمی یاواش-یاوش تمیزله نیب، بو زامانلارا حاضیرلاندى. آژیر سه سی گلنده آپارتمانین ساکینلری بیر نجه رادیو آلدّه اورایا تپیلیردیلر. بارات بو باخیمدان سونا روحی ضربه گؤرمه سین دئیّه، آژیر سه سی گلمه سینی و اونلارین یئر آلتینا قاچمالارین بیر «گیزلن پانج» اویونونا بنزه دیب و سانکی بیر اویناماق زامانی کیمی قاچیردیلار کی،

گیزلنه لر. اونلارین اویونلاری او زامان جیدّی اولوردو کی، تبریزده سالیان بومبالارین سه سی گلیردی. بارات گیل بیر دفعه شاهد اولدولار کی، «خانه سازی» محلّه سی ده بومبالاندی. سئوینجدریجی مقامی بو ایدی کی، بو دفعه بومبالار هئچ بیر بینایا دهیمه میشدیر.

نهایت، بو بومبالانمالارین بیرینده «خانه سازی» ده وورولدو. بارات گیل انشیه چیخارکن، گۆردوکلری بیرینجی ایش او دؤرد قارداشلارین ائولرینه گئدیب، بیر یازی بوراخدیلار کی، بونلار ساغدير، اونلاردان نه خبر؟ اونلار بارات گیلین ائولرینه خبر وئره بیلرلر. سونرا قارداشی «رشید» گیلین ائولرینه باش ووروب، خیالی راحت اولدو کی، اونلار دا ساغلامدیرلار. سونرا بارات بومبالانان بینالارا باخماغا گتتدی. گۆردوکلری اونو دهشته سالدی. بارات گۆردو کی، بیر بومبا بینانین یوخاریسیندان توتوب، حتّا زیرزمینه قدر سؤکوب. داغیتیمیشدی. او زامان بارات بومبالارین گوجونو بیلیم و آنلادی کی، اونلار گیزلنه نن یئر، بیر امن یئردن آرتیق بیر بؤیوک عمومی قبرستانا بنزه ییر و شهرین خیابان کنارلاریندا اولان قوم تلیسلیریندن قایریلان یئرلر شهرده جاماعاتین اون میندن بیرین یئرلشدیره بیلمزدی. بارات گیل بومبالانما قاباغیندا دا هئچ بیر امنیتلی یوخ ایدی.

بیر گون «حسن» باراتا خبر وئردی کی، اونلار بیر داها ایشه یاشلایا بیلرلر. اونلارا «میشکین شهر» و «اردبیل» شهرلرینین بیر بؤلوملرینین توپوقرافیا ایشینی وئریبلر. بارات اؤزونو بیر داها ایشه گئتمه یه حاضیرلادی. بو دفعه حسنین بیر آیری ایش یولدشی دا اونلارا قاریشمالی ایدی. او یولداشلاری بیر اورتا مکتبی بیتیرمیش و توپوقرافیادا تجربوبه لی اوغلان ایدی. ایلخچی منطقه سیندن گلیمیشدیر. بارات اونو آزاد فکیرلی، گولش قباق، اجتماعی و مهربان بیر اوغلان گؤردو. سونرا باشا دوشدو کی، او «بهایی» دیر و «بهایی» اولدوغونو گیزلتمه یه چالیشیر. بارات اوچون اونون آزاده اولماسی یئتردی. بیر داها بیرینجی دفعه بیر بهایی ایله یاخیندان اوتوروب دورماقدا بیلمیردی نئجه داورانسین. سونرا اونلار یولداش کیمی بیربیرلرینه یاخینلاشدیلار.

بارات گیل میشکین شهره گئدیپ، اورادا ایشله مکک اوچون اورادا بیر موسافیرخانادا یئر توتوب و اورادا قالمالی ایدیلر. بارات «حسن»ه تام اینانیب، مالی مساله لرده اونون نئجه قرار وئریب و ایش گؤرمه سینه راضی اولوب، وئردییی هر هانسی قرارلا راضی ایدی. نهایت گون او گون اولدو کی، بارات ایله حسن دوربینلری ژیانین دالینا قویوب، میشکین طره فینه یولا دوشدولر. بارات بلکه ایکینجی دفعه اولاراق بو یولو گلیردی، آلبته، بو فرقله کی، بو دفعه مینیک بیر ماشینلا هر یئره باخا-باخا گلیردیلر.

اونلار تبریزدن اهر جاده سینده یولا دوشمه یه باشلادیلار. یولون داغ-داشی، سولاری و یاشیللیقلاری باراتی هیجانا گتیرمیشدیر. هر نه قدر تبریزدن اوزاقلاشیر، او قدر داغلیقلارا یاخینلاشیردیلار. نه قدر داغلیقلارا یاخینلاشاند، او زامان او قدر یاشاماق و حیات طبیعت ایله قاریشیب و چؤلون، داغ-داشین بیر بؤلومو اولوردو. بارات داغلارین اوجالیقلارینداکی کندلرده قادینلارین پالتارلارینی داغ دؤشونون گوللرینه بنزه دیینی و توخونان کیلیملی داغ-داشین رنگینده اولمالارینی آشکار گؤروردو. او، چؤلده کی قوزولاری گؤروب، داغ دؤشونده بال آری پتکلرین گؤروب، اونلارین نه قدر چتینلیکلرله طبیعی یاشامالارینی گؤروردو.

اونلار ناهاردان سونرا ایستی سو و توریستی منطقه اولان «سریشین» منطقه سیندن کئچدیلر. بارات گیل گنج اولدوغو و آخشاما میشکین شهره یئتیشدیکلری اوچون یوللارینا داوام وئردیلر. ساوالان داغینین اتکلریندن کئچیب، هله گون باتمامیش میشکین شهره یئتیردیلر. بارات بیر طرفدن فیکیرله شیردی کی، «میشکین شهره» یئتیشدی، اورادا اونون اونورسیته یولداسی ایسماعیل قاپیدا اونون یولونو گؤزله ییر. رؤیالار تئز پوزولدو و بارات قارانیلق دوشنده اؤزونو بیر موسافیر خانادا گؤردو کی، اونلار بیر-ایکی نفرلیک اوتاقدایلا یوللارین بوراخیب، شام یئمک اوچون انشییه چیخدیلار.

بارات اورادا میسکین یی هاواسی آرتیق سرین و بورکولو
 گوردو. اونا گۆره گنجهنی بیر طرفدن اوشویوردو، او بیر طرفدن ده
 یورغان آلتیندا یاتماق دا چوخ خوش گلیدی. اونلارین یئرلری
 ده ییشمه سینه گۆره بیر آز راحتسیز گۆرونوردولر. میسکین شهرین
 گنجهلری داها قارانیق نظره گلیدی. بارات گیل نهایت گنجهنی
 صوبحه یئتیریب، اؤزلرینی بیر ایش و چالیشما گونونه حاضیرلایردیلار.
 اونلار آل-اوزلرین یویوب، سونرا ساققاللارین قیرخیب، تمیز پالتارلارین
 گئیپ، صوبحانه یئمک اوچون حاضیرلاشمیشدیلار.

بارات حیس ائتدی کی، «حسن» قاباقجادران بو منطقه ایله
 تانیشدیر و بوتون بو شهرلرده گلیب چالیشیب. «حسن» بارات گیل
 موسافیرخاننن قارشیسیندا اولان قهوه خانانی گؤستردی کی، صوبحانه
 اوچون اورایا گتسینلر. اونلار ایچه رییه گیرنده هامیسی بال-خاما ایله تزه
 ییشمیش چۆرک سیفاریش وئردیلر. اونلار بال-خامانی گتیرنده
 گوردولر کی، «ساوالان داغینن آتکلرینن باللاری و قویونلارینن
 خامالارینن نه دادی وار. بارات عؤمرونده اونا تای بال-خاما یئمهمیشدیر.
 بارات قاشیقلاری دا یالماقدان آل چکه یلمیردی. اونلار صوبحانه نین
 اوستوندن نچه استکان چای دا ایچیب، سونرا ایشله مه یه گتیدیلر. بارات
 او بال-خامانی یئندن سونرا تزه ییلدی، دنیا دا دوزگون صوبحانه یئمک
 ده واردیر. بال ایله خامانین دادی طبیعتین عطریله قاریشیب، اینسانین
 دیلندن بدنینه جذب اولوردو.

بارات گیلین ایشلری چتین و آغیر دئییلدی، آما هر ایش کیمی زامان آپاراجاقدی. «مشکین شهر» ده ایشلری بیر هفته سورندن سونرا اونلار هم عائله لرینه باش وورماق، هم ده گؤردوکلری و توپلادیقلاری بیلگیلرین هامیسینی خریطه اوستونده یازماق اوچون تبریزه گلمه لی ایدیلر. یئنه ده مشکین ده باراتین چوخ زامان ایشی کروکی چکیب، اونون اساسیندا دیرکلری ساخلاماق ایدی کی، اونون اوستوندن حسن آرالار و زاویه لری گؤتوروردو. بونا گؤره اونلارین مشکین شهرین بیلگیلرینی اوستونده یازماق اوچون آیری بیر دفترلی وار ایدی. اونلار تخمیناً دؤرد هفته مشکین شهر ایله اردبیل ده ایشلری اولمالی ایدی.

بارات گیل گئجه لری ائولریله قرارلاشاراق، تئلفون باجه لریندن حسن گیلین ائولرینه تئلفون آچیپ دانیشیردیلار. کیچیک سونا خانیم دا هیجانلا تئلفون دالیندا آتاسینا شیرین دیلر تؤکوردو کی، آتاسنین اوره بین شیرینلندیریپ، سونرا داریخمایا سالیردی. آما عومومیتله اونلار بو مساله دن گوج و قوت آلیب آرتیقراق ایشلرینده چالیشماغا حاضیرلاییردیلار. اونلار کوچه دن - کوچه یه، دامدان - داما، بوجاقدان - بوجاغا، نهایت برق دیره ییندن برق دیره یینه بیربه بیر بللی اولونموش منطقه لرین خریطه سی اوچون بیلگیلری او دفتره گؤتوردولر کی، سونرا اونلاری کاغیز اوستونده گتیرمک اوچون تبریزه گتیرسینلر.

بیر گون حسن باراتا خبر وئردی کی، ناظیر موهندیسلر مشکینه گلیب، ایشه نظارت ائتمک ایسته ییرلر. اونلار هامیسی بیرلیکده مشکینه

گنڊيب گلهمليديرلر. بارات دا بو گنڊيب- گلهمليه قاتيلدي. ايداره سيستمينده كي اوغورلوقلار، دسته بازيلقلار و رشوه ايسته مكلردن آرتيق خبري اولان حسن ين اوزو هنج گولموردو و چوخ اؤز ايچينه قاپانميشدير. بارات دا ايداره ده ياخين و محكم تانيشي اولدوغو اوچون اوزونه هنج بير غم وئرميردي. بونلار هله بير خريطه حاضيرلامادان نظارتچي موهنديسلر نه يه باخماخ ايسته ييرلر؟ نهايت بونلار گنڊيب، يالاندان بير نئچه محله ني گزيب بير ياخشي رستوراندا ناهار يئييب، سونرا تبريزه قايتديلار.

يول اوزون و ساعاتلار زامان سوره جكدی. حسن ييليردي كي، نهايت بو نظارتچي موهنديسلر اصلي نيتلريني بونا دئمه ييلر. او گؤزله ييردي كي، اونلار سؤزلرينين جؤهرينين دئسينلر. آخيردا، اهردن بير ياريم ساعات تبريزه گلندن سونرا او موهنديسلرين بيرى دؤنوب و ايشاره ايله موهنديس حسنه دئدى كي: «او بيزيم گؤتوردويوموز خريطه اوچون بيلگي دفتريميزه بير باخا بيلر؟ صاف اوركلي و هر كسه گوه ن «موهنديس حسن» بو ايشده بير چيركينليك حيس ائتمه دي. او دفترى چانتاسيندان چيخايب، اونا تحويل وئردى.

قاباقچادان بئيننده باشقا فيكير و نيتي اولان بو نظارتچي موهنديس دفترى يالاندان تئز- تئز وراقلاياراق، اونلارا دئدى كي: بو دا ايشده شريك اولسون. ايندى كي، بارات ايله حسن بيلگيلري توپلايلار، او دا كاغيذ اوستونه كتيرسين. «موهنديس حسن» دؤنوب

دئدى كى، ھىچ مانى يوخدور. سىز بىزلىرى گۆزلەيىرسىنىز، بىز دە سىزلىرى گۆزلەمەلىيىك. آما اگر بو مسالەيە مثبت باخىلسايدى، نظارتچى موهندىسىن نىتى بورادا قورتاراجاقدى و او دا بو ايشدن بىر سەھم آلدە ائدەجكدى. اونون نىتىنىن داھا چىركىن اولماسى سونرا بللى اولدو.

بارات گىل اۆزلىرىنى بىر طرفدن اردبىل دە قالان يارىمچىلىق ايشلر اوچون حاضىرلايىردىلار. او بىرى طرفدن دە حسن او نظارتچى موهندىسلردن خبر آلىردى كى، خرىطەنى كاغىذ اوستونە كىتىرمەك ايشلىرى قورتاردى، يا يوخ؟ نىچە ھەفتەدن سونرا اونلار گلەن خبرى سانكى بىر سىطىل سويوق سو كىمى بارات و حسننى باشىنا تۆكۈلدو. نظارتچى موهندىس بونلار دئدى كى، اونلار دىن دىنلەرنى ايتىرىپ. «حسن» دۇنوب باراتا دئدى: بونلار اولىندىن ناراحات ايدىلر كى، نەدن بو ايشى بارات گىلە وئىرىلر و اونلار دىن تانىش توپوقرافىيا دىستەلرىنە وئىرمەيىلر؟ بونا گۆرە اونلار اىستەيىرلر بو ايشى اولىندىن اۆزلىرى صىفىردان باشلايىپ گۆرسونلر.

بارات بوتون بو نىچە آيىن اىچىندە يوخسوللوقلا گۆزونو بونا تىكىمىشىدىر كى، ايشلر قورتاراجاق و اونون آلىنە بىر مىقدار پول گلەجك، بلكە بئىلەكە اۆزونو بىر آز تايا بىلەجك. بو شرايطدە بىردن اۆزونو ھىچ جور آچىلمايان بو دولاشىق شرايطىن اىچىندە گۆردو. بارات اومىدىن او ايشدن بو تىزلىيە اوزوب، اۆزونو آيىرى بىر ايش گۆرمەيە حاضىرلامالى ايدى. نە زامان بىر آيىرى ايش تاپىلماق، نە زامان او ايشى

قورتاریب، باراتا پول اولاجاغینی و... بيلمیردی. بو اۆلکهده دوزگون فحله کیمی چۆللرین اورتاسیندا ایشله سن ده، دولت روشوت خورلارینا روشوه وئرمه لیسن. هله اونلارین بیر سیراسی روشویه ده قانع اولمایب، بونلارین ایشلرین و قازانديغی پوللارین هامیسینی ایچه ریه چکمک ایسته ییردیله. آرتیق بو شرایط و وضعيت بارات اوچون سون بیر آغیر ضربه اولاراق، اونون بو اۆلکهده داها قالا بيلمه یه چک قرارینی کسکینلشدیردی. او آرتیق بو قرارا گلیمشدير کی، هئچ کیم آرتیق اونو اۆلکهدن چیخماق قراریندان واز کئچیره بيلمه یه چک.

بارات گیلین هامیسی پاسپورتلارین آلمیشدیله. بارات عایله سینه بو مسالهنی یاواش-یاواش آچیقلاماغا باشلادی. بارات هانسی یولدان، قاقاق، یا قانونی اولاراق بازیرگان یولوندان چیخما یولون دا آغیر-یونگول اندیب و قرار وئرمه لی ایدی. هامیسیندان موهوم بو ایدی کی، باراتین جیبلرینده بیر قوروش دا پول یوخ ایدی. او بیر اۆزگه مملکته نئجه گئدی، اورادا یاشایب سونرا اۆزون اوروپا، یا باشقا اۆلکه لره یئتیره چکدیر؟

پاسپورت آلانندان اۆلکهدن چیخما قراری ایله راضی اولان نیگار بیر طرفدن اۆز عایله سینی قانع ائتمکده چتینلیک چکیردی، او بیر طرفدن ده اۆزو اونلارین سۆزلرینین تاثیر آلتیندا اوره یینه خال دوشوب دولایی یول ایله موخالیفته باشلامیشدی. یایین اورتا آیی،

تېرىزدە ھاۋالار گۈنشىلى و گۈزل اولاركن باراتىن جىبلىرى بوش،
 ايشسىز، يىنى ايش ده اولسايدى، ايشلەمەيە ھىچ اورەي قىزمىردى.
 نىگارىن قارداشى گىل نھايت ائولرىنى تېرىزە گىتىردىلر. اولار
 اربابلىق طرەفەندىن نىچە نىلى كۆرپۈدن كىچىندە بىرىبىرلەرنە توخونموش
 بىر قەدىمكى تانىشلارنى تاپىپ و اولارنىن ائولرىنىن آشاغى طبقەسىندە
 اجارەدە اوتوروردولار. آغا ماھاباد طرەفەندىن كوردلەرىندىن و خانىم
 تېرىزىلى بىر خانىم ايدى. بارات گىل اورا گەندە باشا دوشدولر كى،
 اولارنىن ھەر ايكىسى- آغا و خانىم چوخ شىخىتلى و مدنى بىر آدمالار
 بىزە بىرلەر كى، قاباقكى رىزمە بىر بۇيۇك مقاملار و ارايمىش و ايندى
 ايشلەرىندىن قىراغا قويۇلۇپ و كىشىنىن بازنەستەلىك (تقاعد) پولويلا
 كىچىنىردىلر. اولارنى بىر اوغلانلار دا تركىيە كىچىپ، اورادان
 آوروپا كىچىمك اىستە بىردى. اولار تىلفونلا و گىت-گل ائىدلر
 واسىطەسىلە اونون دورومۇندىن خبر آلىرلار.

چوخ چىكمەدى، بارات باشا دوشدو كى، او آغا شاھ زمانىدا
 ساۋاك اىلە بىر رابىطەسى، ھەر ايدارەدە اولسايدى دا، او ايدارەنىن امنىتى
 بۇلۇمۇندە اولمالىدى. او، آشكار جاسىنا ضدى كومونىست ايدى و
 ايندىكى حۇكومەتى دە احتىاطلا تنقىد ائىدىردى. اونون مەرتەبە، تەمىز،
 غەربلى كىمى و مودەرن داۋرانىشى، ائوينىن وسايلى و دكوراسيونو بو
 اىرتىجاعى حۇكومەتنىن تەبلىغ ائىدىيە دە بىرلەرنىن ضددىنە ايدى. ھەر حالدا
 اولار اۋز ائولرىندە يوخارىدا، نىگار گىلىن قارداشى دا آشاغى طبقەدە

موسٲقیل یاشاییردیلار. کریم گیلین تزه بیر اوغلانلاری اولموشدور کی، هله ایکی -اوچ آیدان چوخ یاشی یوخ ایدی.

کارپردازلیق (تجهیزاتچیلیق) ایشینده چالیشان نیگارین قارداشی یاخشی گلیری وار ایدی. اؤزو ده مهربان و آلی آچیق بیر اوغلان ایدی. بیر طرفدن اونون اوره یینین چوخ صاف اولماسی اونون بیر نئچه دفعه بارات گيله «گلین بیرلیکده بو ائوده یاشایاق کی، منیم خانیمیم و اوشاغیم دا تک قالماسین» دئمه سیندن معلوم ایدی؛ او بیرى طرفدن ده بارات بو قاریشیق وضعیٲین ایچینده اؤزونه بیر- ایکی آی زامان وئرمیشدیر کی، اؤلکه دن چیخیب- گئٲسین. بونا گؤره اؤز ائولرینی تحویل وئریب، اونلار دا گلیب کریم گیلده قالالار.

بیر گون بارات ائوه گلنده گؤردو کی، نیگارین قارداشی گیل و بیر- ایکی نفر عایله سیندن سونرا اونون تبریزده کی قارداشلارینین عایله لری ده اورادا قوناق ایدی لر. او هر قوناقلیقدا اولدوغو کیمی سئوینیب، بیر بوجاقدا اوتوردو. شامدان سونرا اصلی صؤحبتلر باشلاندى کی، باراتی اؤلکه نی ترک ائتمکدن واز کئچیرسینلر. بیربه بیر هر کس اؤز ثوبوتلاری ایله خاریجه چیخماغی غیر مومکن و اونلار اوچون چوخ چٲین گؤروردولر. اونلار بیربه بیر صؤحبتله باشلایب و باراتا موراجیعت ائده رک اوندان ایسته ییردی لر، اؤز عایله سینی باشقا اؤلکه لر دن یوخ آل ایله دیدرگین سالماسین.

باراتین دنیا گۆرموش بۆیوک قارداشی - یوسف خاريجده
 یاشاماغین و اورانین بیر رؤیایى بهشت کیمی خیال ائتمه‌یین دوغرو
 اولمادیغینی و اورادا چتینلیکله ایش تاپمالاری، تبعیضلری و ایدئال بیر
 رویایی بیر خیال کیمی اولمادیغینی اونلارا باشا سالماغا چالیشیردی. او
 بونا گۆره اوندان ایسته‌ییردی کی، بورانین چتینلیکلرینین آیری بیر
 شکیلده خاريجده ده اولدوغونو بیلدیرسین. آنجاق بونلار باراتین
 قولاغینا گیرمیردی. بارات بیر سیرا اورک سۆزلرین دئییه بیلیردی، بیر
 سیراسین دا دئییه بیلمیردی، عمومیتله، اونلاری و او جومله‌دن نیگاری دا
 اونلارین ایچینده قانع ائتمه‌یه چالیشیردی کی، هر نه قدر ده چتینلیکلر
 اولسا دا، آوروپادا یاشاماق، مین مرتبه بورادان یاخشیدیر. او آزا چوخ
 خاريجده اولان یولداشلاریندان خبرلر آلیردی.

بو صؤحتلردن بارات بیر مسالهنی باشا دوشدو کی، خاريجین
 چتینلیکلرینین عایله‌سی اوزه‌رینه باسقینین آزا اولماسینا چالیشسین. بونا
 گۆره ده اؤزو بیر آزا چتینلییی آراشدیرسین و تجروبه ائتسین. او ذهنینده
 بئله دوشونوردو کی، اول او ائشیه چیخا بیلر، سونرا سونا ایله نیگار دا
 گله بیلرلمی؟ بو حاقدان یئنه ده او طرفه گئدیب- گلن مؤحسن گیل ایله
 آرتیق دانیشیب و قرار وئرمه‌لی ایدی. بو دانیشیقلارین ایچینده مؤحسن
 ده دؤنوب اونلارا دئدی: اونلار دا بو قورخونج زینداندان سونرا امنیت
 حیس ائتمه‌ییب، ائشیه چیخماق ایسته‌ییرلر. اونلار تقریباً بیر زاماندا بیر-

بیرلریله بیر آز فاصله ایله خاریجه چیخا بیلرلر. بو دانیشیقلا دها باراتین قرارینی یوزه یوز قطعیلشدیردی.

بو ایشسزلیک ایچینده یئنه ده یوسف بارات اوچون بیر کیچیک ایش تاپدی. تورکیه ده دوکتورا تئری یازماق ایسته یین بیر نفر تبریزده تیکلن شهرجیکلرین حاققیندا بیلگی و سند ایسته ییردی. قباقلکی اوستانداری دا چالیشان موهندیسلردن اولان بو شخص بو زحمت اوچون، البته، پول وئرمه یه حاضر ایدی. بارات اؤز ریاضی، اقتصادی و فنی باجاریقلاریندان ایستیفاده ائدیپ بیره بیر بو شهرکلری دوزلدن و یا نظارتچی موهندیس دفترلرینه باش ووروب، اونلارلا دانیشیب و لازیم اولان سندلری توپلایب، سونرا بیر بؤیوک یازیلی راپوت حاضرلاییب، او موهندیسه گؤنדרمه لی ایدی. بو ایش ده آزیندان ایکی- اوچ آی داغیناق زامان آپاراجاقدی، بو ایشی قورتاردیقدا سونرا باراتا بیر پول اولاجاقدی. بیر دوکتورا اؤیرنجیسی نه قدر باراتا پول وئره بیلر، اونو دا بارات سئره بیلیردی. بو شوربانین دا آتی آز اولاجاقدی، آما ایشسزلیکدن، البته کی، چوخ یاخشی ایدی. بو آغیر دورومدا نیگار تک باشینا چالیشیردی، آما یالنیز اونون گلیریه بارات گیلین باشلارینین دولانماسی چوخ چتین ایدی.

بارات بیر یول اورمیه یه گئدیپ و بیر دفعه لیک ائشیه چیخماق یوللاری حاققیندا قرار وئرمه لی ایدی. بو ایش حاققیندا ائشیتیمشدیر کی، یولداشلارینین بیرى هردن داغلار یولو ایله تورکیه یه قاچاق

گئىدىب - گلير و اۋزويله مال گتيرير، ساتير و باشين دولانديرير. بارات اونو گۆرمه لى ايدى. اونونلا مشورت ائتمك واجب ايدى كى، بارات تركيه ده اۋزونون يثربه يئر اولماسيني عيارلايا بيلسين. بو طرفدن ده مؤحسنون بير دفعه اولاراق توركيه يه گئىدىب و اورايا گئىدىلر آوروپايا گئىتمك اوچون كئچىردىكلرى مرحله لرى اۋىرنمىشىدى. بارات دا گله جك يولونو هامارلاماق اوچون اونلار و آيرى شخصلردن بيلگىليرنى چوخالداراق تكمىللشديريردى.

بارات نهايت بير گون واخت آلدە ائىدىب، اورموييا گليب و كاظم ايله گۆروشدو. توركيه يه گئىدىب، اورادان مال گتيريب و ساتان كاظم ين آراداكي كندلرده تانىشى وار ايدى. اونون خاريجه گئىدن يولداشلارينين هانسى يول ايله گئىتمه سيندن چوخ خبرى وار ايدى. او توركيه ده اولان و اورادان آوروپايا گئىتمك ايسته ين بير سيرا سيغىنانلاردان خبرى وار ايدى. او باراتا كاغيذ اوستونده كروكىنى چكدى كى، هانسى كنددن «سرو» شهرينين اطرافيندا گئىجەنى كيمه قوناق اولاجاق، آخشام نئجه يولا دوشوب و گئىجەنى داغدان نئجه آشيب و صابا حا قدر اۋزون يوكسك اووايا يئتيريب و آدينى دئدىي بير نفر دن خبر آليب و اونون كۆمه يى ايله نئجه «حكارى» و يا «وان» شهريندن آنكارا، يا استانبول اوتوبوسونا مينيب و اۋزون نئجه «بيرلشميش ميلتير سيغىنانلار تشكىلاتى» نين دفترينه يئتيرسين.

بارات بو يولون خطرلرين نظرده توتاراق، همان يئرده قرار وئردى كى، بيرينجى دفعه اولاراق، بازيركان مرزىندن اؤز پاسپورتو ايله گئتسين. اگر موشكولو اولسا، سونرا داغدان كاظيم دئين كيمى آشيب و او بيرى طرفه كئچه بيلر. بير آيرى قرار دا اونلار وئرديلر كى، كاظيم باراتين اونيورسيته كاغىذلارينين بير سىراسىنى، او جملهدن «اونيورسيته كارتى» و باشقا تحصيلات ورقلر كيمى وسايلى اؤزو ايله مرزدن كئچيرتسين كى، اونلارى بارات داها ساغلام آلا بيلسين. بو جور اولاسايدى، باراتى دا بازيركان مرزىنده آختاراندا اونو چوخ سولا توتمازدىلار.

بارات قرارين وئرميشدير و گئديش يولونو دا گونبهگون آيدىنلاشديريردى كى، نئجه گنده بيلر. بو صؤحتلىرى مؤحسن ايله آرايا قويدوغوندا او دئدى كى، توركيهده، آنكارا شهرينده بير سيرا يولداشلارى واردير كى، اونلارى اورادا گؤروب و اونلاردان ايشلرين يئربه يئر اولماسىندان كؤمك ايسته يه بيلر. اگر باراتين اصلى گيزلى اولان كاغىذلارين كاظيم آپارسا، بارات اؤزويله گيزلين هئچ بير شئى آپارماغا لازيم اولمايلاق.

هر بير شئى دانىشيق، قرار وئرمك و عايله لرين ايچينده هامىنين ذهنيه اونلارين ائشيه چيخما خبرين يئرلشديرمك ايشلرى گؤرولموشدو، آما هله اصلى مساله حل اولونماميشدير. او دا بو ايدى كى، باراتين جييينده بئش قوروش پول يوخ ايدى. هامى بارات گيلين

نه زامان چيخا جاغيني گۆزله ييردى. بارات نيگارين عايله سینه دئيمشدير
 كى، او گنديب، تركيه ده يئر تاپيب و ائو توتاندا سونرا نيگار گيله خبر
 وئره جك، اونلار دا گلسنلر. نيگارين عايله سى هله اوركلرى اونلارين
 چيخماسينا راضى اولماديغي اوچون بلكه بارات چيخاندا سونرا دا،
 نيگار گيلين چيخماسينين قاباغيني آلا ييله جكلرينى دوشونوردولر. اونلار
 قيزلارينين خاريجه ده يوخسوللوقلا ديدرگين قالماسينا راضى اولما
 بيلمزديلر. بارات بئله سئيردى كى، اگر اونلار چيخسالار دا، نيگارين
 قارداشى بلكه اونولا گليب و اونلارين وضعيتى گورمك ايسته سين.
 باراتين جيلبرينده بئش قوروش پارا يوخ و او خاريجه چيخماق
 تداروكونده هاميني انتظاردا ساخلايب. بارات نهايت اوچ آي چكيب،
 او دوكتورون راپورتونو حاضيرلايب وئردى. بو بيرى طرفدن،
 «موهنديس حسن» ايله بير- ايكي خيرداجا توپوقرافيا ايشلرين
 گؤره- گوره ميشكين شهر پروژه سينين ايشلرينين يازيلميش دفترينين
 بوتونلويونون ائتمه سى و او پروژه نى يئيدن نظارتچى موهنديسين
 آداملارينين كۆمه يى ايله داوام ائتمه سينين داليسيندا اولاراق اؤز پولونون
 داليسيندا ايدى. بارات بو ايشلردن اؤز پولونو گۆزله ييردى. ايكي آي
 سرگردانليقدان سونرا، نهايت هم دوكتورون پروژه سينين پولون بارات
 آلا بيلدى، هم ده موهنديس حسن» باراتا بير مىقدار پول وئريب دئدى
 كى، هله اونلاردان پولون آلا بيلمه ييب، آما باراتين شرايطين
 دوشونور.

بو پوللار بارات گيله ايمكان وئيردى كى، بوش يئرلرين دولدوراندان سونرا بير آز دا جيليرينده پول قالسين. بارات بوتون كيرا و باشقا خرچلرى وئرنن سونرا باخدى گوردو، خاريجه گتتمك اوچون اونون «يوز اللى دولار» قدر پولو قالير. او اوزونو حاضيرلا يارق، بليطى آلماغا و پاسپورتونا يازيلاجاق «يوز اللى دولار» پول ايله اؤلكه دن تكت باشينا چيخماغا قرار وئردى. او تركيه ده اوز وضعيتىنى بر كيدندن سونرا نيكار گيل گليب، اونلارا قوشولا بيلرديلر.

بو آرادا «عمان درياسى» ياخينليغىندا نئچه ايلدير چالیشان «اسفنديار» دا بارات گيلين گتتمه سينين خبرين ائشيديب و اونو گورمه يه گلميشدير. اسفنديار بارات دان نئچه ياش بؤيوك اولسايدى دا، اونلار بير سيرا درين بحرانلارى بيرليكه كئچيرميشديلر. اسفنديارين احساسلى و عاطيفى بير شخص اولماسىنى چتين ظاهريندن گورمك اولاردى. اونون عمللرى، او جمله دن «عمان دهنيزى» يانيدان دوروب و ماشينى سوره سوره گليب باراتى گورمه سى گؤستيردى كى، نه قدر يولداشلىقلارينا ده ير و قيمت وئيردى. اسفنديار گيل ده گليب تبريزه يئتيشديلر.

بارات اؤلكه دن چيخمادان قاباق، مؤحسنون دن سون مصلحتلىرى آلدى. بو مصلحتلر بهشت ايله جهنم آراسينداكى قيل كورپوسون دن ده نازيك بير ايپين اوستونده دا يانيردى. شوفره دئير سن كى، سن آنكارادا «اولوس ميدانيندا» دوشه جكسن. اولوس ميدانيندا دوشندن سونرا اورادا

آختاریب و «باخچالی» ائولره گئندن مینی بوسلاری تاپاجاقسان. بونو دا بیل کی، اورادا مینی بوسا «دولموش» دئییرلر. دولموشا مینن کیمی یئنه ده شوفتره دئیرسن کی، «سن یوکسک اووا دوراغیندا ائنه جکسن». بو آرادا مؤحسنون چالیشیردی، باراتا نئچه کلمه استانبول تور کجه سی ده اؤیرتسین. ایستگاهها، تور کجه ده «دوراک» دئییرلر، دوشمه یه، «اینمک»، شوفتره «کاپتان»، خاریجی کلمه سینه، «یابانجی»، قارداش کلمه سینه «آبی» دئییرلر. ها بئله اون - اون بئش کلمه وار ایدی کی، بارات تمرین ائله مه لی ایدی. سونرا بیر داها مؤحسنون باراتا مصلحتلرین دالیسینی وئرمه یه باشلادی.

«یوکسک اووا» دوراغیندا ائندن سونرا دؤره یه باخاجاقسان. مینی بوسدان دوشدویون طرفده بیر باققال دوکانی واردیر. اونون قارشیزی یا اوزبه اوزونده بیر آپارتمان واردیر کی، رنگی سارییا چالیر. او آپارتمانین ایچینه گئدیب، لاپ آشاغی طبقه ده نؤمره ایکی قاپینی چالاجاقسان. اوشاقلارین هامیسی اورمیه لی اولان ائوده قالاجاقسان. آدی فریدون اولانی چاغیراجاقسان. سونرا اونا دئیه جکسن کی، سنی مؤحسنون گؤنده ریب. سونرا مؤحسنون دئدی کی، فریدون گیل سنین ایشین یئربه یئر ائدرلر.

باراتین گله جه یی جییینه کی یوز آللی دولار، اولوس دوراغیندا دوشوب، یوکسک اووا دوراغیندا باخچالی ائولر مینی بوسوندان ائنیب و او آپارتمانی تاپا بیلمه سی و فریدون گیل ائوده

اولسالار، او گیزللیک و سیغینانلارین امنیتی داورانیشلارینین ایچینده باراتی بیر کلمه اساسیندا - «مؤحسون گۆنده ریب» ایچه ریه یول وئرمه لرینه باغلی ایدی. بو آرادا بیر یئرده بو باغ کیسلسه ایدی، بارات دیل بیلمز و هئچ بیر کسی تانیمازلیقلا نه باشینا گلّه بیله جه یینی - هامیسنی آرتیق طبیعتّه بوراخمیشدی. او یالنیز بونو بیلیردی کی، هر قیمته اولمالیدیر، ایران دان چیخسین. بارات کاظم ایله دانیشیغیندا، بیرلشمیش ملت لرین سیغینانلار دفترینین آدرسینی ده آلیب، ازبرله میشدی. اسفندیارین واختی آز اولماسینا گۆره ایکی گوندن چوخ تبریزده قالا بیلمه دی. او ساغ اوللاشاندا بارات ین آینه بیر قدر پول قویدو. آلتی آی چالیشیب، مین قاپیا دؤیمکله یوز آللی دولار آرتیرا بیلن بارات ین جیب پاراسی یوز آللی دولارا یاخین اونا اسفندیارین کۆمه یی ایله اوچ یوز دولارا چاتدی. بارات تئز اوچ یوز دولاری اوّز پاسپورتونا یازدیریب، تبریزدن آنکارا- استانبولا گئدن اوتوبوسلاردان تکک باشینا بلیط آلیب و گئتمه یه حاضرلاندی.

بارات بیر داها هامیلا بیر به بیر اؤپوشوب - گۆروشمه یه باشلادی. هامینین بو مساله حاققیندا چوخ دانیشدیقلاری اوچون ذهنی حاضرلیغی وار ایدی. بارات ائشییه چیخاجاق، بونا گۆره آیریلماق اؤپوش-گۆروشو چوخ هیجانلی بیر مساله دئییلدی. خصوصاً ده، بارات ین عایله سی یئرینجه ایستی-سویوغا دوشموشدولر کی، بو مساله دن دولایی هیجانلانماسینلار. بارات نئچه آی اوندان قاباق

سولدوزدا آتاسیلا ساغ اوللاشدیغینی چیخماقدان قاباق سون گؤروش حساب ائدره رک بیر داهاسولدوزا گئتمه دی. اونون تبریزه گلن آناسی اونونلا آیریلماق گؤروشونده دئی کی، «اوغول، منیم اورهیمه قویوبلار کی، بو بیزیم سون گؤروشوموز اولاجاق». بارات آناسینی باغرینا باسیب دئی: «نه دئیرسن آنا، من یثربه یئر اولدوم، سنه ویزا آلاجاغام کی، سن ده بیزیم یانیمیزا گله سن.

قرار بئله اولموشدور کی، بارات، نیگار و سونا ایله بیرلیکده «ماکی» شهرینه گئدیپ، اورادا گئجه نی نیگارین عمی قیزیسی اولان یولداشی گیلده قالالار، صاباح صویح تنزدن بارات تبریزدن گلیب اورادا دایاناجاق اوتوبوسا مینسین و بازیرگان مرزینه ساری یولا دوشسون. تبریزدن یولا دوشنده باراتین ایکی قارداشلاری - رشید ایله یوسف» اورادایدیلار. اوچ قارداش بارات چیخماقدان قاباق سون دفعه گؤروشدولر. اونلار بیر-بیرینی باغرا باساندان سونرا بارات، نیگار و سونا «ماکی» شهرینه ساری یولا دوشدولر.

نیگارین عمی قیزیسی نیگاردان ایکی-اوچ یاش بویوک اولاردی. اونون دا ایکی قیزی وار ایدی کی، سونا ایله دونیادا کئچن اولایلاردان، حتا اؤز عایله لرینده کئچنلردن ده خبرسیز تتر یولداش اولوب، اویناماغا باشلادیلار. نیگارین عمی قیزیسی موعلیم و اونون آری ده ایداره ده چالیشیردی. گئجه اونلار گئج ماکی یا چادیقلاری اوچون اونلار چاتاندا شام حاضر ایدی. اونلار یثیب-ایچندن سونرا بیر-بیرلرین

تانیماقدان سونرا نه ایشلره باخیرلار، گله جک و کئچمیشدن دانیشاراق، بیر زمان گۆردولر، ساعات اون ایکی اولوب و یاخشیدیر کی، بارات گیل یاتسینلار، چونکی بارات تئزدن، تبریزدن گلن اوتوبوسو توتوب، بازیرگان مرزینه ساری گئتمه لیدیر. زامان چوخ سورعتله کئچیردی. بارات هله اؤلکه دن چیخما هیجانینا و اخت تاپمامیشدی.

بارات صوبح تئزدن قالداندا سه سسیز- سمیرسیز اؤزونو حاضیرلایردی کی، چیخسین. «عسگر آغا» دا اویاق ایدی. نیگار قالدیمیشدی، آما سونا یوخو ایچینه جوموشدو. بارات هر بیر شئی ده اَلینی قاباغا سالیب، بارماقلارینی سونانین ساچلاری ایچینه گزدریب، اونون اوزوندن اؤپدو. سونا بیر دریندن نفس چکدی، آما یوخودان اویانمادی، یالنیز اؤزونه بیر تکان وئریب، یاتدیغی جهتی ده ییشدی. بارات اونون اویانماماسی اوچون اونو بوراخدی. او، شهرستاندا ایشه گئتمه لری کیمی، نیگارگیلدن آیریلدی. اونا دئدی کی، ترکیه ده یئرلشدیکدن سونرا اونلارا خبر وئر کی، اونلار دا گل سینلر. «عسگر ایله بارات هاوانین سویوقلوغوندا یولا دوشدولر. عسگر دؤنوب باراتا دئدی کی، «هله اوتوبوسون گلمه سینه بیر ساعاتدان چوخ قالیر. هاوانین سویوغوندا کله پاچا یاخشی یاییشار». باراتی بیر کله پاچا قوناق ائله دی. اونلار ایستی چؤرک، تورش لیمو سویویلا بیر کله پاچا یئیپ، جانلاری قیزدی. اوندان سونرا اونلار اوتوبوس دوراغینا ساری حرکت ائتدیلر. چوخ چکمه دی کی، اوتوبوس تقریباً زامانیندا چاتدی. بارات دا بیر نئچه

آیری موسافیرله بیر چمداندا عبارت اولان یو کونو ماشینا ووروب،
عسگردن آیریلب و بازیرگان مرزینه ساری یوللاندى. بارات تکک باشینا
تانینمایان دونیا سفرینی باشلاپیردی.

اورادان بازیرگانا چوخ اوزاق دئییلدی. بلکه یاریم ساعات ایله
بیر ساعاتین عرضینده اونلار بازیرگان مرزینه یئتیشدیلر. گون پاییزین
آخیر آیینین سویوغوندا اونلارین جانینی قیزدیرماغا باشلاپیردی. اونلار
یئتیشندن سونرا سیرادا اونلارین نوبه سی چاتینجا گۆزله مه لیدرلر کی،
اونلاری آختارسینلار و او بیرى طرفه کئچیرسینلر. هله بو تایدان
قورتولاندان سونرا او بیرى طرفه اونلاری آختاراجاقلار. بارات گیل
دئمشیدیلر کی، اؤز نوبه لرین گۆزله سینلر. اوتوبوس دولو آداملا، هامی
گۆزله ییر. بیر نئچه موسافیر دولانماغا گئدیر. بیر سیرا کندیلردن بئش -
اوش قیران سرمایه ایله جینس آلیب - گتیریب ساتماغا گئدیرلر. بیر سیرا
دا بارات کیمی گئدیر کی، داها بو تئزلیه گلمه سین و سیغینسینلار. هر
کس اؤز نیتینی ایچه ریده ساخلاپ و چادرالاری باشلاریندا و یا جیدی
و سولموش قیافه ایله گۆزلری یولدا دایانیبلار. زامان اوزانیر و هئچ بیر
خبر یوخ. ناهار واختی یاخینلاشیر و هله بارات گیل بیلیمیرلر کی، نه خبر
وار و نه دن اونلارین اوتوبوسلارین آختارماق اوچون سه سله میرلر.
باراتی یاواش - یاواش قورخو فیکری گؤتورور. اولمویا، گلیب اونو
بیردن توتالار. بلکه اونلار موسافیرلرین حاققیندا امنیتی بیلگیلری

ایستہ یلر و اونو گۈزلہ ییردیلر. بو فیکرلرین اورتاسیندا ساعات اون ایککی یاریم اولاردی کی، اونلارا خبر وئردیلر، اونلارین نوبتی یئتیریب.

باراتین جانینی یاواش-یاواش بیر سویوق هیجان آلیردی.

بارات اۋزون ساکیت و یا قانع ائتمک اوچون اۋزا-اۋزونه دئییردی کی، «او کی بیر اوچونجو و یا دۋردونجو سیرالی بیر سیاسی چالیشانلاردان ایدی، اونو گرک چوخ موھوم حساب ائمه یه لر. دولت آداملاری بیرینجی درجه لی تشکیلات آداملارینین دالیسینجا اولوب، اونلاری مرزلرده توتورلار. بارات کی اوچونجو و یا دۋردونجو سیرالی بیر تشکیلات آدامی ایدی، گرک چوخ دیق آلتیندا اولماسین. اونلارین اوتوبوسلاریندا کیلارین هامیسی بیر سالونا گیردیلر. اورادان اونلار بیر طرفدن بیرینجی مرحله اوچون اونلارین وسایلین آختاراجاق مامورلا اوزبه اوز اولدولار. باراتین وسایلینده شوبه یاراداجاق هئچ بیر شیئ یوخ ایدی. باراتین یالئیز بیر کتاب بوتون وسایلینین ایچینده وار ایدی، او دا مولانا جلال الدین رومی نین شعرلری ایدی. مامور اونو وسایلین آختاراق، اوندان نه اوچون چیخماغی خبر آلیردی. بارات دا بیر استاندارد جاواب وئردی کی، بیر نئچه هفته لیک گزمه یه گئدیر.

اورادان قورتارانندان سونرا بارات ایکینجی بؤلومه کئچدی کی، اونون بدنینی آختاریردیلار. بیر کیچیک سؤلون ایچینده بارات اوست پالتارین هر بیرینی چیخارتدی کی، اونون بدنینی بیر جاوان کندلی اوغلان آختارسین. بو اوغلان سانکی سؤلون ایچینده ده حیس ائدیردی

كى، اونا باخىرلار. بونا گۆره تكميل باراتى تفتيش ائندىن سونرا اونا
ايجازە وئردى كى، اوست پالتارين گئيب، اوچونجو بۇلومە گئىسىن.
بارات بو بۇلومە بىر آيرى افسرلە قارشىلاشدى. بوتون بو مامورلار بىر
يارىمچىلىق ساققالى وار ايدى و چوخونون اوز- گۆزلىرى دە تىمىز و
پالتارلارى دا مَرْتَب دئىلدى، چوخ عىبانى بىر شكىلدە ائىشىيە
چىخانلاردان خوشلارى گلמידى.

بارات سون مامورون يانينا يئتتىشدى. مامور تورپاق رنگلى ياشىل
اونيفورمو آينىدە، يارىمچىلىق ساققالى اوزونو بوروموش، پاسپورتون
صفىه لىرىن بىرە بىر ورق وورا- وورا، بارات دان خبر آلىردى «نە اوچون
تركىيە يە گئدىرسن» بارات دا قاباقچادان حاضىرلايدىغى استاندارد
جاوابلار وئىردى. «بىر نىچە هفته اوچون دولانماغا گئدىرم». «اورادا
تانىشىن واردىر؟» بارات جواب وئردى: «يوخ». نهايت، مامور آخر
صفىه دە يازىلمىش اوچ يوز دولارى گۆروب، سونرا باراتا اوغرولا و
باشىنا گلە بىلە جىك باشقا اويونلاردان احتياط ائتمەسىنى توصىيە ائندىن
سونرا اونون پاسپورتونا بىر مۇهور ووردو. بوتون بو شرايطدە هردىن
بوغازى قوروپان، هردىن دە بو لحظه لىر اونا بىر آي كىمى گلن باراتىن
اورەيى ايچەرىدە شىد تله دۇيونمە يە باشلامىشىدىر. مامور اونا نصيحتە
وئرمە يە باشلايداندا و او بىرى طرفدە گۆزلە، دئىندە بارات آرتىق سئزدى
كى، او موشكول اولمادان او بىرى طرفە گئدە جىك.

بیر اوتاقدان او بیرى اوتاغا گۆندەریلن بارات بیر زامان گۆردو،
اونو بیر سالونا گۆندردیلر کی، هامى سورمه‌ای کوت-شالوار گئیىب،
آخ کۆینک و قیرمزی کراوات ایله اورادا چالیشیرلار. اونلارین هامیسی
اوزلرین تمیز قیرخیب و اودوکلون وورموشدولار. بورایا کیمی اۆزونو
مامورلاردان داها شیک و تمیز گۆرن بارات بو سالوندا مامورلاری
اۆزوندن داها شیک و مرتب، تر-تمیز و خوش عطیرلی گۆردو. باراتین
اولکی بۆلوملرده چوخ دیقته آختاریلمیش وسایلینى بو بۆلومده بیر آز
باخاندان سونرا بیر سیرادا او بیریلرین دالیسیندا دوردو. ساعات ناھاردان
سونرا اوچ ایدی، اونلار هله ناھار دا یئمەمیشدیلر.

سیرا وار ایدی و بارات آتدیم-آتدیم قاباغا گتیدی، نہایت سیرا
اونا چاتدی. بورا کیمی ایران بۆلوموندن قورتولوب و تورکیه بۆلومونه
کئچمه‌سینی دوشونن بارات هله خیالی بوتونلوکله راحت دئییلدی کی،
تورکیه‌یه گیرە بیلەجک. او کی ہمیشە بوتونلوکله خوش‌شانس
دئییلدی، بو سون آنلاردا چیخاندان قاباق، مین دنە حادیثە دوشە بیلر. بو
فیکرلر باراتین باشیندان کئچیب، اوزون، بیر کۆک، قیرمیری بویون و
اوزو ترتمیز بیر افسری قاباغیندا گۆردو کی، اۆز-اۆزونه بیر سیرا
سۆزلی دالبادال تکرار ائیدردی. بارات دیقته قولاق آسماغا باشلادی.
بلکە او مامور نئچنجی دفعە اولاراق، دانیشماغا باشلاییب، سۆزلی
تکرار ائیدردی. بارات دیقّت ائندندن سونرا اونون سۆزلی ایچینده
«دیفتری»، «قزیلجا» و بیر-ایکی آیری ناخوشلوغون آدینی ائشیتدی.

بو واخت او بیلدی کی، مامور اوندان هئچ بیر ناخوشلوغو اولوب -
اولمادیغینی خبر آلیر. بارات درحال جاواب وئردی: یوخ. اونون هئچ
بیر ناخوشلوغو یوخدور.

او مامور دا پاسپورتون سون صفحه سینی و اورادا یازیلیمیش اوچ
یوز دولاری گۆرندن سونرا باراتدان خبر آلدی کی، تورکیه ده نه قدر
قالاجاق؟ بارات دا کئچرینه باخاراق دئدی: اوچ هفته تا بیر آی قالاجاق.
مامور دا اوچ یوز دولاری گۆرندن سونرا سانکی راضی
اولموشدور کی، بیر آیدا اونو تورکیه ده خرجه ییب و ایرانا دؤنمه سی
اونلارین مصلحتینه دیر. او، مۆهرو داش کیمی پاسپورتون اوستونه
باساندان سونرا باراتین پاسپورتونو وئردی. بارات سالوندان چیخاندا
گۆردو کی، ساعات دؤرده یاخینلاشیب و او بینادان بیر آچیق حیطة
چیخدی. بارات هله بیلیمردی کی، اونون پاسپورتونا ایران دان چیخیش
و تورکیه یه گیریش مۆهرو باسیلیب و او ایندی رسماً تورکیه نین ایچینده
ایدی. او حیطین یوز متر ایچه ری سینده اونلارین اوتوبوسلاری شیر کیمی
دایانمیشدی. چؤلون اورتاسیندا بیرینجی دفعه اولاراق، تابلولارین
هامیسی آغ قارا یئرینه شاد رنگ لرله یازیلیمش دیلار. اونلارین هامیسی
لاتین الیفباسیندا یازیلیب و بعضاً تابلولاردا باشی آچیق خانیملارین
عکسی گۆرونوردو. ائشیک ده کی ایرانلی خانیملار هامیسی اوتوبوسون
دؤره سینده چادرا و باش اؤرتوکلرین گۆتوروب آزاد دوروب
اوتوبوسون بوتون موسافیرلرینین گلمه سینی گۆزله بیردیلر. بو آز

فاصله ده خانیملارین چوخونون باشلارینین قاباقدان قیزیل رنگلی بویا وورولماسی باش اؤرتوکلرین گۆتورمه لرینه گۆره گۆرونوردو. اونلارین چوخونون دوداقلارینین ماتیکلری گۆزه چارپیردی. بارات هله اینانمیردی کی، او تورکیه یه گیریپ. او هله اؤزونو ترمینال کیمی بیر یئرده حیس ائدیردی کی، اوتوبوسو گۆزله ییر. هله اونون جانی تیره ییر، اوره یی دؤیونور، سویوق جانیندان چیخمامیش و اوشویوردو. بو وضعیتده آغیرلیقلا داشیان چمدانی اوتوبوسون جعبه سینه قویدو. او زامان هله اؤزونو یونگول حیس ائتمه یه باشلایردی.

بارات یاواش-یاواش دؤره یه باخاراق قدم آتماغا باشلادی کی، اورک دؤیونمه سی آزالسین. او دؤره یه، دیوارلار و بینالارا باخاراق گلیب-گئندلرین دانیشیقلا رینا قولاق آسماقلا یاواش-یاواش حیس ائدیردی کی، تابلولارین یازیلاری و رنگلری داها شاد و فرقلی اولان بیر یئره گلیبیر کی، اونلارین دیلرینین کلمه-کلمه سیننی چتینلیکله آنلا ییر. اوتوبوسون دؤره سی شولوغ اولاراق، یاواش-یاواش هامی اوتوبوسا مینمه یه باشلامیشدی. بارات اورادان چیخیپ، قاچماق ایسته ییردی. او هله حیس ائدیردی کی، بوتوؤلوکله دالیسیندا اولان مامورلار و چیننده کی ایللر بویو داشیدیغی آغیر یوک بو بینانین او بیر طرفینده دایانیب. بارات اوتوبوسا ایلک مینن آداملاردان ایدی. ائشیک هاواسینین سویوغو دا باراتین اوشومه سیننی آرتیریردی.

بارات اۋز صندلینده اوتوراراق، اۋنو دالیا یاتیریب، یومشاق
 صندلده یئرینی قیزدیرماغا باشلادی. بارات اۋزونو چوخ یورغون حیس
 ائدیردی. او بیر آن حیس ائله دی کی، صندلین اوستونده سانکی
 بولودلارا دایانیب. اۋنون فیکری هاوانین یاواش-یاواش قارانیقلاماسیندا
 بیر رۋیا ایچینده اوینایاراق خیال دونیاسیندا دولانیردی. بوتون ائشیکده
 هر نه وار ایدی، اوستونو آخشامین قارا پرده سی اۋرتوردو. داها
 دالیداکي بینانی دا قارانیق بوروموشدو. اوتوبوسون ایچینده کی
 قیرمیزی، ساری و باشقا رنگلی چیراقلار، خانیملارین گۈزل پالتارلاری
 و کیشیلرین اوزلرینین گولمه لری، شوفرین بیر گۈزل استانبولی تورکو
 ماهنی «سزهن آکسو» سه سیله سسلندیرمه سی گترچک عالمدن داها
 چوخ بیر سینما پرده سینه بنزه ییردی. آما هله بیر داش داشیماق ایشیدن
 گلیب و چیینلرینده بیر داغ کیمی یوک گۈتورولوب کیمی حیسن ائدن
 بارات حددن آرتیق یورغون ایدی و ایندیجه ائشیکده کی سویوقدان
 قورتولوب، اوتوبوسون ایچینده کی رۋیایی آتموسفئیرینده یوخویا
 گئتمک ایسته ییردی. بارات بوتون قارانیقلاری گئجه نین پرده سیله
 ائشیکده بوراخیب، اوتوبوسون ایچینده کی سینما پرده سینه باخابا
 یوخویا گئدیردی. اوتوبوس تزه یولا دوشموشدو. بارات دا یوخویلا
 خیال آراسیندا یاواش-یاواش یوخویا گئدیپ، اۋزونو بو سینما پرده سینه
 تاپشیردی کی، اوتوبوسون ایچینده تازا گۈستريلمه یه باشلانمیشدی.

بارات بولودلارین ایچینده یاتمیشدی و یانیقلى ماهنین سه سی اونا لایلا
دئیردی.

۱۱ آوریل ۲۰۱۰